

**HIATUS IACOBI
CASSANI
OBSTRUCTUS.
VBI IMMENSA
ILLIUS TOTAM...**

Frans : van den Zype





13-3.2-36

XIV. 10. 1. 15.

H I A T V S I A C O B I C A S S A N I O B S T R U C T V S.

Vbi immensa illius totam Europam scriptione
 deuorantis ambitio nullo Iure niti demon-
 stratur: ditiones Belgicæ Iuri Regis Catholi-
 ci asseruntur: fœderum regionum vis atque
 virtus comprobatur: hodierni denique belli
 Hispano- Gallo- Belgici iustitia ostenditur.
 Quibus illapso est disceptatio de pace Pra-
 gensi cto loc xxxv. aduersus Deploratio-
 nem Iusti Asterij: accessitque caput Posthu-
 mum super Vindicijs Gallicis.

A V C T O R E

FRANCISCO ZYPÆO Icto Protonot. Apost. Canonico;
 Officiali, & Archidiacono Antuerp.

*Nabuchodonozor habuit mysterium consilij sui , et
 omnem terram suo subiugaret Imperio. Iudith c.*

A N T V E R P I Æ

Apud Hieronymum Verdussium

ANNO. M. DC. XXXIX.



EMINENTISSIMO DOMINO

D. MARTIO

S. ANGELI

IN FORO PISCIVM DIACONO CARD. GINETTI, AD IMPERATOREM, ET VTRVM-QUE REGEM S. S. LEGATO A LATERE.



EMINENTISSIMÆ Domine, Ritu prisco Hebræis diuinitus præscripto hostiæ pacificorum non ab ipsis offerentibus altari imponebantur, sed à sacerdote. Apud Te ergo Sacerdotem, atque eminentissimum summi Sacerdotis Legatum munus hoc meum sisto: dicatum consecratumque Deo, cuius est terra, Domino exercituum, Deo pacis: suscipiendum à Te, altarique illius imponendum. De terræ Imperijs litigatur, exercitusque configunt; Pacis tamen

*

men

men studio bellum gerunt, qui recta intentione gerunt. Non pax quæritur, inquit D. Augustinus c. noli, 23. q. 1. ut bellum geratur, sed bellum geritur, ut Pax acquiratur. Eundem in finem indictus fuit Agrippinam conuentus, ut omissis bellis Paci litaretur, eique sacrificio Eminentia Tua præffet. Libro hoc meo bellaui & ego: sed tamen ita, ut semper propositum mihi fuerit, ut illucescente belli Iustitia obsequium Paci præstarem. mihi que illud contingeret, quod & D. Augustinus ubi supra monet; esto bellando pacificus, ut eos quos expugnas, ad pacis utilitatem vincendo perducas. ut dum conor belli æquitatem, quæ nimis hostiliter obscuratur, in lucem producere, Hiatus Cassanicos obstruere, immensum belli-creparum ambitum remorari; Pacem habeat voluntas; bellum necessitas. quæ & me in hoc bellum compulit, ferre non valentem non iniquè tantum agi; sed iniquitatem defendi. Votum hoc sanè semper
meum

meum fuit, quod iterum addit D. Augustinus, vt liberet Deus à necessitate, & conseruet in pace. Hostiam ergo, vt illa ob hostem factum sacrificium dicitur, ita meam vtinam Deus Pacificam esse largiatur! sub eo igitur illam voto apud Dei Pacis sacrificum, supremoque illius Sacerdoti hîc subrogatum venerabundus iterum fisto: precatus vt super altare eam dignetur adolere, Numenque Orbi Europæo propitium exorare. Antuerpiæ 13. Nouemb. 1638.

EMINENTIÆ TVÆ

observantissimus

Franc. vanden Zijpe.

DOMINO

CVIVS EST TERRA, ET PLENITVDO EIUS, IN CVIVS MANV SYNT OMNES FINES TER- RAE,	<i>Psal. 49. 23. Psal. 94.</i>
QVI DIVISIT GENTES, ET SEPARAVIT FI- LIOS ADAM,	<i>Deut. 32.</i>
QVI CONSTITVIT TERMINOS POPVLO- RVM,	<i>Cant. Moys,</i>
IN CVIVS MANV SYNT OMNIVM POTES- TATES,	<i>Missal. in Pa- rasce.</i>
ET OMNIVM IVRA REGNORVM,	
QVI TRANSFERT REGNA , ATQVE CONSTITVIT,	<i>Dan. 2.</i>
QVI PRAESCINDET FINES REGNORVM:	<i>Iob 12.</i>

DOMINO EXERCITVVM *Isa. 1.*

CVIVS EST BELLVM CONTRA AMALEC,	<i>Exod. 17.</i>
QVI SVOS PRAECINGIT VIRTUTE AD BELLVM,	<i>Psal. 17.</i>
CVIVS EST POTENTIA, ET GLORIA, AT- QVE VICTORIA,	<i>2. Par. 29.</i>
QVI, PROVT ILLI PLACET , DAT DIGNIS VICTORIAM:	<i>2. Mach. 15.</i>

DEO PACIS *Rom. 15. 16.*

QVI GLADIVM ET BELLVM CONTERIT,	<i>Osea 2.</i>
QVI, QVAE PROCEDVNT DE LABIIS SVIS, NON FACIT IRRITA:	<i>Psal. 88.</i>
LIBRVM HVNC SVVM. DICAT, CONSECRATQVE	

Franciscus Zypæus.

INDEX TITVLORVM LIBER I.

CAPVT I.

Quid dignum tanto feret his promissor hiatus? p. 1.

CAPVT II.

Quod propius Cassano propositum? 4.

CAPVT III.

Regnorum Europaorum delatio Romanis, an quibus legibus obnoxia? 6.

CAPVT IV.

Antinomia Cassani. 12.

§. De bello quaesitis. 13.

§. Successione. 16.

§. Testamento. 18.

§. In dotem datione. 21.

§. Adoptione. 22.

§. Donatione. 24.

§. Emptione. 24.

§. Cessione. 26.

§. Transactione, pace, fœdere. 28.

§. Prescriptione. 30.

§. Alienatione. 31.

§. Inuestitura. 32.

§. Miscellanea. 37.

* 4

CA.

INDEX CAPITVM.

CAPVT V.

Applicatio dictorum, propositio dicendorum. 40.

CAPVT VI.

De lege, & terra Salica. 42.

CAPVT VII.

An omnia Caroli Magni iura Regibus Francia competant? 49.

CAPVT VIII.

De vnione. 52.

CAPVT IX.

An Imperio à Francis translato, reges Francia Carolo Magno quàm Imperatori videri successisse, eòue nomine aliquid ad eos spectare possit? 56.

CAPVT X.

An vnio ditionum fiat ipso iure, an facto opus sit? 60.

CAPVT XI.

An facta sit vnquam vnio Prouinciarum, quas omnino multis capitibus, tamquam totidem actionibus, vindicare vult Cassanus? 64.

CAPVT XII.

An reges plures prouincias vnire possint inuitas, populoque refragante? 66.

CAPVT XIII.

Quæ sint iustæ causæ contradicendi vnioni? 71.

CAPVT XIV.

Quæ ex dictis consequentia? 75.

CA.

INDEX CAPITVM.

CAPVT XV.

An æterna sint regales actiones, regnorumque vindicationes? an nullo temporis lapsu, nulla præscriptione tollantur? an iniqui omnes illorum, quæ non secundum leges sunt olim parta, possessores? 76.

CAPVT XVI.

De Belgica seu Inferioris germaniæ prouincijs. 85.

§. Brabantia. 86.

§. Limburgo. 94.

§. Luxemburgo. 95.

§. Geldria. 98.

§. Flandria. 101.

§. Artesia. 119.

§. Insulis, Duaco, Orchiaco. 121.

§. Hannonia. 124.

§. Hollandia, Zelandiaque. 127.

§. Namurco. 129.

§. Zutphania. 130.

§. Marchionatu sacri Imperij. 131.

§. Mechlinia. 135.

§. Frisia. 141.

§. Ultraiecto. 143.

§. Trans-Issalania. 146.

§. Groeninga. 147.

§. Cameraco. 148.

§. Burgundiæ Comitatu. 149.

§. Burgundiæ Ducatu. 151.

*-5 LI-

INDEX CAPITVM.

LIBER SECVNDVS.

CAPVT I.

DE *fœderum obseruantia.* 162.

CAPVT II.

An aliqua excellentia, merita, & tituli Regum Francicorum huiusmodi Pontificio mandato, fœderibusue ob stare possint? 167.

CAPVT III.

De pacto pacis. 170.

CAPVT IV.

De pace, qua partem regni hosti tribuit. 172.

CAPVT V.

An ob stent regni leges fundamentales? 173.

CAPVT VI.

An leges communes id vident? 175.

CAPVT VII.

An iuramentum de non alienando Regibus iuste necessitatis causa coactis refragetur? 183.

CAPVT VIII.

An vis, metus, carcer possit fœdera irritare? 186.

CAPVT IX.

Eiusdem argumenti, & an fœdera ab ipsis paciscentibus saltem Regibus seruanda non sint? 187.

INDEX CAPITVM.

C A P V T X.

*An pactis conuentis Franciscus I. fide promissorum
liberatus fuerit soluta pecunia?* 190.

C A P V T XI.

*An possit aliqua belli iniustitia obiici fœderibus Hi-
spano-Franco-Belgicis ? quo minus, etiam bella
capta illorum fierent, si tituli alij iusti abes-
sent?* 192.

C A P V T XII.

An fœdera ad successores transeant. 205.

C A P V T XIII.

An obligari successor possit inuitus? 204.

C A P V T XIV.

*An consuetudine vsuque vetere., seu hodierno gen-
tium iure, pacis fœderibus rectè reges regna
minuant.* 208.

C A P V T XV.

*An consuetudine regni Francia Reges per pacis fœ-
dera, vbi reip. expedit, regni limites possint im-
minuere.* 210.

INDEX CAPITVLM.

LIBER TERTIVS.

CAPVT I.

Argumentum huius libri, specialis Belgici. 215.

CAPVT II.

De violatione pacis, adeoque iuris gentium. 222.

CAPVT III.

De favore hæreticis impenso. 231.

CAPVT IV.

De perturbatione Ecclesiæ. 239.

CAPVT V.

De perturbatione quietis Belgicæ, publicæque. 243.

CAPVT VI.

De causis Imperatorio nomine per Serenissimum Ferdinandum Cardinalem Infantem explicitis. 248.

CAPVT VII.

An Hispani, Austriaciue omnia sub suam Monarchiam redigere intendant: eiusque rei suspicio iusta belli fit causa? 254.

CAPVT VIII.

Appendix eiusdem argumenti, & de bello Sabaudico & Mantuano. 262.

CAPVT IX.

Eiusdem argumenti, & de Valle Tellina. 264.

CAPVT X.

Eiusdem argumenti, & de Principibus Italis, & Germanis. 266.

CA.

INDEX CAPITVM.

C A P V T XI.

*De Imperio Romano-Germanico in Domo Austriacæ
aternando.* 267.

C A P V T XII.

*De domesticis Aurelianensibus, Anglicis, Lotharing.
dissidijs.* 270.

C A P V T XIII.

Treniri an ritè sint intercepti? 272.

C A P V T XIV.

*Vtrum Electoribus aliisque Principibus Germanis lici-
tum sit fœdera contrahere?* 273.

C A P V T XV.

An Elector sit Soueranus? 279.

C A P V T XVI.

*An Dominus superior ius habeat vrbibus in feudum
datis præsidium immittendi.* 284.

C A P V T XVII.

An Elector indignè habitus? 285.

C A P V T XVIII.

*An esto dedere se recipi etiam Elector à Franciæ
Regem protectionem potuerit.* 287.

C A P V T XIX.

*An ritè potuerit interim fecialis mitti, & missus quæ
fuerit.* 288.

C A

INDEX CAPITVM.

CAPVT XX.

An Hispani eodem tempore persuadeant Catholicis, quod summum eorum desiderium sit eis fauere, & malè velle hereticis, his offerant pacem fauorabilibus conditionibus, vt deinde arma in illos vertant, ac demum vtrosque supprimant?

293

CAPVT XXI.

De assensu in pacem, sed generalem cum omnibus fœderatis.

298

CAPVT XXII.

Pax Pragensis xxx. Maij clō Ioc xxxv. vt à calumnijs vindicanda sit, & vt manu-ducatur ad pacem vniuersalem.

301.

CAPVT XXIII.

De manduci famis canina remedijs medico-politicis.

326

CAPVT POSTHYMVVM.

Super Vindicij Gallicis,

340

CAPVT XXIV.

Manduci corru-copia Imperium Constantinopolitanum.

332

AP.

APPROBATIO.

TRactatum admodum Reuerendi
& Clarissimi D. Francisci Zijpæ
Archidiaconi & Officialis Antuer-
piensis, in quo Iacobi Cassani nimius,
& inordinatus erga Regem suum af-
fectus detegitur; & argumenta, qui-
bus nititur, solide refutantur; pro
veritate stabilienda opportunè typis
euulgandum censeo.

*P. Coens S.T. Licent. Canon. & Lib
Censor Antwerp.*

SVMMA PRIVILEGII

PHILIPPI IV. REGIS.

PHILIPPVS Dei gratia Hispaniarum, &c. Rex Catholicus, Belgarum Princeps facultatem fecit Hieronymo Verdussio Typographo imprimendi librum cui titulus, *Hiatus Iacobi Cassani obstructus*, auctore Francisco Zijpæo IC. Prothonot. Apost. Canonico, Officiali, & Archidiacono Antuerpiensi, sanxitque ne quis illum, citra eiusdem Verdussij voluntatem, in Belgio imprimat, aut alibi impressum eo inferat, venalemque exponat, intra proximum nouennium: qui secus faxit, confiscatione librorum, ac alias multabitur, vt in litteris datis Bruxellis in Concilio secreto ix. Iulij 1638. & signatis de Gottignies, in Concilio autem Brabantie 19, Augusti 1638. & signatis

I. COOLS.

H I A T V S
IACOBI CASSANI
O B S T R V C T V S.

C A P V T I.

Quid dignum tanto feret hic promissor Hiato ?

MANDUCI à veteribus dicebantur famelici, quibus, vt qui fame canina laborant, nihil vniquam satis est quod deuorent, crudum excoctumue sit, non tam inspiciunt, quam vt abunde sit quod edant, nec vlla eos capit saturitas, nulli sunt gulæ termini. Metaphorica autem significatione manducum vocabant eum, qui malas immane expandebat, dentibusque collisis crepitabat, terrendis infantibus: vnde apud Plautum in Rudentibus ita Charmides parasitus; *quid si in aliquo ad ludos pro manduco me locem? quapropter? quia vel clarè crepito dentibus:* enatarat enim parasitus è naufragio, totusque horrebat præ frigore, vnde paulo post dicit se omnia corusca loqui. Festus Pompeius tradit in pompis olim, inter cæteras ridiculas ac formidolosas imagines, ire solere effigiem, magnis malis, latè dehiscente rictu, & ingentem dentibus sonitum facientem, eam manducem appellabant. de cuiusmodi effigie Martialis;

Sum figuli lusus, rursi persona Batani;

Quæ tu derides, hac timet ora puer:

& Iuuenalis;

--- *Tandemque redit ad pulpita notum*

Exodium, cum persone pallentis hiatum

In gremio matris formidat rusticus infans.

Personatis igitur hisce simulacris metus pueris incutiebatur,

A

tur, vltra inſuetum humanumque modum quid ſpectantibus, quaſi a tam immani ore abſorbendis. quin & viros cuiuſmodi phantaſinata præſertim è longinquo aſpecta turbant. eoque conſilio veteres deorum ſimulacra vltra humanum modum deſcripſerunt: vnde illud Satyrici;

— tua ſacra, & maior imago.

Humana, turbat pauidum, cogitque fateri.

Inde & Liuius lib. 5. Galli, inquit, venerabundi intuebantur in adijum vestibulis ſedentes viros, præter ornatum habitumque humano auguſtiorẽ, maiestate etiam, quam vultus grauitasque oris præſeferebat, ſimillimos diis. quin & ſpectra habitum vocemque humana maiorem allumere allueuerant: vnde Plinius offertur ei, inquit, mulieris figura humana grandior. & Liuius d. lib. 5. in noua via vocem noctis ſilentio audiuiſſe clariorem humana: & Virgilius;

Neque vox hominem ſonat: ò dea certè.

Nuper incidi in Iacobi Caſſani conſiliarij & aduocati Regij librum, quem inſcripſit: *La recherche des droiçts du Roy & de la Couronne de France, ſur les Royaumes, Duchez, Comtez, villes & pais occupez par les Princes eſtrangers appartenans aux Roys tref-chreſtiens par conqueſtes, ſucceſſions, achapts, donations, & autres tiltres legitimes, enſemble de leur droiçts ſur l'Empire.* Frontiſpiciũ etiam erat humano throno auguſtius, figura ſub ingenti conopæo oſtentabatur, quaſi Ludouici XIII. Regis Chriſtianiffimi, bina ſceptra binis manibus portendens, hinc Francica lilia, iude Romanas aquilas, aliorumque plurium vnde quaque regnorũ inſignia complectens: ſtetit ad ſimulacrũ, vt Galli illi, mitabundus: terruit me ingens operis hiatuſ, vt infantem illum ruſticũ: occurrebat & illud immenſum regni ſançti, *Pſal. 71. Dominabitur à mari uſque ad mare, & à flumine uſque ad terminos orbis terrarum: & illud vaſtum profani Nabuchodonozoris; Habuit, inquit, c. 2. Iudith myſterium conſilij ſui, dixitque cogitationem ſuam in eo eſſe, vt omnem terram ſuo ſubiugaret Imperio.*

perio. Cum nonnihil ad me redij, remouere cepi lacinias conopæi, subducere lintea, reuelare manducum: ergo opus ipsum introspexi: vidi simulacia modis pallentia miris; spectra, personas, umbras; fumos vendi; deprehendi artem Cassiani esse compositam ad terriculamenta puerorum, ignarorumque hominum, vt à speciosa figura titularum, qui rebus ipsis maiores ampullatis verborum lenocinijs, & plaufibili crepitu proponuntur, mente moueantur, ac rationis deliquium patiantur: vt debilibus ingenijs illudatur, vt grandis imago pavidos turbet, cogatque fateri id, quod cum nihil habet rei, præter non imperiti figuli lusum; siue chimericas Cassiani fabricas dicam, an fabulas? habet tamen hoc vitij, quod verus manducus, qui fame quasi canina perpetuo laborat: quippe cui ita famelico in hac coquina totius Europæ phantasma, immanis abdominis esca, a paratur, quem adeo rectè scripserimus manducum Europæum, siquidem Africanum Scipionem agnominatum ab ea prouincia debellata, aliosque ab alijs non victoria pares dicit Lilius *l. 3. d. 10. sub fin.* ita ergo hunc manducum ab immani oris hiatu, quo totam Europam spe scriptionis ambiciosissime deuorarit, dixerimus Europæum, titulo tamen suauiori, ne indignetur, Hiatus illius obstruere est visum. Sic vocauit Nabuchodonozor Rex Holofernem principem militiæ suæ, & dixit ei: *Egredere aduersus omne regnum Occidentis: d. cap. 2.* quæ autem ad tam Cyclopæum cibum condimenta accersuntur, nihil verorum aromatum, aliarumve specierum habent, nullamque vim condiendi, præter papauera; quibus somnolenri spectatorum oculi reddantur, vt conuiuentes verum non videant; sed huiusmodi artibus ac præstigijs obæcentur. Visum ergo & alijs huiusmodi cortinas nonnihil recludere, & phantasmata perlustrare.

CAPVT II.

Quod propius Cassano propositum?

Familiares est politicis ut rebus etiam iniquissimis florida nomina, & speciosos titulos prætexant, ut in priuatis etiam negocijs *colorem quari*, ac *fraudem fieri* ait Iulianus. l. 7. *D. ad Maced.* adeo ut nec etiam in bello Catalinario nomen legitimum prætendi omissum fuerit, *apud Salustium*: sic & res Othonis multum firinabat quod ab illo stabat Senatus: *numquam* inquit Tacitus l. 18. *obscura nomina*, etsi aliquando obumbrentur; ideoque & longinquas ei provincias adhæsisse; quia, inquit l. 17. *grande momentum in nomine Urbis, & prætextu Senatus*, sic & aurore nostrorum memoria plerorumque in Gallia procerum, maiorisque populi bellum, aduersus Regem, *Bonum publicum* vocatum fuit. & maxime quidem ea usurpari solent ab ijs, qui res nouas meditantur. quare & Flauianus trahitur studiosè ad partes Vespasiani, *ut consulare nomen*, inquit Tac. l. 19. *surgentibus tum maxime partibus honesta specie prætenderetur*. Sic emendicata aut extorta est seu ab Augusto, seu à Vespasiano lex regia, qua *populus ei, & in eum omne Imperium suum & potestatem concessit*: ita Sylla legionibus in urbem admissis dictatorem se in annos Lij. lege Valeria creari iussit: ita Augustus admoto hostiliter ad Urbem exercitu consularum inuasit: missis tamen ad Senatum qui sibi nomine exercitus illum deposcerent, Cornelio etiam centurione, legationis Principe, qui cunctante Senatu reiecto sagulo, ostensoque gladii capulo, in Curia dicere auderet, *hic faciet, si vos non feceritis*. nec absimiliter pridem Cosmus Medicæus, post Alexandri cædem, Senatum Florentinum coëgit, ut illum perpetuum Ducem crearet. Et quamquam Marcus Tullius legem Valeriam negat fuisse legem, ac omnium legum iniquissimam, dissimillimamque legis;

legis; tamen talem dum prædicant assentatores, anxius distinetur populus, nouatores per fraudē irrepunt, aut per vim irrumpunt. nec vero vllum vñquam adeo iniustum bellum est gestum, quin aliqui iuris prætextus præferrentur. Gallorum etiam Dux Brennus, cum veteres possessores pelleret nulla iniuria laceffitus, naturæ ius prætendit esse, minores vt crederent maioribus. Tāberlanus, vt Attila, se missum à Deo impiorum flagellum, Solimannus denique Turcarum Imperator iustam sibi repetendæ Romæ causam superesse dicere solitus refertur, quod Constantinus prodiga donatione inualidè eam alienasset ab Imperio, in quod ipse successisset. Artabanus apud Tacitum l. 6. *Ann.* reposcebat veteres Persarum à Vonone & Macedonum terminos: seque inuasurum possessa Cyro, & post Alexandro per vaniloquentiam, inquit, & minas iaciebat. Ad eum ergo morem Iacobus Cassanus Regalis throni frontispicium, titulum, inscriptionemque libri nuper in vulgus dedit, *Inquisitionem*, inquam, *iurium regionum & corona Francia ad regna dominatusque à Principibus exteris usurpatos competentium Regibus Christianissimis per titulos legitimos, etiam ad Imperium.* Colorem sanè quæsiuit Cassanus, paulo minus longè quam Solimannus, in plerisque titulis, quos speciosè legitimos vocat: nec alio, quantum colligo, sanè proposito, ex tam abstrusis recessibus umbras iuris extraxisse videtur, quam vt præludat votis earum Intelligentiarum, quæ cælum Gallicum nunc mouent, quibus animus est totam Europam turbare, quæ priuilegium libro regum, & præmium, vt rumor dicit, amplum scriptori curarunt, Cyneam futurum rati, à cuius lingua Pyrrhus plures quam à lancea suæ vrbes sibi quæsitæ gloriari solebat: &, vt occasionem quærit qui discedere vult ab amico, ita ne iniuria fecisse diuortium videantur, ne per nefas aliena Imperia, regna, ditionesque inuadere; scrinia situ obsita referantur, antiquæ membranæ, obsoleti apices, exesti characteres allegantur, quos nec legerint qui prima literarum elementa

finxerunt: hæreditates, familiæ eriscundæ sistuntur, quæ ad Carolum Magnum, Pharamundum, Brennum, Francconem, Iapethum, Noënum vsque pertingant. Ex his aranearum telis Iura Coronæ Frâcicæ speciosissimæ concinnantur à Cassano : ab his olim visa oppida, lustratæ prouinciæ repetuntur, quid ni etiam mille auri pondo inter quæ appendenda Galli sunt cæsi à Camillo ? & tamen in Dedicatoria Cassanus ac totopassim opere quasi struētis solidè basibus classicum sonat, vt de Behemoth *Iob c. 41. halitus eius prunas ardere facit, & flamma de ore eius egreditur* : Regi suo ad vindicanda aliena scepra animos contendit attollere, populo aures oculosque inficere, colorem prætexere, iuris speciem fraudi imponere, vulgus ignarum ymbris fallere, ac decipulis irretire.

C A P V T III.

Regnorum Europaorum delatio Romanis antiquibus legibus obnoxia :

REgna orbis Europæi pleraque sunt orta sub occasum Imperij Romani, cum barbararum gentium, præsertim septentrionalium, exundationes illud, vt mare continentem perruptis vndique littoribus, inuasērunt. quippe finibus suis egressæ, vt apum examina, dum sua illas aluearia non amplius capiunt, nouas quæque sedes quæsituræ, ferro alienas terras sibi aperuerunt, expeditionumque Duces, quorum successores plerique regio nomine exinde donati, qui virtute præcellerent, fortiori dextra præstarent, sibi sumpserunt: nullo alio iure, quam quod barbaries domestica forte docuerat, aut in armis consisteret, constituto ; nullis legibus, quibus res priuatæ publicæue dirigerentur, præscriptis. Soli indignantur Franci si quis illos neget principio ferum leges habuisse: Salicas tabulas commentantur, nescio quibus dictatoribus scriptas, Salicam terrā buccinant, Saliorumque gentem

rem, verum vt Israelitæ post rubri maris transitum & ingrata murmura per annos quadraginta in deserto infelicitè errarunt, terram promissionis vestigantes; ita Franci per decem & amplius nunc sæcula terram Salicam quaerunt, nec nisi tenebras & vocabulorum coniecturas assequuntur, vt ex scriptoribus illorum doctiores ipsi tradunt; *Pasquier recherches l. i. c. 6. qua de re infra latius.*

Igitur hæ gentes, quocumque eas fortuna detulisset, prout lubitum erat, aut temporum opportunitas suadebat, res suas moderabantur: mortuis cæsisue forte regibus alios sufficiebant, selectione plerumque initio fortiorum virorum, vt fere omnes septentrionales domi assueuerant, morituri Ducis designatione, fere ex regia stirpe, si officio pares erant; aut aliorum adoptione, si deerant; filiarum collocatione cum ijs quos virtus bellica maximè commendaret; qui propenso omnium animo possent succedere: denique sedibus constantius fixis, rebusque magis constitutis, alia alijs magis placita fuerunt: aut vsu sunt introducta, generatim quidem regna condita non ad leges Romanas, sed ad gentium iura referuntur: *L. 5. D. de Inst. & Iur.* quanto magis quæ in excidio Imperij iurisque Romani nata sunt: apud plerasque primis sane temporibus non nisi mares electi, vel ex successionè admissi sunt: pacatis rebus pleraque regna, dominatusque ad liberos vtriusque sexus transierunt: nonnullibi interdum resumptæ electiones, admissæ, exclusæue famæ, si temporum ratio fortes Duces postularer, muliebribus nanijs contenta non esset, nonnullibi ambitio valuit, & callidi gratiosue regna obtinuerunt, exclusis proximioribus, forte infantibus aut imbellibus feminis, etiam aliqui nonnumquam legitimi nothis posthabiti sunt, quod & per Francos non stetit quo minus apud se fieret cum voluerunt Carolum Martellum ex pellice natum in Regem assumere, & mallet ipse Regibus imperare quam Rex esse, quod tamen Pipinus II. & Carolus Magnus ex eo natus admisit, & post illos Ludouicus & Carlomannus

Ludouici Balbi filij ex pellice aut repudiata nati imperarunt. denique vt res priuatæ ita regna dominatusque ex testamento, donatione, emptione, alijsque contractuum voluntatumue vltimarum formulis successores habuerunt, & quod alio in genere ex D. Hieronymo ait Clemens III. *in c. 9. x. de sepult. vnaqueque provincia in suo sensu abundauit. Nec voto viuatur vno.*

At vero, quod sæpius in huiusmodi casibus vsurpatum est, cum actus sint supra omnes insignes, si populus tacite, expresseve consenserit, pro more, pro consuetudine, pro iure ciuili istius gentis recipiendum est. *l. 32. & seqq. D. de leg. c. venerab. in fin. x. de elect. c. ita nos. 25. q. 2. c. Moyses, 8. q. 1.* vt in huiusmodi varietate rationabilem pro locorum diuersitatibus consuetudinem attendi iubet idem Clemens, vt recte Bald. *in l. si consulari D. de Senator. consuetudini acceptum refert*, quod Philippus Valesius in regnum Franciæ iudicio Ordinum prælatus sit Eduardo Regi Angliæ, cum iam olim constitisset proximiores fæminas remotioribus agnatis masculis fuisse posthabitas, consentitque Bart. *in l. de quibus D. de legib. & in procem. D. §. & antea & dd. in l. 1. C. de iur. dot.* quod iudicium quia prono totius gentis plausu exceptum est, vtique facile creditur ius nunc Francicum esse. alioquin Eduardus non ineptas negotio leges Romanas pro se aduocabat: sed eorundem Ordinum decreto, vt refert Cassanus *Rech. l. 2. c. 5. p. 140. & Papon. Arrest. lib. 4. c. 1. art. 2.* responsum fuit, Romanas leges in sceptrâ Francica non habere dominatum, non eo iure deferri; sed ex domestico disceptandum esse.

Qua de causa cum & de aliorum regnorum delatione controuertitur, non aliter est dicendum, siquidem alia in Europa omnia, præter apicem Imperij Romani, alioquam Romano iure instituta sunt, imo omnia aduersus Romanas leges, quæ Imperatorem mundi dominum faciebant, nec alios suo in orbe Reges, quam ex beneficio Populi Rom. agnoscebant, cuius qui dominatum excusserit,

cufferit, leges in regio iure deferendo stabiliuiffe credi non potest, nemo ita vincit, vt vinculis velit inseri deuictorum. quinimo nonnulli olim rebus suis consulere se existimantes, capitis pœna sanxerunt, ne quis deinceps Romanas leges pro iure allegaret, quæ tamen vt in priuatis negocijs obtineant, in regnis sane deferendis consistere non possunt, & quamquam Cassianus ex ijs argumentetur *l. i. c. 8. p. 382. & alibi passim*, vt proposito suo commodum est; tamen nec ipse *lib. i. c. 1. p. 51.* Romanas leges admittit, quæ successiones non deferunt vltra decimum gradum, sed & centesimo locum facit, ne Franci Castellæ successionem, alijsque excludantur.

Siquidem ad Romanum Imperium, vt auspicia tyrannica Iulij Cæsaris, Augusti, ab eoque factam Tiberij designationem omittamus: Imperatores soliti magis fuerunt per electionem assumi, idque primum à Senatu, donec vulgatum est arcanum, etiam ab exercitu Imperatorem eligi posse. ex quo deinde tot bella ciuilia, ac toties diuisa Imperia. Et quamquam successores multi, etiam Constantinus, hæreditarium Imperium reddere conati sint, vix admodum id vnumquam durauit. Vnde tot cædes Imperatorum, præsertim Byzantinorum, si itaque dicemus Reges hodiernos iure Romano vti debere in regni delatione, sequeretur, vel Populi Rom. vel Imperatoris beneficio vel per electionem esset itè assumendos in eam partem Imperij olim Romani, quam nunc vt regnum possident. quomodo iuris regulam recitamus, eum *qui in ius succedit alterius, eodem iure vti debere.* quod nolint verum esse illi ipsi, qui has ampullas in medium proijciunt. Id quidem verum est, in negotijs lege domestica non decisis, ius Romanum, vt bonum & æquum, rectè allegari, & vt tale vbiq; fere gentium nunc esse receptum: quinimo nonnulli edictis placitisque Principum seruari iussum: sed vtique auctoritate domestica Principum, non vi legis olim Romanæ: adeoque coniecturata Principum voluntate, vt diximus, qui sibi sceptrisque suis leges

leges eas positas nolunt, sed scito, institutoque maiorum locum esse: quinimo, si quid illæ non satis deciderint, more gentis Ordinumque iudicio, ut olim poterat, etiam tunc cum casus offertur, decidi posse. quemadmodum diuersis subinde temporibus aliæ atque aliæ leges, sacris prophanisque Ordinibus adstipulantibus, etiam quoad regnorum delationes successionesve sunt passim constitutæ. Vt in Concilio Nationali Toletano *Can. 3.* dicitur, *Si quis ad regia dignitatis ambit pervenire fastigia, quem electio hominum non præficit, nec Gothica gentis nobilitas ad hunc apicem trahit, sit consortio Catholicorum privatus, & divino anathemate condemnatus.* & in regno Castellæ Ferdinando, adstipulantibus Ordinibus, ut imperium repræsentationi foret in regni successione locus, decretum refert Cassianus. *l. 1. c. 1. p. 40.*

Ad modum iuris Romani hodie etiam ad quæstiones regales vocantur maximè ususfeudorum. sed usus tantum sunt: ijque Longobardorum, & quatenus bonum & æquum continere videntur, probalitati causæ suffragantur, sed non aliam auctoritatem habent, quam si ipsi Longobardi nobiscum loquerentur. quorum utique imperandi auctoritatem domum suam relegaremus, æquitatem admissuri. Sed quia in actionibus humanis plerumque rationes utrimque probabiles se offerunt, multumque in omnibus locus, tempus, personæ momentum adferunt; evenit, ut adeo diuersimodi atque contrarij plerarumque gentium mores emerferint, & instituta: adque & omnis vsuum feudaliū auctoritas sumenda est ab usu cuiusque domestico, inspiciendumque an ab eo recepti, firmatique sint, seu lege aliqua expressa, seu tacito utentis populi assensu, etiam quo casu de regia successione, regnique delatione agitur.

Ad leges regnorum expressas refero inuestituras quibus olim regna quædam atque dynastiæ sunt concessæ, ita tamen ut quidquid ijs non est expressum priori gentis illius iuri aliquando usurpato censeatur relictum.

Hæc

Hæc cum ita se habeant mirari sæpius lubuit nuperos quosdam Francicos scriptores , qui aliarum omnium gentium regnorumque vsus, consuetudines , leges, instituta non æqua cum suis lance, expendunt ; omnia salicis suis alligant ; Salicis legibus obligant ; Salijs populis uniunt : quos , etsi antipodes non fuisse constet, tamen ubi verè illi olim habitauerunt non magis assequuntur, quam Apollo ille Virgilianus *quibus in terris tres pateat cali spatium non amplius vlnas.*

Interim suis legibus alienos iudicant , iuraque negant sibi lata , quibus alios oppugnant. nunc Romanæ leges aduersus se vim habere negant , nunc aduersus alios ad easdem prouocant, nunc Francicis constitutionibus non sua tantum, sed & extera regna dominatusque quasi subiecta vindicant , hæc nec suis stare concedunt, absit vt alienis quippiam ipsi cedant, passim iura in alios statuunt quibus vt ipsi nolunt; & quamuis iustitia semper sit constans, & eadem veritas semper, non obiectu colorum alteretur, non acceptione personarum offendatur; ita ipsis tamen pruriunt affectus, vt non merito causas discernât, sed personarum gratiâ : idque in summis rerum, in monarchiarum, regnorum, dominatuumque controuersijs. vt si non ratio, sed personæ mutantur , aliam iustitiam, aliam veritatem mox concinnent. si de Francis agatur, omnia sint iusta , sint æqua, si de Hispanis, de Austriacis, ipsum nomen causæ adferat iniquitatem.

At æterna Sapientia aliter iudicandum decreuit Sap. cap. 9. *Constituisti hominem vt disponat orbem terrarum in equitate & iustitia:* constante utique atque æterna. Sc Ioannes Baptista , quo non surrexit maior inter natos mulierum, cum vt ait Gregor. *Hom. 7. in Euang.* tantæ virtutis esset vt Christus credi potuisset, veritati inhæsit tamen constanter, *confessus est, & non negauit quod non esset ipse Christus,* Ioan. 1. obtinuit elogium a Christo *Matthæi 11. quo vix maius dari possit, quid existis in deserto videre, arundinem vento agitatam? quod non asse-*

rendo, inquit idem Gregor. Hom. 6. in Euang. sed negando intulit. arundinem quippe mox ut aura contigerit, in partem alteram inflectit. & quid per arundinem nisi carnalis animus designatur, qui mox ut fauore vel detractio tangitur, alteram in partem inclinatur? Non ergo ita Baptista summæ veritatis præco, sed constanter confessus est, & non negauit, quod non erat.

CAPVT IV.

Antinomia Cassani.

Videamus nunc an Cassanus veritatis præco sit, ad eum morem constans, cum iudicium sumit monarchiarum, Imperiorum, regnorum, dynastiarum Europæarum: an disponat orbem terrarum in iustitia & equitate: an quod in Dedicatoria ait, iura quæ allegat firma sint, & constantia, desumpta ex iustitia sanctorum legum, & maxime legitima potestate rationis. Videamus quam constans sit eius voluntas, & perpetua ius suum cuique tribuendi: quam causæ merita, & ratio apud eum diuersis personis applicata, vniformiter operentur. atque imprimis inspiciamus libri illius frontispicium atque inscriptionem, inquisitionem in iura Corona Franciæ in regna, ducatus, comitatus, vrbes, prouincias occupatas per Principes externos competentes tamen Christianissimis Regibus per conquestionem, successionem, emptionem, donationem, & alias titulos legitimas: ecce vna phrasi omnes illos titulos pro legitimis habet ad regna, ducatus, prouincias Regibus Christianissimis asserendas: conferat cum hac thesi Lector omnes eius dissertationes, vnā non inueniet, in qua non aliquem alijs Principibus ex aduerso competentem reiiciat, vt inualidum. Sic de bello quæsitis nullibi pro Gallis ius belli non laudat, vbi bella gesserunt feliciter; vbi victi sunt, prouincias, vrbes amiserunt, latrocinia, mox, rebelliones, inuasiones vocantur. Ita hominem, quam-

quamuis non vulgariter eruditum, aduocati regij titulus, beneficiaque regia, sperata acceptaque, vt rumores nunciant, scriptionis præmia obcæcarunt: vt, quod ipse de Alciato & Bartholo, qui tamen auctores habebant *leges deprecatio. D. ad L. Rhod. de iact. l. bona à Zenone C. de quad. præscript. Nou. 105. l. pen. C. de bon. quæ lib. 3. quæris de Nat. rest. l. inter claros. C. de sum. Trin. ait l. 2. c. 1. p. 23.* obligarit calamum magis passioni suæ; suorumque, quam veritatis defensionem. Iure quidem Romano solo consensu Cæsaris in distrahendis rebus Cæsaris opus est. *l. 1. D. de off. procur. Cæsar. l. infertur §. actores D. de iur. fisc.* quicquid à Principe quocumque titulo concessum erat plena securitate possidebatur, siue per ipsos Principes, siue eorum procuratores, ex eorum tamen epistalmato foret assignatum, vt nullis possessores iudicijs liceret afficere, vt nec vlla insinuatione opus foret. id enim inter culmen regalis maiestatis & priuatam fortunam interest, *l. 1. 2. 3. C. de quadrien. præscrip.* cum omnia Principis esse intelligantur, siue ex sua substantia; siue ex fiscali fuerit alienatum. *d. l. ult. vers. quæ enim,* nam hæc in priuilegijs suis æquiparantur, *l. 6. C. de iur. fisc.* at Cassano omnes tituli, qui Francis fauent, causæ sunt idonei; qui alijs competunt inepti. Videamus imprimis

§. De bello quæsitis

Sacro sanctus hic est Cassano titulus, ac lapis angularis quoties de armis Francis felicibus quæritur, omnia pene libri capita, quibus vlla loca Francis vindicare vult, vbi Caroli Magni aut veterum Francorum arma peregrinata fuerint, eo titulo Francis ea adscribit, quamuis sociorum iuuandorum causa, aut Christianissimi protegendæ finibus sint egressa, ne Brennus quidem omissus est, quamuis à Camillo victus; quin Francis ob Brenniensem deberi Italiam æstimarit, *lib. 2. c. 2. p. 19.* et si aduersus Aragonios *l. 1. c. 5. p. 243.* cum lege Christiana conuenire neget, armorum vim sine iustitia, solum video illum

omiffisse Græciam, Afiamque, quo & Galli olim penetrarunt, confederuntque, donec à Romanis victi fuerunt: cum æquè facile efferet, vt de Brenno, ita ibi dicere iure belli ea loca Gallis cefiffisse, Romanos nullo iure Gallos inde pepuliffe, nullis fœderibus alienari femel quæfita potuiffe, nulla præfcriptione regnorum vindicationes impediri; vt de fuis alias femper. fed cum illa à Turcarum Domino pacifice poffideantur, noluit illi item mouere; maluit, turbata quamuis tota Europa, Græciæ Afiaeque pacem dari, quafi Turcarum Francorumque fœdera cariora illis fœctioraque fint Veruianiana pace, omnique alia Chriftiana: tametsi & laudabile cum hofte fidei efferet bellum, & iuftiffimo titulo nixum: cum ipfe recitet *lib. 1. cap. 5. p. 262.* Carolum VIII. à Pontifice Alexandro VI. Romæ triumphantem, coronatumque fuiiffe Imperatorem Conftantinopolitanum, ei fuffeffiffe Ludouicum XIII. qui adeoque aduerfus Turcas tam gloriofe bellare poffet, quam Carolus Magnus Occidentis Imperator à Pontifice Leone adfumptus, cuius Caroli mentio in omnes pene periodos ab illo ingeritur. de qua re feu Caroli VIII. iure profequendo acturi paulo latius fumus. *Libro 3. cap. ultimo.* Igitur vt è multis pauca designemus Castellæ, Aragoniæque loca à Carolo Magno, ab Alphonso Castellæ, & Garcia Nauarræ Regibus in auxilium vocato, armis capta, Francici iuris facta, Coronæque Francicæ vnita contendit Caffanus *l. 1. cap. 1. p. 60. pluribusque feqq.* quamuis ipfe Carolus Magnus pro fuis nec ea agnouerit, nec inter filios vt fua diuiferit. De Cathalonia prioribus fimilia ait, *eod. c. p. 64. & feqq. & p. 68.* huiufmodi bello captorum titulum iure probari, & facris literis, quin *p. 69.* nec dari titulum acquirendi iuftiorem quam victorias. quippe quæ res fint iudicatæ quoad fcepra, diademata, fupremitatesque Imperiorum, regnorum dominatuumque. *quæ de re latius dicemus infra l. 2. c. 11.* Interim eo fuppo-

to Cassanus Francica eo nomine passim facit quæ armis Francicis aliquando cessere, perinde ac si quod olim Israelitis dictum erat, *Deuter. c. i. omnis locus, quem calcauerit pes vester, vester erit*, ad Francos æque spectaret: vbi autem alijs victoria cessit, & fortunæ supremum a restitutum, nullam apud illum Mars auctoritatem, nullam fortuna, nullam Victoria habet: omnia mox Numinum vocabula, Acheronticis commutat promptus nomenclator; Violentiam, Inuasionem, Occupationem indigetat. Ita *lib. i. c. 4. p. 189. c. 5. p. 230. c. 5. p. 228. 233. c. 5. p. 239. 240. 241. 243. c. 5. p. 263. 264. 265. c. 4. p. 372. lib. 2. c. 2. p. 56. 59. l. 2. cap. 5. p. 163. 165. atque alibi passim, quæ Lectori nimium erunt obuia*. Id tantum lubet meminisse, quod vt historiarum scriptores vulgares multi gentium suarum Originēs olim solebant ad Troianos referre, illudque prudentiores ridere: ita Cassanus ex veterum Francorum Carolique Magni bellis iura sua depromere: dum id magis comedis, populi plausum risumque ambientibus, quam Iureconsultis, quorum solida laus est disponere Orbem terrarum in æquitate & iustitia, conuenit. quin & ipse Cassanus *l. i. c. i. p. 53.* refert Castellanos Regēs sæpius armis Francicis in regna restitutos; tantum abest, vt quod paulo ante de Castella diximus, ipse maioresue pro vero habuerit: aut belli iure sibi vñquam Castellā quæsitam fuisse, vel testamentaria etiam institutione ab Alphonso Rege Carolum Magnum liberōsue hæredes factos fuisse: quod vult Cassanus *l. i. c. i. p. 5. 6. 7.* cum & Alphonsum sui consilij pœnituerit, & procures Hispaniæ ægrè tulerint Francorum Imperio subditi: gentis, inquit Mariana *de reb. Hisp. l. 7. c. 11.* insolentis, (vti ipsi loquebantur) & ferè non Maurorum seruitutem depelli, sed grauiori propemodum seruitute mutari. adeoque Carolum narrat Mariana communibus Hispanorum barbarorumque viribus prælio victum, totaque deinde Hispania exclusum.

§. Successione

Quærentur hodie pleraque Europæ regna: sed quamnam? latè satis diximus *c. proximo* legum Romanarum necessitatem illorum delationi non incumbere, sed ex domestico instituto, consuetudinarioque iure Regni, quod singulis proprium ab extero perueri non potest, deuolui. & quoniam humana prouidentia non omnes prospicit casus postmodum obuenturos, cum se illi offerunt, eodem iure decidendi sunt, quo idem populus aliquando usus est. cum se offerunt primi, instituto gentis Ordinumque iudicio id recipi potest, quod primi legumlatores, si cum casum præuidissent, verisimiliter creduntur statuturi fuisse. vnde prærogatiua sexus, & ætatis, repræsentatioque parentum & auorum, nullis vbique certis legibus astringi potest, nec ex suo domestico quisquam ad extera vindicanda aduersus horum usum dissentare. quare sexus masculini prærogatiua remotioris quamuis linæque transversæ aduersus sobolem femininam recta linea descendente, nemo iam Francis præter Anglos controuersam facit. alioquin liberi Mariæ Burgundicæ, Caroli Audacis filia iam sceptrum Gallica possiderent. & ante controuersiam ab Anglis motam filiabus Caroli Lotharingæ Ducis, quem regno Capetus exclusit, extincta Caroli linea masculina, debita fuissent: &, cum altera illarum nupserit olim Duci Brabantia, altera Comiti Namurcensi maioribus Regis Hispaniarum, in quorum ille ius successit, competiissent: &, si regales actiones numquam præscribantur, ut vult Cassanus, quod mox videbimus, etiamnum deberentur. Sed ut æquis oculis hæc aliaque Francorum scita alij aspiciunt, ita Francos aliorum mores oporteret non dedignari. In contrarium Cassanus quamuis in Aragoniæ regnum per ducentos quinquaginta & amplius annos fœmina nulla successisset, ut fateretur *lib. I. c. 8. p. 382.* contendit tamen ad regnum assumi non potuisse Ferdinandum ex prærogatiua sexus,

sexus, omiffa matris repræfentatione, exclufaque mater-
tera illo feniore. l. 1. c. 1. p. 21. & feqq. l. 1. c. 2. p. 123. & feqq.
negat Dionyfium Alphonsi filium rectè ad regnum Lufi-
taniæ euectum, exclufa fofore ex priori matrimonio na-
ta extra regnum, & antequam pater ad regnum effet
euectus; cum ille in regno & poft adeptum regnum natus
effet, & ordinum regni affenfu prælatus. nam de natali-
bus ei reftitutis dicimus infra c. 6. l. 3. quinimo poft mo-
tam controuerfiam arbitrorum à Papa delegatorum fen-
tentia Ferdinando Regnum adiudicatum fatetur, illam-
que à Papa confirmatam: fed mox & Papa, & arbitri
p. 106. Caffano funt defertores rationis, & æquitatis, qui
ob malignum aduerfus Francos animum contemplari
non potuerint causæ iuftitiam, quin non bilancem iufti-
tiæ, fed Canaan expenderint: de qua Ozias *statera eius,
statera dolofa*. iterumque Caffanus p. 108. eiuſmodi fen-
tentiam contrariam dicit legi Dei, gentium, & naturæ,
quæ filijs assignat hæreditatem parentum, ideoque reg-
num Aragoniæ debitum fuiſſe Iolentæ filiæ Ioannis ex-
clufo nepote Ferdinando: id fi verum, contra legem Dei,
gentium, & naturæ eft lex Salica, quæ filiabus à regno fe-
clufis nepotes vocat, vt Franci volunt, non descendentes
tantum, fed & laterales. Denique in huiufmodi contro-
uerfia p. 110. legitimum titulum eſſe contendit iudicium
Ordinum Comitem Andegauenfem vt regem recogno-
ſcentium, quod in Dionyfio negat, alijsque: *ut mox infra
videbimus §. Miscellanea*.

Non minus contra ſupremam feudorum legem, vt ex-
tantibus mafculis non fit locus fæminis (quam ipſemet
alibi c. 5. p. 383. agnoſcit) contendit Ludouicam Philip-
pi VII. filiam intrudere in ſucceſſionem Sabaudix exclu-
ſis duobus fratribus. L. 2. c. 2. p. 47. quia ex ſecundis nu-
ptijs nati Philiberto coniuncti non eſſent ex utroque la-
tere, vt Ludouica; ob Romanas leges: *Auth. de conſang.
col. 6. t. 13. Nou. 84*. Iterum patrem ex iure Romano vult fa-
cere ſucceſſorem filiorum in Ducatum Lotharingiæ: l. 2.

c.3.p.81. cum ex descendantibus illorum non sit, quibus olim feudum illud concessum sit.

Plura sunt alia quæ in successionebus regnorum controuersa facit toto opere Cassanus; & cum Romanarum legum tela iecit, alibi eadem aduersum se non admittit, & vt admitteret, inefficacia sunt, vt mox diximus, c.3. ad regna dominatusque supremos deferendos: nisi quatenus illæ, domestico scito olim probatæ sint, atque usurpatæ. Quam varient autem mores in regnorum dominatumue delationibus plenis feudistæ veteres hodiernique libris ediderunt: congerit non pauca Grotius *de iure belli* l.2.c.7. mihi hic non est illud persequi institutum.

§. Testamento

Regna olim data fuisse omnium sæculorum gentiumque historiæ protestantur, scribunt veteres Alexandrum Magnum hæredem nuncupasse eum, qui optimus esset: Pyrrhum; qui ensẽ acutiorem haberet: verius sacræ literæ Mach. l. 1. c.1. Alexandrum pueris nobilibus secum enutritis diuississe regnũ, cum adhuc viueret; morte tamen præcognita Romanos Imperatores sæpius designasse successores, fortunæ imaginẽ misisse, aliasve regni tesseras ex historiis est notum. laudat testamenta etiã pro Francis Cassanus, *lib.1.c.1.p.5.6.7.* vbi ab Alphonso Rege Castellæ Carolum Magnum fuisse ait institutum hæredem, atque hunc in vim testamenti possessionem iniussisse, & ad Ludouicum XIII. transmisisse. *eod. c. p. 24.* Henricum Regem Castellæ fideicommissio oneratum, *p.26.* Henricum Castellæ Regem hæredem instituisse, D. Ludouicum Franciæ Regem, *p. 42.* Alphonsum in Coronam Castellæ hæredes instituisse liberos Reginæ Blancae, Reges Franciæ substituissse, regnum in plura diuississe. cum paulo ante *p.21.* regna dicat indiuisibilia l.1. *cap. 2.p.88.* Reges Franciæ ad regnum Aragoniæ vocatos esse testamento Renati Andegauensis: l.1. c.2. *p.103.*

p. 103. Alphonsi c. 3. *in fin.* p. 157. Reginam Margaretam hæredem familiæ Bolonienfis, cui competat regnum Lufitanix; testamento fcripſiſſe hæredem Ludouicum XIII. adeoque Portugalliam illius eſſe. qua de re dicimus l. 1. c. 10. deinde c. 5. & p. 261. ait Alphonſum inſtituiſſe in regnum Aragonix hæredes Equites Iereſolymitanos l. 1. c. 2. p. 89. & c. 5. p. 250. Robertum ſcripſiſſe Ioannem hæredem in regna Siciliæ: à Ludouico II. Ludouicum III. c. 5. p. 255. Bertrandum à Bernardo in alios dominatus c. 6. p. 306. Ludouicum XI. à Carolo Mainio ſcriptum hæredem in vim teſtamenti ſucceſſiſſe in Coronam Siculam & Neapolitanam: *eod. c.* p. 257. Renatum Ducem Andegauenſem ſucceſſiſſe in regna Siciliæ, Neapolis, Aragonix, & Ieruſalem ex teſtamento tam Ludouici III. fratris ſui quam Reginæ Ioannæ: p. 257. 259. Ludouicum à Ioanna p. 260. Carolum Mainum inſtitutum à Renato p. 261. Ludouic. XI. illiusque filium à Carolo ſubſtitutum, & in vim illorum teſtamentorum illa regna ad Ludouicum XIII. eſſe deuoluta, p. 262. in vim eiufdem inſtitutionis etiam comitatum Prouinciæ Regibus Franciæ acquiſitum: p. 279. in vim horum teſtamentorum Carolum VIII. Ludouicum XII. & Franciſcum I. arma tuliffe in Italiam, iura in ijs fundaffe, quibus illa regna repetebant, p. 280. Reges Franciæ ſubſtitutos in iura Neapolitana à Germana de Fuxo: c. 6. p. 317. eadem repetendo ait in illorum teſtamentorum vim Reges Galliæ non ſucceſſiſſe tantum in ſceptra Sicula, & Neapolitana, ſed etiã Maioricæ, c. 7. p. 331. Valentinam eo iure ſucceſſiſſe in Ducatum Mediolanenſem, per ſubſtitutionem lib. 2. c. 3. p. 82. l. 1. c. 3. p. 132. & ſeqq. Ludouicum XI. in vim teſtamenti Caroli Mainij ſuam dixiſſe Lotharingiam, plureſque alios ducatus: & iterum p. 207. l. 2. c. 7. Prouinciã aliasque ſucceſſiones vendicat in vim teſtamenti Berengarij, inſtituentis Beatricem, quam tranſmiſerit ad Andegauenſes, & hi ad Ludouicum XIII. & c. 8. p. 391. teſtamentum Renati Andegauenſis inſtituentis Ducem Mainium nepotem

potem in omne ius in quo etiā Aragoniæ comprehendatur, exclusis proprijs filiabus, vnde Principes Lotharingi descendant, eaque voluntate exclusiua prolium probata, locum facit Ludouico XI, Carolo VIII. continuis testamentis, denique l. r. e. 8. p. 373. in regnis vt alijs bonis generaliter liberum facit vltimæ voluntatis stylum.

Quibus aduersantur, quæ sæpius inculcat Cassanus, reges tantum esse vsufructuarios: vt l. i. c. 1. p. 33. 34. *ac alibi pluries*: ius auctoritatemque illorum cum vita finiri, sed nec alienare quicquam posse, *ibid.* & *mox h. c. §. cessione latius videbimus*, quo argumento & Cassanus vtitur. l. r. c. 7. p. 334. ideoque extra hæredes ab intestato nec ex asse, nec ex vncia regnum alienare posse, extraneosque instituere; adeo quidem vt nec ingratos liberos exheredare possint. l. i. c. 1. p. 25. *Omnes, inquit, Monarchia & imperia iam olim hæreditaria sunt, & successiones necessaria, vt testatur Arist. l. 3. polit.* adeo vt nec liberi à parentibus ijs priuari possint: vt & Franci censuerunt in Carolo VII. quem pater exhæredauerat, vocato ad regnum genero rege Angliæ, eoque hærede instituto.

Hæc ita cum aduersus Francos testamenta recitantur, quare l. i. c. 8. p. 389. negat potuisse Ioannem instituere fratrem in regnum Aragoniæ omissa filia, obstante iure natiuitatis, & prouidentia maiorum: & c. 3. p. 141. reiicit Alphonsi testamentum quo ille filium Dionysium, de quo mox egimus, instituit, & Philippi Marij Ducis Mediolanensis, qui Alphonsum Regem Aragoniæ hæredem in Ducatum scripserat, cui esset Valentina ex fratre nephis, quam natura & leges vocabant: habitumque illud testamentum tam irrationabile, vt à populo publicè sit combustum: *eod. c. p. 130.* & in quæstione Sicula, quam tam operosè exagitat, non immemor subticuit Corradini, qui vltimus ex familia Sueuica se pro Rege Siciliæ gessit, testamentum: quo ille à Carolo Andegauensi in publico theatro expositus, ac capite per carnificem minuendus, cognatos Aragonios regnorum hæredes nuncupauit.

panit, cædisque suæ vindices, ac cessit tum Sueuus, ac sæpius deinde Aragonij victrici fortunæ Andegauensi, sed reciprocauit illa vices, & in posteris præsertim, iuxta Aragonios firmiter hætenus confedit.

§. In dotem datione

Generis, affinibus, maritis, plurima regna dominatusque obuenerunt. Laudat Cassanus Alphonsum Portugalliae regnum in dotem dantem Henrico Franciæ Principi cum Teresa filia, l. i. c. 3. p. 117. Ludouicum XII. cum Germana nepte regnū Neapolitanum iuxta diuisionem quā recitat Ferdinando Catholico: l. i. c. 5. p. 265. eodemque c. p. 280. & seqq. laudat pacta successoria in eadem conuentione nuptiarum expressa, Ripuarias leges tit. 39. de dot. mulier. si quis, inquit, mulierem desponsauerit quidquid ei per tabularum seu chartarum instrumenta promiserit, perpetua-liter inconnuissum permaneat: & Paulum l. i. sent. tit. 10. tabularum, inquit, nuptialium inter coniuges maneat æterna auctoritas, & inconcussa fides: & Gallum q. 83. quia alias, inquit, forte non fuisset matrimonium factum, & ideo si non adimplerentur conuentiones iniquum esset: & l. i. cap. 7. p. 324. pacta Valentiniæ Ludouico Aurelianensi Ducatum Mediolanensem in dotem adferentis, conuentamque substitutionem, p. 336. & seqq. studiosè probat obseruanda pluribus legum scriptorumque auctoritatibus. l. 2. c. 5. p. 169. Philippum Alsatium Flandriæ & Hannoniæ Comitem Philippo Augusto cum Isabella nepte in dotem dantem Comitatum Artesiæ. In contrarium l. i. c. 1. p. 32: & seqq. reprehendit S. Ludouicum, Blancam filiam in matrimonium dantem Ferdinando Alphonfi Regis Castellæ filio, & dotis loco eis cedentem quidquid iuris pretendere poterat in regnum Castellæ. vbi multis prosequitur non potuisse S. Regem cedere regia iura, non alienare Castellam Franciæ Coronæ iam vnitam: p. 36. & masculinæ tantum successionis deinceps factam: p. 35. veniam precatur p. 36. à S. Ludouico, quod nimis facilem fuisset



fuisse dicat in huiusmodi cessione, quod animaduertat hanc eclipsin in pulchra stella, hanc maculam in vultu pulchro, hunc pallorem in splendido diamante: Proh! quantum eum adfectus distrahunt vt non Hispani tantum ei odio sint, sed & Reges Franciæ, alijque etiam, & diui vapulent, vt soluere possit argumenta aduersus Francos obiecta, mirum quomodo abstinerit à mentione iuramenti, quod Reges Franciæ præstant de non alienandis iuribus Coronæ, atque in hoc etiam non garriat incidisse sanctum. Sed hic norat auctoritatem iuramenti, inefficacitatemque chymericæ vnionis, ac terminos regiæ potestatis: malebat Christiani nominis hostibus bella indicere, quam cum regibus suæ religionis de tricis altercari, a præpostera nostrorum temporum inuidia alienus.

§. Adoptione

Naturam imitante, ciuiles liberos in Imperia successores non pauci habuere. Cassanus probat adoptionem à Ioanna Regina Neapolitana factam, qua Ludouicum I. & II. adsciuit in regnum Neapolitanum *lib. 1. c. 5. p. 252. & seqq.* & iterum ab altera Ioanna quæ adsciuit Iacobum Burbonium, Ludouicum III. & Renatum Andegauensem, *qui, inquit p. 271. tituli sunt authentici in commodum Francorum, cum per actus illos regna sua dederint adoptatis, qui ea transmiserunt ad Ludouicum XIII.* eodem tamen capite Cassanus impugnât adoptionem Alphonfi Regis Aragoniæ, ab eadem Ioanna II. iam ante factam, qui eandem armis defenderat, aduersus Ludouicum Andegauensem *p. 256.* & quamuis huic iuri Ioanna præiudicare non poterat, tamen Cassanus probat reuocationem adoptionis, quasi ex ingratitudine Alphonfi, qui aliquid ex auctoritate Ioannæ minuere voluerit, quasi durius eam Alphonfus habuerit, vt qui duo loca munita in pignus ab illa acceperat, vt ait *p. 292.* quam Ludouicus, qui bello presserat, vt regno eiiceret, sed si

Cass.

Cassanus æquis oculis inspiceret an Frâci benignius cum ijs agant hodie, quibus in Germania, Italia, Sabaudia, ac alibi suppetias tulerunt, an non plura eorum munita loca præsidijs teneant, nec ingrati tamen velint dici, non tam abrupto iudicio Alphonſi vt ingrati reuocaram iure adoptionem mox inferret. quid quod ipſe Cassanus *lib. 2. c. 4. p. 106.* aſſerat Metrenſes, Tulenſes, Verdunenſes in protectionem à Francis ſuſceptos, iure merito, quod conſilia cum Hiſpanis agitaſſent, in ordinem ſubiectorum eſſe redactos? cur non eodem iure Alphonſus Ioanni diffidere potuit, ſecuritati, & expenſis ſuis cauere, cum ſciuit Ioannam cum Ludouico hoſte conſilia habere? quo cum dicit *p. 256.* mox pacem iniſſe, adoptaſſe, & in regnum ſociaſſe? ſed & Cassanus *d. c. 5. p. 272.* eadem aliaque regna Iacobo Burbonio marito ab eadem Ioanna donata recitat ex inſtrumento, & *p. 278.* cum tamen ſucceſſorem eiſdem Ioannæ facit, tamenſi diuortium ab ea fecerat, eaquæ deſerta in Galliam abierat, quaſi donatio aut inſtitutio tam mobilis fæminæ, cum tanta etiam iniuria, immobilis perſeuerarit, vt omittamus Ludouicum III. à Ioanna II. adoptatum mortuum eſſe ante adoptantem, & ſic ante conditionis ſuperuiuendi euentum, vt nulla eſt viuentis hæreditas, manſit ius omnino Alphonſo inueſtituſque eſt ab Eugenio IV. qui ante Ludouicū inueſtiuerat, inueſtituram eandem renocando, ac derogando omni prætenſo iuri Andegauenſium, ex plenitudine poteſtatis, pro ſtatu & beneficio Romanæ Eccleſiæ, ita vt & ex inueſtitura eiſmodi & adoptione Alphonſi potius ius fuerit in regna Sicula, adeoque & Comitatum Prouinciæ, pridem per Beatricem Prouinciæ comitiſſam Carolo I. Comiti Andegauenſi Regi Sicilia ab Urbano IV. vocato, à Nicolao III. inueſtito nuptam, in dotem allatum: tamenſi illum Andegauenſes vicinia & auxilio Francorum potentius retinuerint.

§. *Donatione*

Francis competere Cassanus asserit regna dominatusque plures ex donatione Ioannæ III. regna Sicilia, Neapolis, aliaque Iacobo Burbonio, quo cum secundas nuptias contraxerat, nomina recitat, & instrumentū. l.1.c.5. p.272. Borbonijque successionem deuolutum ait ad Ludouicum XIII. neque iustos magis aut legitimos titulos inueniri posse ex ordine naturæ, aut regulis iustitiæ: p.271. Iterum c.6. p.315. probat donationem regni Maioricæ factam à Ioanna regina Ludouico Andegauensi: Sardinia Ludouico Andegauensi à Marchionissa Montis Ferrati c.8.p.378. Comitatus Ruffilonensis, Luxemburgi à dominis Marcanis Francisco I. l.2.c.5. p.173. Prouinciæ à Philippo Pulchro Carolo Claudio Regi Neapolitano l.2.c.7 p.208. urbis Arausianæ à Rege Roberto Bertrando l.2.c.8. p.247. donationem regni Neapolitani à Ferdinando rege Neapoli coronato factam, Frederico patruo: quasi eo bello victo plus iuris Franci obtinuerint: à Guilhelmo Trincauello Comitatus Beziers & Carcassonæ factam D.Ludouico: l.1.c.8.p.370. Enimvero in contrarium l.1.c.8. p.402. legem fundamentalem esse dicit, ne quid ex Domanio Coronæ per Reges possit cedi, vendi, donati, aliàsve alienari, utpote rem sacram, quæ non cadat in commercium. quam thesim etiam p.403. prosequitur, aitque & Salicis legibus rixam, l.2.c.5.p.155.

§. *Emptione*

Sardinia regnum Francis Cassanus l.1.c.9.p.420. vindicat. emptum utique per Philippum Franciæ Regem à Iacobo rege Maioricæ, neque alias condiciones requirit, quam quæ *tot.tit.de contr.empt.* tres proponuntur, mercem, pretium, consensum contrahentium. Urbem Montis-Pessulani per eundem Philippum ab eodem Iacobo l.1.c.6. p.309. maiestatis iura sive Soueranitatem regni

Maiores

Maiorici ab Ecclesia Magelonensi eo translata: *ead.p.* Comitatum Perpignanum ab eodem, *c.8.p.374.* Comitatum Russilonensem oppignoratum, *eod.c.p.392.* Ludouico XI. per Ioannem Aragonium, itemque Sardiniam: *c.9.p.423.* regnum Arelatenſe ab Henrico Imperatore per Philippū Valeſium: *l.2.c.1.p.21.* illiusque ſupremiſimam, qua in alias ſe ditiones extendat: *l.2.c.2.p.38.39.40. & ſeqq.* quam *p.41.* vel ideo vendi potuiſſe contendit, quod non ſit de antiquo patrimonio Imperij: Luxemburgum per Ludouicum Andegauenſem: *l.2.c.5.p.172.* ſupremiſimam vr̄bis Auenionenſis, Arelatenſis, & Arauſianæ, & Comitatus Prouinciæ, tamquam comprehenſorum ſub regno Arelatenſi: *l.2.c.7.p.214.* & iterum *c.vlt.p.245.246.* partem vr̄bis Arauſianæ per Regem Robertum ab Equitibus Ieroſolymitanis, ſupremiſimam vr̄bis Aurelianenſis per Ludouicum XI. à Guilielmo Cabiloneniſi, Taranti à Iacobo Burbonio, & Ioanna Neapolitana Arauſiani principatus. *l.2.c.vlt.p.246.*

Ex aduerſo negat potuiſſe Carolum VIII. reſtituere vr̄bem Perpignanam, non recepto pretio quo fuerat oppignorata, eo quod proueniſſet pecunia ex domanio Regio. ecce vt is nec fructuum liberam Franciſcis regibus permittit adminiſtrationem, *c.8.p.402.* quem mox diximus, etiam regna vendi permittere, quæ non ſint de antiquo patrimonio, & mox ingerit non poſſe cedi quidpiam, vendi, donari, alienari, ex domanio per Reges: eademque rursus repetit, quoad regnum Sardinia, & Comitatum Ruſſilonenſem, vt reddi non potuerit, niſi recepto pignoris pretio. *l.1.c.9.p.423.424.425.* emptionem etiam vr̄bis Auenionenſis à Ioanna Neapolitana per Pontificem Clementem negat validam: *l.2.p.7.* quamvis factam ex ſumma neceſſitate, & ad neruos belli ad regnum defendendum intendendos, quod obſtantibus legibus & edictis ex domanio nihil alienari potuerit, vt pluribus ibi proſequitur. quin *l.2.c.7.p.223.* negat illam validè contractus illos inire potuiſſe, vt pote ſæminam,

& tamen *cap. prox.* docuimus quanta & quot regna ex Ioannæ Neapolitanæ donatione pro Francis prætendat, pluresque *eod. cap.* nullitates exagitat *pluribus sequentibus paginis*, ad quas oculi illi caligant cum pro Francis regna dominiaue sunt empta: ijsdem argumentis nullam Cassanus dicit, pluribusque prosequitur l. 2. c. ult. p. 248. 249. venditionem supremi iuris in urbem Arausianam à Rege Renato factam Ludouico Cabilonensi, eiusdemque iuris remissionem Florentinis à Rodolpho, numeratis decem florenorum millibus, Senensibus ab Henrico V. etiam minori summa accepta, factam: l. 1. c. 1. p. 34. sed & d. c. 6. à Francis suprematè regni Maioricæ ait ab Ecclesia Magalonensi potuisse comparari, eoque magis quod reges Franciæ summum soueranumue ius habent in bona temporalia Ecclesiarum sui regni: sed utique intra fines regni, intra quos ipsa maiestas coërcita est, sed extra illos eam ad Garamantas vsque extendere est affectus cæci argumentatio, quæ geometriam omnem prætergreditur.

§. Cessione

Deberi Francis Siciliam, & Neapolim arguit Cassanus l. 1. c. 4. p. 269. quod Iacobus Aragoniæ Rex an. 1291. Terrasconæ tractatu solemnè regnis istis renuntiavit, & Fredericus Iacobi frater abdicato regis Siciliæ titulo, Trinacriæ tantum retento, & ut post mortem illius, ad Carolum illiusque liberos regna illa deuoluerentur, confirmantibus vtrumque tractatum Pontificibus: d. c. 4. p. 269. 270. cessionem per Duces Lotharingos factam regni Aragoniæ, Comitatus Prouinciæ, aliorumque dominatum accepto titulario iure regni Ierosolimitani probat eundem Cassanus, l. 1. c. 8. p. 391. Denique Ferdinandi super regnis Siculis promissa Hispanos Reges obligare multis iterum Cassanus contendit, l. 1. c. 8. p. 206. & seqq. ut velit etiam successores teneri priorum regum promissis non tantum, sed & inuasorum, aut tyrannorum, quæ
rem

rem publicam continent. denique laudat Cassanus l. 2. c. 5. p. 209. 210. cessionem Stephanæ filiae Guiberti neptis Berengarii, & aliam Raimondi filij Guilielmi de Baux, quoad ius super regno Arelatensi, & Auenione, ab ijs prætenſum; denique probat cessionem iuris ſupremi in regno Castellæ factam Carolo Regi Franciæ ab Henrico Castellæ, l. 1. c. 1. p. 53. & ſeqq. Genuenſibus à Carolo IV. l. 2. c. 4. renunciationem iuris in regna Siciliæ prætenſi à Iacobo Arragoniæ Rege in gratiam Caroli Andegauenſis, l. 1. c. 5. p. 247.

In contrarium improbat renunciationem regni Arragoniæ ab Iolenta Ioannis vltimi Regis filia factam, licet cum iuramento, quod minorum contractus etiam astringit, *Auth. sacramenta C. si aduersus vendit. vt remittenti- bus actiones suas non ſit regressus dādus: l. quaritur D. de edil. edict.* præſertim iuratis etiam quoad ſucceſſiones paternas, c. *quamuis pactum de pact. in 6.* negat tamen Cassanus huiusmodi Iolentam promiſſa aut iuramenta obligaffe: l. 1. c. 8. p. 385, item cessionem factam à S. Ludouico iuris super regno Castellæ prætenſi impugnari: l. 1. c. 1. p. 32. & ſeqq. & c. 2. p. 84. & ſeqq. cessionem ſupremi- tatis factam a Philippo Rege Franciæ quoad Cataloniam, qua Francicos Reges teneri negat, tametſi validā habeat cessionem ſupremi- tatis Francis factā quoad Tholoſam, Narbonam, aliaque loca ibidem expreſſa, eodem quam- uis tractatu 1260. Claro monte factam: vt Francis id, quod eodem ceſſere, velit remanere, idque, quod ceſſum eſt, nihilominus acquiri: quale leoninum commercium ne barbaræ quidem leges haſtenus probarunt: & addit tamen p. 86. linguam ei præciſam Tholoſæ fuiſſe, qui dicere ibi auſus fuerat, quod Rex Arragoniæ ius haberet super comitatu Tholoſano: & cauſam vltorius repe- tit p. 85. ex Petro Iacobi *in tractatu de ſucceſſ. reg. verſ. Rex Arragon.* quod Rex ille excommunicatus a S. Sede, ſtatus illius conſiſcati erant, & dati S. Ludouico. Rex, ait Pet. Iac. *Arragonum ſi ius habebat in Comitatu Tholo-*

sano, illud amisit: quia fuit fautor hæreticorum, & venit in propria persona in adiutorium Comiti Tholosano, quare Papa notauerat eum de heresi. magnificè certè Cassanus, vt Francis his ex causis regna asserat: sed viderit an conueniat cum hodiernis Francorum theorematibus, vt qui hæreticis suppetias ferunt, regnis excidant, & de hæresi notentur: aut secum ipse: cum eadem causæ aduersus Francos allegantur. *qua de re mox paulo latius.* Iterum Carolum Claudum filium Caroli Andegauensis bello nauali captum ab Aragonijs, intercedente Eduardo Angliæ rege, & pro eo pacifcente, vt captiuitate solueretur, dummodo regni iure cederet, in vim eius tractatus dimissum; negat teneri: l. i. c. 2. p. 100. & l. i. c. 4. p. 263. a Ferdinando factam cessionem regni Neapolitani Frederico patruo inefficacem habet.

§. Transactione, pace, fœdere

Restituendam Francis Nauarram Cassanus contendit: l. i. c. 4. p. 197. quod ita Carolus V. promiserit tractatu Nouionensi 1516. non ipsi Henrico Albreto, sed Francisco I. cum Carolum illum Andegauensem, de quo mox diximus p. 101. neget obligari sponsione Eduardi, quam ipse non fecerit, cum tamen illius in vim carcere egrediens ratam habuerit, & rati habitio non secus, quam si ipse initio contraxisset illius negotium fecerit. vt loquuntur leges. præterquam quod Pace Madriliana contrarium fuit conuentum, vt Henricus Albretus titulo Regis Nauarræ pro se successoribusque suis in perpetuum cederet. vt omittam rursus leoninum commercium, quo pacis capita quæ pro Francis faciunt Cassanus vbique acceptat, & vrget; quæ contra illos, spondere illa negat in potestate Regum Francorum fuisse. Iterum Cassanus l. i. c. 5. p. 265. fœdus probat inter Ferdinandum Catholicum & Ludouicum XII. quo de plurium regnorum partitione, supremitate, fidelitate, & homagio multa spondentur, eodemque capite p. 270. Fredericus III. & Joana

na Neapolitana cōueniunt super regnorum pactitia successione, regnique Trinacriæ supremitate, fidelitate, hominio. Iterum *p. 279.* conuentionem Ferdinandi & Ludouici; atque iterum *p. 403. & seqq.* Ducis Nemurcij Reginæ Nauarræ *c. 4. p. 195. & lib. 2. c. 2. p. 57.* aduersus Sabaudum ex fœdere Veruiniano, Cameracensi, Turinensi, Lugdunensi argumentatur, ad loca, supremaque iura per illud promissa, cum toties alibi ex iisdem fœderibus debita impugnet.

Alia solemnia fœdera reprobatur Cassanus, utpote *lib. 1. c. 1. p. 41.* inter Sanchium & Ferdinandi liberos, quāuis arbitris duobus Regibus *c. 2. p. 78.* Claremontanū 1270. quo Philippus cessit iure supremo in Cataloniam pretenso, aliud quo Carolus Claudius 1289. captiuitate solutus fuit: *l. 1. c. 2. p. 100. & l. 1. c. 5. p. 246.* regnoque Siciliæ, & Neapolitano cedendum erat, Madrilianum quo Franciscus I. iuri omni in regnum Siciliæ & Neapolis renuntiauerat, *p. 266.* Nouiomenſe *an. 1516.* Cameracense, & Madrilianense *p. 293. 294. & seqq.* & iterum *lib. 1. c. 6. p. 353.* quo negat Franciscum I. renuntiare potuisse Ducatui Mediolanensi *lib. 2. c. 2. p. 51.* restitui non debuisse Sabaudiam, promissa irrita fuisse fœderis Cameracensis: & iterum perperam restituta ex fœdere loca diuersa ad Sabaudum spectantia *p. 54.* iterum idemque quoad Comitatum de Lisse, *p. 63.* quoad supremitem in Flandriam prætentam tractatu Madriliano remissam, Cameracensi, & Veruiniano quoad hoc, cæteraque non excepta, confirmante *l. 2. c. 5. p. 147. & seqq. 158. & seqq. 161. & seqq.* ubi tamen *p. 152.* extollit potestatem Regis Franciæ absolutam, quod etiam se ipsum in contrahendo læsum possit in integrum restituere, quod si verum est, cur idem negetur alijs Regibus, qui pariter non alium agnoscunt superiorem? qua via facile est soluere omnia fœderum vincula. quis enim est aliquando Regum, qui non bello aut pace læsum se existimet, adeoque in arbitrio cuiusque erit pacis quantumcumque solemniter initæ legibus so-

lutum se profiteri, in integrum à se ipso restitutum esse? non eo inficias Reges contrahendo cum subditis circumuentos, eodem se iure, quo subditos, in pristinum statum posse restituere: ea est capitis cum corpore connexa potestas. nego duos Reges contrahentes vt tales, alterum in alterum contractumve mutuum potestatem habere, nexum huiusmodi soluere posse: quia neutrius termini subordinata est potestas. *vt diximus latius l. 1. c. 4.* sed & Reges sic paciscentes iure gentium, belli, pacis, fœderum, contractuum, pactorum, l. 5. *D. de iust. & iur.* tantum tenentur, neque edictis prætorijs, vllive iuri Romano in inuitos locus est: *vt latius diximus c. 3.* & vt foret non apud se quisque Regum, sed apud aduersarium de restitutione disceptare deberet. l. 1. *& 2. C. ubi & apud quem restitutio in integrum agitata sit*, vt inter Imperatorem Henricum & Siciliae Regem decidit Clemens V. *in c. pastoral. de sent. & re iudicat. in Clem. §. vt illud.* eoque magis quod ordinis sit naturalis vt actor sequatur forum rei. *d. §. vt illud* qui ea propter etiam Ecclesiam obligat. *c. 5. & de for. compet.* Denique huc spectat pars magna eorum pactorum quæ citauimus *h. c. §. cessione.* nam plerumque renunciationes huiusmodi fieri solent, cum bella quæ vigent componuntur, vel de causis vnde timentur, transigitur. spectant huc etiam, quæ contraria inuicem Cassanus scripsit de pactis Regum captiuorum. *qua discutimus infra l. 2. c. 8.*

§. Præscriptione

Creditum hætenus etiam regna acquiri: sæculari-saltem, & qualem etiam per leges & canones patitur ipsa Ecclesia Romana: cuius iura priuilegiaque indignum est infra sæcularia Regum iura collocare: sed Cassano nulla sæcula sufficiunt ad præscribendas regales actiones; quãuis hodierni possessores suos laudent auctores ad bellum vsque Troianum. *ita l. 1. c. 1. p. 9. 47. 48. 49. c. 3. p. 143. 145. c. 4. p. 382. c. 8. p. 407. l. 2. c. 4. p. 95. l. 2. c. 6. toto exarchatus*

chatus supremiorem Francis competere contendit, nec alio iure quàm ex Caroli Magni contra Lombardos victoria, quamvis tot sæculis non agnitam, sed quam tacite in donatione Pontifici facta, ut vult Cassanus, reseruarit Carolus. magni tamen facit sæpius Cassanus alibi diuturnam possessionem à maioribus in posteros continuatam, l. 1. c. 5. p. 268. c. 8. p. 408. 9. 10. 411. l. 2. c. 1. p. 10. & abstinere argute à vocabulo præscriptionis, rem tamen dicit: d. p. 10. de Carolo Magno & successoribus agens, ait, quod centum & viginti annorum possessio, quibus Imperium in familia fuit, cum iusta causa, eis acquisuerit ius, & titulum certum, & legitimum, quod transmiserint in descendentes: An non hoc est describere vim præscriptionis? in eaque Francica iura fundare, quàm ab alijs reiicit? sic & lib. 2. c. 4. p. 91. dicit Genuenses fuisse suæ potestatis, eo quod multis annis ita egerant, nullum Principem recognoscentes, ideoque dedere se Francis potuisse: non id est argumentari ex virtute præscriptionis? Et de viribus præscriptionis Regiæ videbimus quidem infra c. 15. sed non possum hic cæcurientem Cassani affectum præterire, qui non videt non admissa vllorum sæculorum præscriptione, tota Francis Gallia cedendum esse: utpote quàm illorum maiores finibus suis egressi, nullo iure, nulla laceffiti iniuria olim inuasissent, si fides vllis debetur historijs: easdemque adeo restituendas esse ijs, qui in Imperium successerunt Romanorum, qui per quadringentos eoque amplius annos illas possederant.

§. Alienatione

Comprehendi omnes quos iam recensuimus titulos, nemo ignorat: & clarè decidit lex *fn. C. de reb. alien. non alienand. l. in quorum. D. de pignor. l. alienationis D. de V. S. & ibi Alciat. & c. nulli. §. alienationis X. de reb. Eccl. non alien.* quoties ergo Cassanus hoc capite citatus est, probat improbatque regnorum alienationes, prout rebus suis variè conuenire existimat. quoties agitur de acquirendo.

rendo Francis dominio, validos hos atque legitimos titulos existimat; & in frontispicio prostituit: quoties autem illis aliquid decederet, nulli sunt, irriti sunt, in potestate Regum non sunt, nullo eis illorum prætextu alienare quidpiam licet, nec ciuitatem vnā, *quanto magis regna*, inquit, l. i. c. 5. p. 269. integra? quod præter citata h. c. loca etiam variè contendit pro & contra, vt res suæ ferunt. l. i. c. 4. p. 197. c. 5. p. 265. 270. 299. c. 6. 304. 308. 353. c. 7. p. 352. l. 2. c. 1. p. 28. c. 4. p. 91. 92. l. 1. c. 2. p. 80. 82. 84. 100. l. 2. c. 3. p. 72. 73. &c.

§. Inuestitura

Pridem obtineri consueuere regna Siciliae Neapolis, dominatusque inde pendentes: nec hic Proteum agere Cassanus desinit: mirum in modum potestatem Pontificiam extollit in deponendo Frederico Imperatore, regnisque exuendo, vt locum faciat introducendo in Siciliam Carolo Andegauensi: condemnatio eius extat *in c. ad apost. de sent. & re iudic. in 6.* vbi Electoribus facultas fit alium surrogandi in Imperio: de regnis autem Siculis statuendi sibi seruat Pontifex potestatem. Cassanus ergo l. i. c. 5. p. 213. & *seqq.* dicit eum excommunicatum à Concilio generali Lugdunensi, Imperio deiectum, regnisque priuatum, vt sæpè alios summo iure, & prudentia: illicitum esse dubitare de iustitia & firmitate decretorum Conciliorum generalium; vbi Spiritus Sanctus præsidet; indigne vexasse Ecclesiam, despexisse auctoritatem, infregisse leges, turbasse populos, obsedisse vrbes, fugasse Papam Roma, in carcerem egisse Prælatos, in mortem religiosos, vasallum fuisse Ecclesiæ, merito regnis feudalibus excidisse, iure feudo priuari vasallum iniurias domino inferentem. Iterum l. i. c. 2. p. 91. & *seqq.* Petrum Arragoniæ Regem inimicitias cum S. Sede sumentem iure priuatum Corona, ac Statibus suis, inuestitumque e Carolum Franciæ: regnumque Aragoniæ eidem Sedi feudatarium facit ex literis alterius Petri Aragonij, quas
reci-

recitat p. 96. quas si Franciæ aliquis Rex dedisset, mox Cassanus negaret eius in potestate fuisse; qui ne quidem D. Ludouico pepercit *ut mox diximus h. c. §. in dotem dat.* & quamvis Clodouæus Hormisdæ, & Sedi Apostolicæ coronam auream miserit, quasi submissionis tesseram; & Carolus Magnus alijque annuos denarios S. Petri per Galliam colligi permiserint; Cassani tamen similes nihil inde obligationis regno contractum facile dicunt. Petrum tamen Cassanus etiam ex crimine ingratitude, læsæque Maiestatis Pontificiæ reum facit, sæculari etiam feudorum lege priuari potuisse mox infert: & p. 299. & spirituales, & temporales Pontificum potestatem in priuandis huiusmodi Principibus extollit, idemque in Manfredo Neapolitano probat, *lib. 1. c. 5. p. 219. & seqq.* & Coradinum tamen à Manfredo occultatum ubique omittit, qui moriturus Aragonios instituit; inuestiturasque p. 245. & seqq. p. 255. 258. 262. l. 1. c. 9. p. 416. 417. 418. priuationesque similes in Francorum commodum vergentes sæpius laudat.

Eis autem contrarias omni quæditorum telorum genere impugnat: nam (ut omittamus quod *d. c. 5. p. 278.* honoris tantum, & dicis causa, Sedis Apostolicæ beneplacitum inferi ait, & contra tenorem inuestiturarum, quæ de inuestitis & posteris loquuntur, laudat regnorum illorum in alienam familiam translationem) factam inuestituram Alphonso ab Eugenio Ferdinando Alphonfi à Pio II. Alphonso Ferdinandi ab Innocentio VIII. improbat: ibi mox in angulum reiecta est S. Sedis vtraque auctoritas, iudicijque firmitas ibi mox in promptu est, *quod nostrum est, à nobis sine nostra causa auferri non potest*: ibi Aragonij in præiudicium Francicorum procerum inuestiri non possunt, ius semel acquisitum alicui ab eo inuito vltius auferri non potest: ibi vasalli sine causa feudo priuari non possunt; ibi Francorum inuestituræ sunt irreuocabiles, alijs præferendæ, quia anteriores, quia remuneratoriæ, iterum irreuocabiles: & quamvis

causa Francisci iuris in Mantuano oecumenico Concilio fuerit proposita *an.* 1459. & aduersus Francos Aragonijs Sicilia relicta; ægritudini affectuum id ascribit Cassanus: quem iam paulo ante memorauimus alibi credere oecumenicis concilijs præsidere Spiritum Sanctum, veritatem dictare, ab errore tueri, quæ ita latè prosequitur Cassanus *a p.* 281. *vsque ad p.* 291. Vbi tandem noui generis catapultæ oppugnat inuestituram Caroli V. quod lege fundamentalis regni Siciliæ ea Corona incompatibilis sit cum diademate Imperiali. at si Imperij apex in concursu obtigisset Francisco I. credi non potest eundem Cassani iudicio incompatibilem in illo futurum fuisse. qui non patitur ab eo posteris ius in ea regna præsum auelli scædere Nouiomeni, Madritiano, Crespiensi, aliisque intermedijs, denique Cameracensi ac Veruiniano. & ut concederemus post depositionem Frederici Imperatoris quibusdam ex causis. Carolum Andegauensem, aliosque, non ex lege regni fundamentalis, quæ priores Fredericos non impediuerat, sed ex voto deinde Pontificum promississe dignitatem non ambire, aut suscipere Imperialem, neque se, neque posteros; non id afficeret illos, qui non ex eorum persona illis regnis admoventur: ut Aragonijs: & ut afficeret; non nescit Cassanus Principem impedi-
menti gnarum, alicui tamen magistratum imponentem, legem soluere. *l.* 57. *D. de re iudic.* adeoque Pontificem Carolo V. inuestituram regnorum concedentem, electionemque Imperatoriam confirmantem, lege illa, si qua fuisset, soluisse. ut omittamus Jeronimum Suritam in *Histor. Reg. Cathol. C. II.* Julium Cerrium, alios referre Leonem X. Carolo V. conditionem illam veterem expresse remisisse. Sed & iterum maximè sibi contrariatur Cassanus, quod tam iustè Fredericum Imperio regni-
que exitum describat, non idem tamen admittit in Ludouico XII. Rege Franciæ, cui multis ambagibus omnia iura Sicula deberi contendit, qui non tantum bellum gessit cum Julio II. & Ecclesiæ exercitum in ipso die

Pas-

Paschatis prostrauit, sed etiam Concilium aliquot Cardinalium Pisas coëgit, eoque diem Julio dixit, vt tamquam fœdifragus (an in Francis talem exuendæ dominationis causam Cassanus admitteret?) Pontificatu spoliaretur: quod non cogitauit Fredericus vmquam ille, aut alij Siculi tyranni: iustissimè ergo Julius, ea necessitate pressus, ad Alphonsum Aragonium recurrit, auxilia postulauit, accepitque promptissima; ac omne ius sceptri Siculi in Aragonium ex remuneratione irreuocabiliter, si cum Cassano argumentemur, transtulit. à quo in Ferdinandum Catholicum, Carolum V. & Philippos Hispaniarum Reges continuatis iam tot inuestituris etiam defluxit. De potestate Julij Cassanus dubitare non cupit, qui nec alios dubitare permittit. l. i. c. 5. p. 268. nec de causis, qui easdem in Frider. ante Carolum Andegauensem, ac alijs regno priuatis probauit. At, inquit, Julius homo turbidus magis bellatorem egit, quàm Pontificem; magis gladio quàm Petri clauibus, dexteram onerans: sed ideone vasallo aduersus eum fœdera inire, bellum inferre, Concilium indicare impune licuit? at iniustas causas Julius habebat, iniustum bellum gerebat: ita semper Cassanus pronunciat de eo, quod vmquam aduersus Francos gestum est: quod nostri non est nunc instituti prolixius refutare, id tantum obliuisci non possum, quod Cassanus d. c. 5. p. 207. ait Federicum toto Christianismo proclamatum vt fidei desertorem, & Ecclesiæ hostem, quod Sultano Ægypti suppetias tulerit, cum eo inducias pepigerit: at eos qui nostro sæculo Turcas, in fines Christianorum immiserunt, Ariadenum tot millium Christianorum abductorem aduocarunt, hæreticis Ecclesias vastantibus auxilia, vires, arma, pecuniam dederunt, ad ea Ecclesiæ feudataria, vt ait, regna vult reuocare, ex quibus ideo iustè Federicum exutum probat.

Sed quoniam ad regnum Siculum nos hæc dissertatio duxit, placet simul meminisse, quod Cassanus ait regna non præscribi, *vt supra hoc c. 5. præscript.* iniustè occupa-

ta à restitutione numquã excusari, armis, repeti posse: & Pontificem aliena temporalia sui iuris facere non posse. l. i. c. 4. p. 176. & seqq. ac alibi sapius, neque cum præiudicio tertij inuestituram dare: l. i. c. 4. p. 283. ac alibi sapius, cõstat autem Siciliã omnem sub Imperio Romano comprehensam fuisse, Normannos circumactõ mari eò delatos occupasse. *Pasquier Recherches*, l. 7. c. 53. & fatetur Cassanus l. i. c. 5. p. 204. eo usque Pontifici eam detulisse: p. 205. p. 220. illum Ducem illorum de ea inuestuisse: ex axiomatibus Cassani aliena Pontifex acceptare, in feudum dare cum præiudicio Imperij non potuit: adeoque nec ex vilo temporis lapsu Carolo Andegauensi firmare. quo Cassani argumento viden' vt excidatur radix iuris omnis Francorum in ea regna? Cassano quidem non dissimiliter argumentatus credi potest Imperator Henricus, ex c. *pastorali de sent. in Clem.* & olim Fredericus: quem iuste tamen damnatum contendit d. c. 5. p. 213. & seqq. & causa forte inde sumpta est iurisiurandi, quod præstat Imperator in *Clem. Romani. de iureiurand.* vbi formula Imperatorij iuramenti etiam hoc complectitur, quod numquam Imperator in controuersiam vocabit eiusmodi terras ab Ecclesia possessas. & Frederici quidem l. verba de Imperio ex Frisingensi refert Cassanus l. i. c. 1. p. 18. non Romano beneficio, sed maiorum sanguine emptum superbè deferentia: quis de Sicilia sensus animo federit satis ea explicant.

Et vero Carolus Andegauensis, qui fama clementiæ nouum dominatum firmare debebat, Thracibus Schytisque crudelior Coradinũ ex tot Imperatoribus Regibusque natum, sanguinis Sueuici stillam vltimam, carnificis gladio subiecit, publico in theatro, vna cum Archiduce Austriæ, & duodecim primæ nobilitatibus proceribus: Henricum autem Castellæ Regis filium ferreæ caucæ inclusum tota Italia ignominiosum spectaculum circumduxit, vt Franciscus Tamberlanes alterum Baziazetem: insolentiam vero militum, Regis in morem sæuientium, adco

adeo non compescuit, ut incolæ desperato cōsilio omnes
 trucidarint: quod consilium tot auribus commissum pro-
 di necesse erat ab aliquo nisi crudelitas omniū ora clau-
 sisset, vesperisque Siculis silentium imposuisset. Nam &
 Siculi inuestituram Pontificis reuerebantur, veniamque
 deprecati Caroli Imperium non detrectabāt, dummodo
 Francicæ nationis præsidij impostero carerent: quam
 conditionem reiecit Carolus, & armis vindicare se, suos-
 que voluit: desperabundi ergo iterum Petrū Aragonium
 pro auxilio interpellant, ille amicis oppressis, sociali iu-
 re, quin & sanguine Coradino iunctus, & hæres ab eo in
 theatro nuncupatus, in signum traditionis regni pro-
 iecta in populum chirotheca, quæ ab equite quodam
 excepta est, & ad Petrum delata, auxilia tulit; adeo
 felicia, ut Franci numquam armis regnum recuperare
 potuerint: ut Cassanus hæc fatetur: l. i. c. 5. p. 228. 229.
 230. 233. 235. at vero oppressis auxilia præstare, ius est
 gentium: Reges subditis ut brutis abuti non posse, ius est
 naturæ: bello quæsitæ (cessantibus etiam omnibus alijs
 Aragoniorum hic titulis) victori cedere, sanctissima
 Cassano lex est: *ut demonstrauimus h. c. §. 1.* Quæ ra-
 tio etiam prosternit dubium Cassani d. c. 5. argumen-
 tum, quod p. 298. desumit ex auctoritate Baronij: cuius
 quæ ibi citat verba, suam singula solutionem habent
 ex his paucis vltimis nostris lineis, & Aragoniorum in-
 nestituris; quas mox citauimus, & ipse Cassanus fatetur
 d. p. 282.

§. Miscellaneæ

Antinomix totum Cassani opus ut formicæ peruagan-
 tur, sed longum, nec operæpretium eas hic persequi.
 dissertatio tamen proxima exigit ne præteream, quam
 sancte de auctoritate Pontificia loquatur, in priuandis
 regibus ob hæresim, & Ecclesiæ contemptum. lib. 1. c. 2.
 p. 85. 86. c. 2. p. 91. c. 5. p. 207. 209. 206. 213. 214. 219. 224. c. 8.
 374. c. 9. p. 416. l. 2. c. 7. p. 208. quando res pro Francis dispo-

nuntur: si quid aduersus illos dirigatur, mox non videbitur illi Pontifex habere in temporalia potestatem vel de regnis ordinare non posse, clauēs Petri ad animas spectare, non ad alligandos Reges eorumve regna in compedibus decretorum Ecclesiasticorum: fore alioquin regna precaria omnia reddere Papis, & ad eorum lubitum habenda, euertere fundamenta monarchiarum, deijcere auctoritatem, viam seditionibus aperire, contra Dei præceptum Regibus omnes subiiciens, ne Ecclesiasticos quidem eximens, l. i. c. 3. p. 136. l. i. c. 4. p. 170. 172. 173. 174. 175. 176. 179. 181. 182. 183. 186. 191. 192. in transferendis imperijs Occidentis in Carolum Magnum Orientis in Carolum VIII. ac aliās, l. 2. c. 1. p. 9. p. 16. 20. 21. l. i. c. 5. p. 262. regno Aragoniæ Templarijs ab Alphonso relicto Franciæ Regi dando, l. i. c. 2. p. 90. confirmandis contractibus antenuptialibus, pactitiæque successionē Mediolanensi vacante Imperio: l. i. c. 7. p. 329. p. 361. quamuis bulla Caroli IV. pridem pro regimine Imperij vacantis prouiderit: super non admittendis ad regna illegitimis: l. i. c. 1. p. 44. c. 5. p. 222. tollendis matrimoniorum impedimentis, restituendisque in consequentiam natalibus l. i. c. 3. p. 135. 138. confirmandis institutis, electis regibus: p. 140.

Ordinibus etiam regnorum Populouæ, cuius illi legati nati existimantur, magnam emphāsīm Cassanus tribuit, cum in rem id suam vertere potest, aliās illos ab absoluta Regum potestate reijcit, rebelles facit frequenter, aut saltem mutos. l. i. c. 1. p. 28. p. 44. p. 72. 109. 110. c. 5. p. 205. 220. c. 5. p. 258. 262. 272. l. 2. c. 1. p. 26. 27. c. 2. p. 41. c. 5. p. 161. c. 4. p. 92. c. 5. p. 161. 162. 163. 164. c. ult. p. 249. l. i. c. 2. p. 74. 81. c. 3. p. 138. 139. c. 3. p. 199. c. 4. 259.

Regna Siciliæ quamuis à Normannis quæsitā fateatur, subiecta facit Cassanus iuri Romano, omnesque Italiæ ditiones, & cui iuri Reges illi Principesve derogare nequeant, l. i. c. 5. p. 216. & virorum Doctorum facit sententiam: sed verius Maranta in Spec. p. 3. V. tela. n. 95. dubiam admodum facit quæstionē ex constitutione regni, vtrum post

post constitutiones & consuetudines seruetur ius Longobardicum an Romanum, quod cui præualeat, & decem utrimque argumenta adducit, & utrimque soluit, sed Longobardum nunc desuetum ait, & Romano locum facit, sed tamen præ omnibus dat prærogatiuam regni constitutionibus, & consuetudinibus sine controuersia cuius rei, præsertim quoad controuersias regales, vt ijs minime teneantur, latè causam discussimus *supra c.3.* sed & ipse Cassanus *eod. c.5. p. 278.* cum sibi obijcit argumentum quod Joanna Neapol. marito regnum dare non potuerit, cum iure Romano donationes inter virum & uxorem sint inhibitæ, negat Reges huiusmodi legibus teneri, satius hoc in casu dixisset, nec iure Romano huiusmodi donationes vetitas inter Principem & Augustum. *l. ult. circa fin. C. de quadr. præscript.* interim Cassanus illic ob leges Romanas non posse illos Reges heredem scribere, quem illæ non permittant, asserit; hic legibus soluit: & addit vt sæpe alias, quia *sic in Francia ius habet*, ita quod præmonui *initio c.3.* alios non illorum, sed suis legibus iudicent sæpe Francici scriptores huiusmodi.

Regnum Arelatense semper membrum Franciæ fuisse, numquam de domanio Imperij, contendit Cassanus *l. 2. c. 1. p. 22.* & tamen *p. 21.* scribit illud Philippum Valesium ab Henrico Imperatore emisse tam valide, vt non possit amplius: siquidē si à non domino emit, quomodo valide? & non, si à vero Domino emisset, potuisset validius?

Rursus *eadem p. 22.* Reges Franciæ Cassanus Imperatoribus facit æquales: & tamen *eodem libro l. c. 1. p. 1. & 2.* defuisse adhuc ait Franciæ Regibus supremum dignitatis fastigium; scilicet Imperatorium diadema, quo fierent primaria columna Ecclesiæ: illud ergo cum Imperatoribus competat, non Regibus Franciæ; non sunt in gradu dignitatis æquali.

Quæ etiam inuicem mox de transferendis Imperijs ac regnis contraria citauimus; specialiter elucēt in Imperio Romano-Germanico, quod rectè in Francos translatum

con-

contendit Cassanus *l. 2. c. 1.* ob negligentiam Constantinopolitanorum Imperatorum in defendenda aduersus Longobardos Ecclesia: eandem agnoscit in Ludouico Franciæ Rege: *l. 2. c. 1. p. 15.* quid ni ergo fateatur eodem modo & causa transferri potuisse in Germanos? cum tamen *d. c. 1. p. 10.* Romano-Germanos Imperatores per usurpationem dumtaxat Imperium possidere, & ad Francos spectare contendat, ad eundemque modum ob ingratitudinem regna feudalia posse transferri contendit in Petro Aragonio *l. 1. c. 9. p. 418. 420.* vt mox etiã de Frederico diximus, cur ergo negat in Ludouico XII. aliisque Franciæ Regibus ei similibus, qui non deseruerunt tantum Ecclesiam, sed etiam oppugnauerunt ipsi, vt Ludouicus XII. aduersus Iulium II. alijque? quorum ex capite regna Sicula, vel Imperium Cassanus vindicare Francis contendit.

Plures omnino sunt aliæ antinomix toto Cassani opere dispersæ, non dies tantum sed hebdomadæ & menses me deficerent, si illis committendis insisterem: lectori facile se illæ prodent obuiæ: hæ autem quas retulimus satis erunt, quibus non est legendi otium, vt ex ijs vnguibus æstiment leonem, vt ex vnius artériæ pulsu de tota hominis valetudine iudicant medici, & Pythagoras Herculani corporis mensuram ex Pisano stadio, quod Hercules suis pedibus fuerat metatus, ratiocinatus est.

C A P V T V.

Applicatio dictorum ; propositio dicendorum.

AT quorsum hæc omnia? vt intelligamus quã Cassanus nuperique quidam ei assymboli scriptores Francici, in vindicandis Coronæ Francicæ tot regnis dominatibusque, arundineis titulis nitantur; quos ipsi in alijs improbent: simulque qui eodem ore calidum essent frigidumque, eodem idem calamo affirment & negent, eandem

dem causam albo norent lapillo & nigro ; non rebus sed personis suffragia dātes; in se probare quod in alijs damnent, in Francis iustū censere, quod in Hispanis iniquum: iustitiam apud eos cæcam non esse, deficere ab Areopagitarum instituto; etsi Dionysium Areopagitam apostolum suum laudent: Confectarium vltcrius esse apud eos, quibus ratio imperat , vt fateantur aut iustos regnorum titulos eos esse, quos modo recensuimus, non aliter sibi, quā alijs gentibus, aut iniustos : Deus enim & natura eandem omnibus legem dedit , similem æquitatem, iustitiam pariformem : igitur necesse est vt non vituperent in alio , quod in se laudant , vt in alio non improbent, quod in se probant; vt eodem iure vtantur, quod in alijs statuunt : vt sibi fieri posse censeant, quod alijs iustē faciunt: adeoque regna, dynastias, dominatus eodem quo à se iure acquiri posse, retinerique. non est admodum discurrendum per omnia Europæ regna, vt facit Cassanus , eique assymboli; vna fidelia possunt omnia dealbari: nullum enim omnino esse credam, quod possideat Hispaniarum Rex, quem potissimum impetunt, quod non habeat comites titulos, atque vnumquodque plures ex illis, quos vt iustos pro Francis Cassanus, confortesque producant. cuius rei testimonia nunc alia nolim proferre , quā quæ mox citaui , atque ipsa illorum scripta produnt, neque id mihi nunc institutum est, neque operæ pretium in eos hīc pugnare , qui proprijs ensibus iugulantur, qui suis ipsi iaculis percussi intereunt. nuper tamen Nicolaus Vernuleus Apologiam dedit, qua omnium ditionum, quas Austriaci Principes hodie possident, iusti tituli breuiter proponuntur, id tantum propositum est , ex hisce contradictorijs Cassani assertionibus, illius iudicium infirmasse, qui iustitiæ constantiam dilapidauerit: & generalia nunc quædam , & quæ obijci passim solent argumenta discutere dumtaxat: ac tum maximè disceptare de iuratis pacis fœderibus non violandis: &, quod infelicia hæc tēpora in

con-

contrarium vehunt, bellum, quod aliud ex alio sunt aliqui commentati, an cum tot pacis fœderibus conueniat, quæ Francia cum Hispania, Imperio, Domoue Austria-
ca contraxerit, quod Cassanus, consortesque scriptores, seu primi potius eorum motores prodigiosè pepererunt.

CAPVT VI.

De lege, & terra Salica.

FRANCIS Salicum nomen aliquibus in ore pænè tam est frequens quàm salua; nec tamen hætenus legem Salicam non commentum esse, sed legem verè latam certis vllis monumentis demonstrant. existisse vñquam negauerunt illi, qui causam Eduardi Regis Angliæ aduersus Philippum Valesium egerunt apud Ordines Franciæ: nec porro hi archiua discuti, membranas proferri, annulos, sigilla inspicere iusserunt, sed historijs & exemplis certatum est, & velut ex moribus deprompta sententia pro Philippo. causæ perorationem quam largissime Annalibus Flandriæ inseruit Emanuel Sueyro *Tom. 1. l. 11. ad annum 1328.* annotatis etiam ad marginem omnium opinionum auctoribus, quorum etiam partem citat Spiegelus: *in Lexico V. Salica lex.* quibus insuper cæteros refutans addi potest Pasquier, *aux Recher. l. 2. c. 16.* & sanè Cuiacius de feud. *lib. 1. t. 1. de Conrado Imperatore agēs.* *is est,* inquit, *Conradus Salicus nuncupatus quod Dux esset Francorum Orientalium qui Salij dicti sunt: Ammian. Marcellin. 17. petit primum omnium Francos, eos videlicet, quos consuetudo Francos appellauit: Sigebertus Franci,* inquit, *vti ceperunt legibus, & legem Salicam dictauerunt. Separatis libris habetur lex Salica & lex Francica: hæc est Occidentalium, illa Orientalium.* Ita Cuiac. ergo Salica lex, eo iudice, ad Gallias non spectat, sed Franco-niam. quæ etiam fuerit terra Salica, tam est ipsis Frâcis expe-

expeditum, quàm Dedali labyrinthus. iidem auctores varias deriuationes faciunt, à Sala fluuio, Salijs populis, quos alij ad Aquas sextias inter Alpes & Rhodanum, alij in Franconia, alij inter Rhenum, Mosam, & Mosellam quærunt: ob consonantiã vnus alteriusue syllabæ, quàm si tantum sectentur, in descriptione Plinij inuenient in Africa ciuitatem Salam ad marginem fluuij cognominis: apud Martialem in Hispanijs etiam Salam, in Dalmatia Saloniam Diocletiani patriã, in Italia Salentinum. Verum, si quid veritatis vinqũa etyma continent, terra Salica iacet iuxtà fluuium *Salam* nunc *Isalam*; quæ vna hodie numeratur ex septemdecim inferioris Germanicæ seu Belgicæ prouincijs in *Transisalana* ditione, quæ & inde dicitur; ac iuxtà Rhenum consistit: vbi & territorium est quod *Sallant* etiam nunc vocamus, id est terram Saliorum, siquidem *lant* ditionem significat. sita etiam est *Oldensalia*, id est veterum Saliorum ciuitas, & inter Svollam & Campenã ad *Isalam* *Salicum* nobilis vicus, & in vicinis Frisijjs vrbs Francicum quasi Francicum, & iterum Salinga, vrbs paucis inde passuum millibus, nec procul ab Agrippina distans. & sane Pasquier, *Recherches* l. i. c. 6. primos Francos à finibus Frisicæ ad Rhenum adducit; quo transito aduersus Romanos bella gesserint, paulatimque progressi vicina omnia sui iuris fecerint. consentit Miræus, in *Chronico Belgico ad annum* 420. Denique Montanus *ad mappas Kerij in Transisalania* ex testimonijs Agathicæ, Claudiani, Sidonij, Spanheimii, Turonensis, Marcellini latius probat. & nuper reperta fertur membrana vetus geographica Imperij Romani, in qua Franci Salijque vltra Rhenum iuxtà Frisios sint collocati. cui consonat veteris Belgij mappa apud eundem Kerium, & veteris Germaniæ apud Ortelium: consanguinea autem, affinis & inter se mixta est veteribus gens Francorum, & Saliorum. Sed hæc vocabula angusta nimis sunt, quàm vt satisfaciant Francis, qui eo tendunt, vt quidquid in potestatem Regum suorum

rum semel venerit, terra Salica fiat, imo regiam hanc, dominicam seu domanialem terram eo nomine significari contendunt. sed hi sibi contradicerent si regulis de allodio latis dominialem illigarent fundū qui illi oppositus est, quod si sunt etiam, Ioan. Trithemius Abbas, alijque, qui istius legis Salicæ dictatores Deorum sacrificulos fuisse contendunt, Salogastum Iouis, Vvesogastum Dianæ Pontifices, qui obscuris verbis hæc oracula tamquam ex tripode responsa dederint, cur non eodem modo terram Salicam interpretantur, vt Brutus responsum Apollinis Delphici, regnaturum illum qui primus matrem osculatus esset, & continuo pronus terræ osculum infixit communi omnium matri, ita omnem communis matris terram Salicam faciunt ab omnibus liberam, quod alij nomine Salico significari intelligunt, vel denique terram beatam, quod alij: vtrique apud Spigelium, quasi fluentem lacte & melle, vt quocumque arma protulerunt, quidquid oculis aspexerint, quidquid pedibus calcauerint, vt terram promissionis, suū faciant? vt filijs Israel fuerat promissum, *quidquid calcauerit pes tuus, tuum erit.* nam & Salicus Codex initio mentionem Moyſis apud Spigelium ex Conrado Hutingero facit; atque à Moyſis exemplo deducit Arromius Salicam legem: quam inde diuinam, æternamque facit: sed Moyſen vnde gentilis Pharamundus ad Rhenum, Moſamque iam nouerat? dicet Oedipus.

Enimuero demus terram Salicam factam esse omnem regiam, domanialem, quidquid armis quæſierint, vnitumque Coronæ, iure belli regio; tamen non id extendi potest ad eas ditiones quæ non belli iure, sed alijs titulis, non regno sed regi accedunt, sed dumtaxat quæ cum regni supremo, directiue, dominio, consolidantur vt illa feudorum, emphyteusium dominia (vt redit vsusfructus ad proprietatem) vel iure fisci Coronæ innexuntur, quæ etiam alijs regnis conuenire possunt. vt optime Ioannes Rex Franciæ in diplomate quo Philippo secundo

do genito donat Ducatum Burgundiæ. refertur ab Alberto Miræo in *Cod. donat. præf. c. 105. Sueyro ubi supra ad Annal. Fland. lib. 12. ad annum 1362.* prudenter significat, se non illum adeptum regni iure, sed clausulam inserit in eundem Ducatum se successisse tamquam consanguineum magis propinquum Ducis Philippi, traditque filio cum omni iure quod vllatenus ad illum erat deuolutum, possidendum per hæredes ex illius corpore legitimisque nuptijs nascituros, non masculos tantum Salicos : vt dicendum sit, quidquid est extra sphæram hastæ Gallicæ nullo iure Salicis legibus teneri. nec vero extra terminos suos Pharamundus, Clodouæus, seu quis alius Salicarum legum lator, voluit potuitue ius dicere. extra territorium ius dicenti impunè non paretur, *ult. D. de iuris. omn. iud.* sed de hac re infra *c. fin. §. Burgund. Duc.* nunc ad id quod cepimus, pergamus; Salicâ ipsam legem examinemus: *de terra*, inquit, *Salica nulla portio hæreditatis mulieri veniat, sed ad virilem sexum tota terra hæreditas perueniat.* his verbis citat & ipse Cassanus *l. 2. c. 5. p. 139.* nolim hic repetere, quod Oratores Eduardi disputarunt legem illam non ad regni delationem pertinere, sed ad priuatas familias eriscundas; de allodiis inscribi, agereque de hæreditate priuatorum: idque sub capite de matrimonio ad Morganaticam, vel vt Grotius *de iur. bell. l. 2. c. num. 8.* ad Morgengabicam, miranda lex liliati sceptri ex matrimonio Morganatico educta, an somniata? *Hæreditas*, inquit Cuiacius, *l. 1. feud. t. 9. in fin. est alode.* & Du Plaix in *pro leg.* crassam ignorantiam vocat, erroremque popularem, eam legem de Corona accipere, aut pro successionem regni sancitam credere. vt alij sane hodie prudentiores Salicam legem tabulis non scriptam, sed moribus inductam contendunt. an vero ijs, qui regnum Galliæ nulli potestati sæculari secundum faciunt, vt Cassanus *l. 1. c. 1. p. 22.* dignum videtur, vt nulla eius mentio sit, in Salicis legibus specialis, sed communibus allodiorum, nuptiarumque Morganaticarum regulis

gulis comprehensum dicatur? dignum vt Aymonus, aut Greg. Turonensis viciniore istorum temporum, rem tanti momenti non scripserint, qui vel minutas eligendorum tunc proclamandorumue regum ceremonias consecrati sunt? præsertim cum initio nec Pharamundus, alijsve primi Reges fuerint, sed Duces neque successionem, sed magis electionem, in clypeum elationem, plausu & acclamatione populari facti, vt satis ex Aymono, Turonensi, aliisque constat, non stirpis, sed virtutis ratio habita, ideoque virili dextra, non fæminea colo opus fuerit, ad ditiones eo modo retinendas, quo quæsierant. Quare rectius, qui scripsit vidisse se librum peruetustum manuscriptum, in quo est hæc Lex Salica his verbis legeretur; *Si aliqua filia Regi nascatur non succedat in regno, sed habeat apanagium.* sed fictam esse conuincit hoc vocabulum *apanagij*: neque enim Pharamundi tempore latina lingua istiusmodi barbarismis erat corrupta, vt ex Hieronymo, Ambrosio, Augustino, alijsque istius æui scriptoribus constat: posterioris etiam temporis inuentos esse auctores probatiores aiunt, vt *Pasquier Recherch.* l. 2. c. 16. & satis fuerit liber, atque apices peruetusti, si ad Capetiana tempora referantur. Sed & hanc ipsam quàm diximus belli gerendi necessitatem veram esse causam existimo, quod Francis fæminæ numquam imperauerint, tametsi defuncti Reges filias reliquissent. cuius rei plura sunt exempla in illa dissertatione Sueyro vsque ad Philippum Valesium, ac deinde etiam nunc, sæculo proxime lapso. præterquam quod facile creditu est, Francis non iniquum visum fuisse *ex l. 12. D. de legib.* recipere in capite, quod decretum erat de membris: in Coronæ delatione, quod in terris subiectis constitutum. quod multis placuit, quando aliter non liquet: displicet tamen Cassano c. 8. p. 383. cum eius argumentis incommodat. Præter causam autem belli cogitare licet instructos fuisse Francos à Romanis, quibuscum longissimum illis bellum fuit, in Imperij terminis ad Rhenum, ac Mosam, & ex

hosti-

hostibus consilia didicisse. quid ergo Romani? Imperatores non nisi viros habuerunt, & Imperij bona viris distribuebant. *Quæ de hostibus*, inquit *Ælius Lampridius in Alexandro capta sunt, limitaneis Ducibus & militibus donauit, ita ut eorum essent, si hæredes militarent, nec umquam ad priuatos pertinerent: dicens attentius eos militaturos, si etiam sua rura defenderent.* quinimo ridebant viros illos Germanos quibus Velleda iura dicebat *apud Tacitum histor. l. 4.* terra itaque Salica, quam supra descripsimus, sita ad Rhenum & Mosam in limite Imperij Romani lege illa Salica reſeruatur viris; nec simpliciter quidem hæredibus, sed si militarent, si limites defenderent, terra igitur Salica in limite Romanorum sita non nisi viris, non nisi militibus tribuenda erat, ut iisdem Franci consilij, quemadmodum armis, pugnarent cum Romanis.

Sed hæc missa faciamus, non enim de Eduardi lite disceptamus, aut hodie in Regno Gallia ab allodijs, imo feudis sœminæ excluduntur, saltem vbi hæres alius non est. ergo legem ipsam examinemus, omiſſa muliere. *ad virilem*, inquit, *sexum tota terra, & hereditas perueniat.* si eo nomine regnum veniat, cur hæreditas etiam vocatur? Vtique nihil est aliud hereditas quam *successio in vniuersum ius quod defunctus habuit: l. nihil D. de verb. signif. personam defuncti non facultates referens: l. hereditatis l. pecunia §. hereditas D. eod.* augmentum recipit & diminutionem: *l. item veniunt §. non solum D. de petit. hered.* hæreditate venire bona dicuntur, quæ iure hæreditario alicui obueniunt: *Cicero de iuuent.* hæreditas luctrosa, damnosa, cernenda, adeunda, repudianda, *l. quia autem is §. non simpliciter D. si omis. caus. testam.* hæres repræsentat personam defuncti, eademque cum defuncto persona sæpius in iure dicitur: si ergo ex lege Salica sub hæreditate Regnum veniat, cur toties Cassanus, alijque negant Francia Reges pactis antecessorum teneri, quia regnum non sit hæreditarium? alios vbi que Reges

scde-

teneri, quod regna sint hereditaria, cum fœminæ succedant, exceptis electiuis? (tamenſi & alij Reges iure ſanguinis non hæreditatis vocari ſe credant, quod nec ex hæredatione, nec alterius hæredis inſtitutione peruerſi poſſit, aut onere debitorum inutile fieri) cur eo nomine illudunt, pacis fœderibus Madrilienſi, Cameraçenſi, Creſpienſi, Cambreſienſi, Veruiniano?

Verum & hanc quæſtionem nunc ſeponamus. *Ad virilem*, inquit lex, *ſexum tota pertineat*, quis vnquam Cælepinus virilem ſexum interpretatus eſt primogenitum, filiumue vnum? virilis ſexus numerum patitur, & hæreditas partitionem in vncias duodecim. quemadmodum prima Francorum tempora non per hæreditatem, ſed maximè, vt diximus, per electionem primis Ducibus, Regibusque ſummam rerum detulerunt; Germani omnino erant apud quos Tacitus Reges ex nobilitate; Duces ex virtute ſumptos: & Cæſar l. 6. *de bell. Gall.* Germanis in pace nullum communem ait fuiſſe magiſtrum, ſed deligi, qui bello præſint. Sic credendum primos Francos in ſedibus ſuis fuiſſe trans Rhenum, & Moſam, hoſtiliter progreſſos Duces ſumpſiſſe. *de quibus Paſquier Recher. l. 1. c. 15.* Nonne ſuffectus eſt Merouæus Clodionni, quamuis ei exiſterent hæredes Albericus, Rainaldus, & Rancarius? alij per adoptionem, donationem, & ruruſ electionem, etiam Ægidius Romanus, alijque externi? quemadmodum latius omnium exempla refert Sueyro; *ubi ſupra* & Armacanus *in Marte Gallico l. 1. c. 29.* alijque. qui & c. 30. proſequitur alia circa legis Salicæ æternitatem, diuinitatem, immutabilitatem, deliria. & c. 31. ſæpius illam ad ſenſum Arroyi, ſeu interpretatione ſecus declaratam, ſeu uſu contrario interruptam: & demum c. 40. exemplis omnino diuiſionum duodecim regnum ipſum Francorum in plures liberos diſtributum, etiam ita vt ſinguli ſummo iure regnarent: atque intermedijs *vid. c. 32.* docet Ludouicum XIII. nec ex ſtirpe Clodouæi masculina descendere, nec Hugonem Capetum

tum

tum ex Corolina per masculos *c. 33.* solutis Ioannis Papæ VIII. *c. 34.* Innoc. III. & Baronij *c. 35.* Belliforesti, Nangiacci *c. 36.* Chronici Senonensis & Cuiacij adparentibus in contrarium auctoritatibus: quin nec ex fæminina stirpe Capetum ad Carolinos spectasse contendit. *c. 38.* sed ut & hoc demus & per me liceat ut Ludouicus XIII. recta masculina serie ad Carolum Magnum non tantum, sed & Pharamundum referatur, & ad Franconem Troianum, ac demum ad Iapethum Noëmi, quid conficietur? contendunt Cassanus *l. 1. c. 1. p. 8. 9. l. 1. c. 5. p. 202.* ac alibi *passim*, alijque nonnulli Galli, quidquid iuris in Carolo Magno fuit, competere soli Ludouico XIII. in solidum: addant, quidquid in Pharamundo, Francone, Iapetho, nam huic in partitione hæreditatis Noëmi contigit Europa: quam utique nunc totam Ludouico cupiunt vindicare Cassanus & Arroyius, hem quanti Hellsuones!

CAPVT VII.

*An omnia Caroli Magni iura Regibus
Francia competant?*

Quantus enim bolus est totius orbis Europæi globus! & tamen manduci nostri vno illum hiatu absorbere præsumunt; nec verentur ne sibi gula obstruatur, cum Cassanus tamen lege incompatibilem cum Imperio vel solam Siciliam in Carolo V. fuisse contendat: *l. 1. c. 5. p. 291.* sed non Francis, quibus & hanc & Imperium, & quidquid Caroli Magni fuit ambit: magna certe Europæ pars victricem dexteram Caroli Magni sensit: nec tamen omnis sensit: nec omnis, quæ sensit, ditioni eius cessit: multa pace redintegrata, legibus suis vivere permissa fuit: aut si pax data non est, seposita vel postliminio in libertatem reuersa est: non sane quanta terrarum spatia Cassanus *l. 2. c. 1.* & ei consimiliter Arroyius

in Question. fol. 110. comprehendit, Gallias, Italiam uniuersam ab Augusta Vindelicorum ad Calabriam, inferiorem usque Germaniam, Daniam extremaque septentrionis, Hungariam, Poloniam, Russiam, Prussiam, Liuoniam, Lithuaniam, Moscouiam, Sclauoniam, Podoliam, Albam, Russiam, VValachiam, & ultra Gallias, Montes Pyrenaeos, & Hispania partem cis Iberum, quasi vero Carolus Magnus cum nullo bellum gesserit, nisi quem seruum subditumue reddiderit, praesertim ante translatum in eum Imperium. etiam pacem soliti fuisse veteres pangere, & indies hodie non minus vsurpant Principes, ut eodem die & hostes eisdem habuerint & amicos, non mox subditos. Maiores nostri, inquit Salustius, religiosissimi mortales nihil victis eripiebant, praeter iniuria licentiam. & ut secus se haberet, quaedam iure Imperij, quaedam iure regni obtinuit Carolus. ut si Salicis legibus vnionibusque Chymericis locus foret, iam Gallia Germanis competeret, non Francis: Imperio quidem Romano-Germanico regnum cecidisset, non regno Francorum Imperium. diuisionibus inter posteros Caroli Magni factis, potissima Germanis primogenitisque cesserunt: quae si vnita in Carolo diuidi in posteris non potuissent; iam regnum Galliae Romani Imperatoris legibus teneretur; non res suas sibi Franci haberent; non suis legibus viverent. praesertim cum & Carolus Magnus (sermonem refert Miraeus in Cod. donat. piar. c. 11.) aedificata sumptuosissima Ecclesia Aquisgranensi ibidem Sedem Regiam locauit: Locum regalem & caput Gallia trans Alpes constitui voluit: pergitque, Confirmatum, inquit, & sanctum est hoc à Domino Leone Romano Pontifice, & à me Carolo Roman. Imp. Aug. & primò auctore huius templi, & laci, quatenus ratum & inconuulsam hoc statutum & decretum nostrum maneat, & hic Sedes Regni trans Alpes habeatur, sitque caput omnium ciuitatum, & prouinciarum Galliae. exinde Imp. Germano-Romanus primò hic coronam ferream, 2. Mediolani argenteam, 3. Ro-

mæ auream accipit, pars ergo caput & Sedes Regia cum Germanis cesserit, Frāci utique suis contenti sint sedibus, alioquin subiiciendi ijs, quibus ex diuisione hæreditatis Caroli Magni regni caput, & Sedes Regiæ cesserunt. Ideoque quæ de Carolo Magno iactantur, expendenda sunt ad eum modum, quo leges dicunt, defunctum heredemque vnā esse personam, hunc illum repræsentare: at vbi testator plures reliquit liberos, plures instituit successores, non contingit singulis solidas omnium hæreditates cernere etsi sint omnes hæredes, & quidem illum repræsentent, sed non singuli in solidum, non omnibus solidæ competunt actiones, sed singulis pro virili, quæue parte quisque hæres est. *L. ii. § tot. tit. C. fam. er. cis.* & qua parte hæres defunctum repræsentat, in commodis & incommodis eius factum præstare tenetur, non vltius. *l. cum à matre C. de rei vind. l. eum qui D. de verb. oblig.* quod ipse Cassianus *l. i. c. i. p. 55.* agnoscit his verbis; *heres in solidum, inquit, defunctum repræsentat, ex parte, etiam pro parte repræsentat: & pro parte cohæredum censetur extraneus.* Itaque qui in Germania successit pro Germania, qui in Italia pro Italia, qui in Gallia pro Gallia, neque vltius Carolum Magnum repræsentant, iuraue vlla illis competere queunt.

Et ad eum modum cum ita *ad Rom. c. 8.* argumentatus esset Apostolus, *si filij ergo hæredes.* subsumit *hæredes quidem Dei, cohæredes autem Christi.* Itaque à Carolo Magno non soli liberi qui in Francia regnarent, sunt agniti; sed & cohæredes fuerunt qui in Italia, atque Germania imperarunt. & subsequenter partitiones duodecim, quas enarrat Armacanus *d. c. 40.* inter successores, etiam Ordinibus assentientibus, sunt celebratæ. nec id mirum cum soliti id olim iuris haberetur, vt regna inter proles diuiderentur. *Hotoman. in disp. de feud. c. 28.* vt & feuda olim omnia diuidebantur, & quidem æqualiter. *L. i. feud. § 1. §. & quia t. 8. in princ. t. 14. l. 2. t. 11. § t. 50.* & primus Imp. Frædericus ducatus, marchias, & comitatus similia-

que grandia feuda diuidi vetuit deinceps. *L. 2. feud. t. 55. §. præterea ducatus.* primum etiam in Gallia fuisse Hugonem Capetum, qui regnum diuidi vetuerit certum est. *Le Bret. l. 1. de la souuerain. c. 4. Papon. arr. l. 4. t. 1. a. 1.* Ut nunc omittamus alios quoscumque titulos quibus partes ditionum in alios transferri potuerint, quos Cassanus in frontispicio proclamat legitimos.

C A P V T V I I I.

De vnione.

NON vi legis Salicæ primogenito, eique soli totam terram, hæreditatemque Salicā deberi, sed vt alias hæreditates vsque ad Hugonem Capetum fere distribui inter liberos masculos consueuisse iam perspeximus: quin & Reges non iure semper successorio, sed & electione, adoptione, donatione, partitione, designatione paterna, senatusconsulto Ordinum Franciæ, auctoritate Pontificia Vicarij illius qui transfert regna, & per quem Reges regnant, atque aliter sæpius esse assumptos, regnumque sæpius diuisum quasi hæreditatem liberorum, qui singuli pro singulis partibus summo iure antecessores repræsentent, non vt tanta quanta fuerint iura in Carolo Magno resideant hodie in Ludouico XIII. sed in singulis in singula successoribus, pro quanta parte successerint. vbi nunc vllum Salicæ legis verbum quod id vetuerit, quod vnionem regnorum, ditionumque fecerit, quæ partitione hæreditaria insolubilis esset? qua in repræ Arroyo magis ingenuè Cassanus fatetur *l. 1. c. 1. p. 13.* in prima & secunda Regum Francicorum linea, vnionem huiusmodi non fuisse vsurpatam. Liquet sane regnum partiri inter hæredes, quin & partes alienari licuisse in extraneos, vsusque priorum Regum vtriusque rei inter-

preta

pretationem facit, nec indiuisibilis vnionis per primos annos quingentos reperies vestigium. Nec inconsulto tantum affectu hæc acciderunt, sed etiam *suggerentibus iis* (verba sunt Aymoni *lib.4. c.27.*) *qui utilitatibus regni consulere videbantur*, id est ex iudicio prudentum, quo & Salicæ leges conditæ fuerint: nam & illarum dictatores & Pontifices Druidesve fuisse volunt, vt diximus, & inter eos refertur Wesogastus, quod scilicet Germanicè *Wijsegast*, sapientem virum significat, Germanos illos dictatores, omnesque Francos Germano idiomate vsos tunc fuisse nemo nescit. quod si hæc partitiones iure factæ non forent, sed seniori solida regna delata, ex æternitate legis Salicæ; vtique iam Galli subessent primo Francorum regno, quod Pharamundus reliquit, & proximi illi successores iam illi regno Salico, terræ, hæreditatique Salicæ trans Rhenum primò, post trans Mosam iam pridem constituto, post diuturna demum bella in intima vsque veteris Galliæ prolato: accessorij vice obuensissent; iure belli vniti essent: viden' quo redigantur fundamentales, quas somniant, Francici Regni leges? an aduertis eum qui primas regni Francici, vt capitis, ditiones possidet, æterna immutabilique Salica lege, vt volunt, quæ omnibus sæculorum præscriptionibus præualeat, vt itidem volunt, ad se trahere iura aliorum regnorum, quæ postmodum arma Francica pepererunt? accretio enim ei fit quod præexistit, at ditiones istas, post tot maiorum diuisiones, nunc iure possidet Rex Hispaniarum, quidquid trans Isalam seu Salam fluuium est, totam Transisalanam ditionem, Salandiam, Oldensaliam, vicinasque veterum Francorum Sedes; caput inquam, membraque regni Francici primordialia, totasque terras Salicas, quas habuit Pharamundus, primiq; regni Francici conditores; Gallos constat in postremis esse accessorios, ditioni nunc Regi Hispano competenti diu post adiectos, at hunc maximè illi nolint, & tamen argumentis suis eum statuerent sibi regem:

aut Bataui iure rebellionis, iusto utique apud illos bello, cui etiam socia arma commodant, magnam istarum ditionum veterum Francorum sedium, primordiorumque regni partem detentantes, axiomatibus suis instructi possent argumentari, successores se esse Pharamundi, omniumque iurium quæ ille habuit; regnum illius habere; quidquid regno isti postmodum accessit, iure legis Salicæ æternæ, immutabilis eis deberi; igitur restituendam sibi Galliam, regno Pharamundi iure belli acquisitam, Coronæ primæ vnitam, à qua diuelli non potuerit, nec diuulsio vlla sæculorum præscriptione, quæ aduersus iura Regia non obtineat, defendi. an Oratores Francici Byzantio, vbi tam arcta fœdera sauxerunt, non retulere ibi Magnum Dominium, eiusve prudentes sic argumentari; Romani mundi Domini fuerunt; Occidentem in potestate habuerunt, at magnus Dominus, redacta bello in potestatem Constantinopoli, successit in iura Romanorum Imperatorum, totus ergo ei Occidens debetur. mirum an scrupulum ea Francis argumentatio non iniiciat, ut & Gallias Magno Domino restituant, dum Romanum Imperatorem, aliosque Principes, qui aliquid possident, quod Caroli Magni priorumue Francorum fuit, restitutioni illi obligant: quinimo iustiori argumento liceat mihi rogare quo naturæ prodigio possit esse in Gallia contradictoriorum simul existentium possibilitas, si quidquid Caroli Magni fuit Francicum est, si omnes termini quondam illi subditi hodie Francis sint obnoxij, quomodo per tot sæcula, hodieque indies Rex tot homines iure regni donat, regnicolas facit, extra hodiernum Franciæ ambitum intra terminos tamen Caroli Magni natos? quo iure tamquam peregrinorum bona occupantur, dum apud eos moriuntur. *par droit d'aubaine?* iure si sunt subditi, cur de facto supremarum etiam curiarum sententijs spoliantur ut peregrini? an Arroyo Theologo non videtur restitutio facienda à Ludouico XIII. tot millium hæreditatum sic expilatarum, sub-

subditis Caroli Magni debitum? an confessarius Ludouici non monendus, non dimitti peccatum nisi restituatur ablatum? an domi id sibi negligendum statuit, salutemque Regis sui sibi curæ esse non debere, qui foris aliorum Principum conscientijs se immiscet?

Sed redeamus ad leges Salicas, omittamusque etiam eos Principes, qui in regnum Pharamundi, primorumque Regum successerunt, quin & Carolum Magnum, & posteros; dicimus leges Salicas, ut dentur esse, & ad regnum spectare, non tantum diuisionem regni non vetare inter liberos, sed neque diminutionem, alienationemve in extraneos, nullum id verbum sonat, exempla luculenta contrarium probant, ut habet *Armatanus in Mart. Gall.* l. 1. c. 41. unde & ex primis regibus per electionem, vel adoptionem, designationem, Senatusconsulta Franciæ, ut Pipinus & Capetus, vel donationem, ut is ab alijs scribitur prætendisse, sed & Carolus Crassus Normannis eam regni partem dedit quæ hodie Normandia dicitur, ut ibi considerent, reliquoque regno abstinerent: Carolus item Caluus Bosoni Provinciam, Balduino Flandriam concessit: Capetus Regni Comitibus alijsque proceribus ditiones in perpetuum concessit, cum antereuocabiles aut temporariæ essent, *Cassan.* l. 2. c. 5. p. 122. quæ nunc porro est in tota Gallia ditio, cuius sunt alij præter Regem possessores, quæ Regum munificentia non sit tributa? titulis id Domini & voce clament: antiquissimas partitiones, donationesque quidem solido iure, mediorum temporum à Capeto posterisque sub recognitione Regis, ut supremi, *Le Bret de la souveraineté* l. 1. c. 4. *du Plaix in Childebert.* *Cassan.* l. 2. c. 1. *Papon. arrest.* l. 4. t. 20. a. 1. at hæc tamen sunt alienationes ditiorum Coronæ unitarum, quas ubique vetitas clamant, an non hæc omnia post Pharamundum, post Carolum Magnum concessa argumento illorum ad Coronam retrahuntur? an non similiter omnia quæ possidentur ab ijs, quorum maiores vmquam in bellis contra Francos

militarunt, eodem reuocantur? nec præscriptio eas præferuat, nec vlla pacis fœdera, quæ Reges vsufructuarij, vt volunt, pangere non potuerint, cum imminutione regni, in præiudicium successorum? vt vbiq̃ue Cassanus & Arroyius asserunt. quot posteriores eorum supersunt, qui, vt vetustiora omittamus in bello *Boni-publici*, qui in factionibus Aurelianensium Burgundionumque, quibus per vices nomen & auctoritas Regia reciprocabatur, qui in bello Anglicano quod per ducentos pæne annos durauit, qui in nupero ciuili bello, quod *Ligam* adhuc vocitant, maiores numerent, qui in partibus contra Francos aliquando steterunt? quorum nullos fœdera pacis, tituli, temporumque lapsus illis iudici- bus defendere possunt; quo minus teneantur restituere quidquid Coronæ per maiorum delicta semel fuerit vnitum: argumentisque ijsdem irritum fieri non tantum quidquid Ecclesiæ Romanæ à Carolo Magno, sed & quod alijs omnibus Ecclesijs, monasterijs, pijsque causis, quæ magna pars est possessionum Cleri Francici, à Regibus vllis datum fuerit. Viderisne quantum domi suæ incendium excitant, dum inflammare cupiunt alienam?

C A P V T I X.

An Imperio à Francis translato, Reges Franciæ Carolo Magno quâ Imperatori videri successisse, eoue nomine aliquid ad eos spectare possit?

Partitiones in liberos factas expendimus. Videamus de iuribus Imperialibus, an ad Ludouicum XIII, quicquam pertinere possit. Imperium in Carolum Magnum à Pontifice translatum, Franciæ vnitum non fuisse ex Paulo Æmilio l. 3. in *Carolo Magno* liquet: causam examinamus *infra c. 13.* faterur id, queriturque Cassanus

l. 2. c. 1. p. 13. qua formula concessum sit, non satis est euidens, successionem hæreditariam Franci præsupponunt, mihi non liquet: Carolum Magnum & Ludouicum filium ferè ita vsos in partitione inter liberos satis constat; tamen si Imperium Carolus non primogenito eiusue filio, sed secundogenito reliquerit, atque apud posteros Carolingæ stirpis non perpetuo Imperium cessit primogenito, sed sæpius illo manente intra ipsos consanguineos, tamen variatum est, vt ex historijs constat, atque Bellarmino *de translatione Imperij* l. 1. c. 1. 2. 3. vsque ad Othonem I. gente Saxonem. *Chronicon Belgicum Mirai ad annum* 814. 837. 840. 841. 843. 855. 875. 877. 896. 900. 912. quem ex professo docet idem Bellarminus primum fuisse Imperatorem ex illa gente, Henricum Aucupem aliosque Germaniæ Reges dumtaxat, Henricum Othonis I. patrem etiam imperiale diadema renuisse, regio nomine contentum præ animi humilitate: quod vt verum sit, ego & aliam causam illi fuisse iustissimam existimem, scilicet quod illi disputanda fuisset grauis questio, quam tractat Azorius *Institut Moral.* tom. 2. lib. 10. c. ult. q. 6. an Imperium Romanum iam tunc non competeret Principibus Italis? siquidem vt ex Sigonio lib. 5. *Regni Italici*, Azorius prosequitur sub Carolo Crasso, cum ea familia cepisset ab auita virtute, fortitudineque deficere, & Saraceni per Italiam & Ecclesiam vniuersam popularentur, Adrianum III. Pontificem Itali rogarunt, vt Italiæ, Ecclesiæque consuleret: quippe quod eadem causa sæculo vix lapso Imperium à Græcis in Carolū Magnum fuisset translatum. Adrianus itaque duo decreta condidit: primum (abrogato quod Carolo, successoribusque concessum est priuilegio) vt deinceps Pontifex Rom. designatus consecrari sine præsentia Regis, aut legatorum eius posset: alterum, vt moriente Carolo Crasso Imperatore sine liberis, regnum Italicis Principibus vna cum titulo & iure Imperij traderetur. eo ergo sic mortuo anno 888. Itali Berengarium Ducem Foro-Juliensem,

alij Vidonem Ducem Spolitanum elegerunt, qui à Stephano V. Imperator est coronatus. Hinc inter vtrosque in Italia bella, interque Arnulphum deinde Germaniæ Regem, à Formoso in Imperatorem consecratum, Lambertum à Joanne IX. in Concilio Rauennæ confirmatum, Ludouicum deinde Bossonis Regis Prouinciæ filium, quem Benedictus IV. Imperatorem coronauit, Rodulphum deinde Regem, Hugonem Arelatensem, Berengarium iuniorem, Lotharium Hugonis filium, quibus cum tempestatibus luctabatur Italia vsque ad annum 960. nec Franci ferebant opem Ecclesiæ tam diu laboranti, & à Leone VIII. requisiti anno 940. vt fatur Cassanus, l. 2. c. 1. p. 15. cui vt vasallus Domino necessitatem patienti suppetias ferre tenebantur, si quid ex iure Imperij in Carolum Magnum translati prætere vellent. Vasallus ea in re peccans, beneficio excidit. huiusmodi controuersiam nec Henricus Saxo in humeros suscipere voluisse mihi videtur, honestis verborum officijs bellicam difficultatem vitans, quam augebat decretum Adriani III. quoad Italos translatum erat Imperium, & exemplum Arnulphi Germaniæ Regis à Formoso Pontifice consecrati, quod actis eius à Stephano VI. rescissis, & Arnulpho in Germaniam reuerso, Itali quamuis inter se dissidentes rerum fuissent potiti: neglecto Arnulpho, eiusque posteris in Germania: donec an. 960. seu 961. vt *Chronicon Belgic. Mirai* Ioannes XII. Pontifex, ad Germanos oculos reflectens, Othonem I. ad defensionem Ecclesiæ, quam gnauiter armatus suscepit, vt & fatur Cassanus d. p. 15. in Italiam vocauit, Imperiumque in eum transtulit. qui ex eo, vt Carolus, Magni cognomen est sortitus. ob idque, aliasque rerum gestarum circumstantias, inter illum & Carolum Magnum insignem comparationem instituit Otho Frisingensis, quam recitat Bellarminus d. c. 2.

Hoc iure ad primæuos Germanos redijt Imperium, neglectis Germano-Francis, qui iam pridem defensionem

nem

mem Ecclesiæ Romanæ neglexerant: redijtque tanto iure; quanto iam olim à Græcis erat in Carolum Magnum translatum: eoque maiori, quo Græci solido ante iure Romanum Imperium Constantinopolim translatum possidebant, non aliquo beneficio summi Pontificis: sed eo iure, quo à Cæsare, & Augusto, Constantino, & vtrorumque successoribus tot sæculis antecessores illud tenuerant. at Carolus Magnus beneficio Pontificis Romani Imperium accepit, *c. per venerabilem X. de elect. Clem. Romani, Clem. 1. de iureiurand. c. in die de consec. dist. 5.* quod Bellarminus l. 1. exactè docuit, ab eodemque deinde in Italos relatum, ac tandem in Othonem Magnum vltimo translatum est, mansitque deinceps penes Principes Germanos.

At vero illud Imperium quod Carolo est concessum, non parum abest ab illo antiquo Romano. *d. c. venerabilem X. de elect. Principes*, inquit Innocentius III. *ibid. recognoscere debent, & utique recognoscunt, sicut iidem in nostra recognouère presentia, quod ius & auctoritas examinandi personam electam in Regem, & promouendam ad Imperium, ad nos spectat: qui eum inungimus, consecramus, & coronamus.* qua ex causa etiam iuramentum Imp. præstat, *c. tibi Domino. c. ego Ludonicus dist. 63.* quod fidelitatis definit *Clem. 1. de iureiurand.* fidei & Ecclesiæ Catholicæ defensionem promittit, & Pontificum personam, honorem, & statum manutenere, defendere, & conseruare cōtrā omnes homines, cuiuscumque existerent præeminentia, dignitatis, vel status, *d. Clem. 1. ex quo, aliisque, quæ tractat ubi supra* Bellarminus & *Azor. c. 2. totoque deinde libro 10. tom. 2. aliique passim,* satis clarescit auctoritate & beneficio Pontificis Romani Imperium haberi à Germanis: causam translationis fuisse, vt oppressa Ecclesia defenderetur: causa eadem data, & occurrente necessitate potentioris auxilij, iterum atque iterum transferri potuisse. adeoque quamuis initio ad Francos translatum fuisset cum vinculo succes-

forij ordinis, & prerogatiua primogenituræ, non tantum intra familiam Caroli Magni consistendi, qui fateri verum volent, debebunt concedere Ecclesiam à Saracenis afflictam, à Francis non adiutam, alio respicere potuisse: & demum à Berengarijs, alijsque id genus regibus Italix malè habitam, Othonis I. defensionem implorare potuisse eodem præmio, quo olim Caroli Magni: tantum abest vt Imperatores ita in auxilium vocati, electi, sacrati à Romano Pontifice Imperium rapuisse, vt aliqui loquuntur Franci, dici possint. quinimo Cassanus l. 2. c. 1. p. 15. accusat discordiam veterum Francix Regum, quod in illa Berengariorum, aliorumque Italix Regum tempestate Ecclesiam affligente sedem Romanam non iuuerint, Imperijque Coronam in Galliam reuocauerint, sed alijs in bellis vires suas dilapidauerint.

Ex quibus conficitur Ludouicum XIII. vt non successit in omnia illa territoria, quæ Caroli Magni, vt Regis posterius, toties exciscundo diuiserunt, ita nullatenus in vlla iura quæ in illum, vt Imperatorem Romanum, à Romano Pontifice fuerant, cum Corona Imperiali, translata.

C A P V T X.

*An vnio ditionum fiat ipso iure, an facto
opus sit?*

PLures aquæ guttæ si coniungantur natura coalescunt, in vnumque confluunt, omnia liquida in corpus vnum rediguntur, magnes stipulas sibi copulat, insitaque naturæ vi ad se trahit. cum Eudoxia Theodosij iunioris vxor Romam detulisset catenam, qua D. Petrus ab Herode constrictus fuerat, & Pontifex cum altera qua sub Nerone vinctus, contulisset, factum est, vt illæ inter se sic con-

connecterentur, ut non duæ sed vna catena ab eodem artifice confecta esse videretur: sed hæc vis miraculi fuit, illa naturæ est: dic sodes ad quodnam horum duorum velis referre vnionem quam facis Salicam? sane nemo, qui sapit, ad alterutram. bello capta quidem regno acquiruntur; quippe quod rex gerit regni nomine, cui adeoque acquirit, nam quia Rex non est, supremus non est, belli ius non habet: sed & tamen capta illa esse oportet, apprehensaque, non bellum tantum esse. *tot. tit. D. de Captiuis.* ex crimine læsæ maiestatis ipso iure bona rei confiscantur, l. *quisquis C. ad leg. Iul. Maiest.* declaratione tamen opus est *Tusc. § quos citat. V. pæna. concl. 238.* & bonorum apprehensione *Bald. conf. 250. in prin. l. 4. Bossius de bonor. publ. num. 26.* quin & qui de domanio scribunt non apprehensa tantum huiusmodi bona esse volunt, sed & in rationes & computus relata, antequam domanialia & inalienabilia fiant. *Papon. Arrest. l. 5. t. 10. a. 7. indistinctius l. 2. C. Ne fiscus rem lib. 10.* Retractare fiscum quod semel vendidit æquitatis honestatisque ratio non patitur, & facit *tit. de vendit. rer. fiscal.* quin & non vindicata, à fiscoque apprehensa quadriennio præscribuntur l. 1. 2. 3. *C. de quad. præscript.* ita quidem ut nec Theologi reos huiusmodi criminum antequam damnari declarentur obligent, ut bona fisco quondam sua derelinquant, Principibus tradant. actu igitur aliquo opus est ad huiusmodi vnionem: Regem vnum diuersa regna possidere non satis est, ut illa censeantur vnita, beneficiarium quempiam plura simul possidere beneficia non satis est ut excusetur à vetita beneficiorum pluralitate, quam tamen excusat legitima vnio. *c. exposuisti. X. de præb.* non potest Arroyius Sorbonicus Doctor non meminisse illius Sorbonici cuius cadauer in exequijs vocem recepit, & ob pluralitatem beneficiorum damnatum se proclamauit, & D. Brunonem ad meliora conuertit, damnari non poterat, si ex sola plurium possessione legitima nasceretur vnio, igitur hoc agi oportet, & ri-

te agi, multisque cæremonijs agi oportet, vt fiat vnio, tractatum, causæ cognitionem, eorum quorum interest, vocationem interponi, denique iustam causam adesse: secus facta in irritum recidunt, tametsi etiam facta sint: *c. 1. de reb. Eccl. non alien. in 6.* Et quamuis Gentilis omnia ea Regi committat. *disp. de vnion. Britan.* asserit tamen Regem cognoscere, causas expendere, & quid fieri oporteat: iudicare etiam ante annos paucos Nauarra hæreditariæque quædam Hentici IV. ditiones quantis cæremonijs Franciæ sunt annexæ? tantum abest vt ipso iure regna coalescant, alioquin, vt supra *c. 8.* diximus, iam Franci Imperio Romano-Germanico sub Carolo Magno essent annexi, alioque iam delati: at, vt refert Paulus Æmilius *l. 3. in Carol. Mag.* Franci vniri noluerunt, vnitatemque, quam Carolus commendabat, respuerunt, sui que ideo iuris manserunt: non ergo fit ipso iure, ipso facto, non magis in Francia quam alibi, vnio. si iure ergo respuerunt Franci, ius idem potest esse & abarum gentium: si iniuria; restituendo alienum, annectant se Imperio, tradant se Imperatori, vt in contrarium Arroyius Cassanusque Imperatorem, aliosque Principes ad restitutionem vocant, accessorij sequantur naturam sui principalis, quæ est vt Imperium ex causa Ecclesiæ defensionis necessaria transferri possit: *Bellarmin. de transl. Imp. l. 1. c. 12. l. 3. c. 5.* vt à Græcis ad Germanos fuit translatum: *c. venerabilem X. de elect. Clem. Roman. de iureiurand.* vtrique in persona Caroli Magni Franco-Germani. eam siquidem translationem totis tribus libris docet Bellarminus auctoritate Pontificia, (quod & satis fatetur Cassanus *l. 2. c. 1. p. 9.*) factam esse, non iure belli, non successionis hæreditariæ, non auctore Senatu Populoue Romano, non à Græco Imperatore diuisum, non immediatè à Deo acceptum Imperium, eademque Pontificia auctoritate ad Orthonem I. translatum, electoresque Imperij constitutos, vltimo quidem Septem viros Bulla Caroli IV. eo iure donat: sed

sed ante ad plures pertinuit, imo ad omnes Imperij Principes, qui electioni vellent interessere. Franci ergo si ad nexum Imperij negent se iure reuocari posse, oportet vt nec vnionem ipso iure fieri fateantur.

Perperam ergo Cassanus l. i. c. 3. p. 118. *& alibi saepe* ait per Ordinationes, legesque regni, quicquid obuenit Regibus, successionem, acquisitionem, seu quocumque modo tacite unitum & incorporatum Coronæ, conformiter dispositioni iuris, pro hoc citat l. *cum de consuetudine l. si de interpretatione*, pro illis Ordinationes Caroli VI. an. 1401. & Francisc. I. nihil sane huc faciunt citatæ leges: prior tantum monet, cum de consuetudine ciuitatis, aut prouinciæ agitur, explorandum an contradicto aliquando iudicio firmata sit: altera, inspiciendum quo iure ciuitas retrò in huiusmodi casibus vsa sit: quid hoc ad rhombum nostrum? imo retorqueamus argumentum: Gallia ita vsa est in vnionibus, vt non tacite, atque ipso iure fierent, sed factum requireretur, id ageretur, ceremoniæ adhiberentur: præsertim quoad ea quæ numquam fuerunt de Coronâ: quæ regno non subsunt; & quo leges ordinationesque regni, porrigi extra illud nec debent, nec possunt; etsi aliquid statueretur de ijs, quæ iure regni acquiruntur, & de Domanijs Francicis, instructionibusque, quas desuper Regum edicta, Ordinationesque ediderint, quæ vt ex Regum voluntate decreta sunt, ita non mutari tantum possunt, sed & intra sphæram Francicam coerceri debent, ergo ita de vnione impostero statuendum est. Sed & in ipso d. capiti 3. argumento videamus quantum ex illo excidat Cassanus: super illo themate struxit totam dissertationem, admodum verbosam, vt ostenderet Reginæ Catharinæ Medicæ ius competere ad regnum Lusitaniam vt iustæ hæredi Comitum Boloniensium, & in fine capitis concludit ius illud transmissum esse ad Reges eius filios: si tacite vnio fieret, in eo subsistere debebat; sed pergit, & ad Reginam, inquit, Margaretam ultimam sua domus: si vnio facta erat Coronæ

na, ad Margaretam nihil poterat transire, cum ei non mansit Corona : & tamen notum est Margaretam possedisse Britanniam, aliaque bona domus Valesiæ : igitur tam ex rei veritate, quam Cassani argumento, non fit ipso iure vnio, conformiter pergit Cassanus: Margareta instituit hæredem vniuersalem Ludouicum XIII. ergo ipsi ius competit regni Lusitanici. vide vt delapsus ab argumento vnionis decidit in debilem institutionem, quam ipse alias in regnis non admittit. *vidimus supra c. 4. §. testam.*

CAPVT XI.

An facta sit vmquam vnio prouinciarum, quas omnino multis capitibus, tamquam totidem actionibus, vindicare vult Cassanus?

VBique id inclamat; omnes ferè, singulæque de illis dissertationes eo tendunt; eum scopum, finem illum propositum habent; hoc vnicum omnium est argumentum; hæ illæve ditiones semel competierunt maioribus Regis Franciæ; eoque vnitæ fuerunt regno; competunt ergo huic Regi: iam demonstraui-
mus non ipso iure coalescere regna, vt plures liquidorum guttas: actum aliquem interuenisse, factum aliquod declarationemve in singulis etiam internuenisse negamus: probandum id fuisset, vt quæ sunt facti, eoque magis quod ex statu rei alicuius præsentis præsumitur de præterito, quod idem fuerit. Menoch. *Præs. l. 6. p. 25. num. 3. p. 37. p. 42. num. 13. l. 4. p. 167. num. 27. p. 140. num. 32. l. 1. q. 9. num. 12.* vides quæ concidat tam verbosum tanti operis argumentum? quam imbecilla sint tantæ structuræ fundamenta? inuenio quidem Ducatum Burgundiæ semel fuisse vnitum: sed
Or-

Ordines , peculiari Principi assuetos , de vnione se inauditis facta questos , mox illius à Rege obtinuisse dissolutionem , & Ducatum secundo-genito à Rege collatum . cuius diploma infra referimus *cap. ultimo §. Burgundia*. idemque testatur Faius MS. alijque vt & alibi constat multis laboribus constitutas vniones , ac etiam quasdam dissolutas. vt Margareta vnire voluit Daniæ , Sueciæ , Noruegiæque regna ; & adhuc sub iudice lis est , Dani an Sueci vnionem violarint : iam etiam demonstrauius non omnia Caroli Magni aliorumque Maiorum iura Ludouico XIII. competere : *cap. 7.* non successisse illum solum Carolo , Pharamundo , Franconi , Noëmo : alios in partes venisse , easque poriores , si iura illa glebis essent affixa , ac caput regni primordiale tracturum nexum cæterorum : adeoque ad præsentem terræ Salicæ Dominum Regem vtique Hispanum , deferenda fore cætera regni olim Francici membra accessoria.

Oportuisset ergo Cassanum saltem historicis documentis singulatim docere vbi , quando , quibus testibus hæ illæuæ regiones Coronæ fuissent unitæ. non in Regum tantum iura venisse satis est. vnus Philippus tot Regnorum Rex est , non ideo tamen illa in coagulum aliquod sponte coierunt , quædam unita sunt , sed magnis adhibitis solemnitatibus , tractatibus , causis , Ordinum consensu , actione nec vna. Regnum magnæ Britannia nuper surrexit ex Angliæ , Scotiæ , Hiberniæque vnione , non per se confluente : sed Regia actione : idemque de alijs esto iudicium. at de his acta confecta sunt , notæ , munimenta , annuli , sigilla , testimonia , diaria , annales : cur his soli Franci careant ?

CAPVT XII.

*An reges plures prouincias vnire possint inuitas,
populoque refragante?*

QVi Regem vsufructuarium tantum faciunt: negare conformiter debent id posse: cum vsufructuarius circa rei formam nihil possit mutare: *l. 1. D. vsufruct. quemadmod. caueat.* sed re vti tantum possit, salua illius substantia: *l. 1. D. & instit. in princip. de vsufruct.* quæ vtiq; per vnionem mutatur, qui administratoribus tantum comparant, curatoribusque Reipublicæ vel minorum, idem dicent: *tit. D. & C. de reb. minor. sine decreto non alienand. l. fin. Cl. 10. de vend. reb. ciuit. l. 2. de prad. decur. lib. 10. l. fin. eod.* vtrumque de Rege Galliæ astruit Cassanus: *l. 1. c. 1. p. 33. 34. ac alibi,* & de Imperatore *l. 2. c. 1. p. 21.* quod in Ordinibus Imperij sit supremitas, quod alij generatim ita dicunt, quod in Principe sit Maiestas personalis, sed in Repub. realis: illa ad vitam personæ; hæc perpetua: ideoque quæ ad perpetuam status regni mutationem pertinent, Principem sine Reip. Ordinibus non posse.

Omnino in contrariam sententiam abiit Alberic. Gentilis in *disput. 2. de union. regnor. Brytan. sub fin.* sed loquitur apud Anglos *vbi disp. 1. de potestate Regis absoluta.* Regi omnia tribuit, vt nihil populo, nihil Ordinibus reliquum sit, nisi Regis beneplacitum. nullæ olim victi leges, nulla iura residua manserint. sed eum quoad hoc amplè refutauimus in *Iud. l. 4. c. 2. n. 1.* videamus ergo quæ habeat argumenta: vnire vnione vniuersali est supremi Domini, vt & Papa potest vnire omnes Ecclesias, at Rex in ciuilibus habet absolutam potestatem, non minus quàm Claudius Galliæ, Vespasianus Hispaniæ tribuere potuit ius Reipub. & in orbe Romano qui sunt ex Constitutione

tutione Imperat. Antonini ciues Romani effecti sunt: *Plin. lib. 3. c. 3. Tacit. Ann. 2. Nou. 2. ubi Cuiac. etiam Iustinianus diuerſas vniuit prouincias. Nou. 8. 24. 25. 26. 27. 28. 29.* at hæc *Romani fecerunt in Orbe*, inquit, *Romano, itaque poſſit Rex quilibet in orbe ſuo*, id eſt prouincias ſibi ſubiectas vnire, ac ciuitates regno ſuppoſitas. Nihil erat in orbe Romano quod non eſſet Imperatori, vt tali ſubditum, at duo regna, quæ vtrimque ſunt absoluta, non ſunt in eodem orbe, neutra Regi vltterius, quam ſuo reſpectu, ſubiecta: non reſpectu alterius regni, vt ad alium quam regiminis ſui effectum eius absoluto arbitrio ſint ſubmiſſa, niſi fortè iure belli capta, nullis conditionibus dedita: nam hæc tota tranſeunt tunc in arbitrium liberum victoris. & ratio ſane magna eſt differentię, quippe dum ſuperior inferiora vnit, nihil de auctoritate ſuperioris decedit: inferiori autem ſufficit poteſtas ſuperioris, cauſæ adiecta: cum autem duo ſuprema coniunguntur, non eadem eſt poteſtatis correlatio, vt diximus. atque ita etſi liceat Episcopis inferiora beneficia ex cauſa vnire, non tamen licet Episcopo duos Episcopatus poſſidenti eos inuicem coniungere. *c. ſicut vnire. X. de exceſſ. Pralat.*

Et quamuis idem Gentilis conformiter ſibi arguatur: *quid nequeat*, inquit, *Rex iſtud, ſi iſtud expreſſè de eius poteſtate exceptum non eſt, cum inferiores à Papa etiam poſſint facere uniones de conſenſu, ad conſenſum cogere, ſi cauſa adſit, vel etiam omnibus inuitis, ſi cauſa contradicendi non adſit, quia contradicentes ſine cauſa habentur pro non contradicentibus, quin & Pralati poſſint negligentia accuſari, ſi cauſa poſcit unionem, nec eam faciant: ſic & ipſi ſubditi ſape poſſunt per ſe, quia vtile eſt Principi vt ſint uniti.* quoniam, quod attinet ad Regis poteſtatem, eſto ſit absoluta quoad ſubditos, non tamen ex natura regiæ poteſtatis eſt, vt duo regna vtrimque ſuprema inuicem collidere, exſtinguere, deſtruere poſſit. poteſtas omnis à Deo eſt ordinata in ædificationem.

non

non in destructionem. a regendo Reges dicuntur, regimen Regum est, maiestatem regni tueri, statum dignitatemque seruare, non confundere, non alteri subijcere, non prosternere.

Adeoque & idem Gentilis *eadem disputatione* vnionem, de qua agit, *arctissimam fieri*, inquit, *illorum omnium regnorum vnitionem hic expetimus, ubi omnia vno & uniformi iure in vnum coeant*: at Franci non talem vnionem Coronæ suæ factam cupiunt, vbi omnia mactent æqualia Imperij decora, vis & notæ, sed vbi Coronæ suæ præstantia absorbeat omnia: vt aquilæ plumæ omnes alias, quæ coniunguntur consumunt, pelles lupinæ alias derodunt, & vt deinde regni regulis subijciatur. *ita Chassan. ad consuet. Burg. de fiefs R. 3. §. 1. en choses n. 60. & Cassanus facit l. 1. c. 1. p. 36.* Franciæ Coronam instar ignis, qui omnia quæ coniunguntur in suam naturam transformat: contra scilicet aliorum regnorum leges: *de quibus latè supra c. 3. egimus*, quales Cassanus sæpe vocat regnorum fundamentales. quarum primæ illæ sunt, quæ singulorum conseruant dignitatem, sui que conseruationem, ne ab igne absumantur, natura que inmutetur. V. g. si fæminina etiam fuerint, esse impofterum desinant, *vt infert p. 37.* cuiusmodi leges singulis populis tam charæ sunt, quam suæ Francis: eoque contemni ab his non possunt inuitis illis populis. *vt diximus d. c. 3.*

Sed iterum idem Gentilis, ego, inquit, *neutrum apparere regnum velim, penitissimam confusionem istic velim, & itaque illa alia tollenda erunt omnia in vnione, quæ contra vnionem sint: tollendum Scotis erit, quod audio illis esse, priuilegium, ne tributa soluant Regi, ne dent militem, ne bellum, non de assensu Ordinum indictum, sequantur inuiti, & si quæ sunt talia, huiusmodi stare non possunt, & vnio. nec in vnione iusta, sunt iusta. apparebit enim manifesta separatio regnorum, & alterum iam conferet publico nihil.* At Franci manifestè præ reliquis in vnione volunt eminere: absunt ergo à mente Gentilis:

&c

& quæ ille velit per vnionem tolli priuilegia, facile & Franci velint, sed ditiones vniendæ nolint. ideoque redeamus ad Gentilem ad priorem locum; *si causa*, inquit, *non sint quæ iunctionem regnorum dissuadeant, equidem affirmare ipse possim, ius esse iunctionem inducere, cum quia vetita hac, ut iunctio Ecclesiarum, non reperitur: tum quia in iure natura, ac gentium reperitur hac regnorum iunctio approbata, at in Belgio, ubi unionem voluisse dicitur Hispanus, hoc impedijt illam, quod subditi unionem noluerunt: qui & noluisse potuerunt per placita & conuentionem: nemo mihi à Belgij subditis, nec subditis, ad alios subditos argumentetur.* Itaque Gentilis hic, & iustas causas desiderat, & absolutissimam subiectionem. de causis dicemus *capite proximo*, de absolutissima subiectione quoad Franciam suam, nec ipsi Franci, qui Carolo Magno vnionem proponenti restiterunt, cum Gentili conuenient: & nullarum forte aliarum ditionum Ordines: qui cum Salustio fortè dicent *in Oratione 1. ad Cæsarem de rep. ordinanda*, cum iam Romæ statum Cæsar immutaret, *Omnes*, inquit, *magna mediocrique sapientia res huc vocat, quæ quisque optima potest, uti dicat.* & sacrorum decretorum argumento dicet ad vniones vocandos esse eos, quorum interest. *Reg. 21. Cancellaria de unionibus Concil. Trid. s. 7. c. 6.* & vero quod Gentilis ait, non esse coniunctionem regnorum inhibitam, uti Ecclesiarum; esto disertæ leges non sint, similia tamen ex similibus inferri rectè astruit lex *non possum 12. D. de legib.*

Nec vero etiam deerunt qui prohibitam esse censebunt vel ex communi Regum iuramento, quod inaugurandi præstant, de rebus regni non alienandis: *c. intelletto X. de iureiurand.* vnionem autem importare alienationem: *c. 1. de reb. Eccles. non alien. in 6.* Ideoque in ipsis aliorum inter se regnorum vnionibus solet Cassanus Ordinum assensum allegare: *l. 1. c. 4. p. 199. plura vide supra c. 4. §. Miscellanea.*

Sed redeamus ad Gentilem, qui & causæ cognitio-

nem

nem requirit. *quæ*, inquit, & alia multa possit & hoc, ut partes vocentur, at in regnorum diuisione dico diuersum ius: Regis tota hac mihi curatio videtur, cuius & regna sunt. ita ille: an idem & alij omnes dicent, non existimo: id tamen conficitur ex Gentili, cognitione causæ opus esse, non per se inuicem regna confluere. Pergit Gentilis, *quid quæso est quod utilitatem, quod necessitatem poscat, atque facit indictio, ductio, compositio belli? conficit alia huiusmodi Rex solus, in quibus vrgens necessitas, euident utilitas postulatur, at satis est si euidentis res Regi est, nescis ubi me premit calceus meus intolerabiliter, respondebat Æmilius ei, qui secum disceptabat, ne cum uxore diuortium faceret bona, nec addidit præterea verbum de causa*, ita Gentilis: sed non id omnes gentes, in re tanti momenti, qua vniitur regnum integrum, ac status mutatur. adeoque si lincea circumspectio requiritur, ut leuis etiam rei vnio fiat, ex necessaria, aut euidenter utili causa, *c. exposuisti X. de præbend. d. c. i. de reb. non alien. in 6.* non exigetur eadem in vniendo toto, quæ in minima parte? in huiusmodi negotio cæca credulitas, & seruilis taciturnitas, irrationabilis assensus non omnibus æquè gentibus placuit; certè non Francis; cum de regno suo Imperio vniendo actum est à Carolo Magno: at ubi sibi aliquid vniendum proponitur, illi faciliè id à solo Rege fieri posse senserint. ut Chassanæus *ad consuet. Burg. ubi supra n. 62. 63. 64. 65.* ubi tamen & consuetudinem in patrocinium vocare videtur. Idemque communi Francorum errore labitur *num. 51.* quod Burgundia fuerit vnita de consensu trium Statuum Regni, & dein concessa per modum apennagij, quia veritas est, *ut diximus cap. proximo*, quod sine consensu Statuum Burgundia fuit vnita, & ad querelam Burgundorum ante inauditorum de consensu Ordinum vnio dissoluta, & Burgundia concessa sine mentione appennagij, aut filiorum masculorum, ut probat ipsum diploma quod citabimus. & satis prodit ipse Chassanæus, cum contendit illa di-

plomatis verba *heredes in legitimo matrimonio procreatos* ex verisimili contrahentium intentione debere intelligi de masculis, cum è contrario verisimilis intentio sit sumenda ex eo quod aliàs in eodem negotio factum est: *l. si de interp. D. de legib.* atque ipse ibidem docet Burgundiæ Ducatum pluribus successioneibus ad fæminas fuisse delatum: imò ipsum concedentem per matrem in illum successisse. quin & Chassan. *d. §. 5. nu. 41. & seqq.* ostendit nullas Franciæ dignitates ad mulieres non descendere, præter ipsum regnum, Ducatū Aurelianensem, Bituric. *num. 50.* & vt vult, Burgundiæ. Itaque mens contrahentium definienda est ex eo, quod ipsi semper, aut plerumque, non quod raro faciunt, eoque quod in ea regione frequentatur. *l. nummus de leg. 3. & qua ibi citat gloss.* sed de hac re infra latius hoc lib. c. ult. §. *Burgund. ducat.*

CAPVT XIII.

Quæ sint iustæ causæ contradicendi vnioni?

AVdiamus ipsos Francos Carolo Magno apud Paulum Æmilium in Carolo Magno coniunctionem Regni Francici cum Romano Imperio suadenti respondentes: *cur milites tuos, regnum tuum, Franciam tuam, Imperij prouinciam facere studes, Imperioque subiicere?* videnturne non iustam causam proposuisse Franci? videnturne cæteræ gentes pepones tantum esse, ac cucurbitæ, an aliquid de ratione participare posse cum Francis? atque libertatem suam, regnorum maiestatem, ditionum dignitatem non minuendam postulare, vnionisque præiudicia deprecari? *Milites*, inquiunt, *tuos* Romanorum iam victores: *regnum*, inquiunt, *tuum*: belli primum iure maioribus; deinde Ordinum senatusconsulto tui omnino iuris à Deo & casu tributum: denique

Fran-

Franciam, inquit, *tuam*, victricis gentis, gloriosi nominis, *Imperij*, inquit, *prouinciam facere*; statum mutare, nomen extinguere, libertatem quam Germanicum Franci nomen refert, *Imperio subiicere*; ita subiectionem interpretabantur Franci, cum Carolus tantum de *unione* proposuisset; *Vnumque* commendasset.

At vero non de triuio veniunt hæ causæ: etiam in Diuorum Concilio, cum apud Jouem statutum esset Troianos latinosque vnire, agitatae sunt; è cælo huc accersuntur: ita enim inquit illa *apud Virgilium lib. 12.*

*Pro latio obtestor, pro maiestate tuorum,
Cum iam connubiis pacem felicibus (esto)
Component, cum iam leges & fœdera iungent,
Ne vetus indigenas nomen mutare latinos,
Neu Troas fieri iubeas, Teucrosque vocari.*

Diuos ergo etiam ea curâ tetigit, ne gloria nominis per coniunctionem oblitteretur, vt pacem & communia fœdera habeant, vt alij alterius nomini ditionique non subijciantur, ne subditi, ne prouinciales fiant. Nec vero Poëtarum tantum commenta sunt, multæ sunt prouinciæ eadem a Principibus suis stipulatæ. Brabanti quidem, vt Dux teneatur nomen, & insignia ferre, sigillum peculiare in ea ditione habere. *Ioanne Aragonia Rege*, inquit *Mariana, lib. 19. Ferdinandi patre mortuo & illius regni omniumque suorum Principatuum possessionibus acceptis: quibus titulus & quo ordine uti deberent ipse & uxor Isabella in literarum & priuilegiorum expeditio- nibus ad proceres, consiliariosque suos retulerunt. quorum cum plures eos Hispania, cuius maiorem partem possidebant, Principes appellandos censuissent: hoc ambitionis & arrogantia nomen esse existimantes, ne Portugallia Nauarraque Regibus iniuriam facerent, admittere noluerunt.*

De libertate, illiusque imagine, vel opinione retinenda audiamus iterum Gentilem. *Noluerunt*, inquit, *unionem Belga, & cum unione Regem: quia nomen inuisum sæpe & quidem solum, mirum: ut homines sub rege uiuen-*

viuentes, nomen regum velut libertatis priuationem exhorruerint, inquit, Plutar. de Romanis: qui reuera ferebant regem Casarem & eundem dici regem non ferebant: & itaque Belgæ sic: quia quantum crescebant honore illo nominis Regij, tantum sibi videbantur decrescere libertate. & vero quantum crescebant ab vnitione, tantum decidebant, & eo amplius multo à priuilegiis plurimis, quæ sunt vita earum prouinciarum. ita Gentilis causam reddit, cur Belgæ in regnum vniri noluerint; & nolle potuisse ait, ijs verbis, quæ proximo capite citauimus.

Argumenta sunt alia plura, quæ iustas causas præbeant aduersus huiusmodi coniunctiones, atque imprimis, quod *in rebus nouis constituendis euidentis esse utilitas debeat ut recedatur ab eo iure quod diu æquum visum est: quod omnis nouitas sit odiosa: quod in causis imperiorum omnia etiam tuta sint timenda: quod in illorum vnionibus facile timendus sit aliquis lien, quo veluti in corpore humano excrecente nimium reliqui artus contabescant: quod dum per eas parti ciuium consulitur, pars negligitur, res perniciosissima in ciuitate producat*ur seditio, atque discordia: difficilis in republica possit esse concordia, in qua non idem conducatur omnibus. iliades se offerunt malorum quæ timeri possunt. neque pauca ex illis complectuntur apud Liuium l. 48. tribuni plebis Camulæi, & latini hominis L. Annij, & Oratio Maximi aliæque vnionem Latinorum cum Romanis disputantes: fœderum iura & commerciorum conuentiones periclitantur. nec omnibus satisfacit illius responsio: *ego fœdera faxo firma manu: minus, quod ait Gentilis; erunt, inquit, merito quedam repudianda & reformanda, etiam quæ commoda singulo Regno olim, stare nunc non benè poterunt, aut cum unitis sic tantum, cum uno capite. non omnibus placet huiusmodi repudiatio, aut reformatio; prærogatiuæ etiam regnorum & regum in tricas inuoluuntur, vnde Rex Hispaniæ ex coniunctione nunc tot regnorum prærogatiuam erigit aduersus*

D

Regem

Regem Franciæ : quam eo nomine non parum effert Valques in *Prefat. Illust. controuers.* & Florentino Duci aduersus Ferrariensem obfuit mutatio reipublicæ , cui olim debita præcedentia, iam negata fuit. *Decianus l. 3. conf. 19. Ceph. lib. 6. conf. 5.* & quamquam Gentilis in Florentino id probet, quia status reipublicæ non fuerit idem, qui Ducis: in Hispano improbet, qui fuit idem: manet tamen Regibus controuersia, quam nec quidem Concilium Tridentinum voluit definire; sed Oratorem Hispanum extra ordinem collocauit. etsi nec inficiari quis potest plura simul decora coniuncta præ vnico excellere, pluribus simul facibus cōiunctis maius lumen collucescere, pluribus simul lignis maius incendium excitari.

Denique nec minimum ex malis esse potest, quod per huiusmodi coniunctionem regna in extraneam familiam transferantur. vt v. g. coniunctum nunc sit regnū Franciæ Nauarræ quod cis Pyrenæum est regnum, si moriatur Ludouicus XIII. & Dux Aurelianensis sine liberis masculis (quod Deus auertat) supersit Aurelianensi filia, regnum Franciæ deuolui ad proximum masculum consuetudine receptum pridem diximus: sed quæ æquitas permittet Aurelianensem filiam, sanguinem Nauarræ, admissis extraneis, excludi a successionē huius Nauarræ? quam aui per nouem sæcula, vt ait Cassianus *lib. 1. c. 4. p. 163.* possederint, neque porro solutio Gentilis omnibus placebit; Erramus, inquit, *legulæ cum fori iura eadem & regni facimus: non cernimus iure civili, quod hodie dici meretur gentium, est quidem dubium si materna maternis, paterna paternis redeant: attamen Bartholus & alij magni Doctores sic censent, & æquum dicunt, vt res redeant vnde produnt: alij tradunt succedere in bonis omnibus pariter omnes. Quæ sententia nec potest hic habere locum, quoniam regna non diuiduntur iure feudistico, quod ubique seruari valdè solet in causis Principalibus.* id si Cassianus reciperet, videret quam multæ, quas mouet, tricæ soluerentur, quibus ad nexum Coronæ Franciæ

cicæ ex alijs cupit decerpere. Sed pergat Gentilis: *Anglica*, inquit, *Anglis*, *Scotica* *Scotis* redeunt procul dubio. & sic ubique sanè tenet consuetudo, etiam cape tu illa unionis Ecclesiarum: cessante causa unionis, cessat unio. & cessante unione reuertuntur in antiquum statum omnia: infirma hac obiectio est omnino, non solū ominosa. Ita ille. sed absit quidem omen, ego tamen fideiussor esse nolim pro infirmitate obiectionis; & in pristinū restitutionis, solutionisve unionis: cuius causam vtique Cassani similes vnquam cessare negabunt: videlicet magnitudinem prorogationemque Francici Imperij: si concederent, viden' an non multa ex lilij Frācicis folia decident? plurima omnino.

C A P V T XIV.

Quæ ex dictis consequentia?

SAlicarum legum vnionumque argumenta Cassano, Aroyio, alijsque Francis perpetua, & quæ generalia diximus iam dissoluimus, antinomias perspeximus, quibus non minus se ipsos, quam alios impugnent, aut si in ipsis admittenda sunt, aliorum Regum Principumue, aduersus quos dissertant, in contrarium iura stabiliant; titulos, actus, contractus, testamenta, codicillos, inuestituras comprobent; neque enim video vllum Principatum esse, quem Cassanus Francis voluerit vindicare, quin aliquibus munimentis, qualia Francis utilia facit, alijs Principibus asseri defendique possit. & vero, vt daremus non paucos aliter aliquando obuuisse, per vim aut titulos iure nullos, vt passim sibi aduersarios indigerat Cassanus; tamen etiam diximus *cap. 3.* omnia Europæi orbis regna domestico iure esse firmata, & Romanis legibus soluta, ex quibus Cassanus nullitatum argumenta accersit: adeoque in harum quæstionibus ius gentium solum vires habere: at ex eo nati contractus, si consensum potestatemque contrahentium habent, nullam agnoscunt nullitatem: *l. 5. D. de inst. & iur.*

& quæ iure Romano sunt inductæ, eodem omnes per annos triginta tolluntur: *l. omnes C. de trig. & 40. an. præscript.* qui in Francia etiam & alibi maturius. Superest ergo, quod initio proposuimus, post argumenta generalia dicendum, ut de pactis pacis, fœderibusque seruandis agamus. sed id antequam faciamus, coronidis vice visum est hic disquirere, an iniquæ sint omnes regnorum olim iniquè quæditorum possessiones, an si quæ sint titulorum vitia, etiam longæua possessione euanescent; an æterna veteribus dominis vindicatio competat. & de Belgicis prouincijs nonnihil differere aduersus ea, quæ Callanus de illis in medium proiecit.

CAPVT XV.

An æternæ sint regales actiones, regnorumque vindicationes? an nullo temporis lapsu, nulla præscriptione tollantur? an iniqui omnes illorum, quæ non secundum leges sunt olim partæ, possessores?

MVRAT Deus tempora, & ætates, transfert regna, atque constituit. Dan. 2. balteum regum dissoluit, & præscindit fines regnorum eorum. Iob 12. subiicit gentes, & dorsa regum vertit, gloriosos terra humiliat, portas aneas conterit, & vectes ferreos confringit. Isaïæ 45. regna à gente in gentem transfert: Ecclesi. 10. Vnde monarchias Assyriorum, Chaldæorum, Græcorum, Romanorum instituit: ipse dicit Regi apostata, & vocat Duces impios. Iob 34. sicubi verum est, quod multi hodie opinionibus suis accommodant, non ijsdem legibus hæredia priuatorum regi, & regna; hoc in casu sanè maximè obtineat. Summum sane illud Numen causas mortales superat, quibus regna constituit, atque transfert; etiam per eos, quos ipse vocat apostatas, & impios: & tamen consilio suo res humanas subiicit atque accommodat: ut etiam ignari diuinis seruiant mysterijs. inde fit, ut etiam si regnorum primordia fuerint iniqua, primi Reges tyranni,

robusti venatores, scelerati inuasores, restitutioni obnoxij, c. sicut X. de iureiur. Azor. instit. Moral. p. 2. l. 11. c. 3. q. 6. populi tamen deinde Imperio assuefacti excuti illud nolint, quietem præferant, tranquillitatem anteponant, eorum assensu iniquæ possessiones iustificentur. Azor. ibid. sic stabilitò Julij Cæsaris Imperio Tacitus l. 1. ann. occisus dictator Caesar aliis pessimum, aliis pulcherrimum facinus videbatur. pessimum sane: quippe iam is erat rerum status, ut necesse esset reipub. per unum consuli, l. 2. §. 11. D. de orig. iur. idem testatur Tacitus & Dion, itaque cum resp. mutatione in peius rueret, multarum rerum natura etiam mutatur. Omnes, inquit Sallust. de bell. Ingurth. rerum mutationes, eadem, fugam, aliaque hostilia portendunt. ut latius diximus in Ind. l. 4. c. 33.

Quanta incommoda secuta sunt cum Urbanus IV. S. Pontifex Carolum Andegauensem ad regna Siciliae vocauit? quanto sanguine parva illi victoria! quam indignè securi subiecit Conradinum vltimum Othonianæ gentis Principem? quantum sanguinis in Vesperis Siculis, quas vocant, fûsum! quo bono publico res videri cuiuspiam posset redigenda ad statum illius temporis, quamuis ius suppetere? subiicere rursus tot capita Christiana eidem fistulæ cuiuspiam videri possit publicum bonum? an posset ab æquo animo eiusmodi ty. annis restaurari? non videantur iure cecidisse potius inuestiturarum, qui potestate ita sunt abusi? familia Aragonica exclusis Andegauenibus, ab alijs Pontificibus inuestita, non turbanda nunc etsi Petrus forrè Aragonius initio non iustè bellasset? quod arguit Cassanus: cui tamen respondimus supra c. 4. §. inuest. sub fin. itaque cum sine reipub. graui incommodo nihil potest innouari, cum periculo cladis publicæ susque deque vertenda non sunt, quæ publico iam quasi consensu sunt stabilita. cum enim regnorum institutio inuenta fuerit populi causâ, non Regum; admodum errant, qui ex initijs regnorum iniquam perpetuò possessionem esse constituendam, sicut priuatorum

fundorum existimant: sed vero ex fine institutoque suo quiete, tranquillitate, salute populi. vt si vnquam veram causam habeat lex illa XII. tabularum, *salus populi suprema lex esto*, profecto hac in causa est supremæ veritatis. eumque fuisse sensum semper Ecclesiæ facile colligas, si actiones expenderis. regnorum sane paucorum primordia iusta probaueris; non monarchiarum, quas diximus, non Gothorum, Francorum, Wandalorum, Agarenorum, Hunnorum, Suecorum, Danorum, Pictorum, Saxonum, Normannorum, Britonum, aliarumque gentium migrationes, alienarum terrarum inuasiones: & tamen quot ex his iusta regna constituta sunt, iusti Reges, iusti possessores habiti? *latius habet Armasan. in Mart. Gall. l. 1. c. fin.* primus Romanorum Imperator, qui fidei Christianæ dogmata fuit amplexus, Constantinus, diuinitus quidem conuersus fuit, apparentibus ei Apostolis Petro ac Paulo, à sanguineo infantium balneo abstinere iubentibus, & quærere Siluestrum Papam, ab eoque, quid pro sananda corporis, animæque lepra sibi faciendum esset, edoceri: at ille Christianis institutis eum imbuuit, Christi lauacro abluit, præcepta tradidit: nihil tamen vt Imperio, primitus iniuste parto, multis iniustis bellis aucto, se ipse abdicaret, illudve minueret: quinimo multa ille exinde bella pro Imperio gessit, multa ille Ecclesiæ donaria tribuit ex Imperij bonis, suscipiente Siluestro, basilicas ædificauit instruente Siluestro; tametsi ex fide nostra eleemosynæ recipi non debeant ex rapina: non dimittatur peccatum nisi restituatur ablatum: retento tamen Imperio dimissa sunt Constantino peccata, sanitas baptismo restituta: miraculo Imperium, etsi iniquè magna ex parte olim conquisitum, approbante. an non eadem dicemus de baptismo Clodouæi, vbi ampulla chrismatis miraculosè subministrata fuit? *vt Mars Gallicus l. 1. c. 2. & quos citat*, & tamen non id egit Remigius vt regno cederet, sed tamen vt ablata Ecclesijs regni Francorum restitueret: *neque prius*, inquit ipse

D.Re-

D. Remigius, in testamento quod refert Miraus in Cod. donat. piar. c. 1. de regno eius, quantus passus est pedis, Ecclesia Rhemorum iungere volui, donec, ut hoc omnibus Ecclesiis adimpleret, obtinui. Constantini Clodouæique vestigia secuti sunt multi deinde Imperatores, re ac nomine Christiani. quorum etiam aliqui inter Diuos sunt relati, etiam post imperium à Francis ad Germanos translatum: ut S. Henricus. tametsi Cassanns, Arroyius, & similes iniuste translatum velint, inuasum, restituendum clament. eadem alijs regibus regnisque obtigerunt: Carolus etiam Magnus, quem Germani Francique tanti faciunt, qui proximè aberat ab eo, qui primus Merovingorum exclusis iustis hæredibus regnum Francorum in domum suam intulit, nonne & ipse Cælitibus ascriptus est? Ludouicus IX. nonne & ipse inter Sanctos enumeratus, etsi per Hugonem Capetum Rex factus sit, qui Carolingos non ita pridem eiecerat? Stephanus Hungariæ Rex Sanctis etiam ascriptus. Hunnorum hæres; an semper & vndeque iustorum? Omitto nunc quod superius tetigi, capere successores alios titulos, dotium, donationum, transactionum, emptionum, belli, pacis, transactionis, alios iustos iniustis principiis subnasci, ex quibus, etsi in se, aut ciuilitè nullis, præscribitur tamen: l. si profundo C. de transact. credi etiam posse iustos fuisse titulos, qui non fuerint: vnde titulus *pro hærede*: & cum omnes peculiares deficiunt, iustum facile dari titulum *pro suo*: quem leges nostræ validum agnoscunt, & optime locum habet in successoribus utique ignaris auctorum factorum, iurisque ex illis nascentis. quod & in regnis præscribendis recipit Azor. *Inst. Moral. t. 2. l. 11. c. 3. q. 6.* quod quis non credat & olim contingere potuisse, qui expenderit quam diuersimode, ut quisque affectus est, initia, causæ, iustitiæque bellorum hodie describatur, quantis Mercurij Francici, Germani, Belgici alijque, qui neutri etiam sint, interstitijs dissideant! ut optime Tacitus; *maximaqueque ambigua sunt, dum alij*

fectu legitimæ præscriptionis nihilominus concedam Cassano Francique vt ab Imperio Romano, ita & à legibus Romanis exemptos esse eos, dummodo patiantur legem, quam tulerint, ac iure, quod in alios statuerint eadem causa subnixos, eodem ipsi vtantur. viden' vt alios nullæ iam leges Salicæ constringant, qui Salicis non subsint? si qui potuerint Romana arma excutere, Romanis legibus soluti sint: qui potuerint Salico-Francica arma excutere, Salico-Francicis legibus non posse ligari? cur illæ ergo toties ad hoc forum citantur, in hanc actionem veniunt? cur etiam Romanæ leges ijs obijciuntur, quorum sedes stabilitæ sunt in excidio potestatis Romanæ, suis in ditionibus, non minus quam in Salicis? cur tot actuum contractuumve nullitates à Cassano obiectantur, quæ nullo gentium iure inuentæ sunt, sed Romani tantum iuris specimen præferunt? Sed redeamus ad iura præscriptionum: ciuilia quidem Romanorum dumtaxat illa Cassanus facit, & rectè, si originem tantum spectes: non item si vsum, prorogationemque, adeoque iustius æquius dixit Albericus Gentilis in *disput. union. Mag. Britan.* ius illud ciuile dici hodie mereri ius gentium, quippe omnes pæne hodie illo vtuntur in supplementum legis domesticæ.

Gentium ius est quod sibi gentes constituerunt: §. *ius autem gent. Inst. de iur. nat. gent. & cui.* non illud immutabile est, vt quod est naturæ: itaque si quod olim gentes constituere, displicuit postea, aliudque placuit constituere, ius iterum erit hoc gentium. quomodo nunc gentium Christianarum est, ne bello capti, secus quam olim, fiant serui. & memorat Tacitus crudeliora fuisse ideo bella sub Othone, Vitellio, Vespasiano ciuilia, quod iam defierat iure gentium Italicarum captorum bello Italorum seruitus, ideoque non seruari iam sed occidi solerent, nisi forte consanguinei aut affines lytrum soluerent. Itaque quamuis præscriptio commentum sit ciuile, tamen vso omnium nunc est gentium Christianarum:

rum: valebit ergo inter omnes Christianos: eoque magis quod in personalibus contractus regantur iure loci quo initi sunt, in realibus iure rei sitæ res iudicentur. Itaque petitor non, quid domi suæ sit iuris, allegare potest, sed quo contractum est, quo res aut regna sunt sita: *secundum ea qua diximus supra c. 3.* ubi & Francos de se statuisse alias retulimus. Porro quæ uspiam in Europa gens est, quæ non receperit ius præscriptionum, etsi quædam illius capita varietur: certè nulla ex ijs quarum regna petit Cassanus. & verò magis id eo concedendum est, quod quaqua versum patet fides Christiana, etiam Ecclesiæ decreta auctoritatem inueniant, & ab his probentur iura præscriptionum. *tot. tit. X. de præscriptionibus.* quinimo, cum in his agatur de materia peccati, leges canonicis cedunt, *c. fin. X. de præscriptionibus*, ideoque quamuis fur non usucapiat quidem triennio, tamen longissimo triginta annorum spatio, quamuis sine titulo, & mala fide aduersus omnes personales realesve actiones præscribitur: *l. omnes C. de præscrip. 30. vel 40. annor.* & nihilominus & hoc ipsum per canones emendatur, & possessor malæ fidei nullo umquam tempore præscribit. *c. possessor. de reg. iur. in 6.* alioquin etiam aduersus Ecclesiam Romanam, & quantumcumque priuilegiatas causas tam per leges *nouell. 10. ut Eccles. Rom.* quam per canones præscribitur *c. 13. 14. X. cod.* præscribitur, etiam aduersus iura Regia: si credimus probatoribus auctoribus, quare Azo in *summa C. ne rei Dominic. vel templ.* recte dicit per leges sub isto titulo locatas longi temporis præscriptionem cessare, sed non longissimi *in tit. seq. per Iustin. in l. omnes* introductam, & *l. inter C. de sacrosanct. Eccles.* ut tam res Dominicæ quam templorum seculari præscriptioni subiaceant: & ut de rebus templorum certum est, ita de rebus Dominicis credendum. & ita à suprema Belgij Curia sæpius iudicatum dicit Christin. *vol. 4. d. 83.* tametsi Franci nonnulli dissentiunt, tamen *d. l. 1. C. de quadrien. præscript. l. intra D. de diuers. præscript.*

script. l. i. §. Diuus l. fin. D. de iure fisci sunt liquidæ. Sic etiam feuda (ex quorum iure ad maiores dominatus I C. quin & Cassanus frequenter argumentari solēt) præscriptionibus subiiciuntur. l. 2. t. 26. §. si quis 1. in vsib. feud.

Quod si his credere non lubeat, negabo illos Reges iterum, illos Principes, quibus diem dicit Cassanus Romanis etiam legibus teneri. quin & Principes per Romanas leges dicam legibus esse solutos, imo & dum Reges inter se colliduntur, utroque disputare ut vicinos neutros ut subditos, ut neutrorum armis, ita neutrorum legibus obstrictos, itaque omnia axiomata inter subditos usurpata, in mutuis Regum controuersijs auctoritate vacua, atque per erga esse: inter hos de iure gentium, de pactis, conuentis, fœderibus, iure belli, ac pacis agendum esse. *l. ex hoc iur. D. de iustit. & iur. d. §. ius autem inst. eod.* quo ignotæ sunt omnes nullitates Cassani, si modo consensus adsit, & ij quorum res est in sua sine potestate.

Præterquam autem quod diximus gentes omnes Christianas hodie iure præscriptionum canonibus etiam non Romanis tantum legibus approbato uti, etiam illud obseruari vnde quaque notum est, ne actiones regales armis instituantur ad illa petenda à centenorum & millenorum annorum possessoribus, quorum tituli, ut belli Troiani, gemino petantur ab ouo. etiam in sacris literis tot annorum contempta auctoritas, quasi gentium iure improbante, arguitur. sic contendit Iephthe *Iud. c. 11.* cum rege Ammon ex iure belli & possessionis post trecentos annos repeti terram, quam dicebat suam, occupatam ab Israel, quando ascendit de Ægypto, *quare, inquit, tanto tempore nihil super hac repetitione tentastis?* & infert, *igitur, non ego pecco in te, sed tu contra me male agis, indicens mihi bella non iusta:* nec tamen adhuc ibi Romanæ leges de præscriptionibus erant, sed rei æquitas, ac gentium usurpatio. propterea pergit Iephthe confidenter: *iudicet, inquit, Dominus, arbiter huius diei inter Israel &*

inter filios Ammon; & Iephthe victoriam obtinuit, adeoque iudicium Domini pro causæ æquitate, ac possessione tam diuturna. quare, rectè Grotius de iur. bell. l. 2. c. 4. longæua possessione dominia iure & sensu gentium acquiri, etiam Imperia, & summa iura. vbi similia Laconum Græcorum, Romanorum, aliorum exempla. vt frustra post tanta temporum spatia de hypocondriacis titulorum quorundam nullitatibus toto volumine argutetur Cassianus.

Nunc igitur quod attinet ad restitutiones veterum possessorum, pulsis Wandalis Gothisque, in vetera bona remissorum, non tam iuris Romani ciuilis est, restitutionisve prætoris in integrum, quam beneficium victoris, seu postliminii iuris gentium, vt bello receptis ijs, quæ bello capta fuerint, omnium iura in pristinum statum restituantur. vt optimè animaduertit Grotius *de iur. bell. l. 3. c. 9. num. 13. ex l. si captiuis §. verum D. de capt. verum est*, inquit Pompon. *expulsis hostibus ex agris, quos caperant, dominia eorum ad veteres dominos reuerti.* aduersus quos pendente bellica lite præscribi non potuit.

Nec inutilis tamen fuit ea olim Imperatorum declaratio: quippe qua militum præfectorumque cupiditas coercita sit. ob quam etiam hodie sæpius quæritur quanto tempore res præsertim mobiles in hostium manibus fuisse oporteat, antequam milites, qui armis receperint, veteribus dominis restituere teneantur, & noctem vnā sufficere, seu domini à persequendo cessationem censeat Malder. *de iust. tract. 40. d. 6. assert. 5.* & posteriori iuri id Grotius *l. 3. c. 9. n. 14, 15.* ascribit.

Itaque quo spectat hæc dissertatio, quamuis regnorum primordia sæpe non iusta videantur, tamen multa sunt arcana rerum, sæpe latet in puteo veritas, aliæ armis causæ prætexuntur, aliæ reuera subsunt, multa sunt assentatorum mendacia, multa scriptorum blandimenta, multa tractatum regiorum secreta, multa iniquis rebus iusta agnata aut subnata, conuentiones,
trans-

transactiones, pacta, fœdera, aliaque, ob quæ iustè possessio retineatur, quæ olim iniustè fuerit quæsita, alia pro derelictis olim habita, quam causam Grotius fatis expendit, *de iure bell.* 1.2.c.4. aliorum titulorum nullitates præscriptæ, vitiaque temporis lapsi auctoritate, iudicio gentium extrinsecta, vindicationes emortuæ sint, iura fœderibus sopita, dominia translata. Ideoque si in priuatis negotijs commodum possidendi in eo leges esse voluerint, quod etiam si eius res non sit qui possidet; si modo actor non potuerit suam esse probare; remaneat in suo loco possessio; §. *commodum instit. de interd.* atque in dubio melior est conditio possidentis: *c. in pari de reg. iur. in 6. c. cum sunt partium. eod.* non facile oportet Reges longæuos possessores sedibus suis depellere. quod quidem, vt quoad omnes gentes æquum est: ita maximè attendi oportebit historicis scriptis regna non vindicari, ea esse petitorum non probari, alijs opus esse munimentis, quibus plurium præsertim sæculorum auctoritas subuertatur, vt vaniloquentia iudice Tacito etiam sit, nunc in controuersiam vocare an rectè Imperium Byzantinis ablatum, Carolo Magno & per eum Franco-Germanis à Pontifice Leone concessum; à Franciæ Regibus in Germaniam reuocatum, ad Berengarium aliosque Italos intermedio tempore traductum: aliosque veteres titulos regnorum per plura sæcula obsoletos facere rediuiuos, interruptasque possessiones post tanta temporum spatia velle redintegrare.

CAPVT XVI.

De Belgicæ seu inferioris Germaniæ prouincijs.

A Nimus mihi fuerat initio nullam specialiter cum Cassano suscipere controuersiam, sed illa tantum discutere quæ generalia sunt argumenta, præsertim ad-

uersus pacis fœdera, toties inter Hispanos, Austriacos, Burgundos, & Belgas solenniter icta: sed rei indignitas, patriæque debitum laxauit stylum, & huius capitis dissertationem à me extorsit. De Belgicis itaque prouincijs quas vno capite perstringit Cassanus l. 2. c. 5. quæ tot sæculis hæreditariæ quædam, etiam à tempore supra Caroli Magni æuum continuo descendentium serie non interrupta, titulisve nulli cauillo obnoxijis possidentur, pauca dicam. numerantur illæ hodie, nomine inferioris Germaniæ, septemdecim. quas optimo iure Philippus IV. Hispaniarum Rex possidet. Franci exterique Flandriæ nomine illas ferè vulgò comprehendunt, præter Germanos, qui Belgas omnes inferiores Germanos vocant.

§. Brabantiam

Antiquitus Coronæ Francicæ membrum fuisse ait Cassanus. Marchionem primum sub Theodorico fuisse Vtilonem, Hasbanium sub Theodeberto. sed de his Principibus videbimus *infra* §. *Marchionat. S. Imperij.*

Verum qui porro Dynastæ primi in Brabantia fuerint, post pulsos Romanos vetustatis tenebris obscuratum est. ex Francorum primoribus fuisse, qui veteres illos Pipinos (nam ab his annales inchoant, qui ex certis monumentis aut argumentis scripti sunt) aliosque dederint Maiores palatij, qui Francos rexerint antequam Reges ipsi essent, non est dubitandum. Pipinorum autem antiquum patrimonium fuisse Brabantiam existimem, ex partitione maiorum potius quadam agraria, cum Franci in aliena venirent, & Duces adhuc potius quam Reges haberent, quam concessione aliqua feudali, quam intendit Cassanus, nondum tunc apud Francos satis vsitata, minus lege aliqua appenagiali, quæ multis demum post sæculis à Capetijs inuenta est, & ex qua tandem Cassanus argumentando infert per Caroli Audacis mortem non extante prole mascula Brabantiæ regressum ad Coronam.

ronam. sed quidquid eius rei sit Brabantia iure optimo ac summo possessa fuit postquam Carolus Magnus Francorum regnum adeptus est, ac illud omne inter liberos diuisit summo vbiq; iure imperaturos, vt diximus *supra* c. 7. & 8. mansitque penes illius posteros in hodiernum vsque diem perpetuo iudicio familiæ eriscundæ potius, quam aliqua noui beneficij lege feudali. penes Reges autem atque Imperatores Brantiæ principatus mansit vsque ad Lotharium III. Regem Francorum, & annum Domini 978. quo illius frater Carolus (nam Ludouicus filius puer obiit) cui regnum Franciæ debebatur, & quod Franci illi deferre desiderarunt; vt ex Sigeberto, Nangio, & Odoranno refert in Annalibus Brantiæ Haræus *ad eundem annum*, fraude Hugonis Capeti fuit exclusus. De principatu Brantiæ egi, quo se Ducatus Lotharingiæ extendebat, sed is post mortem Othonis filij Caroli primi Lotharingorum Ducis variè concessus, variè armis & iure petitus, vt breuiter ex Miræo in *Stemmat.* c. 10. 11. 12, 13. videri potest, & Prologominis Haræi in *Annal.* vbi ex capite Gerbergæ filiæ Caroli Lotharingiæ ius & successio Lotharingiæ ad Brabantos pertinet. Sed quod illa Lamberto nupserit tertio Comiti Louaniensi, cuius pater Anfridus à Sigeberto ad annum 997. Comes Bratuspanti um nuncupatur, & Comitatum Huyensem Ecclesiæ Leodic. dedisse dicitur: hunc Lambertum ex familia etiam Caroli Magni & Pipinorum fuisse oporteat; aut sanè Brantiam seu Comitatum Louaniensem per Lambertum in Gerbergæ tantum & suam posteritatem venisse. Hiatus sanè est magnus, nisi inquam ex Caroli Magni gente Lambertum dicamus hæreditarium aggr. dominum non gubernatorem ab Imperatore constitutum, quales sæpe Comites apud Sigebertum & alios dicuntur, vt Miræus notat in *Stemmatibus.* cap. 21. qui mancipijs, clientibus, hominibus proprijs imperabant, vt Abraham *Gen.* 14. trecentis vernaculis, quibuscum conflixit cum Regibus,

&

& captiuum nepotem Loth reduxit.

Sed & quod ad Lotharingiam attinet, seu Lotharij regnum inter Ludouicum & Carolum Caluum diuifum vtraque pars nomen retinuit Mosellana & Ripuaria, exinde habuit Duces, qui ex sanguine ius habuerint, & alios qui ex parte alia titulum, vt magistratum impositum, gesserint, vt vndique, at satis confusè, leguntur: quos inuicem lucidius distinxit in *Stemmat. Princ. Belg.* Miræus c. 11. 12. 13. & in Chronico Belgicæ in Indic. Rer. seriem dedit Ducum beneficiariorum vniuersæ Lotharingæ; beneficiariorum Mosellanæ, hæreditariorum Mosellanæ; beneficiariorum Ripuariæ seu inferioris: Comitumque iuxta Louaniensium, hæreditariorumque Ducum Lotharingæ inferioris ac Brabantia. Duces qui titulum officij gesserint ab Imperatore semper sunt statuti, adeo vt vnus Otho I. Imp. quinquies Ducatum contulisse scribatur: ferè ad modum quo feuda primum deferebantur, primo vt quando Domini *vellent*, inquit, §. *Et quia in vsib. feud. l. 1. t. 1. possent auferre rem in feudum à se datam, postea verò eo ventum est, vt per annum tantum firmitatem haberent, deinde statutum est vt vsque ad vitam fidelis produceretur: sic progressum est vt ad filios pertineret.* qui hæreditates à Carolo Othoneque filio deuolutæ nomine, possederunt Brabantiam, diuersimodè luctati sunt, vsque ad Godefridum Barbatum, qui barbaram non positurum se iurauerat donec hæreditatem maiorum, non officia, recuperasset. Sed habemus, quod hic satis est, ipsum Cassanum p. 171. fatentem descendentes Caroli Magni ex Lothario Brabantiam possedisse vsque ad annum 1250. vt opus nobis non sit longam ea super re disputationem sumere: reinitemus causam ad Annales Francisci Haræi: qui vt post cæteros, ita præ cæteris scripsit benè, veram primorum Brabantia Principum seriem ex antiquis monumentis stabilivit, limites Brabantia seu Bratupantij veteris descripsit, nec non posterioris Brabantia, seu Lotharingæ Cismosana fines, quin &
vete-

veteris Lotharingiæ ex Aymoino qui scripsit ante annos amplius 700. retulit. quibus etiam de rebus Miræus in *Stemmatib. Princ. Belg. c. 1. & seqq.* iterum videri potest, & Molanus in *Lou. & Militia sac. Duc. Braban. & Nota Louvviij.* Igitur Haræus à Pipino I. de Landis dicto, ab oppido vetere Brabantiae, sede olim Principum, prosapiam Principum deducit, à nullo externo interruptam, nisi prole mascula non extante, paterna vel auita hæreditas in dotem alteri Principi accesserit. quod accidit primum cum Begga, Pepini I. filia, Ansegiso nupta, successit Grimoaldo fratri Hildeberto ante patris mortem in acie cæso, atque ita improle: iterum cum Gerberga filia Caroli quem diximus Lotharingiæ Ducis, Lamberto Longicollio Comiti Louaniensis fratri Raginerij Comitis Montensis nupta, successit Otthoni filio Caroli sine liberis mortuo anno 1005, in ius Lotharingiæ. Denique cum Ioanna filia Ioannis III. nupsit Wenceslao fratri Imperatoris, quæ anno 1355. Ioanni patri defuncto successit, & post illam Antonius Burgundus, & huius stirpe finita Philippus Bonus: omnes vt liberi Margaretae, filiae eiusdem Ioannis sororis dictæ Ioannæ, materno omnes iure, porro Gerbergæ, & Lamberto filius fuit Henricus I. cui filius Ottho, breui tantum tempore supervixit, cui successit Lambertus II. Lamberti I. & Gerbergæ filius, Lamberto secundo filius Henricus II. huic filius Henricus III. huic Godefridus Barbatus frater, huic Godefridus II. filius, huic filius Godefridus III. in cunis dictus, huic Henricus IV. filius, iterum Henricus V. filius, qui obiit Kalend. Februarij ann. Christi 1247. quiescitque in Abbatia Villariensi, denique huic Henricus VI. filius Henrici V. qui uxorem habuit Aleidem filiam Ducis Burgundiæ, quæ ei peperit Henricum, Ioannem, & Godefridum filios, & filiam Mariam uxorem Philippi III. Regis Francorum: obiit pridie Kalend. Martij anno 1260. sepultus Louanij apud Prædicatores,

ita

ita iterum hæc omnia Haræus , Miræus , *in Stemm. Princ. Belg. c. 14. & 15.* & alij, quæ & pluribus diplomati-
bus probari possent. vbi ergo nunc Henricus , quem ait
Cassanus ad annum 1250. curasse se à populo eligi pri-
mum Ducein ? illubenter Franci prosopiam Caroli Ma-
gni etsi fæmininam hic superesse fatentur, an ideo ficta
hæc electio? Id quidem verum est Henricum IV. primum
vsum fuisse titulo Ducis; etsi iure sanguinis successerit, &
nomine IV. inter Principes fuerit, quin & Godefrido
Barbato proauo Comiti Louanienti Lotharingiæ no-
stræ titulus ab Imperatore restitutus etiam foret, vt idem
Haræus latius in serie & præfatione Annal. cum hic
Henricus præesse ceperit anno 1186. mortuus 1235. sed is
non peruenit ad annum 1250. filius autem Henrici V.
obierit, vt diximus 1260. titulum paternum gesserit, cu-
ius filiam, si inuasor Ducatus fuisset, Rex Franciæ res-
puisset habere vxorem. Non dissimili errore ab Henrici
posteris desultat Cassanus ad Ioannem Comitem Ni-
uernensem secundo-genitum domus Burgundicæ, cui
Brabantia competierit, Limburgum & Lotricium vt pri-
mogenito, eiusque cessionem factam, vt commentatur,
Comiti Charolesij, ideoque infert extincta familia mas-
cula Burgundica feudum hoc reuersum ad Coronam,
sed quomodo feudum, quod mox dixerat Henricum
electione populi obtinuisse ? Rei ergo veritas hæc est,
Henricus ille VI. Henrici V. filius ex Aleide filia Ducis
Burgundiæ Henricum habuit, qui septimus & præroga-
tiua ætatis eius nominis Princeps fuisset, nisi proceres
tonderi illum in Affligimienti monasterio, vt minus Rei-
publicæ capacem, voluissent: habuit ergo Henricus VI.
successorem alterum filium Joannem I. hic Ioannem II.
etiam filium, hic Joannem III. etiam filium, at hic
filiam Joannam, quam diximus Wenceslao nuptam, ex
quâ cum liberos non fuscitasset, grandæua iam illa
7. Maij 1404. Ducatum cessit Antonio Burgundo, pro-
nepoti suo ex Margareta Maleana, filia sororis suæ Mar-
garetæ

garetæ Brabantiaë, quem Ioanna pridem adoptauerat, secundogenitum quippe Ioannes Burgundus ea lege in adoptionem inaugurationemque conseruat, vt si quando liberi eius deficerent, ius successionis ad Ioannis posteros rediret: adeoque Antonio Ioannes IV. filius, & huic improbi Philippus I. frater successit; cui itidem sine liberis mortuo, nec extantibus alijs Antonij libereis, successit Philippus II. Bonus dictus, Joannis filius, huic autem Carolus Audax: quo ad Nancæum cæso, extincta est familia mascula Burgundica. Hæc est historię veritas, vt idem Haræus, Miræus, Bochijs, *de Belgij principatu*, Diuæus, Barlandus, & qui res Brabanticas scripserunt, latius enarrant.

Infert autem Cassanus, vt diximus, feudum hoc defectu maris reuersum ad Coronam. paucis in verbis multi sunt errores: primus, dum feudum vocat Brabantiam, cum vt mox diximus patrimonium fuerit iam ante quam feudi vsus apud Francos, obtinuissent, cum Pipini eorumve posteri ante adeptum regnum illam possiderent, multo magis cum iure optimo maximo haberetur, & inter liberos summo primum iure diuideretur, & licet postmodum post mortem Othonis II. Ducis Lotharingæ, in eoque extinctam lineam masculam Lotharij III. & inuasionem Imperatorias Gallicasque, hæreditatis, familiæque post plures diuisiones, minutiores fuerunt Principes, Imperijque Germanici maiestatem comiter coluerunt, non id tamen primæuam personis rebusque aufert libertatem, l. 7. *D. de capt.* aut feudalem seruitutem induit, nisi disertè in stipulationem deducatur: quod mihi factum fuisse non satis constat. etsi in diplomate Wenceslai, de quo mox, aliquid simile legatur, sed illud veterem naturam non debuit mutare, & propterea inuestitura à Carolo V. Imperatore facta Philippo filio aliis clausulis est munita. *de qua egimus in Iur. Pont. non. annal. tit. de relig. dom.*

Enimuero feudorum similitudinem quamdam heteroclitam

clitiam iam tum apud Francos, Germanosque, ac olim Romanos fuisse non abnuo, tum in agris limitaneis assignandis, *ut tetigi supra c. 6.* tum ut imbecilliores non priuati tantum, sed & ciuitates darent se in patrocinium potentiorum, senatorum, aliorumve. quod natum ex eo credi potest, quod Lotharius Imp. Ludouicus & Carolus Reges ad Marsnam conuenientes *an. 847.* quædam coniunctim capita sanxerunt, quædam separatim, quæ tradit Miræus *in Cod. donat. piar. c. 15.* illa vocant capitula, hæc adnunciationes: inter Adnunt. Carol. articulus secundus est, *volumus etiam ut unusquisque liber homo in nostro regno seniore, qualem voluerit, in nobis, & in nostris fidelibus accipiat.* hinc quidni liceat dicere vsum loquendi inualuisse circa illa sæcula, ut senioris nomine Dominus intelligeretur? ut diximus *in Ind. l. 1. c. 38.* & ita loquitur Ingelramus de Carolo Rege in pactione Aquisgranensi *an. 870.* inita cum Ludouico Germaniæ Rege apud Miræum *in Cod. donat. piar. c. 19.* cum & addat sequens articulus *nec licere hunc mutare, nisi causa iusta, aut ab alio recipi nisi ex causa olim consueta,* & *art. 5. volumus,* inquit, *ut cuiuscumque nostrorum homo, in cuiuscumque regno sit, cum seniore suo in hostem, vel alijs suis utilitatibus pergat; nisi talis regni inuasio quam Lantvveer dicunt (quod absit) acciderit, ut omnis populus illius regni ad eam repellendam communiter pergat.* quamobrem etiam in legibus Brabantiae *an. 1312.* cautum est, ne quis, absit ab huiusmodi expeditione, sine licentia ipsius Ducis.

Secundus Cassani error est, quod masculinam dumtaxat successionem in Brabantia supponat locum habere: cum iam docuerimus contrarium in Begga, in Gerberga, in Ioanna, & liberis Margaretæ sororis Ioannæ, repetito in Antonio Burgundo, & deinde in Philippo Bono femininæ successionis iure.

Tertius error est, quod intendat Cassanus reuersam Brabantiam ad Coronam Franciæ: quippe si feudum masculinum foret, fuitque priorum Ducum linea; non ad

ad Franciam rediisset, sed ad Imperium: quo pridem relata est Lotharingia, & ut vult ipse Cassianus *l.2.c.3.p.68.* iam ab ipso Carolo Ludouici transmarini filio, quem propterea dicit à successionem Gallia exclusum; & *p.69.* ait in illud usque tempus nomine Regio possessam fuisse, utique ut priores partitiones summo iure, non feudali: *ut mox diximus hac §.* quare ut abundans cautela non nocet, & saepe scrupulis facit satis, praesertim in dominatibus, ad quos vindicandos obscura frequenter iura petuntur è longinquo; Wenceslaus Imperator *an.1409.* diplomate antenuptiali Antonij Brabantiae Ducis & Elisabethae Wenceslai neptis, *relato à Mirao in Cod. donat. Belg.c.118.* *declarauimus, inquit, & declaramus ipsum Antonium praedictum ritè, bonè, & iustè ad dominium ducatus Brabantiae legitima successionem deuenisse, & ipso ducatu cum suis pertinentijs licitè & bono titulo gaudere debere, & insuper in quantum opus est aut fuerit, omne ius quod nobis tamquam Romanorum Regi, aut alias in ducatu Brabantiae per modum deuolutionis, seu alio quocumque modo competit, seu competere potest, plenarie transulimus & transferimus.* ad eundemque modum cum Philippus Bonus Antonio successisset, repetito iure ex linea feminina Fredericus *anno 1442.* eidem cessit *omni iure quod Imperij nomine in Brabantiam, Zelandiam, Frisiam pretendere posset: ita Haræus, ad eundem annum in Annal.*

Error etiam quartus illationi Cassiani est inclusus, quippe si femininae successioni non esset locus, non est extincta linea mascula antiquorum ex Raginerijs Montensibus Ducum Brabantiae, qui imperarunt ante Burgundos, sed ex recta etiam stirpe mascula descendunt Lantgrauij Hassiae. *Miræus in Stemmata Raginerorum & in Stemmat. Belg.c.21.*

Quin error etiam quintus aduersus hodiernum Brabantiae ius, & quod vetustissimum est, committitur, nam palam est quod Brabantini Principes nunc ab Imperio

se exemptos habent, vt apud Diuæ rer. *Brabant.* l. 1. c. 2. Nicolaus Clericus : cuius teutonicos versus ita reddit latinè ;

Alterius Domini non vlla lege tenetur,

Præterquam summi, qui nunc largitur, vt olim,

Omnia, &c.

& sanè quod ad veterem rationem attinet, certum est Lotharium summo iure possedisse suam portionem; quæ ab illo Lotharingia postmodum dicta est: illam à Ludouico & Caluo diuisam suam quemque partem etiam summo iure possedisse: indiuisam à Burgundia incepisse, extensam vsque ad mare Frisonum in latitudine Schalda & Rheno clausam quod infra vltèrius tangemus. §. *Mechlinia.* Diuisionem refert Miræus in Codice & in *Chron. Belg. ad an. 870.*

Iraque patet ex his quam fallatur aut fallat Cassanus, qui in Brabantiam aliquid iuris Francici præsumit vindicare. Et quoniam adiungit cessione Ioannis Niuernensis Limburgum, atque his à pluribus sæculis titulus coniunctus est Brabantico, videtur illum in sequelam in Galliam velle trahere, non minori etiam errore,

§. *Limburgum*

Siquidem à primordijs Imperij, cum Aquisgrani palatio Caroli Magni, Limburgi olim metropoli, adhæsit Imperio, vt Carolus Magnus olim statuerat vt Aquisgrani esset sedes regni trans Alpes caput omnium Ciuitatum & prouinciarum Galliæ, *Sermonem habet Miræus in Cod. donat. piar. c. 11.* sed vtique ante diuisiones per liberos Caroli factas, & suos quidem olim Duces Comitesque habuit, de quibus Bochijs in *Belgij principatu* post Lotharingiæ & Brabantiæ Ducatum, & *Miræus in Stemm. Belg. c. 16.* vsque ad Henricum III. an. 1283. sine liberis defunctum, cuius proximus heres atque consanguineus erat Adolphus Montensis Comes, qui viribus Rainaldo Geldriæ Comiti impar, qui soceri di-

tionem

tionem quasi dotis nomine, tamen si Germengardis Henrici filia Rainoldi vxor sine liberis emortua esset, inuadere moliebatur, Ioann I. Duci Brabantia, accepta insigni summa, ius omne cessit: hinc orto bello, victor Ioannes captiuum habuit Geldrum, qui Ioanni ius itidem omne cessit. *vt optime Haraeus in Ann. in Ioanne I. ad annum 1284.* Ioannes porro exinde vsus est hisce titulis, *Ioannes Dux Lotharingia, Brabantia, & Limburgi, Marchio Imperij*, Ducatumque in posteris coniunxit, femininae aequè ac masculinae successionis patientem, utpote haecenus ab anno 1288. non diuisum a Brabantia, Duces olim ab Imperatore eam regionem beneficio sortiti, & non satis maiestatem, colentes non semel titulo, ditioneque exuti, restitutique fuerunt. *qua de re Bochijs ubi supra.* Cassano satis sit, extra Franciae limites indubitatos etiam hanc ditionem consistere, nihil in ea Francici Iuris esse.

§. Luxemburgum

Cassanus Aurelianensibus vendicat, quia *emptum*, inquit, & *quidem prompta pecunia* à Ludouico Aurelianensi fratre Caroli VI. sed non addit quo venditore? neque enim cuiusuis venditio sufficit, sed illa veri domini, atque traditio requiritur, subdit & Francisco I. Marcanos Dominos ius omne suum cessisse, nec dicit quale nam illud? & inferius Carolum Vindomiensem antecessorem Ludouici XIII. vxorem habuisse Mariam Luxemburgensem hæredem huius ducatus: nec addit, quando ei deuolutum, qua linea, quoto gradu ab ultimo hærede distantem? Stemma Ducum videre licet apud Albicium *in Princip. Christ. Stemmat. Miræum in Chron. Belg. ad an. 963. & 1214. & in Stemmat. Belg. c. 17.* Ait Cassanus Ducatus Luxemburgensis possessionem habuisse Ludouicum Aurelianensem, donec à Joanne Burgundo vita & Ducatu spoliatus sit. de causa cædis dicimus l. 3. c. 6. *in fin.* de cætero, vtrumque falsum est. nam

nam Ducatus possessio apud Luxemburgios mansit, & per eos in familia Regum Bohemiæ usque ad Wenceslaum & Sigismundum filios Caroli IV. Imperatoris, donec stirpe Bohemica sexus masculini desinente, Wenceslaus Elisabethæ nepti ex fratre Joanne Duce Gorlicensi anno 1409. Antonio Burgundo Brabantia Ducui nubenti Luxemburgum in dotem dedit, simpliciter quidem, si ex eo matrimonio liberi nascerentur: sin minus, in antichresim magnarum summarum, cum certis pactis redimendi ab Antonio: Elisabetha autem superstite soluto matrimonio usufructuaria manente. contractum donationemque antenuptialem verbotenus refert Miræus *in donat. Belg.c. 118.* ubi præfatur Wenceslaus se eandem facere ad petitionem *Caroli Dei gratia Francorum Regis, & aliorum illustrium domus Francia Principum avunculorum & patruorum eiusdem Domini Caroli, nec non ob singularem favorem, quem ad personam illustris Antonij Ducis Brabantia consanguinei sui habere dignoscitur.* Porro soluto hoc matrimonio, nec prole extante, Elisabetha grandæva ius omne vendidit cessitue Philippo Bono, qui Antonio fratrueli in Brabantiam, aliasque ditiones successerat; cum regimini per sexum, & ætatem non satis par esset populum ad seditionem mouente Duce Brunsvicensi, proximo cognato, ut mox videbimus: quantum hæc absunt ab illa possessione Ludouici Aurelianensis aut Joannis Burgundi? quare nec emptio Cassani verisimilitudinem habet, aut numeratio pecuniæ. & licet hæc verâ foret, Philippus tamen Bonus *Carolus Aurelianorum Ducem, Ludouici Aureliani ab Intrepido an. 1407. mactari iussi filium, qui à prælio Azincurtiano annis 25. in Anglia captivus fuerat, à carcere liberauit anno 1440. persolutis propria è pecunia pro eius redemptione ducentis aureorum liliorum millibus.* ut ad eum annum in Annalibus testatur Haræus. quanta pecunia nec data à patre si ymquam emerit, nec dari à filio potuisse credi potest. Nunc quod attinet ad Mar-

canos, Mariamue Luxemburgicam, esto è longinquo Elisabetham attigerint, tamen quoad illos liberas ædes haberent Burgundi, de iure tertij non possent Marcani experiri, non actionem armatam instituere: fecit id Bruin suicensis proximior, armis victus est; & pace cessit; tum ille, tum alij Elisabethæ hæredes proximi. Optimè rem explicat Bochius *ubi supra Elisabetha nullam*, inquit, *thori fecunditatem experta Ducatum Luxemburgi Burgundia Duci Philippo Bono vendidit. quoniam autem Sigismundus Augustus ex secunda uxore filiam Elisabetham suscepit Alberto II. Imperatori Austria Archiduci connubio sociatam, unde nati sunt Ladislaus Bohemia Rex qui sine liberis obiit, relictis sororibus Anna & Elisabetha, quarum hæc Gui'ielmo Duci Brunsvicensi familia Saxonica, illa Casimiro Polonia Regi iuncta est, utraque ius suum quod in Luxemburgo habebat pretio alienavit: Anna nimirum Philippo Bono partem suam addixit, cui propter acquisitum emptione ab Elisabetha utique dominium cum eius marito erat belligerandum: ab Elisabetha vero quidquid actionis supererat Carolus Audax redemit. consentit Miræus in Stemmat. Belg. c. 17. & Chronico Belgico ad annum 1214. Haraus in Ann. ad annum 1443. & 1453. alijsque passim.*

Quæ porro Cassanus de bellis subsecutis & fœderibus subnectit, causæ huic fauent: quippe pace Sueffionensi an. 1544. convenit, ut quidquid hinc inde ab inducijs Nicæanis esset occupatum, restitueretur: pace autem Cameracensi 1559. ut quidquid ab anno 1551. bello captum esset, ut tunc in manu Francorum non erat Luxemburgum, Metropolis, nec ditio, sed limitropha pauca oppidula, scilicet Yuosa, Damvillerium, & Mommedium. quæ porro his fœderibus infirmandis Cassanus hic obijcit, ut sæpè alias infra latè examinabimus *tota lib. 1.*

Vnum hic est speciale quod obijcit nullo Hispanos iure Luxemburgum possidere, nisi ex cessione Joannæ

E

de

de Greulich, quam facit Ducissam Luxemburgensem, errauit in nomine, Elisabetham dicere voluit, filiam vt diximus Ducis Gorlicensis, neptem Wenceslai Imp. viduam Antoni; Burgundi Ducis Brabantia: *de qua satis diximus: & Harauis in Annalibus anno, inquit, 1443. Burgundus Luxemburgum armis occupat, cedente ei ius suum certa annua pensione Elisabetha Antoni; Brabantii vidua, cui Luxemburgum à VVenceslao Imperatore parruo pro dote erat assignatum, frustra repugnante Brunswicensi, qui tamen pecuniis postea etiam est placatus. ex quo patet nec in tempore errari, quod is ait, nec solam Elisabethæ administrationem, sed ius omne redemptum esse, quantumcumque donatione antenuptiali seu alias fuerit, nec illius tantum, sed & proximorum consanguineorum, vt mox ex Bochio probauimus, & adstipulantur passim Belgici Annales.*

§. Geldriam

Cassanus præter nauigat, etsi Franci tamen alij sæpius in medium prouocent, eandemque ideo nonnihil attingemus. Principum seriem habet Miræus *in Stemmat.* c. 18. vsque ad Carolum Egmondanum filium Adolphi. at hic facto quidem ipso aliquamdiu ditionem tenuit: Burgundi tamen Austriaciue pro sua habebant: quippe Adolphus patrem Arnoldum 1465. carcere inclusum indignè habuerat, patrem Carolus Audax armis restituerat, ab eo Ducatum ad vitam tamen ab Adolpho possidendum emerat, denique testamento hæres ab eo institutus fuerat: Audax Adolphum filium an. 1472. ad Cortracum ceperat, ditionis possessionem obtinuerat, illumque carcere clausum tenuerat donec ad Nancæium ipse cæderetur: tum irruentibus in Belgicam Gallis carcere eductus, non tam à Maria Burgundica, minoremne, quam Ordinibus belli Dux Gallis oppositus cecidit ad Tornacum an. 1477. filius ergo Carolus puer in Aula Burgundica nutritus fuit an. 1486, *vt Harauis in Annalibus*

bus ad Mervillam captus à Francis, ibi quinquennium egit, tum Geldrorum pecunia redemptus, omnium Geldriæ Ordinum sacramenta recepit, eiectis Austriacis. Ita inter bella & iteratas sæpius inducias acti plures anni: Philippus Austriacus iam Castellæ Rex an. 1505. Hagenuæ Maximiliano Cæsari patri clientale sacramentum dixit de Geldria & Zutphania, *ut Hareus ad eundem annum*, Carolus viribus impar; sumptibus bellicis tot annorum exhaustus, ut Francica auxilia sibi adscisceret, renuntiat Romano Imperio, beneficiarium clientem Francorum regis se constituit, infinita ipse Imperio Belgicæque damna infert, Groeninganos etiam partemque Frisiæ in verba Regis Galliæ adigit, Danos aliosque contra Cæsarem excitat: tandem cum Carolo V. Cæsare pacem facit anno 1528. *cuius capita ad eum annum recitat Hareus, inter cetera*, ut deficiente ei legitima virili stirpe Geldria ac Zutphania Cæsari legitimisque eius vtriusque sexus hæredibus cedat, mortuus est autem nec mascula nec fæminina prole legitima relicta an. 1538. pacis ergo lege præter aui testamentum, venditionemque Geldria ad Carolum V. fuit deuoluta, cuiusmodi pacta omnimodo seruâda ex belli pacisque iure gentium latius infra demonstrabimus I, 2. monuisse hic satis sit non ad illum annû tantum, sed etiã postea Carolo V. Imperatori illum rebellasse hæreditarias Caroli terras Imperiumque valdè afflixisse: sed iterum iisdem fere legibus pax coauluit an. 1536. alioquin omnino per rebellionem feudo Imperij excidisse, negari iure non potest, & Carolum V. iure inuestiuisse Philippum filium, pro se hæredibusque. Geldrus tamen fidei oblitus hæredem scripsit Guilielmum Marcanum Ducem Cliuix, qui in possessionem intrusus præsidij minutiora loca tenuit, & calamitoso Geldros bello inuoluit, donec armis Cæsareis inferior, certis legibus, *quas Hareus ad annum 1543. refert*, & *Montanus ubi supra* pace composita Geldriæ Ducatu ac Zurphanix Comitatu Cæsari eiusque hæredibus in perpetuum

petuum cessit, imposterum ei fidissimus. testamentum Caroli aduersus pacem publicam, fidemque iuratam validum si quis esse contendit, quid dicet de aui testamento, quo Audax institutus est liberator testatoris, cum non obstante lege Cincia etiam in infinitum iure vetere donare ei licuit, qui aliquem ab hostibus vel latronibus eripuit. *Paulus l. 5. sentent.* quibus nihilo melior est filius qui patrem carcere clausum habet, ditiones inuadit. vt omittamus emptionem Audacis, belli, & pacis iura: cum nec Cliuius proximus hæres esset alioquin, sed liberi Philippæ Renato II. Lotharingæ Duci nuptæ, qui ex ea habuit liberos decem. *vt in Stemm. Belg. Miræus notat. c. 12. & c. 15.* quorum interpositione ecclipsin patiuntur omnia iura Marcanorum à Francis empta, vt vult Cassanus. sed successores ex Philippa Lotharingæ Principes numquam huiusmodi ob causam turbidis in bellum consilijs trahi se sunt passi, detulerunt emptionis dictæ, testamentique titulis, iuri denique pacis, ac belli quo ad Burgundos Austriacosque Geldria Zutphaniaque est delata. Quæ etiam impedimento liquet eis esse, qui impræsentiarum remotiores itidem titulos, genesesque concinnant. Porro meminisse etiam oportet Guilielmum Cliuix Ducem in Comitijis Francofurtanis Rationes scripto exhibuisse, quibus Geldriæ Ducatû suum esse contendebat: atque inter cæteras Rainaldo Duce mortuo deuolutum illum ad Comites Bergenses maiores suos, Dominos autem Egmondanos de facto tantum, non iure in illum irrepsisse, Rationes omnes Carolum V. in Comitijis Ratisbonensibus an. 1541. refutasse, Ducatumque optimo iure sibi asseruisse, Ordinesque Imperij decreuisse, licere Carolo V. ius suum asserere, & possessionem armis vindicare; quæ subsecuta est victoria & pax, quam paulo ante diximus. *Impresse sunt utraque Rationes Antuerpia apud Martinum Meranum an. 1541. sub hoc titulo, Assertio iuris Imperatoris Caroli V. in Geldria Ducatum, &c. ubi & latè ius Caroli stabilitur, &*

Gui-

Guilielmi refellitur, additis exemplis tractatum, sententiarum, venditionis, ac cessionis Gerardi Ducis facta Carolo Burgundo, eiusque confirmationis facta, à Frederico Imp. infeudationis Maxim. & Maria Burgund. Confœder. Maxim. Imp. & Guilielmi Ducis Cliuij, Confœd. VVilhelmi Iuliac. & Carolo Burgund. infeudationis Philippæ Austriaci, à Maxim. Imp. facta. Et ad Francos quod attinet, ne vel umbra iuris superesset, quod Carolus renunciato Imperio, in Franci tutelam & soueranitatem clientelamque se subiecisset, etsi feudorum vbique leges id verent, id agentes feudo priuent: tamen legibus pacis Crespensis inter Carolum V. & Franciscum I. conuenit inter alia, *ut quidquid Rex in Ducatum Geldria ac Comitatum Zutphania iuris pratendere potest Casari eiusque successoribus in perpetuum cedat. ut pacis tabula* 18. Septemb. 1544.

§. Flandria

Post Ducatus locum proximum obtinet, multiloquus hic ut in Euripo laborat Cassanus, ac tantum pro hoc conflictu intulit apparatus, ut pro singulis maiestatis notis singulas in medium ducat catapultas, de notis maiestatis latè diximus *in Indice lib. 4. c. 1. & seqq.* quibus omissis ijsque quæ passim in Annalibus Meyerus, Audegerstius, Sueyro, alijque tradunt, & nos retigimus *in iur. pont. nou. anal. tit. de relig. dom.* De Flandria Jacobus Marchantius libros quatuor, vbi nihil, quod pro dignitate gentis faciat, omnino queri omissum quis potest. Is ergo de Principum potestate ita l. 2. c. 2. *primariæ potestatis atque auctoritatis, hoc erat quod Flandria Princeps libere & more regio Imperij munia obibat, neque vlla apud Compares regni sese iudicio sistendi necessitate obstringebatur, nisi aut de Comitatus proprietate controuersia incideret, aut ipse ius subditis reddere pernegaret: exercitus conscribendi, delectus habendi, belli pacisque facienda, indictiones imperandi, regalibus tributisque regni Gal-*

lici non parendi, omnes penas sumendi aut remittendi, legem maiestatis exercendi, edicta & constitutiones sanciendo, immunitates priuilegiaque largiendi, monetam cudendi, regiamque iniqui ponderis ad forcipes damnandi, & ad suam expendendi: denique sese Principem Marchionem aut Comitem Dei gratiâ inscribendi, quod nulli omnium Francia regni Principum praterquam illi Britannoque fas erat, absolutam habebat potestatem. quæ euidentes quidem tessera sunt supremi illius iuris, quod soueranitatem, latini maiestatem, & Græci apertius αυτοκρατία vocant: an vero illinc sequatur, ut Comes Flandria Princeps Souueranus dici potuerit tunc cum Francia Regibus hominio illigabatur (argutè enim Martialis qui Rex est Regem maxime non habeat) in incerto mihi iudicium est: quamuis dissimulari nequeat, à Castrensi, Decio, Curtio, Socino in consiliorum libris, Mediolani, Sabaudia, Mantueque Duces pro Souueranis haberi, licet fidelitatis iuramentum Caesaribus debeant, præstentque. Et Bohemia Neapolisque Reges (quibus maiestatem detrachere piaculum fit) illi Caesaribus, hi Pontificibus Romanis fidei aliorumque munerum exhibendorum sacramento, attinentur. ita March. Quarum rerum causam (ut omittamus Liderici, quem volunt à Dagoberto an. 621. constitutum Flandriæ forestarium, quo setum extendebat sylua Carbonaria, aliorumque vsque ad Balduinum Ferreum Forestariorum, id est non lignariorum custodum (quamquam Gaguinus l. i. alijque custodes non Carbonariæ, sed Flandriæ appellant) sed Principem, id enim significat *Forsten*, *Forst-beer*. ut etiamnum utimur appellando magnos principes. *Forst en heer*, *Heer ende Forst*, germanica lingua, qua tunc adhuc Franci utebantur, cuius deinde obliti alias nomenclaturas quærebant eiusdem soni) potentiam, continuatamque vsu consuetudinem fuisse existimem, quod Ferreus accepta in matrimonium Iuditha Caroli Calui filia, receptusque in gratiam soceri, dotis nomine, inquit Marchantius, totam eam regionem
 qua

qua Schaldi, Somona Oceanoque includitur, perpetuo dono Calui à genero contra Danos caterosque Nortmannos, fauissimos hostes protegendam accepit: nam in pacificatione Virodunensi filiorum Ludouici Pij regnique partitione, qua anno 844. fiebat, Gallia monte Pyrenao, Mosa, ac Oceano Occidentali tenus Carolo Caluo accesserat: quo terrarum complexu Flandria vicinaque terra continentur, quum antea ad regnum Austrasia siue Orientale Germaniamque magis respicerent, ita i. le. Magna hæc ditio, Franciæ pars magna (quartam aliqui dicunt) magnos Ferreo successoribusque animos dedit, regum vt in morem vixerint, rexerintque, præsertim cum illis sæculis, vbi diximus c. 7. & 8. regnorum inter liberos partitiones, summo omnibus iure adscripto, vt nec alteris subderentur, ita generis dotes si non cum suprema potestate, proxima tamen, sæpe constituebantur, aut potentia fiduciam vsurpandi tribuebat. vnde tot vbique regna in sola Angliæ insula septem Saxonum tempore, atque in Hispanijs atque alibi alia sunt constituta; vbique maiestatem atque autocratiam habentia, præsertim cum illis temporibus manu regum magis, comitiorumque iudicijs, quam subtilibus legum tricis res gererentur. sed postquam comitia procerum, pariumque, inter quos in Francia antiquitate primas obtinebat Comes Flandriæ, quæ Parlamenta vocabantur, & quo sensu eam vocent Angli hodie adhuc vsurpant, ad togatos prorogata ac sedentaria sunt facta, totis Romanarum legum voluminibus in consortium Iuris Francici admissis, quod procures ense vinci insuetos, literatorum disputationibus superari puderet, deserunt in Francia Parlamenta frequentare, ceperunt soli literati rerum iudicandarum potiri, legumque argutijs procerum regias notas expungere, augere maiestatem Regum, à quibus solis, secus quam nunc etiam in Imperio, & Camera Spirensi fiat, constituebantur: nulli, quod aliquando promissum erat, & omissum queri solet Philippus Bonus Burgundia

diæ Dux, ab ipsis proceribus, quorum loca supplebant: plerique suum solem vt Heliotropia respicere, non cætera minorum gentium astra, si casus credebant esse pro amico. ne quid amplius dicatur, album pro Rege lapillum in promptu habere, non facile contra fiscum respondere: hinc ad summum fastigium venit Regum Maiestas, procerum, qui olim Regibus pæne pares erant præsertim apud Francos veteres, more Germanorum, depressa auctoritas: per cuniculos, iudicijs; vt ingenuè fatetur Loiseau *de Seigneuries, locis quæ inferius l. 3. c. 14. notamus paulo latius*, non raro etiam apertis deinceps bellis. & Flandri quidem, & iudiciarias technas & ex his bellicas tempestates non semel sunt experti: Comitum potentiam Reges infringere; vt suspectam emulamque, veterum Principum Regias notas defricare Parlamenta perpetuo fategerunt: sæpius vtrimque conueniunt legati, vt difficultates componerent, sæpius transfactum, numquam tamen defuit materia, in qua veteres Flandrorum vsus à legibus communibus dissiderent, vnde occasio quereretur ab eo qui discedere vult ab amico. quare Imp. Carolus V. cui inter cætera impressa numismatibus solemne etiam illud fuit, *summi cuique*, diligenter examinari iussit vetera Flandriæ iura, munita, archiua. Philippus Wilantius Parlamenti Mechliniensis Senator diligenter excussit, eius Notis eadem asseruntur, quæ Marchantius supra contraxit. de prouocationibus alia ex alijs dissidia perpetuo commentati sunt Franci, vt mox paulo latius dicemus, vt Cassani operosæ dissertationi paucis respondeamus. Is ergo post vetera Romanorum primorumque Francorum, Caroli etiam Magni in Flandria gesta, parum ex vero repetita, & à Caluo Flandriæ factam concessionem, argumento ab auctoritate negatiuo, oppugnatam aduersus classicos historicos, asserentes in gratiam matrimonij Iudithæ plenam Flandriæ proprietatem fuisse tributam: fatetur saltem in feudum sub fidelitate, & supremirate datam,

ad

ad quam asserendam post Iudithæ genealogiam totis viribus componit.

Vbi imprimis ex ea genesi illud patet, Flandriā ex primordio donationis fæmininā esse non Salicam, datam Iudithæ, post eamque ad fæminas sæpius delatam, Margaretam Alsatiā, Joannam Constantinopolitanā, Margaretam Constantinopolitanā, Margaretam Ludouici Maleani filiam (per cuius matrimonium Comitatus Flandriæ, inquit Cassanus, venit in manum Ducum Burgundiæ) Mariam Burgundam: & per eius cum Maximiliano nuptias in potestatem Austriacorum. quæ olim numquam disputata fuerunt, nec cæso quidem ad Nancæum Carolo aliud hæredi obiectum, quam legem feudi commissoriam ob bellum cum Domino susceptum. quæ de re mox plura. nunc seditiosis quibusdam ingenijs nihil tam stabile est, quin id vellere audeant, & si conuellere nec sperent satis diximus *supra c. 3.* regnorum dominatuūque delationibus maiorum exempla, moremque gentis firmas successionum esse columnas. & Cassanus quidem *l. 1. c. 8. p. 383.* negat regnum Aragoniæ censerī posse masculinum, quod à Petronilla femina ceperit: quid ergo oportuit eum dicere de Comitatu cæpto à Iuditha?

Nunc ad supremiatis argumenta accedamus, non erat operæ Cassani pretium hanc laboriosè disceptare: nisi enim maiestatis aliquid supremiatisque in Flandriam, qua parte proprietaria, aut Imperialis non est, Reges Franciæ habuissent: cur pacis Madrilianæ legibus præscripta fuisset illius eiuratio?

De *homagio & inuestitura* vetere vsque ad Madrilianam pacem non disputamus, formam Marchantius *l. 2. c. de ritibus dominatus ineundi*, annales, & historici tradunt. Porro primum Cassani exemplum quod Arnulphus Comes Flandriæ recusauerit Hugoni Capeto homagium, quod cæteri Franciæ procures lubenter præstiterant, cum ex nutu reuocabiles ditionum con-

cessionem Hugo fecisset hæreditarias, duo habet consideranda: primum, Flandriam non fuisse ex nutu regio reuocabilem ex eo patet, quod vel Cassanus ipse, paulo ante dixerat à Caluo datam Ferreo sub fidelitate & suppremitate, etsi alij asserant plenioris proprietatis donationem. atque ideo minus ab Hugone beneficij Arnulpho præstari poterat, quàm cæteris proceribus, ut Cassanus ait, obligandis: sed quàm in causam obligandis? Id scilicet est punctum alterum hic notandum, cum esset, inquit Cassanus, Hugo Rex declaratus in Ordinibus Nouiomensibus, quando scilicet Hugo Carolus Regis Lotharij III. fratrem, & mortuo filiolo Ludouico, hæredem regno exclusit, ipse inuasit: Arnulpho autem pro vero hærede stante armis potentioribus subiecit, non rebellem, ut vocat Cassanus, sed fidum Domino: nisi sit in potestate Ordinum Franciæ mutare cum lubet Reges, & noua meditantium genijs blandiatur Cassanus. Post Hugonem mansit diu cicatrix, & Flandrorum animus in sanguinem Capeticum parum propensus, & Francorum aduersus eos odium sæpe recrudescens, frequentia ex eo deinceps bella legas in Francicis Flandricisque annalibus.

Leges constitutionesque Cassanus prædicat alteram maiestatis notam, rectè, sed negant Flandri Regijs vniquam constitutionibus se paruissè. *Habet*, inquit Wilantius, *Comes potestatem à rerum principio faciendi ordinationes & constitutiones reipublica utiles, eisdemque dandi vim atque vigorem legis scripta, id quod ex eo liquet quod omnes vrbes & Castellania Flandria ab omni auo fuerint gubernata per decreta, statuta, & Ordinationes Comitum, non Regis aut cuiuscumque alterius: & iterum, habuit*, inquit, *ab omni auo Comes præminentiam & exemptionem, quod Rex numquam vsus in Flandria fuerit plena soueranitate, ut in alijs regni Pariatibus, quia Ordinationes ipsius non habent ibi locum, ut nec habent littera gratia, quales quales sint, indices Regij iurisdictionem non*
exer-

exercent per prauentionem, nec aliter, moneta Regia non habent ibi cursum, nisi ad Ordinationem & reductionem moneta Flandria, generales impositiones per regnum indita, ut nummi decimi, vigesimi, quinquagesimi, centesimi non se extendunt in Flandriam, ut nec regalia, clerus etiam Flandria semper secum habitauit; nullatenus subditus Ecclesia Gallicana, non pragmatica Sanctio, non Parisienses nominationes ibi umquam admissa. ita Wilantiuss: quæ sanè sufficiant omnibus à Cassano allegatis, neque enim post rem pace Madriliana, ac tot fœderibus secutis iudicatam, iterum atque iterum opus est causam dicere.

Post leges pergit Cassanus ad *iudicia*, de Comitatus successione aliquando lata: non negarunt Flandri cum de proprietate Comitatus quæritur Regum fuisse iudicium, scilicet in Curia Parium: quale iudiciū magis arbitrium est, quàm publica auctoritas, quàm priuati dare non possunt: cum tamen priuatorum conuentione feuda constituentur, & Vasallorum pariumve pacta, & Curia, statuta, & lauda. Id quod non parum confirmat iudicium S. Ludouici, quo inter Margaretæ filios ex Auenio, qui nothi arguebātur, & alios ex matrimonio non controuerso natos Flandriā, Hannoniamq; diuisit. nam si ut iudex pronuntiasset, debebat prioribus adiudicare vel abiudicare ipsos dominatus, cæteris sub ipsis partes, alimentorum vice. quod & iuuat, ut mox dicemus, quod Hannonia extra terminos regni erat, ideoque non iudicium, sed arbitrium fuerit ea sententia ex bono & æquo quasi amicè lata. quare & in iudicijs criminalibus maiestatis ipse Cassanus p. 132. d. c. 5. l. 2. hæc prologomena refert, *Nos pares Francia ad requestam* (nota) *& mandatum Regis venimus in suam curiam Parisius, tenuimus curiam, &c.* & paulo ante dicit Curiam Parium esse nunc Parlamentum Parisiense, sed quo procerum sensu, iam diximus *supra*.

Ad *bellum & pacem* pergit Cassanus, horum ille ar-

bitrium Regi deferret: at Flandrici annales Comiti semper competiisse asserunt, bella gesta referunt infinita; nulum regis decretum: exemplum vnum Cassanus inuocat Caroli VII. qui anno 1452. à Gandensibus Comiti rebellibus requisitus, Philippo Bono per legatos mandarat, vt arma poneret; & ad iudicium suum causam reijceret, sed respondit Philippus, si Gandenses delictorum pœniteret, iniquos mores emendarent; veniam supplicibus pacemque se daturum, lætaturumque si ita Rex cognosceret quanti intercessionem illius æstimasset: cæterum si in malitia persisterent, non relicturum se arma nisi cum vindicta, quàm breui speraret: vt nec arma Bonus deseruit, donec cæsis ad Gauriam Gandensibus, & ad misericordiam Principis sui prouolutis, grâtiâ pacemque dedit. ita Sueiro in *Annalibus Fland.* ad annum 1452. 1453.

Gratiam facere alteram maiestatis notam facit Cassanus, nec hoc in controuersia est ius vitæ & necis indicium esse maiestatis: at in Flandria iam diximus nullas literas gratiæ regiæ recipi solitas, & omnes à Comitibus impetrari, illiusque Cancellaria. *Omnes, inquit Wilantius, prouisiones iustitiæ & gratiæ, quamcumque Soueranus Dominus potest & consuevit facere, vel ipse Rex in suo regno, nec Cassanus citat exempla alia, quam duorum Comitum Flandriæ, Theodorici & Guidonis: non negauimus posterioribus sæculis ipsos Comites homines ligios fuisse, coque nomine Francos impotenter sæpius abufos, speciatim aduersus Guidonem annales & imprimis Sueiro satis explicant. causa omnis ex co sumpta, quod is Philippotam filiam inscio rege Franciæ desponderat filio Regis Angliæ. suspectum habebat Francus matrimonium, arguebat fœdera, sed falso, aduersus vtilitatem regni inita: diuersis technis id actum vt in potestatem Franci venerit filia Guidonis, & libertate matrimonij per vim maiorem violata, ipsius Regis Franciæ filia Isabella nupserit Philippotæ sponso, ex quo*
matri-

matrimonio natus est Eduardus ille, qui, cum Regis Philippi Pulchri aui materni proles masculæ omnes essent emortuæ, regnum Franciæ sibi petijt vt viro capaci, quamuis intermedia mater fuisset incapax, hoc est illud bellorum Anglo-Francicorum, quæ ducentos annos durarunt, seminarium: vt per quæ quis peccat, per hæc eadem puniatur. sed & Guido ob detentam filiam negationemque iustitiæ (munimenta adhuc Rupelmondæ adseruantur) Franco bellum indixit, in quo æquitas quidem pro illo pugnauit, sed fortuna eum deseruit, & crudelissimo tandem in carcere extinxit. sed dum eo adhuc teneretur, Franci memorabili illo ad Cortracum prælio cæsi sunt, sed postmodum Flandri altero inuicem prælio victi, conditiones pacis iniqua receperunt: an, 1305. decepti, quasi Comes illorum adhuc viueret, cui filijsque spondebatur dimissio, in quorum redimendorum gratiam ditio duras quamuis leges admittebat.

Pergit Cassanus ad quintam maiestatis notam, *pro-
uocationum cognitionem ultimam*, resortium vocant: hæc est sacra illa regiæ maiestatis anchora, de qua mox egimus: quam arenæ suæ infigi Flandri, subiectæ fraudis conscij, ex asse numquam potuerunt induci vt paterentur: originem adscribere oportet genio loci, qui passus non est nisi ius domesticum, ac domi dictum, ita quod antiquitus nulla erat omnino apud Flandros appellatio, omnes magistratus sine prouocatione pronuntiabant, grauis mulcta appellanti- bus lege præscripta erat: in vicem priuilegij à minoribus quibusdam vrbibus obtentum fuit, vt à maioribus consilium possent petere, versæ paulatim eæ relationes in appellationes: capitales tamen vrbes eas admittere noluerunt: ne quidem Gandauum dum Comiti rebellaret, & à Philippo Pulchro multis præmijs & priuilegijs inuitaretur, nec vero natura maiestatis prouocationem exigit, sed ne quis supra illam cognoscat, aut eius iudicia infirmet. sed neque

feudi natura. vt nec hodie in criminalibus vlla ibi appellatio vicinisque in prouincijs agnoscitur, quibus vero priuilegijs Flandri emolliti Comitis Ludouici Maleani *Audientiā*, Philippi intrepidi *Cameram* Insulensem, Philippi Boni *Concilium* Gaudense, Caroli Audacis *Parlamentum* Mechliniense adierint, non est huius nunc loci: saltem Confidentia adfuit, Suada efficax apud animos suspicaces. ad Cassanum & Francos quod attinet, cum Franci vrgerent, Flandri obfisterent, multis vndique incommodis fuit afflicta resp. nam Philippus Pulcher armis subdita Flandria ad Parlamentum Parisiense cogere Flandros voluerat an. 1304. reducta à Philippo tertio genito Guidonis filio (nam alij cum patre & 50. proceribus ex fide fratris Regij, Parisios profecti, in carcerem acti adhuc detinebantur), tota Flandria in potestatem suam, Ordines voluerunt per illum vt *Ruardum* seu dictatorem tenouari priuilegia, & resortum omne abrogari, non deerant tamen imposterum qui turbas cierent, appellantes ad Parlamentum, & magistratus vrbium eas sæpius exilio mulctarent: Philippus Bonus an. 1445. Carolo VII. proposuit antiquis vsibus & priuilegijs nullam apud Flandros esse prouocationem, non deesse tamen sæpius quorum Parisijs appellationes recipiantur, eaque re inquietos reddi incolas, quapropter obtinuit 4. Iulij 1445. Regis litteras patentes, quibus in proximum nouennium omnes appellationes suspendebantur, sine præiudicio resorti & soueranitatis, vel vsuum priuilegiorumque. exinde habitæ sunt diuersæ dietæ, Cabilonæ, Parisijs, Mombriſonij & Vindomij, denique insignem legationem Carolus ad Philippum misit, vt agnosceret resortum Parlamenti: ille, se reuereri quidem Regem & Parlamentum Parium, sed apud eos qui eorum locum nunc sustinerent, vix esse qui audeant vsus, priuilegia, & libertates Flandriæ proponere, se, vt Regi ira & subditis sacramento illigatum pro vsuum libertatisque defensione. Denique anno 1465. Carolus Audax iam à Philippo rebus

rebus administrandis impositus in dieta Parisiensi obtinuit vicennium, ne à quatuor magistratibus capitalibus ullæ reciperentur appellationes, nullæ à minoribus omisso medio; emissæ Insulis, Duaco, Orchiaco immediatè in Flandriæ Concilium deducerentur, capitales magistratus à Parlamento & iudicibus Regijs essent exempti. Id quod deinde pace Confluentina & Peronenfi confirmatum fuit, & ad vitam Caroli Audacis seruatum, post eius mortem Maria Burgunda an. 1477. per legatos obtulit fœderibus proximis non obstantibus resorto locum dare, si Rex pacem Atrebatensem vellet seruata, sed is nullo tum pacis iure, sed armis rem suam facere volebat: itaque progressum est bellum vsque ad annum 1482. quo contracta pace conuentum est vt agnosceretur resortum consuetum, rata interim acta essent, omnium deinceps appellationes ad Concilium Flandriæ immediatè deferrentur, sententiæ reparabiles sub cautione executioni mandarentur: hinc orta demum controuersia, quodnam esset *resortum consuetum*? & regijs semper fimbrias dilatare volentibus, declarauit Princeps *non aliud esse quam appellationum venientium à Camera Flandriæ inter partes sub Corona existentes & super materiis non spectantibus adiura sui Comitatus, eo autem spectare causas omnes criminales criminaliter intentatas, domaniales, precariarum subuentionumque, indultorum in causis politicis, aggerum, litorum, aliisque id genus, priuilegiarum Ecclesiis, urbibus, territoriis, mercatoribus exteris aliisque concessorum, illorumque interpretationem, casus officiariorum actiue & passiuè commissos, dum officio fungerentur, correctionem suorum rebellium, gratias subditis concessas, remissiones, indulgentias, abolitiones, relegatorum reuocationes prouisionem illorum & obseruantiam, saluas guardias, legitimaciones, manumissiones, nobilitaciones, officiorum, beneficiorum donationes, amortizationes, debitorum dilatorias, restitutiones & prouisiones gratia, per Cancellariam expediri solitas, denique*

nique generaliter omnes casus de quibus Comites um ante
 annos septingentos supremo iure consueuerunt cognoscere
 in Camera sua legali, ubi feudales, & renengarum, ubi
 Dominicorum iurium & prouentuum causa citra ullam
 appellationem decidebantur, ita per tot secula antecessores
 intellexisse, eaque possessione fruiros fuisse, ita Wilantius.
 Post hæc ad annum 1505. (iam redimus ad Cassanum, &
 exemplum Philippi Austriaci ab eo allegatum, nam an-
 teriora ex iam dictis habent solutionem; præsertim ex
 clausula resorti consueti) venerunt. Siluamducis, quo
 Philippus Austriacus ex bello Geldrico venerat, legati
 Francici, quarundam sententiarum Parisiensium exe-
 cutionem, quarundam hic latorum reuocationem, alia-
 que id genus, satis immodesto sermone, postulantes,
 quos blando quidem Philippus dimisit, & eodem anno
 mense Octobri legatos suos ad Regem misit: ubi nec
 ratio nec eorum eloquentia quidquam valuit, & apertè
 dictum, nisi præscripta ad vnguem admitteret, bellum
 illi imminere; præscriptæ autem scedulæ initialia verba
 erant *Le Roy veult, vult Rex*, quasi ubi de iure partium
 controuertitur, satis sit pro ratione voluntas. Philippus
 autem qui tum ad Hispanias vocatus anhelabat, ne bel-
 lum ei alioquin ob aliquos legulæorum apices necessa-
 rium esset impedimento, iussit procuratori suo generali
 super vi & metu protestationem secretam facere, eaque
 registrata, vt iniquitatem tempestatis cum opus esset li-
 quidam faceret, mandauit legatis suis, vt regiam scedu-
 lam subsignarent. Philippo non diu post in Hispania
 defuncto, Carolus filius postea Imperator inter initia
 dominatus non poterat non sæpe intelligere, quæ inter
 vltimas curas patri cum Francis fuisset contentio, & cum
 postea Deus Franciscum I. ad Ticinum armis eius sub-
 misisset meminisse, esse prius illud, ex quo tot armatæ
 iam controuersiæ natæ essent, depurgandum. Sed quia
 res eo deuenerat, vt curari non amplius posset vulnus,
 apud quos nec septem sæculorum vsus pro sufficienti
 col-

collyrio fuisset, sed iam secandum vrendumve esset: Pace Madriliana conuentum est, vt omni supremitate in Flandriam Artesiamque Rex Franciæ cederet, eoque solo remedio quies sperata, habitaque fuit.

Sextam exinde maiestatis tesserā Cassanus proponit *Protectionem vasallorum*: Reges porro Franciæ sæpius Flandriæ Comites aduersus aliorum iniurias defendisse: remitemus hoc ad historicos, an sæpius Franciæ Reges Comites iuuerint, an eorum vasallos rebelles, vt Comitum potentiam minuerent: an frequentiora etiam auxilia Regibus Comites tulerint, laborantibus. sed Cassanus *debet*, inquit, *Dominus vasallo protectionem quæ est nota potestatis souerana*, atque infert monstrari ex missis auxilijs Flandros fuisse vasallos; & iam initio præmiserat notas suas veriores esse atque certiores. an porro hoc axioma Germani, Itali, Bataui, & nominatim Elector Treuirensis, alijque quibus Franci auxilia miserunt, quibus protectionem obtulerunt, promiserunt, admittent? cæci sint si his beneficijs vasalli & subditi, vt loquitur, fiant: si ita libertati ab eis suppetiæ ferantur, vt in Francicam debeant recidere seruitutem: anxie oculatus ille timebat *Danaos & dona ferentes*.

Interferit deinde Cassanus, extra numeros, *potestatem pecuniam imperandi*: sed ab ea iam ante docuimus semper liberam fuisse Flandriam. de tempestate autem illa quæ Carolo ad Nancæum cæso ditiones has inuoluit, paulo inferius plura. de pactis Atrebatensibus anno 1477. mox secutis vbi famosissimæ *illius temporis persona operam*, inquit, *præstiterunt*, Cardinalis *Burbonius*, & Cancellarius *Oriolus* ex parte una, *Himbercurtius* & *Hugonetus* *Burgundia* Cancellarius ex altera, non etiam opus multis hic differere, suspecti tamen Himbercurtius & Hugonetus, tamquam à Francis corrupti, tormentis primum, ac deinde gladio à Populo Gandensi subiecti sunt: iure an iniuria non

non dico, id tamen ex eo patet populum rata pacta habere noluisse minorennis Principis à Rege deceptæ. sed neque Maria iam Maximiliano nupta Ludouicum pactis stare voluisse, oblatoque homagio ditiones sub illius defectus prætextu inuasas restituere, paulo ante tetigimus, & omnes annales probant: interim Atrebatibus ita occupatis iure administratoris Rex poterat vti Comes pecuniam petere: sed neque cum Ordinum sensum fuisse ex ijs, quæ Cassanus ait, conuincitur, pati Atrebatenses noluisse eam indictionem, sed (væ victis) armis coacti sunt, pars in exilium acti, pars vrbs in coloniam Francis data iussaque vrbs appellari villa Franca (an à Francis, an talibus Francisijs?) ex relegationibus interim hic, atque exilijs Cassanus Francica iura educit.

Descendit exinde ad symbolum maiestatis vltimum, *damnationes Comitum, confiscationes Comitatus*: quæ sunt, inquit, *indubia nota soueranitatis*. at vero, si aduersus dominum suum coniurauerit vasallus, reus habetur, & à Paribus Curia feudo priuatur ex pactis feudalibus, quæ inire possunt priuati, & quæ publicam auctoritatem non tribuunt, multo minus soueranitatem: quemadmodum in l. 7. *D. de captiuis fœderati*, & si aliorum maiestatem comiter obseruare teneantur, liberi tamen sunt, addit tamen lex 7. *in fin. at sunt apud nos rei ex ciuitatibus fœderatis, & in eos damnatos animaduertimus*. scilicet non quo iudicio subditus forum sui iudicis sequitur, sed quo in populos pacem & fœdera violantes etiam armis animaduertebat Romani. *ut dicimus infra l. 3. c. 2. sic l. 1. Mach. c. 8.* Romani scribunt Demetrio de Iudæis apud eos questis, *si iterum adierint nos aduersum te faciemus illis iudicium, & pugnabimus tecum mari terraque*. sed vocabula læsæ maiestatis, & fisci interfert hic Cassanus, quæ nihil ad feudi leges pertinent, non tamen negamus Comites in regno Regi obligatos esse, & Parlamenta regijs istis vocabulis lubentius, quàm feudalibus vti. & quod attinet ad veteres Comites Flandriæ homines li-

gios,

gios, & maiestatis reuerentes fuisse, sed Ferrandum, Guidonem (nam Robertus, quem citat, huc non pertinet) iure damnatos, Carolum Audacem reum fuisse, negat annales nostri. *paucis tangimus infra §. Artesia & supra hoc §. Flandria. inter ceteros videri potest Sueyro ad annos utriusque. nec opus est post restitutionem regiam de illis disputare: de Carolo Audace ait Cassanus p. 143. 144. per eius feloniam Comitatum cecidisse in commissum: ex c. 1. qua sit causa beneficij amittendi c. unic. quib. mod. feud. amit. per Lothar. de bellorum causis, quæ multæ fuerunt, iterum videri possunt Sueyro, aliorumque annales, & Faius MS. latissime tractat. de iure uniuers. dition. Maria Burgund. id tamen hic dicendum est, Ludouicum XI. hominem Tiberio simillimum cæso Carolo mox nouennales inducias violasse, quamuis eas vix anno ante Caroli mortem lapso, pactas cum illo, illiusque hæredo, ac ditionibus super sancta Euangelia (verba sunt Marchantij lib. 3. in Maria Valesia) super stipitem vera crucis Christi per fidem Deo debitam, per S. Legem Christi in baptismo acceptam (ita recitant annales) iuramento sanxisset, ad annum 1475. mense Septembri, neque enim Ducatum Burgundia tantummodo, sed quacumque patri auoque per Atrebatensem & Confluentinæ pacificationes accefferant, Maria posterisque subito eripuit. Ad has inuassones vsus imprimis litteris fraudulentis ad Ordines regionum quas usurpauit pratextentibus speciem cognata & orbe quam filij nuptijs destinabat, protegendæ eiusque ditionum. ita Marchantius. eadem fraude vltus est in Burgundia, vbi cum Ioannes Loartus præses respondisset, Ducatum Salicum non esse, Comitatum iuris Francici numquam extitisse, versa scena est; Tramulius ait Germanos insidiari oppidis, vt iustam hæredem priuent; ad Regem spectare cognatæ Principis ditiones tutari, & proditione Diuionem, cæteras deinde vrbes vi & metu occupauit. Heuterus in Maria Burgund. Bodin. l. 6. de rep. c. 2. & etiamnum extant scedæ. vrbibus porrectæ quod*

quod vt tutor, seruatorque bonorum pupillæ, quàm in sacro fonte susceperat, cuiusque supremum Mamburnium ad Regem pertineret, custodiam illarum sibi Ludouicus peteret: & in proximo Conuentu Ordinum Arthesiæ etiam asseri iussit, ipsam Mariam legitimam hæredem esse: Dominico tantum & tutorio iure se ei ditionem seruare: & iterum 3. Maij 1577. Præfecto & Populo Atrebatensi: tantum abest vt iure confiscationis eas se vendicare Atrebatibus responderit, quod ait Cassanus. & *huiusmodi modus est, inquit, summè legitimus, quo Reges nostri sunt vsi ad ampliandum suum domanium.* citatque plura confiscationum exempla, quæ nunc ad nos non pertinent. Et vero inducias fuisse diximus: nam pax sæpius tentata coalescere noluerat, quod Carolus diceret ob infracta sæpius fœdera iurata, & illata iniustè arma Ludouicum soueranitate, iureque omni feudali, quod in Flandriam, Arthesiamque habuisset, excidisse: nec Rex renunciato supremo eo imperio, nec Dux eo agnito pacem inire voluerat. *vt attigimus in Iud. l. 3. c. 9. num. 51.* reciprocum siquidem est vinculum Domini & vasalli, vt agnoscit Cassanus p. 132. sicut vasallus ob feloniam ita Dominus impotenter vasallum exagitans suo vterque iure priuatur. vnde vsus feudales vasallo malè habito permittunt Dominum Paribus non auscultantem deprædari. l. 2. *feud. tit. 22.* periculoso quamuis remedio: nam etsi victor fuerit, à Cassano tamen felonix arguetur: si victus, vt rebellis damnabitur, & tamen non est derogatum rationi, atque regulæ iuris, quod qui iure sibi concessio vtitur nemini iniuriam facere, aut pœnas incurrere censeatur. Quod si Cassanus etiam in controuersijs Regijs dicat obtinere c. 1. c. *sæpe c. in litteris X. de restit. spoliat. c. de X. de ord. cog. l. si vi D. de iud. l. si maritus C. de domat. inter vir.* vt spoliatus ante omnia sit restituendus, spolium crimen esse, mereri punitionem, spolianti denegandam audientiam, veros etiam Dominos rem fructusque amittere,

si vim fecerint, etsi spoliatus sit predo, l. *si quis in tantum* C. unde vi. & quæ plura allegat contra Aragonios in l. i. c. 5. p. 241. 42. in quæstione Sicula, & l. i. c. 5. p. 186. ut tota Europa vasallo licitum sit armis aduersus Dominum se defendere, sine incurso criminis, aut pænæ felonix: & si Dominus qui protegere vasallum debet, ei iniuste suum auferre conetur, vasallum inuicem debito exolui, cum nexus sit reciprocus, in eadem quæstione Sicula: non eadem obtinebunt in pupilla, eiusque ditionibus a ficto falsoque tutore ita inuasus? spolioque Ducatus Burgundix, nominatim etiamnum redintegrando? Igitur illarum tunc bellum Maximilianus propulsauit eo successu, ut armis præter Burgundiam cetera ferè loca recuperauerit: & inter legatos pacis postmodum subsecutæ facile conuenerit, ne mentio fieret amissi à Comite utilis, à Rege directi, supremiue dominij, omissis etiam quæ ex pace Confluentix an. 1465. atque Peronæ an. 1468. debebantur de urbibus ad & infra Somonam: quæ tamen utraque etiam deinceps confirmata fuerat in medio procerum consanguineorum, consentiente procuratore Regis, lecta, & registrata in Parlamento, in magno Concilio Regis, in Camera thesauri, in Camera computuum, ita *Faius*: potestne maior ad fidem aut verecundiam adhiberi ceremonia? non tamen suffecit Ludouico, an nec suffecisset Cassano? pepigere tamen pacem Maximilianus & Ludouicus deinde qua utrimque commissi querela extincta est, & postmodum ut diximus Carolus V. & Franciscus I. qua supremitas omnis in Flandriam Arthesiamque Francis est sublata. prout & de fœdere Confluentino & Peronensi conuenerat, ut ea excideret, Ludouicus XI. si pacta infringeret, ut fecisse mox docuimus, & Carolus prætendebat ex iure feudali, l. 2. t. 26. *si de feud. defunct.* §. inquit, *Domino committente feloniam* (ut ita dicam) *per quam vasallus amitteret feudum si eam committeret, quid obtinere debeat de consuetudine quaritur, & respondetur proprietatem feudi ad vasallum pertinere.*

sinere. & eod. l. c. 47. qualiter Dominus feudi proprietate priuetur. vt si Cassanus audiendus sit, non fuerit in potestate Maximiliani aut Mariæ ex foederibus tam sollemniter contractis à stipulante feudorum lege acquisitum illud ius supremum pactis remittere, quæ nihilominus violenta fuerint, alijsque contrarijs, & nominatim Hagenouæ, cum de nuptijs Claudix & Caroli conuenerit, rescissa. Quàm ob causam nec opus est hic pluribus de veterè soueranitate differere: id siquidem magis ad historiarum cognitionem pertinet, quàm ius præsentis status reip. agnoscendum: nam quæ exinde dissertat Cassanus aduersus pacem Madrilianam, aliaque subsecuta fœdera, atque de rebus Coronæ non alienandis l. 2. examinabimus; quæ de lege Salica *supra l. 1. c. 6.* satis sunt excussa, & *hoc §.* demonstratum quinquies Flandriam Principem habuisse fœminam; vt lex Salica masculum hic exigere non possit, sed ex vsu institutoque maiorum ea res sit definienda, *iuxta ea quæ diximus supra c. 3.* vti etiã quod pergit Cassanus Carolum Imperatorem capto Rege Francisco I. asserere feloniam commisisse, feudis excidisse, dilutum est l. 2. c. 11. vt omittamus, quod mox diximus, licitum esse vasallo malè habito Dominum deprædari. Bellum inter Carolum & Franciscum ortum nihil etiam habuit commune cum iure vasalli Franciæ: initium siquidem habuit à Marcanis, inuadentibus vasallum Caroli, vt Ducis Brabantix, extra Franciam sitæ, & quæ sua in potestate est, vt supra vidimus: vasallum Carolus debuit protegere: vt ipse Cassanus contendit: *d. p. 132.* præsertim cum nec ius quidem dici aduersus illum, vt alioquin oportuisset à Carolo postulatum esset, ingressit se Franciscus I. bello alieno: quod ius, quæ leges, qui vsus feudorum, ideo iura partium immutant? nulla per id ratio permittit alterius conditionem fieri iniquiorem. præter alias belli causas, de quibus *infra l. 2. c. 11. ad fin.*

§. Artesiam

Partem olim Flandriæ fuisse ex ijs quæ diximus ex Marcanthio, Bochio *de Principat. Belg.* §. *Arthesia* *an-*
nalibusque omnibus liquet. quoad iura maiestatis bello
paceque Madriliana alijsque quæsitæ, eadem Arthesiæ
quæ Flandriæ causa est. Comitatus originem Chroni-
con Anonymi Aquicintensis ita refert: *an. 1192. in VII.*
hebdomada ante pascha Philippus Augustus Francorum
Rex Peronam, cum suis episcopis & Baronibus venit, ibi
Balduinus Comes Flandria cum suis adfuit, & hominum
Regi faciens, partem Flandria Orientalem possedit, Rex
vero Occidentalem, S. Audomarum, Ariam, Atrebatum,
Bapalmas, Comitatum Hesdiniensem & Leusensem homi-
nagium Bolonia, & S. Pauli & Gifnense, & Lilense, re-
liqua Balduino cesserunt. Hac omnia suprascripta dedit
Philippus Comes Regi quando ei neptem suam Elisabe-
tham filiam Margareta sororis sua Hainoensis Comitissa
legali matrimonio coniunxit. Stemma exinde Comitum
refert Miræus in Stemmat. Belg. cap. 20. Bochius ubi su-
pra. & planius in histor. Nar. profert Princip. in Atrebat.
ubi ordine, in theatris triumphalibus Alberto & Isabel-
læ structis, ita referuntur Robert. I. Robert. II. illust.
Mathildis, Ioanna, Ioanna II. Philippus, Margareta,
Ludouicus, Margareta, Ioannes, Philippus, Carolus,
Philippus Carolus, Philippus Albertus. ex quo liquet
Comitatum hunc consanguineis proximis exinde dela-
tum etiam Parisiensis Curia decretis; in serie Comitum
numquam fuisse illum Carolū Arthesianum Comitem
de Eu, Parem Franciæ, quem Cassanus adfingit ob quem
ad Anglos transfuga Comitatus in commissum ceci-
disset: & ut is error verus tamen foret, continua suc-
cessoribus data inuestitura omnem reatum expunxisset.

Vnitum regno olim fuisse, & apennagium factum
exinde dicit Cassanus, contra testantur annales & ipsum
D. Ludowici diploma: quod refert Miræus *in Cod. donat.*
piar.

piar. c. 104. vbi notanda hæc verba, terram Atrebatensij quam genitor noster ex parte matris sue habebat, estne hæc formula appennagiorum? constatne cum vnione? iterum, qua eadem domina mater nostra tenebat nomine dotalitij ex parte Isabella Regina auia nostra: iterum, per præsentem chartam concedimus totam terram prædictam, saluis feudis, & elemosynis, qua tenebunt & reddentur, sicut tempore genitoris nostri sibi & heredibus suis iure hereditario possidendam: suntne hæc vocabula Salica, vnitiua, appennagialia? Sed & in Curia eadem Parisi. orta controuersia inter Robertum Philippi filium & Mathildum amitam, sententia pro Mathilde lata contra Robertum iure appennagij, si quod fuisset, propinquiorem. ita Bochius alijque. & porro, si qua fuisset ante vnio, neutris actio competijset.

Quinimo paulo ante eod. cap. p. 137. Cassanus hanc ipsam sententiam refert, aitque Mathildi Comitatum Arthesiæ adiudicatum: Roberti bona cætera fisco. sic vt etsi ipse ius prætenderet in Arthesiam, etiam falsis tabulis ad illud probandum vsus, tamen numquam in numerum receptus est, & arresto Curia declaratum iniuriâ illum petere Comitatum. vtut sit non videbitur Cassano arrestum Curia Parisiensis à tribus sæculis latum iam vim rei iudicatæ, atque sat virium obtinere, ad eos excludendos qui ex Roberti damnati iure sistere sese volunt?

Vnum superest, quod non possum omittere, quin Cassanum moneam, fuisse qui olim eius aliquando amplexi sint axioma, vt pars insignis dominatus alienari non possit inuitis Ordinibus, coque nixum ipsum Philippum Alsatium Ordinibus monentibus reuocasse donationem nepti Philippo Ludouici II. filio nubenti factam, & Atrebatum ditionis Flandricæ tunc Metropolim, ceterasque illius partes redhiberi voluisse, & Balduinum Comitem bello repetijse, ac deinde Ferrandum: qui, si Cassanus iure ait alienari talia non posse

in.

inconsultis Ordinibus, bello iusto ea utique repetierint, & tamen eos, *ut supra meminimus in §. Flandria.* ritè damnatos ut rebelles; qui potest hæc simul affirmare? Montanus *ad Kerij mappas in Arthesia*; quæ alienatio. inquit, mera Principis voluntate, & renitentibus frustra Flandria Ordinibus facta, multis postea inter Gallos Flandrosque bellis occasionem præbuit. Ex illo enim tempore Reges Gallia vario iuris prætextu Comitibus Flandria semper aliquid studuerunt eripere. Ac primo quidem Philippus Rex cognomento Augustus (scribente Paulo Emilio) ex Atretrato Fano S. Audomari, Lentio, reliquoque Occidentalis illius regionis sibi obtemperantis tractu peculiarem Arthesia Comitatum instituit anno clō. cxcviii. eumque filio suo Ludouico dedit, qui primus Arthesia Comes fuit, postea Gallia Rex, & pater Ludouici Sancti, quem deinde, vel nihil vel leuiter immutatum, Sanctus ille Rex Ludouicus concessit fratri suo Roberto, qui prouinciam quidem mirum in modum auxit: sed eam multo longius protulit filius patri cognominis & in Comitatu successor. mansit autem hoc pacto auulsus à Flandria Comitatus Arthesia donec anno clō. ccclxxxii. Ludouicus Malanus Comes Flandrie post matris Margareta Philippi Longi quondam Gallorum Regis filia obitum factus est Comes Arthesia, atque ita rursus uterque Comitatus post annos clxxxiv. coniunctus fuit. De iure Souerano & serie Comitum hæc sufficiat; si addiderimus ut Flandriam, ita & ab ea separatam Arthesiam, faminam successionem passam in Mathilde, in eiusque filia Ioanna, Philippi Longi vidua, Ioanna II. Othonis Burgundiae Ducis vxore, Margareta Ludouici Cressiaci vidua, Margareta Malani filia, Maria Audacis filia, adeoque inutilem hic etiam esse Salicæ legis cogitationem.

§. Insula, Duacum, Orchiacum

Flandriæ antiqua membra esse satis liquet, ex limitibus Iudithæ factam à Carolo Caluo donationem cir-

F

cum,

cumscribentibus. Duacum aliquando etiam iuris Han-
 nonici fuisse refert Bochius *in princip. Belgij §. Ultraie-*
rum, &c. Marchantius l. i. §. Duacum. Flandriæ infe-
 rit, cæterum postquam Guido Comes Flandriæ, fide
 fratris Regis frustratus, cum duobus filiis, & quinquaginta
 equitibus à Philippo Pulchro carcere detineretur,
 & alternis fortunæ vicibus sæpius pugnatum esset, de-
 cepti Flandri quasi Comes adhuc viueret iniquissimas
 subierunt conditiones, græues summas, & vsuras pro-
 miserunt: demum Robertus Comes filius Guidonis,
 graui ære vt se liberaret, cessit Regi Insulas, Duacum, &
 Orchiacum: non sine promissis de ijs recuperandis, re-
 stituta saltem pecunia. belli causa fuerat vt suprâ dixi-
 mus libertas matrimonij Philippotæ filiæ, filio Regis
 Angliæ desponsæ, non hostis, vt Cassanus ait, sed amici
 tunc Regis: vt ut sit Guidone cum prolibus capto im-
 mensa summa & vsuræ promissæ sunt, Robertus sine
 Ordinum assensu oppidis istis atque territoriis cessit,
 vasallus tam potenti Regi, post Flandriam armis subiug-
 gatam, Comitum, filios, nobilitatem captiuitate fractæ:
 an pares hi sunt termini cum Francisco I. & Carolo V.
 an in pusillo Comite maior vis, & metus quàm Fran-
 cisco I? & toties ob captiuitatem Francisci regiè habiti,
 non carcere clausi, vt in quo mortuus est Guido & fi-
 lia, mæcerzti duo filij, & nobilitas: & ob Ordinum assen-
 sus defectum negat Cassanus quæ de Burgundia con-
 uenta sunt, aut Flandria esse seruanda. sed omittamus
 hanc controuersiam, transcamus ad ea quæ hic allegat
 Cassanus. Insulas, Duacum & Orchiacum de dominio
 ait esse Franciæ, ideo quod Philippus Audax Carolo V.
 Regi Franciæ promiserit *an. 1398.* contractu Peronæ
 inito post mortem soceri Ludouici Maleani Flandriæ
 Comitis restituere, refert Marchantius *d. c. i.* Margare-
 tam Maleani vnicam hæredem annis septem à Philippo
 fuisse ambitam, cum & Maleanus & Ordines ditionis
 magis in Anglos propenderent: imo Faïus MS. §. *Lille,*
Donay,

Donay, &c. iam ante desponsam fuisse Edmondo Comiti Cantevvicensi Regis filio; Ludouici mater in Francos propensa, Anglos auersata, post consilia & preces Ludouico minabatur, nisi in nuptias Philippi consentiret, se mamillam manu exertam, qua cum lactauerat, in probrum ipsius abscissuram, & canibus obiecturam; & sic ille victus est: Ordines autem, promissione restitutionis dictorum oppidorum, seu Gallo-Flandriæ. Igitur Carolus ille V. Philippi pater, ut eas nuptias conciliaret in bonum regni, ne Anglorum potentia affinitate huiusmodi aueretur, de procerum consanguineorum, Parliamentique consilio *an.* 1369. Gallo-flandriam Malano restituit, & cum Comitatu reuinxit: nam & Malanus de Flandria ex integro homagium præstitit comprehensis nunc oppidis illis & territorijs. eoque nomine & titulo iterum Flandriæ Comites possederunt ab *anno* 1369. Ludouicus, Margareta, Ioannes, Philippus, Carolus, Maria, Philippus, Carolus, Philippus, Albertus, Philippus nunc IV. Hispaniarum Rex, iam à tribus pæne sæculis.

Quod Philippus secretis literis promiserit post Malani mortem hæc restituere, satisne videtur Cassino ex fide publica; ut promisso huiusmodi Sponsa alteri addicta, Pater, Ordinesque deciperentur? & utilis auerteretur affinitas, in quam merito magis propendebant? *tum ob commercia*, inquit Marchan. *lanificiumque*, *tum quod bonis, privilegijs, libertati, ab imperiosa Gallorum potentia anxie timerent.* Sane Senatus Parisiensis non semel secreta huiusmodi pacta, seu contra-literas aduersus publicam conuentionum antenuptialium fidem viribus vacua declarauit, rationique, legibus, & edictis aduersa. *ut ample Annaus Robertus rerum iudicarum l. 4. c. 1.* utur sit externi hominis promissum Flandriam ipsam afficere nullatenus potuit.

Et nihilominus Flandri anxie ut diximus timidi *an.* 1368. ante quam Philippo addicerentur, à Margareta

ta Maleana iuramentum receperunt, quod si admissis illius nuptijs restituerentur Insulæ, Duacum, & Orchiacum, atque illa in Comitatum succederet, numquam pateretur eadem membra deinceps à Flandriæ corpore auelli, id quod promisit etiam postea Philippus, iurati vtriusque etiamnum extant tabulæ. an nec hæ secretis fraudibus apud æquos iudices præferendæ? Cassanus profecto *d. l. 1. cap. 5 p. 158.* priuare ait Principes huiusmodi iuramentum facultate distractionis, atque alienationis, & *p. 159.* negat posse illud violari aliquo tractatu subsecuto, imo exonerare ab omnibus iuramentis, quæ in contrarium alioquin possent obligare. atque hæc Cassano sufficiant; plura qui desiderat, Annales, Bochim, Faium aliosque legat.

§. Hannonia

Nobilissima prouincia, quin Caroli Magni Imperio comprehensa fuerit nolim dubitare, quando in potestatem Francorum pulsus Romanis venerit, an Alberico pupillo sub Dagoberto, an Guiberto Iictauiensi sub Martello competierit, an à Carolo Magno in Comitatum erecta sit, nostra iam non interest: cui ex liberis Caroli in regni diuisione cesserit, magis ad Cassani dissertationem spectat, vulgò existimatur ad Imperium spectasse: diuisio tamen regni Lotharij inter Carolum Caluum Franciæ & Ludouicum Germaniæ Reges facta *an. 870.* portioni Caroli ascribit Hanoium, si lectionem sequimur Miræi in *C. donat. piar. c. 20.* nam Haræus in *Annal. in prolog. c. 4.* Hamonem legit, at vero idem Haræus *c. 1. prologom.* diuisas à Carolo & Ludouico terras Lotharingiæ competisse Lothario II. eoque sine prole mortuo fratri Ludouico Imperatori, pro eoque rescripsisse Pontificem, patruos tamen vtrimque inuasisse & diuisisse: inde orta, & in posteros transiisse bella: quo ego argumento existimem Hannoniæ Principes nunc his nunc illis adhæsisse prout fortunæ vices suaserint, rebusque

buſque pluribus ſæculis turbatis, tandem in ſua ſolu
 poteſtate ſe eſſe contendiffe. vnde fit quod vulgè iacta-
 tur ditionem hanc à Deo dumtaxat & Sole haberi.
Bochius ubi ſupra, Miraus in Chronicis & Stemmatis
cap. 21. ex Bochio ferè Montanus ad tabulas Kerij in Han-
nonia. Adhæſit Raginerus, inquit Miræus, primum Suen-
diboldo Lotharingia Regi, poſt ab eo malè habitus ad Ca-
rolum Simplicem Francorum Regem tranſiit. ut Regino
narrat, an. 898. (& Caſſanus aduerſus Normannos pro
Carolo ait militaſſe) & an. 914. partium Caroli fidiffimus
tutor finem accepit, Carolus Giſelberto eius filio paternum
honorem contulit, ut ex Abbate Vſpergenſi, Pichau ibid.
Raginerus autem II. à Brunone Lotharingia Duce an. 959.
per fraudem captus & Hannonia pulſus fuit, bonis ad fiſ-
cum publicatis: filij eius Raginerus & Lambertus ad Lo-
tharium Francorum Regem confugerunt. ut ad illum an-
num Sigisbertus in Chronico, & ibid. an. 977. animati
Francorum auxilio & affinitate (Raginerus quidem Ha-
thuidem filiam Hugonis, poſtea Regis, Lambertus vero
Gerbergam filiam Caroli Ducis duxere uxores) in terram
patrum ſuorum reuocati ſunt. Male ergo Caſſanus ait
Othonem inueſtiuiſſe liberos Raigineri, vtpote qui pulſi
fuerint à Brunone Lotharingiæ Duce Othonis fratre:
 non perperam autem, quod Hugonem Capetum cona-
 tum fuiſſe ait ditionem hanc ad ius ſuum reuocare, ſed
 turbato rerum ſtatu impeditum. obſcurè tamen Caſſa-
 nus innuit Hugonem ditionem iſtam ſuâ facere voluiſſe,
 cum auxiliares tantum copias affinibus miſerit, ut ex
 Sigisberto vidimus: ad ius tamen regni ſui ſupremum,
 ſoueranitatemue reuocare conatum non abnuo: non
 potuiſſe; Caſſanum habemus fatentem: potuiſſe ergo
 alio reſpicere iſtos Principes cum Rex non ſufficeret,
 quis gentium feudorumue iure negatum dicat? cum reci-
 proca ſit Domini & clientis obligatio. iterum, *narrante*
ubi ſupra Bochio, Richildis hæres Principatus, cum à Ro-
berto Friſio electa eſſet, opemque in Francis exiguam inue-
niret,

niret, ad Episcopum Leodiensem, Theoduinum conuersa, Hannoniam eius ditioni subiecit, Episcopo professa sese fiduciariam, à quo impetrata magna vi pecunia, nouum bellum instaurauit. inter medio secutoque tempore variè laboratum est Francis, vt dictum est, non sufficientibus: conuulsa, inquit Montanus, Henrico Casare, qui fratres bellicosos ob eorum virtutem & potentiam (Guarnero utrique & Rainaldo qui ditionem tenebant ad Peronnam iuxta Binchium cum exercitu de eis) ferendos potius, quam armis denuo laceessere putauit. Itaque hinc à Francis pro derelictis habiti, adeoque ab eorum supremo iure omnino separati: vt rectè Grotius de iure belli lib. 2. c. 4. inde Germanis dissimulantibus, post longas nubes virtute ipsi sua restituti, iure etià belli aduersus Brunonem, adeoque Imperatorem gesti, in suam ipsi venerunt potestatem: Solem Deumque dumtaxat imposterum agnoscences. quod Nicolaus Bontius libro quem in laudem huius prouinciæ scripsit interpretatur hoc disticho;

Solus ab hac tellure Deus nutu astra gubernans,

Lucidus & Titan ius sibi iure petunt.

Nam & fiduciario promisso Leodiensi, quod ad Cassanum nihil pertinet, nisi vti opprobrium testimoniumque derelictionis aliter postmodum sunt expediti. Hæc ergo Cassano in solutum data sufficient. cuius vltima linea, vt retulimus, spectat ad Hugonem Capetum, auxiliij fidei suo ferendi impotentem. quanti temporis possessionem sex nunc sæculorum (quippe Hugo mortuus est circa annum 1000.) si Hannoniensibus Principibus Cassanus turbare velit, eodem argumento Hugonis Capeti successores throno, pulsas Carolinis inuaso, deijci non animaduertit?

Ditio hæc fæmininæ successionis semper capax, à Raiginerorum familia, transijt in familiam Flandricam, Batauicam, Bauaram, Burgundam, Austriacam. seriem recenset Miræus in *Stemmat.* cap. 21. & in *Chronico ad annum 915.* & *Not. Eccles. Belg.* c. 49. & 105. semper indu-

- bio

bio ubique iure: nisi quod Philippus Bonus, quamvis hæres proximus immature sibi cedere dominatum coëgerit Iacobam Bauarā, quarto poligamam, semper infecundam. nam Ioannes Episcopus Leodiensis Iacobæ patruus, renunciato quidem Episcopatu, armis etiam tutelam neptis Iacobæ ambiuit, & sub illius umbra, etiam ut videtur dominatum. nam cum id minus succederet, duxit uxorem Elisabetham, Antonij Brabantini viduam, Luceburgensi Ducatu dotatam, & à Sigismundo Imperatore Hollandiam, Zelandiam, & Hannoniam beneficiario iure possidendas accepit, quasi ad Imperium mortuo Guiljelmo sine mascula prole deuolutas: sed ab earum regionum Ordinibus responsum tulit, inquit, *Diuæus, rer. Brab. l. 18. regiones has neque feudum Imperij esse, nec ad maros solos deuolui, cum certissimo experimento constet VValtrudem Carolomanni Austrasie Principis neptem, Richildim quoque Comitatum Hannonia, Adam ac Margaretam Comitatum Hollandie, maritis dotales attulisse.* composita exinde pace, qua oppidorum aliquot præfecturæ nomine administrationem accepit, ad annum 1424. obiit, nec liberos reliquisse vel inde constat, quod eadem Elisabetha ius omne quod in dotalem suam Ducatum Lucemburgensem habebat, postea Philippo Bono vendiderit, *ut Diuæus, Haræus, & alij latius,* ut lapsus hic sit Bochiuss; qui Iacobam armis patrui fatigatam ditiones in Philippum Bonum transfecisse refert: quippe mox à recentibus Iacobæ cum Clocestrio nuptijs interijt.

§. Hollandiæ, Zelandiæque

Insula, inquit Cassianus, comprehensa fuit antiquis Gallie limitibus: Carolus Caluus ut securam haberet maris litora an. 863. primus erexit Hollandiam in Comitatum, inuexit Theodoricum Frisonem, ex eo descendentes fructi sunt usque ad Iacobam Comitem Hannonia, quæ dominatu cessit ut vitam seruaret. ita Cassianus, non tamen

cum eo conuenit Hugo Grotius: *in eo libro quem de antiquitate reipublicæ Batavica scripsit, & nominatim c. 4. & 5.* ubi à lapsu Imperij Romani vsque ad primam Comitum institutionem per quingentos ferme annos magnum historiæ deliquium esse ait, Didericum tamen Comitum, etsi alio iure, vt primum recipit: gentem sui iuris, non Francici, non imperialis fuisse contendit. in diuisione tamen quam diximus Caroli Calui & Ludouici, ponitur Batua (quam Miræus *ubi supra reddit Betu-vue*, quam hodie dicimus teutonice, siue Batauiam) in portione Ludouici; adeoque intra terminos Imperij. sed dicit Grotius, vt alia in re, *ibidem* affectasse reges nomen gloriæve dilatati eo vsque Imperij, quod re ipsa non habuerint. at vero ipso Guilielmus Comes Hollandiæ in Regem Roman. electus, in militiæ iuramento, quod regiæ inaugurationi præmisit, & refert ex veteribus Molanus *in præfat. Milit. sac. Duc. Brab.* his verbis utitur: *Ego VVilhelmus, Hollandiensis militia Princeps, sacri Imperij vassallus, &c.* Sed, vt id tamen Grotio concedamus, Cassano satis responsum erit, vt semper aliàs oportet ad huiusmodi antiquitatis memorias) Caroli Magni regnum in plures liberos, & sæpius, ac summo iure esse distributum, Frâncicos Reges non omnium esse hæredes, sed singulorum suos. *ut latius diximus supra c. 7.* atque hanc quam citauimus inter Carolum Caluum, & Ludouicum diuisionem Franco abdicasse, Germano assignasse Hollandiæ Zelandiæque insulas; iam inde ab anno 870. ab eo tempore vsque in hanc ætatem nihil ex Batavia ad diuisos Francos pertinet: nihil in præsentiarum habet quod Francis hic vindicet Cassanus. nam & de Westfrisia mox dicemus §. *Frisia*. alieno ergo negotio se immiscet, dum Iacobâ quasi pro lytro vitæ eas ditiones dedisse Philippo Burgundo memorat. turpiter Iacobâ pendente diuortij cum Ioanne Duce Brabantiae lite, etiam contra fidem pacemque cum Ioanne iuratam, custodiæ Philippi se subdlexerat, al-
terique

terique nupserat : vt armis vindicare iniuriam Philippo, iam etiam Ioannis demortui hæredi, licuerit: an temperamentum vindictæ excefferit, quid opus est nunc disputare, si Philippus, ex eoque posterius cognati proximi atque legitimi sunt hæredes ? si Cassanus nec in bonis Batauiæ vacantibus siue adespotis Francos successores facere dumtaxat possit ? proximum autem hæredem Iacobæ fuisse Philippum Bonum ex serie Comitum, quam in Stemmatibus habet Miræus c. 22. & *Chronico ad annum 985. & 1300. Plantinus etiam cum iconibus dedit an. 1586. aliisque passim* constat. nam Ioannem Bavarum Iacobæ patrum exepiscopum Leodiensem quod attinet, iam ante obiisse improlem *proximo capite* latis est dictum.

§. Namurcum

Non impugnat Cassanus. ad Pipinum Crassum, Martellum spectasse regionem post Trithemium & Wassenburgium credit *ubi supra* Bochius : & ad posteros demigrasse : sed omissis incertis Caroli Lotharingæ Ducis profapia defert. Stemma Comitum habet Miræus *ubi supra* cap. 23. & *in Chronico ad annum 991. & ad annum 1421.* quando Philippus II, Namurcensis ex familia Flandrensi postremus, Namurcum vendidit Philippo Bono ea lege, vt quoad viueret nomen possessionemque retineret. eoque sine liberis vita functo *anno 1428.* Bonus emptor successit. addit Bochius *ubi supra* Ioannem vt Meyerus, Theodoricum, vt alij, vendidisse Philippo Bono Namurcum : etsi Ioannem Miræus Philippum II. nominet. coniecturam addit Bochius, *uterque*, inquit, *fortassis vendidit pro sua quisque portione: namin plurali numero hæredes Mariæ ditionem hanc pretio commutasse apud quosdam reperio.* forte & plures illi fuerunt, neutri ijdem cum Philippo II. qui tamen hæreditatem Mariæ prætenderint. Imperium Comites Namurcenses ita agnouerunt, vt in controuersia super illius successione aliquando mota, Balduinus

nus Cæsareum decretum impetrarit, *quo omnibus*, inquit Bochius, *ubi supra Gallica nationis nobilitas Namurcai Comitatus successionē interdictum est*. Blanca S. Ludouici mater Comitatum Namurcensem à Balduino Augusto, *que eundem*, inquit Bochius, *mox donauit Margareta*, Augustæ vxori Balduini, Ioannis Solimorum Regis filia. sed orto iterum bello fœdere connubiali Guidus Dampierus Margaretæ Bizantinæ filius inauguratus est, ex eo Ioannes filius, ac deinde Robertus, & Guilielmus, & Maria ditionem obtinuit. *ita ubi supra Bochius.*

§. Zutphania

Comitatus, atque ampla ditio, præsertim antiquitus admodum extensa, vt Montanus *ad mappas geographicas Kory in Zutphania*. locat is hic, & in Geldria veteres Sicambros, ob quos, quod Gallias infestarent, aliquamdiu Ianus claudi non potuit. quæ res Augustum mouit, vt priuata expeditione Sicambriticum bellum sumeret, quo breui confecto, quadraginta millia Sicambrorum in citeriorem Rheni ripam transtulit: eisque sedes ibidem constituit contiguas Trans-Isalanæ ditioni: ex qua vicinisque sedibus Salicam gentem exciuius *supra c. 6.* & Louwius quidem *in Notis ad Molani militiam sac. Duc. Brab.* latiores sedes quidem Sicambris, vicinas tamen, concedit, & eundem cum Francis populum facit, & nimia vetustatis historiam concinnat. sed hos Cassanus hic quietos sinir, neque nos ergo mouebimus. præsertim cum ab annis nunc amplius quingentis Comitatus hic innexus sit ducatu Geldriæ, cum Otho Nassauius, quem primum Geldriæ Comitem faciunt, ex Adelheide Wichardi III. filia Gerardum, ex Sophia Wichmanni Comitis Zutphania filia Gerlacum genuit, quo sine liberis defuncto ad prioris thori liberos Othonis, adeoque Geldriæ Comites, Zutphania trāsit, & vtramque ditionem Henricus Gerardi filius possedit, nec deinceps

inceps auulsa est. ita *Miræus in Stemmat. c. 18. Bochiæ ubi supra, & Montanus in Zutphania.*

§. Marchionatus sacri Imperij

Ipsū nomen aduersus Cassanum pugnat: ut marca Imperij, non regni Francici dicatur. Marchionatus huius territorium pagum Riensē plerique faciunt. nec dubium est sub Marchionatu fuisse comprehensum totum illum tractum, qui vrbes & agros vicinos in Campinia nostra complectitur; sed præfecturam latius patuisse non possum dubitare: cum Lazius Marchiam vocet limitis Anglicani, Ioannes Marius marchionatum sacri Imperij ad Schaldim: & sumpsisse velint initium inde fere à media vrbe Valencena, ac peruenisse porro secundum flumen vsque ad ipsam Antuerpiam, atque hinc vsque ad mare, vestigia in ipsis Valencenis indicat Montanus in *mappis geographicis Kerij in Marchionatu S. Imperij*. Paulus Æmilius scribit hunc Marchionatum continuisse Niuellam, Louanium, Bruxellam, & nominatim Antuerpiam. nomen præfecturæ sanè Marchæ ad Schaldim indicat extensam illam quousque Schaldis excurrit; suprâ Antuerpiam atque vltra Valencenas vbi Schaldis oritur: atque infrâ Antuerpiam, vbi se in mare exonerat. nec enim unius vrbis fuisse, sed populum latè dominantem non infelici coniectura colligas, inquit Scriban. in *Origin Antwerp. cap. 4.* cum S. Andoënus *Flandrenses, Andoerpienses, Frisones, Sueuos pari loco collocet in enumeratione laborum B. Eligij, ac tamquam partem cura ac sudoris illius, Flandrensibus, Frisonibus, Sueuis componendam. an. 649.* iterum *ibid. an. 516.* ciuitatis, inquit huius (rectius forte Marchiæ huius) præfectura à Theodoberto Vitlioni tradita, caso Clochilaico Dano. meminit victoria huius Turonensis *hist. l. 3.* Theodoricus Theodobertum filium suum in illas partes cum valido exercitu ac magno armorum apparatu direxit, qui interfecto Danorum Rege Clochilaico hostes navali prælio superatos opprimit, omnemque rapinam terre resti-

restituit. & Sigebertus; *Theodoricus Clochilaicum Regem Danorum Gallias vastantem perimit.* Hic habemus Theodoricum, Theodebertum, & Vtilonem, quos Cassanus Francorum maiores citat, successores satis in obscuro sunt vsque ad annum 725. quo regnante Theodoro Rege anno sexto 20. Octob. Rohingus Antwerp. Princeps fuit, & S. Willibrordo donat Ecclesiam castri Antuerpiensis, & tertiam partem telonij, vt extat apud Miræum *cap. 6.* diploma, & alterum *cap. 7.* vbi villas aliquas in pago Rhenensium paterno, & materno iure sibi competentes donat. item testamentum S. Willibrordi *cap. 8.* quod & refert Scribanius *vbi supra c. 5.* vbi Epternaco legat villas & mancipia, quæ ei ingenui Franci donauerant, & Ecclesiam quæ constructa est in Antuérpo Castello, super fluuio Schalde in pago Rhenensium: vbi & Pepini meminit, & Caroli Maioris domus, aliorumque Francorum, villarumque seu pagorum plurium, qui etiam nunc continentur in Marchionatu Antuerpiensi. *Rohingi Principatum quinam exceperint*, inquit Miræus, *in Stemmat. c. 24. non constat.* primis antiquitatum nostrarum monumentis per Normannorum deuastationes penitus deperditis. quod tamen ad Cassanum attinet, Lazius, Becanus, Liptius, Scribanius, *Vtilonem*, inquit, *vbi supra c. 6.* *Theodori Magni Boiorum Ducis fratrem honoraria Marchionatus Antwerp. præfectura Theodoro Ludouici Magni Gallorum Regis filio donatum volunt, adnitente cum primis Theodoberto Theodorici filio, qui Clochilaicum Danorum Regem post ingentes abactas prædas, depopulataque hostiliter vicina Marchionatui loca, terrestri ac nauali clade ad internecionem deleuit, consilio manuque potissimum Vtilonis, cui etiam sororem in uxorem Theodobertus dedit, è quo matrimonio Caroli Magni, magnum genus. Magnum proinde Marchionatus nomen, à quo tantorum progenies regum mille, & quod excurrit, annis nusquam interrupta serie continuata, in Hispania Reges Au-
tamque se diffundens domum. VVasseburgius, inquit Bo-*

Bochius, *de Princip. Belg. in Marchionatu, à Tungrorum Principum Stemmata Imperij Marchionatum orditur eumque ad Carolum Hasbanium deriuat, & per Carolomannum, Pipinum, Grimoardum, Ansifisum Beggemarium, Pipinum Heristallium, Carolum, Martellum, Pipinum Breuiorem, ad Carolum Magnum Imperatorem, inde ad Falconem Ricuini Mosellani Ducis filium producit. Hic habet Cassanus & Hasbanium, quem in Wasseburgio forte legerat, & in Æmilio sub marchionatu Niuellam, Louanium, Bruxellam, quæ nunc oppida Brabantia, atque posterorum Principum sedes. At vero non illi Brabantia Duces fuerunt ita, ut fecit Cassanus: & quod argumentum ex illis desumpsit, ut Brabantiam Gallici iuris faceret, ex illorum præfectura, dirigendum erat aduersus hunc marchionatum, sed argumentum ipsum ad veteres illos Francos tantum pertinet, non postquam posteri Caroli Magni Imperium Francorumque regnum diuiserunt, & subdiviserunt in plures portiones. præcorum munimentorum consensu Marchionatum Imperij ab Imperatoribus dependisse, eorû beneficio possessum, & proximè deinceps à Lotharingia familia Principibus fuisse constat, in argumentum, diplomatis præfationem hanc citat Montanus: *Godefridus Dei miseratione Dux & Marchio Lotharingia Comes Louanij* 1138. & in canobij Parcensis donatione, *ego Godefridus Dux, qui & Marchio*. Lipsius ex MS. Chronico hos citat versus;*

Henricus genuit Henricum Louaniensem:

Quilibet istorum Romani marchio regni.

& addit spectare hæc ad Henricum II. & Henricum III. Comites, qui præcesserunt Godefridum Magnum, Henrici IV. Imperatoris generum, Brabantia Ducem, quem & Barbatum dicimus, quod iurasset barbam non radere, donec atauorum Lotharingia Ducum successionem obtinuisset. & paulo altius Miræus *d. c. 24. an. inquit 1088. Gothilo cognomento Magnus Comitatum seu Marcam Antuerpiensem possedit, ut ex diplomate S. Hen-*

*rici Imp. c. 44. eiusdem Codicis producto constat. Idem postea ducatum Lotharingiae inferioris an. scilicet 1023. defuncto fratre Godefrido improle, obtinuit. Frederico demum Mosellanorum Duce an. 1034. sine filiis mortuo Mosellanam, seu superiorem quoque Lotharingiam à Conrado Imperatore impetrauit. Liberos reliquit Godefridum Barbatum senioresem seu Magnum Gozilonem, &c. Stemina subinde narrat Marchionum, non ex dubiae fidei auctoribus, sed monumentis ipsis ac fidis scriptoribus usque ad annum 1137. quo Conradus Imperator Godefrido Barbato iuniori Lotharingiam inferiorem & Marcam Antuerpiensem rursus attribuit ac confirmauit. Is, inquit, utrumque Principatum ad Godefridos, Henricos, & alios suos in Brabantia successores transmisit. quos supra c. 13. in serie Ducum Brabantiae enumerauerat. Id quidem verum est abstractam aliquando urbem hanc magnam à Marchionatu, cum Ludouicus Flandriae Comes à Wenceslao Brabantiae Duce an. 1357. Antuerpiam impetrasset. nulla tamen, inquit Scribanius, quantumuis ingens pecunia digna visa fuit, ut Marchionatu cederet. quare cum urbem feudalis iure Comes possideret, caruit Marchionatus titulo, & licet tenuerint Flandriae Comites urbem in annum 1403. cum ad Brabantiae Duces rediit, Marchionatu tamen exclusi fuerunt. de urbis Marchionatusue dignitate non est opus hic quidquam dicere, fecit satis utroque libro Scribanius quem inscripsit *Antuerpiam*, & alterum *Origines Antuerpiensium*. Ad Cassanum ergo reuertamur, qui nomine Brabantiae, ut vidimus, hunc Marchionatum oppugnat: & cum Godefridos, Henricos aliosque deinde Brabantiae Duces eosdem, & Marchiones teneamus, admittemus quod Cassanus ait, posteros Caroli Magni hic praefuisse usque ad ann. 1250. quo ille dicit Henricum qui IV. utique fuerit Populi suffragijs Ducatum assumpsisse, id quod satis supra refutauimus. hoc c. §. *Brabantia*. docuimusque iure sanguinis paternum Ducatum adeptum, legitimam proinde eodem*

eodem Carolino ex sanguine successionem in Marchionatu eandem esse, quam in Ducatu, iam liquidum est: ac simul, quod est scopus omnis huius controuersiae, nihil à tot sæculis vel supremi iuris, vel directi, vel utilis dominij Regibus Franciæ in hanc ditionem competere, nihil Cassanum sibi posse hic vindicare. cuius quæ reliqua sunt de cessione Comitis Niueruensis, de stirpis masculæ defectu, regressiue ad Coronam, plus satis nunc dissoluimus. *d. §. Brabantia.* Illud addere placet à Godefrido Duce Bullonio & Marchione Antwerp. *ann. 1096.* fundatam hic Ecclesiam collegiatam, cum is in terram sanctam expeditionem sacram parans copias hic conscriberet dotatamque dono decimarum, de Lillo vicinarumque: eam donationem approbatam à Godef. Barb. Lotharingiæ Duce, qui *dominum*, inquit, *meum Imperatorem conueni*, confirmatam non ab aliquo Galliæ Rege, sed ab Henrico IV. *an. 1114.* Lothar. III. *an. 1135.* Frederico *an. 1157.* Romanorum Imperatoribus: qui Godefridum *fidelem suum* vocant, diplomataque testes habent diuersos Episcopos & Principes sub Germania numeratos eo iure moribusque res Antuerpiensis hætenus exinde stetit.

§. Mechlinia

Perueterusta ditio, vrbis, & regionis cognominis, patitur commune Cassani argumentum, quod ad Francos olim spectauerit. Ioannes Baptista Grammaius historiam vrbis & prouinciæ Mechliniensis dedit, qua nomen etymon, cognomina, situm, initia, incrementa, opera, calamitates, bella, Dominos supremos, Principes mediæ integræque, Parlamentum, Senatum, nobilitatem, plebem, laudes, idola, Christianos tutelares, Metropolitanam, parochiales Ecclesias, canobia virorum, virginumque, sacella, suburbana, pagos, districtumque magis memorat, quam describat: appendicemque addidit, historiam Grimberganam, qua cruentum illud Brabantorum

torum Grimberganorumque bellum fusius narratur. Is cap. 2. l. 1. à capite, inquit, *aussicabor* I. Domino director qui fuit an. 753. ut *suprà* docui ex diplomatum fide, Rex Francia, dans Mechliniam fiduciario titulo possidendam affini suo, de eo auctor vitæ S. Rumoldi Mechliniensis Apostoli apud Surium, nobilium, inquit, quidam Odo nomine, vel ut alij volunt Ado Comitatum gerebat, cum aque moribus & genere nobili coniuge. sed antiquius de illa testimonium est D. Augustini l. 1. de mirab. Scriptur. hac namque, inquit, quotidiana inundatio bis in die à tempore ad tempus, per horas 24. semper peragitur, ac per alternatas hebdomadas Ledonis & Malina vicissitudo comitatur, sed ledon sex horas inundationis, & totidem recessus habet, Malina verò grandis ferè per quinque horas ebullit, & per septem horas litorum dorsa retigit. consonat idem auctor vitæ, Loci incola, inquit, Mechliniam dicunt propter Malinam & Ledonem. Malina vetustior vrbs fuit, nunc ponte intermedio Mechliniæ iuncta : Ledo hodie Lira dicitur: vtrumque nomen est in diuisione regni Lotharij, & adscribitur portioni Caroli Calui. quod omnino prægnantius præbuisset Cassano argumentum, ut Francici regni non Imperij hæc ditio censeretur, ideoque Gramaius, ubi *suprà*, nec dubito, inquit, quin secuti Pipinum Reges, aut Casares idem iuris habuerint, & post & per eos reguli siue Duces Lotharingia. Non ausus videtur hanc ditionem Imperio olim aut regno Francico ascribere. quin & in eadem Calui portione numerantur in Brachbanto Comitatus quatuor. qui illi fuerint non exprimitur. quod notandum ait Miræus contra Lipsium, & alios qui ex subiuncto Lomenfi pago, seu Comitatum Louensem, seu Louanensem fabricare conantur. sic & Diuisio in Hasbanio Comitatus quatuor subiungit, nec exprimit: malè ergo legunt qui in Brachbanto Comitatus III. Cameracensem, Hannoniensem, Louiensem I. errant in numero: debent legere quatuor: deinde in verbo Cameracensem, nam paulo ante Cameracum posuerat:

fuerat : legendum ergo Cameracensium , scilicet territorium. Denique Louiense seu pagum Louiensem:quem ex Ludouici Germanici & Henrici Aucupis. diplomatibus asserit Miræus comprehensum sub Brachbanto Louaniensem Comitatum etsi non expressum, nolim dubitare. dubitavi aliquando an ditio Teneramundana, Alostana, & Grimbergana hæc, quæ olim tam ampla quàm hæc posteriores fuerunt ; significantur : & verus Bratulpantium pagus eo atque vltterius se extenderit , vt eatenus sentiam cum Diuæ *rer. Brabant.* l.1.c.2. qui, etsi non sub hoc argumento terminos tamen antiquos eo vsque extendit, etsi eum oppugnet affinis meus Dauid Lindanus *in Teneramunda* l.1.c.5. vbi tamen l.3.c.1. territorium in Imperij solo constituit c.2. agnoscit in Zele primo territorij pago monasterium in Brachbent, & c.2. pagum de Ham pro altero. cum Miræus *in cod. donat. piar.* c.47. literas recitet Conradi Imperatoris confirmantes Abbatiam S. Andreæ in Castello Cameracensij datas *in Brachbanto apud Ham* inquiunt. & l.1.c.2. & 4. vrbis etiam solum imperiale agnoscit, & à Cæsare præfectos. quamuis enim alodium sit, atque hominum non debeat, olim tamen maiestatem Imperij soueranitatēque agnoscebat vt Brabantia, sed hoc sensu ipse Lindanus c.5. nu.47. satis potest conciliari. verum nunc non opus est hæc disputare : ego impræsentiarum conciliatos eos velim , vt quatuor Comitatus in Brachbanto paruisse Lothario supremo iure, vicario etiam Ducibus Lotharingæ credam: vicinos inuicem post eum, non alterutris subditos; matrimonijs aliquos aut aliter coniunctos, de priori iure per id nihil amisisse (vt in multis ditionibus ex pluribus olim membris coniunctis passim videmus) & vltra, quàm territorium nunc, quæ respicit Campaniam nostram, aut agrum Leodiensem , porrigitur , nec olim protensum fuisse. quippe eadem Diuisio exprimit Taxandrium Comitatum, & Hasbanium, in eoque Comitatus quatuor, ille autem Campaniam, præter pagum Riensē, hi autem

tem agrum Leodienſem ſpectant, interim ex ea Diuiſione liquet, ſub Comitatus Brabantinis Malinas non fuiſſe comprehenſas, ſed ſeorſim expreſſas. Quo argumento liquere videtur Bertholdos Grimbergenſes, qui vt Gramayo alijsque videtur, per Machtildis aut alias nuptias pridem adepti erant dominatũ Mechlinienſem, clientelæ iure Comitibus Louanienſibus non fuiſſe obſtriſtos: coque nomine iuſtum cum Brabantis bellum geſſiſſe: an iure itidem recuſauerint Barbatum iam Lotharingæ Ducatu, & Imperiali vicariatu donatum, aut quatenus iure ſanguinis per Gerbergam Caroli Lotharingæ filiam Raginero Comiti Louanienſi olim nuptam Lotharingia ei competeſbat, quod tot annis nec Imperatores, nec Galliæ Reges agnoſcere voluerint, nec ſub eo titulo ipſi agnoſcere rectè tergiuerſati ſint, non idem mox cenſuero. apud Gramaium noſtratesque Chronographos *an. 1137.* per Conradum Lothario ſuccedentem, Barbato Lotharingiam confirmari lege lata, refertur; *ut omnes qui inter Moſam, Scheldamque eſſent nobiles clientelam ipſi profiterentur, utque Ducatus caput, Louanium in perpetuum cenſeretur.* & Bertholdi cum vt id præſtarent per caduceatorem exigerentur, illique cum affinibus & fidelibus conſultarent, quidam in ea erant ſententia; *conſtare Bertholdos ab omnibus retrò temporibus Lotharingia præſcos Duces in bellis ſequi ſolitos, id clientela iudicium eſſe.* quippe ex articulis 2. 3. 5. *Adnunciationis Caroli in conuentione & concordia quam ſuprà citauimus.* nec videri eam rectè negari. ſed præualuit ſententia contraria, itumque eſt in bellum quod Gramayus deſcribit. *ubi ſupra, & Hareus in Annalibus ſub Godfrido II. & III. ad annum 1441. Diueus & alij:* & de quo Scribanius in *Originibus Antuerpienſibus c. 2.* nec alias, inquit, *concuſſum mole maiori, neque ambiguo magis euentu.* & infra, narrata trium dierum pugna continua, *E qua, inquit, alia gente triduana pugna? aut niſi Brabantus Brabanto contra ſtaret eademque utraque acie*
arma,

arma, & artes, triduum pugnari potuit. & fortuna quidem deseruit Grimbergenses, miserta Infantis Ducis in cunis iuxta pugnantes suspensi. Porro Diuisio quam diximus inter Caluum & Ludouicum acciderat *an.* 870. quæ Malinæ in portione Caroli numerabantur, pugna hæc anno 1144. adeoque vixdum 274. annis postmodum: forte fuerint qui nec Imperatori nec Lotharingis parendum, clientelamve ideo deberi censuerint: præsertim cum Bertholdis magna etiam ex Atrebatibus & Picardis auxilia venerint. sed quidquid eius rei sit, iudicauit fortuna, cuius arresta supremi arbitrij esse sæpè ait Cassianus, pro Imperio & Lotharingis, vt quidquid eis Schaldim sit clientelæ illorum, Imperioque subdatur. Et vero diuisio inter Caluum & Ludouicum quàm diximus, siue propter iniquitatem, quàm arguit Haræus *in Prolog.* omisso alio hærede; siue alias, *vt supra in §. Hannonia diximus* interrupta, siue quod rudi Minerua tantum, & quæ deinceps emendationem exigeret, diuisio concepta fuerit (quàm enim confusè portioni Ludouici adscribit de Frisia duas partes, portioni Caroli de Frisia tertiam partem, aliaque id genus?) non habuit assecclam obseruantiam: neque hodie sub Imperio ea omnia censentur, quæ ibidem Ludouico adscribuntur, nec vicissim sub Francia, quæ Caluo: sed & vltra Schaldim & terminos Conradi lege indicatos vsurpatio transiijt. ita Ludouicus Germaniæ Rex donat Walsdam, quàm hodie Walsiam dicimus, vltra Schaldim sitam *an.* 868. *diploma refert Miræus in cod. donat. piar. c. 23.* & contra Carolus Simplex *an.* 913. Theodorico I. Hollandiæ Comiti dat Egmondam cis Schaldim sitam. *diploma ibidem refertur cap. 26.* sexcenta sunt similia, quæ vsus mutauit, tametsi summa rei sit seruata semper finibus tantum transsultis. Germaniæ tamen, Galliæ, Italiæque regna diuisa manserint. quod ad rem præsentem attinet, siue pace, siue belli iure à pugna Grimbergana, annoque 1144. nihil hic Francici iuris est agnitum, quanti temporis auctoritatem

tem iam sæpius cum Cassano expendimus, & mōmentis Hugonis Capeti bilancem saltem æquauimus. *Ferunt*, inquit Grammayius, *ad finem belli Grimberganici Fredericum Barbarossam Imperatorem-ut captis* (Bertholdis) *precator adesset, Louanium venisse, eoque presente remissos in auita bona. VValterus Mechliniam licet maior natu in fratris clientela possedit: Gerardus iunior Grimbergam beneficio Ducis obtinuit.* quæ succedendi ratio Grimbergæ hætenus seruata, donec nuper Hispaniarum Rex illam erexit in comitatum, cuius imposterum successio ex ætatis prærogatiua deferretur. cæterum Mechlinia haud diu in eo statu mansit, variè à Grimberga subtracta, à Bertholdis ad Episcopū Leodiensem, Comitem Flandriæ, & deinde Ducem Brabantiae solido iure abiit: denique à Philippo Bono separatim possessa, & inter titulos relata fuit: eumque in statum post tot sæcula redijt, quo fuerat, vt diximus, antequam in Bertholdorum (quorum Stemma Miræus *Chronico Belgico inseruit ad an. 1128.*) familiam veniret: vt scilicet vicina non subdita Brabantiae esset, atque in sua potestate. quare inter septemdecim Germaniae Inferioris prouincias numerum nunc etiam facit, non Comitatus, sed dominij titulo. nam ille ante annos mille iam desijt. nisi quod Maximilianus Imperator 10. Ianuar. 1494. Dominium Mechliniense in Comitatum nobilem & perpetuum erigat, & insignia eius vel scutum diuisionibus citimis & rubeis secundum longum interiectis. meliorare constituens, aquilam nigram, expansamque, prout Imperatores ferre consueuerunt, adiecerit: insignia seruat urbs, & in sigillo nomen Comitatus. cur autem, inquit Grammayius, secuti Belgarum Principes, non Comites se, sed Dominos dumtaxat scripserint, & scribant, mihi hætenus non liquet. ego porro hanc, quam dixi, causam esse existimo, quod postquam Mechlinia in manum Ducis Brabantiae redijt, & summo iure possideri cepit, instar Brabantiae; etiam ab Imperio tacite subducta est: id quo minus viderentur Principes agno-

agnoscere, existimem noluisse beneficium Imperatorium vrbi concessum mutato titulo ostentare. quod nunc ad Cassanum nihil pertinet.

§. Frisia

Bilem etiam mouet Cassano. *quæ sita*, inquit, *bello fuit per Carolum Martellum, & licet rebellasset in ordinem redacta: Carolus Caluus deinde erexit ditionem hanc in Comitatum, inuestiuitque Theodoricum sub fide & hominio Corona.* Ita ille. diximus mox in Diuisione Ludouici, & Caroli, illi duas Frisæ partes, reliquam huic attributam: eadem tamen diuisione Batauiam Ludouico: Cassanus, nihilominus Hollandiam Theodorico Frisoni in Comitatum datam simul asserit: quod vt non oppugnem, sequitur tamen Diuisionem præcis in terminis non fuisse vndequaque seruatam: quod mox diximus: ex confusa autem Frisæ partitione, credere licet iam ab illis sæculis perpetua inter Frisios bella fuisse, cessisse Batauorum armis Westfrisiam. ita Grotius *de antiquitate reipublica Batavica c. 5.* Didericum seu Theodoricum iam olim ex Comitibus natum, Hollandiam pagum fuisse: auitum coniectat Diderici Comitatum: *in cuius*, inquit, *vocabuli consortium mox totum hoc eidem Principi creditum corpus Imperij venerit, ut hi qui cis Flauum erant, Frisij propria quadam appellatione à maioribus Frisij trans Flauum colentibus distinguerentur, pars tamen Flauo prior veteri nomine, nunc quoque VVestfrisia, hoc est Occidentalis Frisia vocatur, qua cum Hollandia unam rempublicam facit.* ita Grotius, prosequiturque argumenta Ordinum ob quæ sub Carolo V. aduersus Brabantos iudicatum est, bullam auream Caroli IV. illis concessam, ne foris sistantur, in Hollandiam, tamquam extra Imperij terminos, vires non exerere. ego existimem inter obscuritatem Diuisionis Ludouici & Calui, obseruantiamque non semel neglectam, bellorum inter Frisios motus, tenebras auiti patrimonij Diderici, quodq; diu hostiliter

luctari

luctati Bataui, Westfrisijque, neque Francicis, nec Germanicis armisvotorum compotes facti essent, tandem virtute armisque suis Comites sui iuris factos, à Francorum simul & Germanorum supremitate fecisse diuortium. *ut mox in §. Hannonia & §. Hollandia diximus.* Igitur, quod attinet ad Westfrisios, ij nunc cum Hollandisynam rempublicain faciunt, vt ait Grotius, Hollandisque iure & situ coniuncti Boreales Hollandi vocantur, & Regio *Nort-Hollandia*. adeoque, eis suæ potestati relictis, transeamus ad Frisiam Orientalem, quæ propriè eo nomine nunc accipitur, cum inter septemdecim prouincias Inferioris Germaniæ numeratur. sed & Westfrisia dicitur cum opponitur illi ditioni, quæ vltra Amasim sita est, vbi metropolis est Emda, Frisiaque Orientalis dicitur. vtraque autem hæc iuris Imperialis semper habita est. & credere mihi lubet simul fuisse duas de Frisia partes, quas diximus portioni Ludouici fuisse adscriptas: vt prior illa Flæuo à Nort-Hollandiâ; Amasim ab hac disterneretur: tamen si veteris Frisonum regni limites etiam ampliores fuisse non dubitem, quod huc non pertinet: Cassano satis esse debet duas de Frisia partes Ludouico fuisse attributas, ab Imperio tot sæculis possessas. Orientalem Fredericus III. Imp. Comitatus titulo an. 1465. in varias præfecturas diuisam, Valricho concessit, quam posteri etiamnum obtinent: Occidentalem nostram an. 1494. Cæsar Maximilianus Alberto Saxoni tribuit: sed is, bello non satis ex voto succedente, quod Frisij eâ concessione libertatem suâ non nihil imminui existimarent, cecidit: filius Georgius, patre haud multo felicior, sumptuumque pertæsus, oppida quæ armis ceperat, atque ius omne quod in Frisiam habebat, in Carolum, Belgij tunc Principem, postea Imperatorem an. 1515. transcripsit: qui fortuna & armis melior, ac demum pace etiam intercedente, per legatum rege Galliæ composita, regionem omnem obtinuit: promittente etiam Geldro imposterum se nulla Frisij auxi-

auxilia missurum, in posterosque transmisit. Ita Montanus ad chartas Kerij in Frisia, alijsque passim annales.

§. *Vltraiectum*

A Pipino & Carolo Magno, fundato Episcopatu, eiusdemque dono oppidi dorato, cultum esse, ac penes Episcopos successores mansisse, donec Carolus V. possessionem inuasit, & Episcopum spoliavit, ait Cassanus: Bochijs in *Principatu Belgij* §. *Vltraiecti* à Pipino Austrasiæ Rege missum ad Frisios, iam debellatos, Christi sacris imbuendos, S. Willebrordum an. 694. & à Carolo Martello *Vltraiecti* constitutum Episcopum attributa regionis vniuersæ iurisdictione. quod Montanus in *tabulis Kerij*, ad tempora Sergij Pontificis, & Iustiniani minoris F. Constantini refert: ibidemque ex binis tabulis in æde S. Martini suspensis aliquot versus refert, qui narrent urbem ibi Antonianam, tempore Neronis ædificatam, vastatam deinde à Barbaris, & castrum Wiltorum conditum, euersum illud, aliudque conditum à Francis iam Christianis, hoc à Danis destructo, urbem à Balderico Præsule, mœnibus, quæ nunc videantur, cinctam, à Dagoberto eo loci Ecclesiam S. Thomæ ædificatam, à Frisijs destructam, à D. Willebrordo in honorem S. Martini restauratam. *Episcoporum opes & potentia*, inquit Bochijs, *multorum Imperatorum aliorumque Principum liberalitate, & regum, unde barbaros & tyrannos expulerunt, accessione eo usque excreuit, ut dominium Traiectense regni haud exigui amplitudinem adequaret.* Satis hyperbolicè: nisi ad veteres regulos exiguis circinis circumscriptos respiciamus. planius paulo inferius: *His igitur, inquit, viribus & opulentia, provincias Trans-Isalanam cum Groninga in potestatem suam redegerunt, multosque Principes & dominiorum illusirium to-parchas feudorum beneficiis sibi deuinxerunt.* Situs sanè glebæque fecunditas nulli cedit. *Illud vero, inquit Montanus ubi supra, notatu dignum, eo loco positam esse hanc*

hanc urbem, unde unius diei itinere (& ubi terrarum
 queso hac urbium densitas?) pedibus peruenire queas ad
 quodcumq; libuerit ex quinquaginta, ut minimum, oppidis
 Traiectum undique circumstantibus, nec maiore quàm
 diximus spatio, quòd & tabula geographica satis ostende-
 rit, illo abiunctis. amplius, posse aliquem mane Traiecto
 egressum ad quoduis è sex & viginti pradiictis oppidis et-
 iam lento gradu inambulantem accedere, genio ibi indul-
 gere, & vespere domi rursus ad canam adesse. Enimuero
 Ultraiectum in ea quam toties citauimus Diuisione Lu-
 douici portioni ascribitur, tertio loco post Coloniam
 & Treuiros, reutonica voce Vtrech: qua etiamnum au-
 dit: successoresque Episcopi semper Imperium secuti
 sunt: quod quidem Cassano sufficiat: ne quam camari-
 nam moueat. cæterum quia more suo Caroli V. acta
 sugillat, inuasionis spoliationisque nomine donat hære-
 ditarios etiam titulos & pacificos ingressus Austriaco-
 rum; lubet omissis annalibus classicisque auctoribus hic
 inferere exemplum diplomatis, quo cessio causaque
 continetur: quam ideoque & Clemens VII. summus
 Pontifex XIII. Kalend. Septemb. 1528. confirmarit. re-
 fert tabulas Haræus sub Carolo V. ad annum 1528. his
 verbis: *Quoniam Corolus Geldria Dux nullo iure nulla-
 que legitima de causa urbem Ultraiectinam occupauit, ac
 ex ea bellum Antistiti Henrico Bauaro intulit, occupatoque
 oppido Rhena, arce Horstia, ac Ema uniuersam ditionem
 Ultraiectinam ad grauissimarum exactiohum solutionem
 coëgit, nullo in recusantes, siue profani, siue sacri Ordinis
 homines, seuitia nec calamitatis genere omisso, adeò ut
 uniuersam tandem prouinciã subegisset, nisi Caroli V.
 Cesaris Duces obstetissent, ac pedite equiteque abducto,
 Geldrum repressissent: ne rursus in easdem recideremus
 calamitates, ac aliqua ratione Casari de factis huius belli
 causa sumptibus satisfaceret, communi consilio liberaque
 voluntate consensimus, ac tenore presentium consentimus,
 Henricus Bauarus Antistes noster Casari Carolo tamquam*

Bra-

Brabantia Duci, & Hollandia Comiti, pro se suisque successoribus utriusque sexus legitimis liberis cedat, inque perpetuam possessionem tradat urbem Vltraiectum, Amersfortium, Rhenam, Vbicam, reliquaque oppida, arces, castella ac munitiones, prouincia, agrique Vltraiectini, cum omni apparatu bellico, pagis, villis, prouentibus, cum iurisdictione summa, media, infima, mixta, ac denique vniuersum absolutumque prophana iurisdictionis Imperium, ea ratione ac modo quo id precedentes Antistites supra nongentos possedere, rexereque annos, ac ut absolutum decet Dominum Principemque cum vniuerso Nedersticht (nempe Ouerstichtij, id est Trans-Isalani dudum ante in Ianuario se tradiderant) nihil inde excipientes prater sacram iurisdictionem, ac annuos eius prouentus, qui Antistiti eiusque successoribus in sempiternum sarti tecti manebunt: quemadmodum Curia Episcopalis qua est in urbe Vltraiecto, ac altera Antistite digna in hac prouincia quam elegit. Adhuc Caesar Carolus Antistiti Henrico Bauaro singulis numerabit ad vitam annis duo millia florenorum, donec tot ei sacerdotia procurarit, qua dictam in singulos annos summam conficiant, eaque in perpetuum Episcopatus redditibus adiungi curarit. supplicantes & orantes Romanum Pontificem hac omnia sua auctoritate approbare, confirmare, rataque habere dignetur. hac primum à quinque Canonitorum collegijs, deinde ab Abbatibus, tum ab urbis Senatu, ac nobilibus fuere subsignata, sigillisque munita, ac tandem anno sequenti à Papa Clemente VII. 13. Kalend. Septemb. confirmata. Antistes, ergo inquit Haræus, sua renunciationis litteras 12. Octob huius anni consignauit, & Caesaris Legato Antonio Lalaino Comiti Hoochstratano die 13. Kalend. Nouembris solemniter tradidit, ac postero die populus Vltraiectinus Casari sacramentum dixit, hinc 3. Nonas Nouemb. Amersfortij, & non multò post etiam VVicani, & Rhénani. idem mox docebimus de Trā. Isalanis & Gronenganis, Quibus ex rebus patet Carolum requisitū fuisse,

vt perditam pæne hanc Rem publicam hosti eriperet, ac suo ære in libertatem assereret, priuilegiaque ac dignitatem bello amissam restitueret: quod suscepit, peregitque Carolus: vt nec inuaserit ditionem, sed pretio adeptus sit, Antistitemque non spoliari, quod ait Cassanus; sed supplicem dignitati seruauerit, cessionem ab eo sponte, omnique Clero, Nobilitate, Populoque factam à S. Pontifice confirmatam, suscepit requisitus.

§. Trans-Isalania

Eodem iure quo Ultraiectum in Caroli V. manum venit, rogante Antistite, Ordinibusque vniuersis ditionis: qui nihilominus seorsim etiam à Carolo V. stipulati sunt, vt ijs priuilegia ac immunitates veteres sartæ rectæ manerent, iudicijs consuetis vterentur, bellum Trans-Isalanis à quocumque illatum Cæsar, eiusque successores suis sumptibus propulsarent: Cæsar Duci Geldriæ, donec is ablata restitueret, bellum suo ære inferret: aliaque quæ habet verbatenus Petrus Montanus *ad tabulas Kerij*, quibus promissis Cæsar in omnibus Trans-Isalanis locis inauguratus est, eamque in posteros transmisit, Antistites solos hæc ditio Imperiumque Romano-Germanicum in ea vsque tempora semper agnouit: veteribus Francis non solum paruit, sed & primos Francos dedit. *vt supra c. 6. latius demonstrauimus*, prima eorum sedes, regnique primordium. eoque nomine argumentati sumus, si huiusmodi antiquitates sint spectandæ, vt semper Cassanus commentatur, rerumque vetustarum initia; ei Principi, qui caput regni, scaturiginemque primam gentis Francorum possidet, summum in Francos omnes ius competere; cæteros paulatim exinde victos, accessorios horum esse tantum. quod quia nolit Cassanus; nihil vltius hic vrgebimus, quam vt suis nunc ergo terminis Franciam suam coërceat, Imperio etiam iam olim attributa, atque tot sæculis possessa, ne vellicet.

§. Gro-

§. Groninga

Vltima prouinciarum Inferioris Germaniæ, ad Carolum V. peruenit, ex cessione Antistitis Ultraiectini, quatenus ei ante paruerat: nam is omnem omnino iurisdictionem temporalem in quascumque ditiones in Carolum transscripsit. subfuerat maximè Imperio, ab aliorum dominatu libera, diplomate Maximiliani Albertum Saxonem quasi perpetuum Frisiæ Gubernatorem datum diximus, sed noluerunt in eius potestatem transire Groningani varijs bellis luctati, ab Imperatore etiam proscripti, auxilij causa Geldrum sollicitarunt, cum nec is satis potens esset, etiam Franco Sacramentum dixerunt, eoque maiestatis rei, cum armis diffiderent, dediderunt se Carolo V. Imperatori an. 1536. non qua tali, sed qua Brabantia Duci, atque Hollandiæ Comiti impofterum parituros: saluis veteribus legibus, atque immunitatibus, alijsque pactis, ac nominatim vt Dammum æmula vrbs, ad modum pagi Ommelandici, dirutis minutionibus, dirig eretur; & quæ Geldrus distraxerat, prouinciæ restituerentur, quare illa vrbs mænibus nudata, Geldrus armis, ac pace postea omne ius in ditionem prætenfum, Ommelandiam, Dammum, Drentam, Tventam, Co-uordam, cæteraque prouinciæ huius loca restituit, ciurauitque. Ditionem hanc à Francis, Salijs, Manarmanis, Cruptoricis, Bructeris etiam olim infessam, satis compertum videtur, comprehensamque sub duabus Frisiæ partibus; quæ Ludouico cesserunt, vt in §. *Frisia* diximus, non dubitem. à tot sæculis Romanas aquilas secuti sunt Groningani, vt & vrbs ipsa bicipitem aquilam in insignibus gerit. potuisse autem Carolum vt Imperatorem maiestatis, vt diximus læsæ reis gratiam facere, nihil est addubitandum: sibi que vt Duci Brabantia supplices in subditos dare, accipereque, nihil habet difficultatis cum & consul qua priuatus apud se ipsum qua consulem possit emancipari, l. *si consul. D. de adopt. ubi in glossa*

plura id genus alia, cui accedit cessio iuris à Georgio Saxónico in Carolum translata, *ut in §. Frisia mox diximus*, & Edzardus Frisiae Orientalis Comes, qui Groninganos bello diu vexauerat, tandem impar iam pridem eos dimiserat, quinimo Cal. Iunij 1517. Gandavi Carolo cesserat non tantum ius omne quod in has ditiones prætendebat, sed etiam susceperat Ost-frisiam vt clientale Hollandiae feudum deinceps possidendam. pacta refert ad eum annum in Annal. Haræus. adeoque Carolus & hanc ditionem in posteros pacificam transmissit, donec Belgici tumultus etiam illam inuoluerunt.

§. Cameracum

Coronidis loco exagitat Cassianus. fuisse ait ex primis quæ Francis Rhenum transgressis cesserint. à Carolo Caluo Balduino Ferreo in feudum datum ait, postquam Imperatores Lotharingiam vsurparint etiam huius urbis hominia receperunt, recidisse tamen in potestatem Philippi Valensij, Ludouici XII. Henrici III. quando Dux Alenſonius in reditu ex Flandria eam interceptit, licet postmodum Comiti Fontano dedita sit, non diffiteor veteribus Francis hanc urbem cecisse: quin nec in Diuisione sæpius citata Caluo ascriptam: Flandriae Comites eam obtinuisse, non à Caluo tantum; sed etiam tutelam ab Imperatoribus, Henrico V. & Frederico I. Diuisionem illam non vndequaque seruata pluribus ex causis iam dixi sæpius: sæcula iam plura lapsa sunt, quod urbs hæc atque ditio in manum Antistitum suorum venit, & feudi nomine ab Imperio habetur. & quidem gliscentibus inter Galliam Belgicamque bellis vtrisque interiecta limitibus non semel à Francis fuit intercepta; sed armis aut deditioe deinde recepta; non tantum à Comite Fontano, sed etiam à Maximiliano Cæsare; cum Cameracenses, milite illius in urbem intromisso, Ludouici XII. præsidium eiecerunt: donec tandem, vt olim Imperatores tutelam hæreditarijs Comitibus Flandriae concesserunt.

cesserant, ita Carolus V. Castellaniam hæreditariam, extructa ibidem arce, Philippo filio dedit. quam is deinde à Francis dolo interceptam, ductu Fontani recuperauit an. 1595. miror tamen hîc Cassanum Alensonij meminisse, nec alibi Francorum eius nomine Imperium prorogare. is siquidem pluribus Belgicæ locis à tumultuante populo in Dominum. assumptus erat, etiam Antuerpiæ Marchio inauguratus; sed vt aliena inuaserat, ita & à populo quam acceperat dynastiam in tyrannidem vertit, designato pluribus locis eodem die, & imprimis Antuerpiæ, vbi coram aderat quasi exercitum lustrans, quo eam à sanguinaria cæde auspicaretur; sed fortuna melius vertente cæsis suis omni Belgio eiectus est, redijtque pars maior ad verum Dominum, nisi qua Bataui hætenus rebellant.

Sunt alia loca quæ peculiari ditionum nomine in Belgio censentur, vt Neruiorum vrbs & ager Tornacum, & Tornesium, ac Valencenæ: sed illud pridem Flandriæ membrum fuerat, hæ quidem Hannoniæ annumeratæ. *vt latius vbi supra Bochijs, aliique passim.* & licet Franci aliquando armis tenuerint, armis tamen vltra veteres titulos recepta, & fœderibus firmata sunt sæpius, neque horum Cassanus meminit, ideoque nec prolixiores nos erimus: meminit tamen hîc Cassanus Colonia; Leodij: & Moguntia; quas vrbes cum Austriaci non possideant, alienum esset hic tractare: vt & Argentoratum, quod à Ludouico Pio D. Virgini sacratum ait. sed & Diuisio sæpius iam citata Ludouico Coloniam adsignat, & Strasburgum, *Linguas etiam quod est de ista parte:* quod Miræus interpretatur Leodium: nec Moguntiam Cassanus inueniet in portione Calui: omnia autem illa multis iam à sæculis Imperio accensentur.

§. Burgundia

Comitatus fines fere Belgarum attingit, quos etsi transilire non statueram, inuitat tamen vicinia, & quod

quasi Belgio annexus à Philippo II. in dorem Alberto & Isabellæ Principibus datus fuit. & licet pridem Francus, seu liber vocetur, tamen & Imperialis solet nuncupari, ac ferè creditur intra Imperij metas multis sæculis constitisse. vnde Circulus Burgundicus Romano Imperio accensetur, *in Reccessibus an. 1522. in comitijs votum, lesionem, assessorem in Camera habet, in Turcica expeditione quantum tres alij Electores contribuit. quibus de rebus videnda est transactio Burgundica in Comitibus Augustanis 1548. edita, & aliis 1560. confirmata, Reccessibus Imperij inserta.* refert tamen Besoldus *discursu de Burgundia, &c.* vidisse se multa diplomata penes Fiscalem Dolanum, quibus ille Comitatum Burgundiæ ab omni superioritate liberum esse, nec vllum nisi Deum & gladium superiorem habere asserbat: ideoque in Curia Dolana expeditionibus ab Imperio profectis non deferri, vt nec Gallicis. & vero antiquum Burgundiæ regnum memoriam refricat vetustæ libertatis, & si Imperatores olim etiam aliquando in contrarium aliquid gesserint, vt & Comites viribus impares debuerint hominum præstare. vt fecit etiam Margareta Flandrensis 9. Ian. 1373. Imperatori tunc in vrbe Parisiensi existente, quod Franciæ Rex ibi vtique non adinisset, si ea sibi fidelitas debita fuisset. Marchantius *in Flandria l. 3. c. 1.* refert Burgundorum regnum durasse ad annos 144. *quo titulo extincto, inquit, ad annum 1037. in Ducatum & Comitatum, Burgundia dissiliit: hunc ad Imperij semper, illum ad Francorum maiestatem subinde respicientem.* enimvero, vt vetera omittamus, quibus sæpe iam est responsum, à multis sæculis Comitatus hic vel pro libero est habitus, vel singularibus cum priuilegijs ita Imperio coniunctus, vt Franciæ nihil debeat, quod satis esse oportet Cassano. In cuius tamen gratiam lubet dicere, fæmininæ successionis etiam esse patientem, vt pluries ea obtinuit: quippe an. 1295. Ortho Henrici V. Imperatoris filius Comes Burgundiæ (de cuius stemmate, serieque Comitum

tum

tum videri potest Miræus in Chronico Belgico ad an. 1010.) Ioannam filiam nuptui dedit Philippo Longo filio Philippi Pulchri Regis, tunc Comiti Pictauorum, postea Regi, & cum ea hunc Comitatum in dotem, ex quo matrimonio Ioanna primogenita nupsit Duci de Oudes, Burgundiam hanc, & Artesiam marito adferens: ex hisce rursus nuptijs Philippus Burgundiæ Comes, cuius filius Philippus infans defunctus successorem habuit amitam Margaretam Flandriæ Comitess, hæc Ludouicum Maleanum, is filiam Margaretam nuptam Ioanni Intrepido, hic Philippum Bonum, & is Carolum Audacem, ex quo Maria Burgundica Maximiliano Austriaco nupta, in posteros hunc Comitatum transmisit. quæ profecuti sumus latius, vt constaret iam sæpius Comitatum ad feminas delatum, ne quid hic Cassanus de lege Salica, etsi extra Franciam, opponendum æstimet, tametsi nec deficit veterum Comitum stirps mascula, quam designat Miræus in *Chronico ubi supra*.

§. Burgundia

Ducatus duobus iam sæculis controuertitur armis, & calamis: multis vndique sagittis diuersis ex pharetris depromptis. Faius sane, cuius iam sæpius meminimus, Mariæ Burgundæ optimo iure latè asseruit. mihi visum in medio statuere ipsum diploma, vnde omnis quæstio scaturiuit; illudque opposito ad marginem glossemate in quo Faius potissimum præiuit, vertitur autem in eo solum quæstio, an desinente in Carolo Audace Burgundorum Ducum stirpe mascula, ducatus ad Coronam fuerit regressus? quæ ex eo pendet, an ea lege olim sit concessus? tabulis ergo inspectis ea de re iudicandum est. eas recitat Miræus in *Cod. donat. piar.* 1. 105, à Ioanne Rege an. 1363. concessas, à Carolo V.

illius filio laudatas an. 1364. Ita ergo habent: *Ioannes Dei gratia, &c.* post prologomena de seruanda quiete, & iustitia, & stabilimento regni per fideles vasallos, & digna remuneratione, arcenda oppressione hostili Ducatus Burgundiæ, *qui ex successione bona memoria Philippi*, inquit, *in nos ut propinquiorem in genere nouiter est delatus*: merita filij Philippi apud Pictauos vulnerati, capti, ac post præstita memorat, interferitque filijs Regijs naturaliter patrem teneri assignare, *unde statum iuxta sua prosapia perspicuitatem honorificè continuent*: quod aliquid sonat de causa impulsiva legis appennagialis, sed non de finali aut formali; quæ est ut ex bonis Coronæ liberi Regij in posterum congruè exhibeantur, sed finita linea mascula ad Coronam bona auulsa redeant: ne perpetua decisione nuda illa tandem, & inanis fiat. sed hic Ducatus ad regem Ioannem non deuenerat iure Coronæ, sed successionis cognaticæ, tamquam ad proximum per maternam lineam ultimo defuncti Ducis; nec fuerat vmquam de dominio Coronæ: sed & iam ante Philippo prouisum erat, quoad digna alimenta per Ducatum Turo-niæ: quare Ioannes non in alimentis substitit, sed ad *id tamen impendendum eò liberalius inducimur*, inquit, *suam meritò cupientes honorare personam* (ecce causam donationis) *perpetuoque* (iterum nota) *præmio* (ecce remuneratoriâ, adeoque perpetuo irreuocabilem) *fulcire; sibi paterno correspondentes amore* (ecce amorem, non iam obligationem de qua ante) *naturaliter nostris tenemur liberis.*

1. Nota requisitionem Ordinum Burgundiæ aduersus vnionem an. 1361. illis inscijs factam : qui ea propter illius reuocationem & singularē sibi Principem obtinuerunt: ne procul absente rege à præfectis malè haberi pergerent. quo spectant anteriora diplomatis verba *spem & fiduciam gerentes in Domino quod ipsius (Philippi) crescente providentia dicti nostri subditi Ducatus eiusdem à suis oppressio- nibus releuentur.* magna sanè causa, regis confessione, contradicendæ, impediendæ, soluendæque vnionis.

2. Pariformi verborum tenore paribus passibus æquiparatur hic à Rege concessio Ducatus & Comitatus Burgundiæ : sed in hoc absurda foret legis appenagialis illatio: ergo & in illo. vnde nec in hoc præten- sa vmquam fuit, quare eadem est æstimanda vtrobi- que virtus verborum.

3. Ex proprio corpore in legitimo matrimonio procreādos hæredes indistinctè vocat Rex: distinctionem sexus abominatur lex, *maximum C. de liber. præ- terit.*

Notum, inquit, facimus uni- uersis presentibus pariter & futuris, quod nos his & alijs iustis considerationi- bus excitati, & ad humilem supplicationem subditorum nostrorum dicti Ducatus

1. *predictum Ducatum Burgundia in pariatu, & quidquid iuris, possessionis & proprietatis habemus, & ha- bere possumus, & debemus in eodem, nec non & in Comi- tatu Burgundia, & in qua- cumque parte ipsius 2. ex successione predicta, cum uniuersis & singulis honori- bus, iuribus, redditibus, & prouentibus, hominibus, homagijs, feudis, & retro- feudis, iurisdictionibus altis medijs & bassis, mero & mixto Imperio, ciuitatibus, villis, castris, & castellanij, domibus, manerijs, stagnis, fluuijs, seu ribarijs, nemori- bus, forestis, vineis, terris pra- tis, censibus & alijs possessio- nibus quibuscumque dicti Ducatus, & iuris quod ha- bere possumus ex causa præ- dicta, in Comitatu predicto quocumque nomine nuncu- pentur, & cuiuscumque va- loris existant, dicto filio no- stro concessimus, donamus- que*

terit. & exhered. & generalis Franciæ consuetudo in Ducatibus etiam, Pariatibus, & summis dignitatibus: vt supra diximus §. Flandriæ ex Chassanæo; qui eas enumerat. Cuiac. autem obser. l. 8. c. 14. Salicam legem esse ait abrogatam excepta successione agni, sed & Faius MS. vbi & rem pro Britannia ex ea regula iudicatam citat. an. 1341. vt nuper vidimus in Regina Margareta Valesia. citat vltcrius vsum in alijs Normandia, Aquitania, Flandria, Campania, Bria, Engulisma, Veromandua, Arthesia, Neuersa, Rethela, Claromontio, Blesia, Chartresia, Bolonia S. Pauli, Guisna, & alijs generatim; præterquam in vnīs aut alteris, in quarū concessione id fuit expressum diserte: ius enim commune vel consuetudo generalis, quæ non mutatur expressè, cur stare prohibeatur? l. *sancimus C. de testam.* Francorum porro ius ciuile sunt propriæ ipsorum consuetudines generales, non leges Romanorū: c. *super specula de prin.* minus vsus feudales transalpi-

ni per Insuabres aliquos compilati, per Longobardos olim habiti quorum si Franci victores se sub Carolo Magno fuisse gloriantur, velint ne pro præmio referre, vt illorum legibus redierint irretiti? cedant ergo horum vsus feudistici, qui hæredum vocabulo filios masculos aliquando intelligunt, iuri Francorum proprio, atque consuetudini illorum, quam diximus generali, cedant innictæ, quam hic explicuimus rationi. cui accedat quod cum multis verbis Ioannes *hæredes de proprio corpore, de legitimo matrimonio* exigat, si mens eius fuisset vltiorem distinctionem admittere vnicū verbū in tam lōgo diplomate poterat adijcere *masculos*; ideoq; cum is satis aduersus hæredes externos cōsanguineosque illegitimos prouiderit, non debet in claris dari locus coniecturis: aut si quis dubium subesse velit, admittrat regulam necesse est, quod in obscuris contra eum facienda est interpretatio, qui legem dicere potuit apertius, vt hic donator, iterum

ex more regionis, ex matetia subiecta, quæ erate aditio, quæ ad donatorem peruenierat per tramitem maternum, quæ iam ante sæpius fæminino iure habita fuerat. ut ipse Chassaneus ubi supra fatetur, ipsa hæres nupsit Roberto Hugonis Capeti fratri, quem Miræus filium facit, & *Stemma deducit in Chronico ad ann. 998.* ita Faius MS. ex *Chronico* ait Franciæ, & nisi fæminini iuris esset ad Ioannem peruenire non potuerat, nisi Franci impingant in quæstionem Anglicam, ut hic masculum ex fæmina incapace genitum admittant, ibi Eduardum Angliæ Regem regno excluderint, quod per matrem incapacem, ille incapax esset habendus. eoque minus Ioannes fæminas exclusisse censendus est, ne ipse suam successionem, maternūque ritulum damnaret. quem ex aduerso disertè laudat, non iure Regio, sed viciniore matris sanguine ad se devolutum.

4. Vnio hæc facta inauditis Ordinibus iisdem postulatis, grauibque quas dixi-

que & concedimus tenore presentium, de nostris speciali gratia, certa scientia, auctoritate regia, & nostra regia potestatis plenitudine, premissaque in eum transferimus tenenda, possidenda per eum & hæredes suos, in legitimo matrimonio ex proprio corpore procreandos.

3. Ponentes ex nunc dictum Ducatum Burgundia, & ius quod ex successione prædicta habemus in Comitatu prædicto, cum suis prædictis pertinentiis extra nostrum domanium, & separantes omnino: cui siquidem Domanio præmissa duxeramus adiungenda 4. non obstante si voluerimus & ordinaverimus sub quibuscumque modo, obligatione, submissione & forma verborum, vel quod eiusmodi ordinatio præcesserit, vel si habitatoribus dictorum Ducatus & Comitatus seu communitatibus villarum, castrorum, vel locorum aliorum eorundem vel personis singularibus concefferimus, præmissa in toto vel in parte à nostro & Corona nostra Domanio nullatenus ex tunc in antea separari, quorum dictum fi-

G 6 . lium

diximus causis merito reuocata. qualis reuocatio præualere omnino deberet quamuis vnio fuisse valida daretur inscijs Ordinibus facta. *qua de re egimus supra l. 2. c. 10. & seqq.*

5. Iterum verbosa repetitio, cui facilis fuerat adiectio *masculi*, quò non adiecto sub masculino comprehenditur & fœmininũ, vt in dictione *si quis* decidit *Lex 1. D. de verb. sign.*

6. Ecce cum omni iure, libertate, & franchisia conceditur Ducatus, quibus apud antecessores fuerat, atque vltimo defunctum; atqui apud illos fuerat, vt feudum fœmininum, olim etiam vt nec feudum quidem, sed summo iure: non ergo donator imposuit seruitutem feudi masculini, aut ius fœmininæ successio- nis intercõdit.

mus effectũ frustrari: saluis insuper & retentis nobis & successoribus nostris Francia Regibus superioritate & resorto dictorum donatorum, fide etiam ac homagio Ducis præstandis nobis & successoribus nostris prædictis, modo debito & consueto fieri, & præstari per Duces Burgundia, temporibus antea actis, regalibusque, & iuribus alijs regijs, ad nos pertinentibus, ad causam nostræ Corona, & quæ habebamus viuente dicto vltimo Duce defuncto in Ducatu prædicto.

lium nostrum Ducem, pri- mumque Parem Francia facimus, & creamus: volentes & concedentes eidem, vt ipse suiq; hæredes ex proprio corpore in legitimo vt prædicitur matrimonio s. procreati, qui ei succedent in Ducatu prædicto, vtantur & fruantur perpetuò & pacifice vniuersis & singulis priuilegijs, franchisijs, iuribus, libertatibus, & prerogatiuis, quibus vsi sunt hætenus; & vtütur ceteri Pares Francia, omni modo & forma quibus tenebant dictum Ducatum, & dictis priuilegijs vsi fuerunt hætenus Duces Burgundia, & utebatur dictus defunctus vltimus dux Philippus dum vinebat. 6. saluis tamen donationibus & concessionibus, si quas fecimus postquam dictus Ducatus deuenit ad manum nostram,

vt prædicitur, quas nolui-

7. Atqui antea Ducatus Burgundiæ non possidebatur aliquo iure appennagij, mansit ergo in eadem libertate, neque per hanc donationem appennagij seruitus est indicta.

8. Hæc exceptio ab eo quod imposterum hæredes Philippi Ducatum possiderent, nisi deficiant hæredes ex corpore proprio, & legitimo matrimonio, firmat regulam in non exceptis, non sunt exceptæ fæminæ, firmata ergo in illis successionis regula. Appennagij ordinatio vetusta non est, nec credit Faïus huius donationis tempus vllam præcessisse, demum incepisse cum excessa in Ioanne Caroli V. Regis filio esset liberalitas multarum nimis ditionum donatione, eamque vellet moderari, à proceribus iudicatum fuisse ditiones omnes ei, hæredibusque vtriusque sexus relinquendas, sola excepta Aurelia ad masculos restricta in Ian. 1366. sæpius ergo iudicatum est, nisi disertè secus cautum sit, censenda feuda fæminina, quamuis summæ dignitatis in Francia, vbi

mino-

7. Pro quibus donatis prædictis dictus filius noster nobis fecit homagium, tamquam Dux & primus Par Franciæ prædictus, & eo modo quod defuncti Duces Burgundiæ tenebantur, & consueuerunt facere, nobis, & nostris prædecessoribus. Ad quod homagium admisimus eundem, quem per hoc emancipauimus, & extra potestatem nostram paternam posuimus, & ponimus per presentes, saluo interim & retento, quod si dictus filius noster vel sua posteritas, ut prædicatur, procreanda decesserint, quod absit, absque hærede, ex proprio corpore succedente in dicto Ducatu, præmissa vniuersa & singula sic donata pleno iure integraliter reuertentur ad nos, & successores nostros Reges, qui pro tempore fuerint 8. nostra Corona domanio applicanda. Per hanc autem concessionem nostram presentem & donum, Ducatum Turonia, quem cum suis pertinentijs dicto filio nostro aliàs donauimus, ad manum nostram ponimus, & retinemus, ordinaturi de eodem ad nostram beneplacitum voluntatis.

qua.

minora etiam redacta sunt, ad instar patrimoniorum: in ambiguitatibus autem quæ ex legibus profisciscuntur, inquit Calistratus in l. 38. D. de Legib. consuetudinem aut rerum perpetuò similiter iudicatarum auctoritatem vim legis obtinere Severus rescripsit, & Paulus in l. 37. respondit, imprimis inspiciendum esse quo iure ciuitas retrò in huiusmodi casibus usa fuit. vtrumque hic est, & consuetudo, & res iudicatæ, vt diximus. Idem fuisse sensus & donatorum & donatariorum ex eo conuincitur, quod Carolus Ioannis filius ante regnum, atque iterum post regnum patris donationem confirmari, multis etiam verbis: vt apud Miram legitur d. c. 105. nec inseruit tamen semel verbum vel vnum restrictionis *masculæ*. donatarij plura Ecclesijs donaria dederunt, legarunt, super ipso Ducatu vxorunduarum constituerunt sapius, quæ ipsis defunctis sine controuersia fuerunt soluta. iterum Philippus Bonus Ordinem Aurei Velleris instituens perpetuum illius caput,

quapropter damus presenti-
bus in mandatis vniuersis
Pralatis, & alijs personis Ec-
clesiasticis vniuersis, Ducibus,
Comitibus, Baronibus
& alijs nobilibus, aliisque
clericis & laicis, ad quos per-
tinuerit quatenus homagia,
& deneria, honores, seruitia,
& obedientias in quibus nobis
tenebantur ante presen-
tem donationem, ratione
Ducatus & aliquorum dona-
torum prædictorū præstent,
& faciant indilate, & de ce-
tero dicto filio nostro, suisque
hæredibus antedictis, de legiti-
ma matrimonio procrean-
dis, modo & forma, quibus
ipsa fecerant, & facere de-
buerant dicto ultimo defun-
cto Duci, per quorum presta-
tionem nos inde absolui-
mus penitus, & quitamus eosdem
volumusque obediant dicto
filio nostro, tamquam Duci
dicti Ducatus & Pari Fran-
cia primo, plenariè & abs-
que difficultate quacumque.

Mandamus insuper dile-
ctis & fidelibus consiliarijs
nostris, Præsidentibus, &
alijs gentibus nostri Parla-
menti Parisiensis, vniuersis
insuper iustitiarijs & officia-
rijs nostri regni, presentibus

caput, Ducem Burgundiæ nominat : & si contingat decedere sine stirpe mascula, vt sit gener, vti Dux Burgundiæ. in Pace Atrebatensi, vt capella in memoriam cæsi Ducis fundanda perpetuo sit collationis Ducis Burgundiæ : sine distinctione sexus : & vt Comitatus Masconiensis, Auxerrensis, Barrensis, ad Sequanam, appendices vtique Ducatus Burgundiæ perpetuo competerent Duci, heredibusque ipsius masculis & fœmellis : ergo Dux hæredes masculos & fœmellas habere poterat. Hic fuit sensus, mens, interpretatio vsque ad obitum Caroli Audacis: ideoque licet non essent mutanda, quæ certam semper interpretationem habuerant, nec optima legum interpretes consuetudo vellicanda d. l. 37. 38. D. de leg. mirum tamen non est cæso ad Nancæum Carolo Ludouicum XI. hunc cauillum inuenisse, qui etiam alias ditiones pupillæ, vbi nullus color prætexi poterat, inuasit titulo tutelæ: quam in lupinâ vertit, vt in §. Flædria diximus.

& futuris, quatenus dictum nostrum filium, & hæredes suos prædictos Duces Burgundiæ & Pares Francia recipiant, & admittant, ipsosque faciant & permittant uti, & gaudere pacificè prærogatiuis franchisijs, libertatibus, honoribus, & iuribus Ducatus & Pariatus, & nostram presentem Ordinationem teneri perpetuò inuiolabiliter: nihil facientes vel attentantes in contrarium quoquomodo: non obstantibus consuetudinibus, statutis, vsibus, & priuilegijs contrarijs quibuscumque, donisque & gratijs dicto filio nostro factis alias, & que in presentibus non fuerint expressata.

Quod ut firmum & stabile permaneat in futurum nostris presentibus litteris fecimus apponi sigillum: saluo in alijs iure nostro, & in omnibus alieno.

Datum Germiniaci supra Maternam in die sexta Septembris anno Domini millesimo trecentesimo sexagesimo tertio.

Per Regem Iuo.

Atque

Atque hæc de hæreditarijs Domus Burgundicæ, inferiorisque Germaniæ prouincijs sufficiant, quæ exegit obseruantia Principis, Patriæ amor, &, quoad Cassanum ratio legis l. *diffamari C. de ingen. manu- miss.* Nuper Nicolaus Vernulæus Apologia quàm edidit pro augustissima gente Austriaca regnorum ditionumque, quas illa vbicumque terrarum possidet, iura asseruit historiæ breuiterque: ampliora per otium promittens: sed & *Romano-Germanicus Casarea Maiestatis Splendor nebulosum* Cassani *somnium* l. 2. cap. 1. disperfit auctore G. V. H. equite Germano, asseruitque Nationi Germanicæ Imperatoriam dignitatem, narrantur etiam Cassani Somnia prodijisse generalius, sed videre mihi hæctenus non obtigit. Verum Vernulæus spero aliquando, vel alius pro cæteris Principum ditionibus idem præstare, & Cassani errores propius detegere operæ-premium putabit: si etiam stulto suadeamur respondere secundum stultitiam suam, ne sibi sapiens videatur, ne alijs debilibus ingenijs fucum faciat, ne nimium creduli non vera, sed pro veris admittant affabrè concinnata. nam me plura persequi alienum esset ab hoc instituto, siue defendendo quæ Rex Catholicus possidet; siue vendicando illa, quorum possessio aliquando subtracta est: multo illa magis, quæ ad externos Principes pertinent: etiam Britannia minor, domus Valesiæ hæredium, vltimo à Regina Margareta Valesia, cui Henricus IV. repudium miserat, possessum, eaque sine liberis desinente ad Principem Isabellam ex Henrici II. filia progenitam, à qua maritoque Alberto Pio Ludouico XIII. apud Senatores Parisienses lis dictata est; & per huius itidem improlis ad Principes Sabaudos sororis illius natu minoris liberos deuolutum: minimè vero Pictauiam, Aquitaniam, Normandiam, peruetus Anglicorum Regum patrimonium, aliaque: quæ si ad iuris Cassani regu-

regulas excutiantur, non ritè Coronæ Francicæ inserta dicentur: quibus etsi Angli, alijue felicioribus quàm iustis armis, vel à magicis etiam puellis sine exuti, Cassani regulæ, fortuna benignius ridente, armatam repetitionem permittunt, contemptumque fæderum, quæ ex Ordinum Anglicorum assensu inita non fuerint: qualem Cassanus intra proximam annorum miriadem non produxerit: minime vero gentium annulos, sigilla Pharamundi, vt suprâ diximus, dictatorumque legis Salicæ, appensa tabulis, quæ in controuersia Eduardi Regis Angliæ aduersus Philippum Valesium producenda recognoscendaque erant; qua totum Francorum regnum postulabatur. quæ Anglis in suo otio relinqueimus; nobis iam tempus imperat fœderum, quibus contentiones aliquando sopitæ fuerunt, firmitudinem libro proximo examinatum vt eamus;



LIBRI

LIBRI SECVNDI

CAPVT I.

De fœderum obseruantia.

Proposuius enim initio dicere de Pacis fœderumque vinculo, debitaque in regalibus controuersijs obseruantia. Ea in re eximia est decretalis Innocentij III. Epistola ad omnes Franciæ Prælatos olim missa ad pacem inter Franciæ Angliæque Reges iuratam ritè seruandam. *relata in c. nouit X. de iudicijs eam*, quia singulariter ad rem præsentem facit, extensè recitabimus cum supplementis, vt in Codice Iuris Canonici per ipsum Gregoriũ XIII. edito habetur. *Innoc. P. P. III. Prælati per Franciam constituti, nouit ille, qui nihil ignorat, qui scrutator cordium est, ac conscius secretorum, quod charissimum in Christo filium nostrum Philippum Regem Francorum Illustrẽ, de corde puro, & conscientia bona, & fide non ficta diligimus, & ad honorem, & profectum, & incrementum ipsius efficaciter aspiramus; exaltationem regni Francorum sublimationem Apostolica Sedis, reputantes: cum hoc regnum benedictum à Deo semper, in ipsius deuotione permanferit, & ab eius deuotione nullo umquam, sicut credimus, tempore sit discessurum. quia licet interdum hinc inde fiant immissiones per angelos malos, nos tamen, qui sathana non ignoramus astutias, circumuentiones ipsius studebimus evitare, credentes quod idem Rex illius seduci fallacijs non se permittet. Non putet aliquis quod iurisdictionem illustris Regis Francorum perturbare, aut minuere intendamus, cum ipse iurisdictionem nostram, nec velit, nec debeat impedire, sed cum Dominus dicat in*
Euan-

Exangelio, si peccauerit in te frater tuus, vade & corripe eum inter te & ipsum solum, si te audierit. lucratus eris fratrem tuum, si te non audierit, adhibe tecum unum vel duos, ut in ore duorum vel trium testium stet omne verbum, quod si non audierit, dic Ecclesia; si autem Ecclesiam non audierit, sit tibi sicut ethnicus & publicanus: & Rex Anglia sit paratus sufficienter ostendere, quod Rex Francorum peccat in ipsum, & ipse circa eum in corruptione processit secundum regulam euangelicam, & tandem quia nullo modo profecit, dixit Ecclesia; quomodo nos, qui sumus ad regimen vniuersalis Ecclesie superna dispositione vocati, mandatum diuinum possumus non exaudire, ut non procedamus secundum formam ipsius: nisi forsitan ipse coram nobis vel legato nostro sufficientem in contrarium rationem ostendat. non enim intendimus iudicare de feudo, cuius ad ipsum spectat iudicium, nisi fortè iure communi per speciale priuilegium vel contrariam consuetudinem aliquid sit detractum, sed decernere de peccato, cuius ad nos pertinet sine dubitatione censura, quam in quemlibet exercere possumus & debemus. Non igitur iniuriosum sibi debet regia dignitas reputare, si super hoc Apostolico iudicio se committat, cum Valentinianus inclytus Imperator suffraganeis Mediolanensis Ecclesie dixisse legatur: talem in Pontificali Sede constituere procuretis, cui & nos qui gubernamus Imperium sincerè nostra capita submittamus, & eius monita (cum tamquam homines deliquerimus) suscipiamus necessario, velut medicamenta curantis, nec sic illud humillimum omittamus quod Theodosius statuit Imperator, & Carolus innouauit, de cuius genere Rex ipse noscitur descendisse, quicumque videlicet litem habens siue petitor fuerit, siue reus, siue in initio litis, vel decursis temporum curriculis, siue cum negotium peroratur, siue cum iam caperit promi sententia, si iudicium elegerit sacrosancta Sedis antistitis illico sine aliqua dubitatione (etiam si pars alia refragetur) ad Episcoporum iudicium cum sermone litigantium dirigatur: cum enim

enim non humana constitutioni, sed diuina potius innit-
 tamur, quia potestas nostra non est ex homine, sed ex
 Deo, nullus qui sit sana mentis ignorat, quin ad officium
 nostrum spectet de quocumque peccato mortali corripere
 quemlibet Christianum, & si correctionem contempserit
 per distractionem Ecclesiasticam coercere. Quod enim de-
 beamus corripere, & possumus ex utriusque patet pagi-
 na testamenti. Cum clamet Dominus per prophetam:
 clama ne cesses, quasi tuba exalta vocem tuam, & an-
 nuncia populo meo scelera eorum, & subiungat ibid:
 nisi annunciaueris impio impietatem suam, ipse in ini-
 quitate quam operatus est morietur, sanguinem au-
 tem eius de manu tua requiram. Apostolus quoque nos
 monet corripere inquietos, & alibi dicit idem: argue;
 obsecra, increpa in omni patientia & doctrina. quod
 autem possimus & debeamus coercere, patet ex eo quod
 dicit Dominus ad Prophetam, qui fuit de sacerdotibus
 Anathot: ecce constitui te super gentes & regna, ut
 euellas & destruas, & dissipas, & adifies, & plan-
 tes; constat verò quod euellendum, destruendum &
 dissipandum est omne mortale peccatum. prater ea cum
 Dominus clauis regni calorū B. Petro Apostolo tradi-
 dit; dixit ei quodcumque ligaueris super terram, erit
 ligatum & in calis, & quodcumque solueris super ter-
 ram, erit solutum & in calis. Verum nullus dubitat
 quin omnis mortaliter peccans apud Deum sit liga-
 tus. Vt ergo Petrus diuinum iudicium imitetur ligare
 debet in terris, quos ligatos constat in calis. sed forsā
 dicetur quòd aliter cum Regibus & aliter cum alijs est a-
 gendum, ceterum scriptum notimus in lege diuina, ita ma-
 gnū iudicabis ut paruum, nec erit apud te acceptio perso-
 narum. Quam B. Iacobus interuenire testatur, si dixeris ei
 qui indutus est veste præclara: tu sede hic benè, pauperi
 verò, sta tu illic, aut sede sub scabello pedum meorum. Licet
 autem hoc modo procedere valeamus super quolibet crimi-
 nali peccato, ut peccatorem renocemus à vitio ad virtutem,

ab

ab errore ad veritatem, præcipue cum contra pacem peccatur, qua est vinculum charitatis, postremo cum inter reges ipsos reformatæ fuerint pacis fœdera, & utrumque præstito proprio iuramento firmata: qua tamen usque ad tempus prætaxatum seruata non fuerint, numquid non poterimus de iuramenti religione cognoscere, quod ad iudicium Ecclesiæ non est dubium pertinere, ut rupta pacis fœdera refoventur? ne ergo tantam discordiam videamur sub dissimulatione fouere, prædicto legato dedimus in præceptis, ut (nisi Rex ipse vel solidam pacem cum prædicto Rege reformet, vel saltem humiliter patiatur ut idem Abbas & Archiepisc. Bituricensis de plano cognoscant, utrum iusta sit querimonia, quam contra eum proponit coram Ecclesiâ Rex Anglorum, vel eius exceptio sit legitima, quam contra eum per suas nobis literas duxit exprimendam) iuxta formam sibi datam à nobis procedere non omittat. Ideoque vniuersis vobis per Apostolica scripta mandamus, & in virtute obedientiæ præcipimus, quatenus postquam idem Abbas super hoc mandatum fuerit Apostolicum executus, sententiam eius; imò nostram verius recipiatis humiliter, & faciatis ab alijs obseruari, pro certo scituri quod si secus egeritis, inobedientiam vestram grauiter puniemus. Bellum ergo exstiterat inter Franciæ & Angliæ Reges, pax coaluerat, iuramento roborata erat: Rex Angliæ quærebat pacem infringi à Rege Franciæ, ille Anglum dicebat vassallum esse, feudi iure acta sua subniti: at Anglus non de feudi lege iam disputari, sed de pacis vinculo, fidem promissorum exposci; interponit se Pontifex, inquiri iubet an Euangelica Regis Angliæ denunciatio veritate nitatur; an iusta aduersus denunciata Regi Franciæ competat exceptio: sin minus, & ille denunciata reddiderit probata; Rex Franciæ solidam pacem cum Rege Angliæ reformet; aut aduersus eum agatur iuxta præceptum Euangelij, delegatorumque sententia recipiatur, ab omnibus obseruari curetur.

Cau

Causam belli glossa, Panormitanus, alijque *d. c. no-*
nit, aiunt fuisse Comitatum Pictaviensem; Chassanzus
ad consuet. Burgund. R. 3. de fiefs §. 5. plenius refert S.
Guilielmus ex se, inquit, erat Comes Pictaviensis, & ex
 eius uxore tenebat Ducatum Aquitania, ex qua habuit
 filiam, qua nominata fuit Domina Aleënor, & copulata
 fuit matrimonio Ludouico VII. filio Ludouici le Gros Re-
 gis Francorum, & postmodum repudio inter eos habito,
 fuit copulata matrimonio Henrico filio Regis Anglia, qui
 postmodum fuit rex Anglia, & Dux Normannia, & per
 eius uxorem fuit Dux Aquitania, & pretendebat Comi-
 tatum Pictaviensem, sed dictus Ludovicus VII. filius Lu-
 douici Grossi obtinuit pradiatum Comitatum; ratione cu-
 ius & repudij supradicti initium guerrarum inter Fran-
 cos & Anglos processit. Nangius refert ad annum 1204.
 noluisse Anglum hominum præstare: Auctarium Aqu-
 incinctinum à Miræo editum cum Chronico Sigiberti,
 Ioannes Rex Anglorum, inquit, destruxit castella Vilcassini
 pagi, Gifortium scilicet & alia, unde tota guerra iam per
 multos annos inter utriusque regni Reges fuit exagitata.
 feudalis ergo quæstio erat, siue de iure successionis, siue
 de obsequijs vasalli, siue de nimis munitis locis, adeoque
 suspectis, inuito Domino non habendis, & quæ ergo
 Franciæ Rex præsidij suis tradi vel destrui iusserat, & rex
 Angliæ tergiuersatus: eaque erat à Paribus Curiaë cogno-
 scenda: sed in bellum itum erat, & pax exinde compo-
 sita, & iuramento vallata. *Fædus*, inquit Mariana, in histo-
 ria Hispania l. 11. c. 21. magis necessarium, quam honestum
 Anglis, ex quo à Francis capta paulo ante urbes eis relicta,
 ea tantum lege ut Blanca Alphonsi Castella Regis filia Lu-
 douico Philippi Regis Gallia filio nuberet nulla alia dote:
 ea scilicet honestatis species obtendebatur: quod Ioannis
 (Regis Angliæ) sorore genita esset. Andes ex fœdere Anglis
 dati, Imperij Anglicani maiestatem eo fœdere imminu-
 tam, non obscure dolebant Angli, prorsus ut Regem in An-
 gliam traiicientem malignis oculis intuerentur, neque ur-
 bes

*Res ineunti faustis vocibus, ut fieri solet, acclamarent: ita Mariana: non festiuos ignes struerent, non fœdera facto, in vicem suffragij, probarent. & tamen Philippus paulo post Normandiam inuasit, Rothomagum obsedit, totamque ditionem ad corpus regni reduxit, post 292. annos, quo Carolus Simplex illam cum filia in dotem dedit primo Duci Normannorum, ut ait Naugiacus. Philippus siquidem nouum Regem euertere parabat, ut testatur Mariana, & bellum maiori mole coortum, discordiæque flamma Galliam vniuersam æstuasce, d. c. 21. & 22. Anglosque Francorum armis petitos, rupto, inquit, l. 12. c. 3. per iniuriam fœdere, quod inter utramque gentem fœbat, de Aquitanix etiam Imperio periclitatos. Rex Francia, inquit Gloss. d. c. nouit non obstante iuramento venit contra illam compositionem, & occupauit Comitatum Pictauiensem. Rex ergo Angliæ viribus bellicis impar ad sacram anchoram confugit, Sedem Apostolicam, ex qua Innocentius III. detonuit, Legatos, inquit Bzouius in *Annal. Eccles. ad an. 1199. ad conciliandum Regem Gallorum cum Anglorum Rege mittens, eos ad concordiam ineundam sub censuris Ecclesiasticis compelli precepit: iuramentum, pacemque seruari. Sæpè religiosè inter Principes conciliata fœdera sinistris consilijs à timore Dei, & iuramenti religione alienis, perfide infringuntur. Videamus igitur argumenta, quibus huiusmodi infractio solet palliari.**

CAPVT II.

An aliqua excellentia, merita, & tituli Regum Francicorum huiusmodi Pontificio mandato, fœderibusue ob stare possint?

TRibuit Innocentij decretalis, quam recitauimus, (quà regnum illud benedictum à Deo, in illiusque deuotione permanens prædicatur, & quà monet ex lege

lege diuina ita magnum iudicabis vt paruum , non erit apud te acceptio personarum) causam, vt indagemus, an contractis fœderibus , alijue gentium iuri obsit, quàm Arroyius longis dissertationibus, Cassanus l. 1. c. 1. p. 2. ac alibi breuioribus , alijue nonnumquam Franci buccinant, excellentia aliqua Regis Franciæ? Reprehendi non potest, quam Deus indidit, natura simiarum, vt præ cæteris animalibus catulis suis delectentur, susque deque versent eos, & strictè nimium amplexentur, vnde natum illud *suum cuique pulchrum*. inuidere non possum, quod Franci Reges suos præ reliquis efferant, encomia, merita, titulos in cælum tollant: adeo vt vix aliqua diuulgetur dissertatio, quin ex illis in scenam aliqua producantur. & venia quidem danda est, cum parergos, vt in comedijs solent ludicræ quædam personæ interloqui, ad fallendum spectatorum tædium, ea dicunt: sed tolerari non potest, vt aliquid huiusmodi fulcris stabilatur, quod nec cælo nec terra cohæreat: vt si disputetur de regnorum iure, de successionum iustitia, de armorum æquitate, huiusmodi paleæ misceantur. & tamen Arroyius alijue nonnulli scriptis suis non inspergunt tantum hæc, vt flosculos, sed etiam argumentorum suorum partes faciunt. qua de re nihil lubet iam dicere, plus satis executus id est Alexander Patricius Armacanus in *Marte Gallico totis 28. primis capitibus* l. 1. vbi luculenter differit Clodouæum delibutum fuisse vnctione baptismi tantum, non regia (etsi in testamento D. Remigij, quod refert Miræus in *Cod. donat. piar. c. 1.* hæc verba legimus *per eiusdem sacri chrismatis vnctionem ordinato in Regem*) vnctionem Regum spiritualem esse cæremoniam, non imprimere characterem, iteratam in pluribus fuisse, Reginis etiam tributam, non tribuere summam potestatem, sed alias quasdam prærogatiuas spirituales, plerisque regibus Christiani Orbis esse vsitatam (prout c. 1. X. de *sacr. vnt.* de Regibus generaliter loquitur) priscos Gothorum Reges ante mille annos vnctos fuisse

fuisse, adeoque ante omnes Reges orbis Christiani: Pipinum I. Regem Francorum inunctum fuisse; oleum cælitus allatum non tribuere maiorem potestatis eminentiam, quam ab Ecclesia sanctificatum; sed neque strumarum sanationem: quæ & recens est, neque titulum Christianissimi; nec sacerdotium: titulum illum gesta Clodouæi non peperisse, non Clotharij, vel Cloduardi, non Dagoberti, & Lotharij, aut Ludouici V. non Philippi Pulchri: non significasse prærogatiuam honoris apud eos, qui primo eo vocabulo sunt vsi aliquot sæculis: antequam eum Pontifices Romani Galliæ Regibus tribuissent, Hispaniæ Regibus vñtatum, debitumque fuisse: quibus & Catholici concessum, & antiquitus tributum; nec non orthodoxi, eosque gestis suis Hispanos pridem meruisse: ad hæc vltima vsque sæcula, quibus postremas etiam paganorum reliquias toto orbe Hispanico pepulerunt, fidemque Christianam ad vtrosque Indos prouexerunt; in Chynas, aliasque Orientis ignotas ante prouincias, in orbem nouum Americanum intulerunt, aduersus hæreses vbicumque terrarum defensorunt, vnde & religiosissimi & gloriosissimi titulum antiqua possessione, nouoque iure sint adepti: mihi tantum illud proposui, vt ex decretali Innocentij monerem nullam Francis tantam esse prærogatiuam à Deo, natura, aut Pontificibus tributam, quæ Dei, naturæ, aut gentium iura soluat, pactis, fæderibus vim suam auferat, bella illis iusta faciat, quæ, ab alijs eodem titulo suscepta, sint iniusta: vbi de iure, iustitia, iudicio agitur, nullam inter illos ac alios cadere acceptionem personarum, manere diuinæ iustitiæ regulam *ita paruum iudicabis, vt magnum*, manere ex iure gentium reciproca pactorum vincula: quibus nec Deus ipse solutum se facit: *quæ procedunt de labijs meis non faciam irrita. Psal. 88.* Et ne olim Rex Franciæ faceret, coëgit hæc decretalis. sed neque Rex ipse Regum & Dominus dominantium ex sua supremirate & prærogatiuarum

H

om-

omnium immensitate rerum iustitiam diiudicat : sed cum sit iustus, inquit Sap. 12. *iuste omnia disponis. Ipsum quoque qui non debet puniri, condemnare exterum aestimas à virtute tua. Virtus enim tua iustitia initium est.* Exterum erit ergo à virtute, à iustitia Regis Franciæ ex personalibus suis dotibus & privilegijs rerum iustitiam inuicere, aliena postulare.

C A P V T I I I.

De pacto pacis.

Inter summas maiestatis notas refertur arbitrium belli & pacis : vt nec illud decerni , nec hæc confici possit , nisi ab eo penes quem esset summa reipublicæ. *c. quid culpatur 23. q. 1. c. Dominus 29. q. 2.* quapropter qui bellum abter suscipit maiestatem lædit, l. 3. D. *ad leg. Iul. maiest.* & ex contrariorum disciplina , pax inita citra eius , penes quem est summa rerum, auctoritatem, nullius est momenti. adeoque cum penes populum Romæ summa esset auctoritas, *Senatus*, inquit Salustius, *vti par erat, decreuit suo atque populi iniussu nullum fieri potuisse fœdus.* ecce ius Romanum , quo non sibi domi vivebant tantum , sed vt iure gentium vtebantur. sic & ipse Posthumius in Oratione in Senatu habita, *iniussu*, inquit, *populi nego quidquam sanciri posse, quod populum teneat.* causam addit; *hosti nihil spondidistis, ciuem neminem pro vobis spondere iussistis, nihil ergo vobis nec nobiscum est, quibus nihil mandastis, nec cum Samnitibus, cum quibus nihil egistis.* Neque enim, tametsi cuiquam bellum gerendum demandetur etiam cum generali potestate, & libera, ea quæ sunt summæ auctoritatis comprehensa verbis generalibus censentur ; sed ei in signum supremæ potestatis, reseruata, penes quem est rerum summa.

c. quod

c. quod translatione X. de off. leg. l. 1. D. de off. eius cui mand. iuris c. unic. qua sint regal. & ideo idem Posthumius, ne illud quidem, inquit, quod quosdam forsitan moveat, refert, Consul, an dictator, an prator spoponderit. Magna tamen erat Romæ Consulum, & libera dictatorum potestas. dictator, inquit Liuius, l. 4. creatus est, aduersus cuius vim tribuni plebis, aut ipsa plebs ne attollere quidem oculos, aut hiscere audebat. sic rescissa est pax Caudina, & quæ cum Fugurtha, cum Brenno, aliisque iniussu populi, Dictatorisue facta erat; aliæque apud Liuium, aliosque, sic Plato censuit apud Plutarchum in vita Catonis Uticensis, & Iulij Caesaris reuocandum exercitum, & Cæsarem hostibus dedendum, quod iniussu populi bellum in Gallia gereret. Sed postquam populus omne Imperium, potestatemque Principi lege Regia detulit, l. 1. D. de constit. princ. hoc belli pacisque arbitrium est penes solum Principem, d. l. 3. D. ad leg. Iul. Maiest. d. c. quid culpatur. 23. qu. 1. ille solus pacem facit, Gentil. diss. de union. Britann. Gudelin. de pace cap. 7. Vasquez illust. quæst. qu. 7. 23. nec ab eo auelli potest. Latè Bodinus de repub. cap. 1. l. ultim. atque eo spectat quod populus Regem, à Samuele postulans, l. 1. Reg. cap. 8. constitue, inquit, nobis Regem, ut iudicet nos, sicut & uniuersa habent nationes: & infra, Rex erit super nos, & erimus nos quoque sicut omnes gentes, & iudicabit nos Rex noster, & egredietur ante nos, & pugnabit bella nostra, pro nobis: ecce, quasi gentium omnium iure, sacra historia belli, pacisque Iura regibus detulit, nec minus historiæ omnium temporum, nostrique præsertim sæculi vsus regibus eam comperere potestatem contestantur, nec ipsi porro Galli negauerint.

CAPVT IV.

De pace, quæ partem regni hosti tribuit.

SEd hoc in controuersiam vocant, cum rebus suis conuenire existimant, an Rex ea lege pacem possit componere, vt pars aliqua regni hosti cedat? negant eam Regi esse potestatem, legibus regni fundamentalibus prohiberi, vsufructuarium hic tantum esse contendunt, vti debere salua rei substantia, vt maritum dotis dominum, restrictum ne alienet, iureiurando obstringi ne regnum minuat, aliaque id genus. & Cassanus *recherche l. 2. c. 2. pag. 41.* regni Arelatensis supremitatem an 1330. Philippo Valensio Regi Franciæ venditam ab Henrico Imperatore eo potissimum puncto factam rectam seruari posse contendit, quod Ordines Imperij consenserint. *In omnibus, inquit, regnis consensus Ordinum auctoritatem præstat venditionibus & alienationibus rerum Dominicalium: ideoque tractatus Madrilienfis dissolutus fuit, quod non interuenisset Ordinum Francia consensus: & hac consuetudo obseruatur, in omnibus alijs Europa regnis, & notabiliter in Germaniæ & Polonia. & infra: nec posset venditio supremitatis regni Arelatensis magis esse valida, eo quod pro necessitate & conseruatione Imperij sit facta. cum consensu & approbatione Generalium Statuum: in quibus consistit Principalis potestas, & auctoritas Souerana.* ita ille, an sanè ita sentiant alij Franci de hac causa, induci non possum vt credam; sanè non ita Albericus Gentil. *tot. disp. de potest. reg. absolut. & disputat. de union Mag. Britann.* omnem Franci etiam supremitatem non penes populum aut regni Ordines esse existimant, sed penes ipsum Regem, & quidem iure ensis sui, non populi concessione. vnde alias cum patronus quidam clientis causam in Cū-

ria

tia Parisiensi peroraret , & per transennam legem Regiam allegaret, qua populus ei , & cum in potestatem regiam transtulisset , surgente ex templo Regio procuratore , & obstrepente Regem non beneficio populi , sed maiorum virtute , successionequē regnum possidere, Curia patrono illi silentium, imposuisse dicitur , *Bodin. l. 6. c. 5. de Rep.* quod vt de primis Francorum regibus recipiatur, de secunda & tertia linea dici nequit : nam Senatusconsulto Regni Pipinus & Capetus assumti sunt, quamuis Pipino & auctoritas & sacratio Pontificia accesserit. sed, vtut id sit, non credam Cassanum, aliosque aduocatos Regios, cum Regum Francicorum gratia, dicturos , supremiorem regni penes populum , penes Ordines esse : eaque de causa, vt consules, aliosve belli Duces Romanos, iniussu Senatus populi que pacem, aut fœdus inire non posse , quo res Regiæ minuantur. nam & hoc est quod dictator Camillus apud Liuium *d. 1. l. 5.* negat pactionem, à Senatu populoque Romano quamuis factam, de redimendo Capitolio mille auri pondo ratam esse , *qua postquam*, inquit , *ipse dictator creatus esset, ab inferioris iuris magistratu facta esset.* vt huiusmodi pactiones iure negari nequeant ijs competere, qui non habeant alium superiorem. dicendumque ideo est, quod quidquid apud Romanos olim potuerit Populus, potuisse deinde Imperatores, & in Francia Reges: aliunde ergo quærendam causam cur non possint.

CAPVT V.

An obstant regni leges fundamentales ?

Leges Salicas, vt aliquas esse , & veras demus, nullas tamen in ijs esse inuenias, quæ de regnis loquantur, sed *de terra* quidem & *hereditate* , qua & ipse Cuiacius allodium significari interpretatur : neque reperiās regni

partisve alienationem prohibitam, sed *ut de terra Salica mulier nullam partem habeat, sed ut tota hereditas ad filios pertineat.* quod de allodiali hereditate decretum & quasi quod in priuatis placuit, ad publicam regni successionem administrationemque pertineat, ut quod in membris iustum æquum visum est, in capite non displiceat; & quod in feudis seruandum vasallis proponitur, à Domino principali non reijciatur) existimare licet Ordines Franciæ mouisse maximè cum Philippo Valesio regnum detulerunt consanguineo ex stirpe mascula remotiori, reiecto Eduardo Rege Angliæ stirpe fæminina proximo. quamuis alias in regni successione, partitione, & administratione non idem seruatum fuerit, quod in re priuata. & eam regulam in regnis cessare bene tradit Gudelin. *de feud. c.3. p.3. n.15.* quod in prima Regum Francicorum, & secunda linea, ut ipsemet fatetur Cassanus *Recherch. l.2.c.1.p.2.* pro arbitrato suo Reges regna diuiserint inter filios summo vbique iure imperantes, filiabus etiam partes in dotem dederint, pacti sint, transigerint, Normannis alijsque prouincias pro Sedibus dederint, alijsque pacis fœderibus diuersimodè diluxerint, diminuerintue : prout temporum ratio exigebat pluribus infra demonstrabimus. Id nunc negamus, vllas esse fundamentales regni Francici leges, quæ disertè populi iniussu pacem fieri vetent, qua aliquid ex regno hosti cedat, præsertim dum cogit necessitas, quæ nullam patitur legem. & quamuis ergo Cassanus *l.2.c.5.p.155.* id ad leges Salicas referat, negamus esse vllam in ijs mentionem.

Nec vero, si qua Regum edicta nuperis sæculis super domanijs ritè adinistrandis, recuperandis, incorporandis quippiam ordinant, non leges regni fundamentales illæ vocantur, neque Regibus ipsis illa auctoritatem, vel vim regni auferunt, aut ad Ordines transferunt, sed ministris tantum præcepta figunt, iuxta quæ domi iudicent & administrent; sed & illis est permixtum de domanio quid

quid alienare. *ut latius Le Bret de la souveraineté* l. 3. c. 1. ut ad ædes votivas ob victoriam struendas, dotandas, liberis Regijs providendum, ad regem captivum redimendum, merita in regnum compensanda, similibusque de causis, ut illas edictum 1562. complectitur. quinimo etsi daremus leges esse fundamentales, quæ Francis Regibus adimant minuendi regni potestatem, tamen sicut in eadem repub. res priuatæ cedunt publico bono: in concursu iuris civilis Francici cum iure gentium hoc præ illo valeret: adeo ut nec Reges contra ius gentium statuere quicquam possint. *Azor. Inst. Moral. p. 2. l. 11. c. 4. q. 5.* & edicta tantum in sphaera regni sui ligarent, non cum inter se Reges contrahunt, aut colliduntur. *ut diximus supral. l. c. 10.* adeoque obtineret, quod iure belli captum ex regno fiat capientis: quod iure pacis, quæ bellum necessario redimitur cessum, fiat eius cui est cessum, nisi non summa rerum potestasque apud pacifcentem, sed Populum, Ordines, aut optimates fuerit, quo casu nec gentium iure pacta eorum valent, quibus paciscendi ius potestasque abest: igitur aliunde rursus quærendum est, quid obstitat.

CAPUT VI.

An leges communes id vetent?

Descendendum igitur est ad leges communes, easque quas consuetudinem vocat omnium Europæ regnorum Cassianus: *ubi supra*, aut si lubet ex ipsa prius lege Regia, qua populus in Vespasianum potestatem omnem contulit, *uti scilicet quacumque ex usu reip. maiestate diuinarum, humanarum, publicarum, priuatarumque rerum esse censebit, ei (Vespasiano) agere, facere, ius potestasve sit: uti Augusto fuit.* ita hanc referre dixi in *ind. l. 4. c. 4. n. 2.* Betoldum ex ænea tabula, ius ergo regium,

H 4

potc-

potestasque est agendi, paciscendique, quæ ex usu maiestateve reip. esse censebit: potestas ei defertur simul & censura: olim si consules alijve belli Duces de pace pacificabantur, clausula inferebatur, *ita id ratum fore, si populus censuisset*: ita Liuius refert insertum fœderi a Romanis ic̃to cum Aladrubale, atque alias, censura ergo hæc Vespasiano etiam lege regia delata est, non populo iam amplius reseruata. quin & idem Besoldus *disp. de fœd. iur. c. 3.* ait, Sc̃um. de imperio Vespasiani factũ, quod Roma, inquit, in Capitolio extat, & à D. Grutero inter inscriptiones totius orbis relatum fuit, *expressè potestatem fœdera contrahendi Imperatori confert, fœdus cum quibus uolet facere liceat, uti licuit dino Augusto.* unde ut olim fœderibus inferebatur, ita illa rata fore si Populus censuisset; ita illud deinde arbitrium, ad Imperatorem delatum est. hinc illud Taciti 15. *Ann. donec referantur literæ Neronis, an paci annueret.* Sed ut potestas omnis à Deo est ordinata, ita in ædificationem non in destructionem instituta D. Paulus 2. *Cor. c. 13.* Reges ergo & censuram ut viri boni, l. 75. *de leg. 1.* & potestatem habent, ut iusti; ad regna seruanda, conditionemque eorum meliorem, non deteriorem reddendam, pro lubitu quidem & arbitrato, ne illa imminuant: sed si dura necessitas, ut illa seruentur, minui compulerit, ius, potestas, censura, Regibus competit: dum non nisi, ut boni medici, vrunt & secant, dum omnia alia remedia sunt, desperata, & ipse Cassianus, *d. l. 2. c. 2. p. 2. p. 42.* ac alibi: *ut hic infra* alienationem admittit ex necessitate, & pro Imperij conseruatione, ad modum quo res pupillorum, ciuitatum, & Rerum-publicarum alienari possunt. *iuxta l. ult. de reb. ciuit. C. l. 11. l. rempublicam C. de iur. reip. l. si secundum C. eod.* utique cum curatorum auctoritate, decreto præsidum, ex necessitate, & quandoque ex euidenti necessitate: *tot. tit. D. & C. de reb. eor. qui sub tutela vel curatela sunt sine decret. non alienand. tot. tit. X. & in 6. de reb. Eccles. non alien.* Sed tamen non parum interest

terest inter huiusmodi alienationes, & regni administrationem. quippe illa semper tutorum auctoritatem, praesidiumve decretum, ut superiorum, respicit, cuius ius, potestas, censura apud regem tota est. ita legum regiarum scientissimus Salomon Hiran dedit 20. oppida. 3. Reg. c. 9. utique ob ligna in utilitatem reip. seu templi structuram tradita, Rex autem Iudæis dari postulatus fuit, ut habebant ceteræ nationes: 1. Reg. c. 8. & 10. si ergo id Salomoni licuit iure Regio; & aliarum nationum licuit. Ad quid, ergo inquires, Ordinum consensus efflagitur aliquando? Ad quid illum etiam non quidem exegit Carolus V. sed obtulit Franciscus I. in tractatu Madriliensi? utique declarationis causa, ut ex viri boni iudicio censura potestasque exercita videretur, atque ex usu, necessitateve reip. ut quæ in alterius arbitrium conferri solent, in boni viri conscientiam relata iure censentur; faciliusque adeo seruetur quod ab omnibus probatum est: ad vitandam denique calumniam, ne populus atque Ordines, quibus iuramentum de non minuendo regno praestitum est, in illud impegisse regem existiment. Id quidem nemo iuerit inficias, nulla iusta causa Reges regna dilapidare non posse, ut in facta fuisset Neronis prodigalitas cuncta vectigalia tollere, idque donum generi mortalium dare volentis; cui refragatus est utique senatus, inquires dissolutionem imperij futuram, si fructus, quibus resp. sustinetur, diminuantur. quippe sublatis portorijs, sequens ut tributorum abolitio expostularetur: Imperium autem sine vectigalibus retineri nullo modo potest, neque quies gentium sine armis, neque arma sine stipendijs, neque stipendia sine tributis haberi queunt. huiusmodi sane alienationes irritæ sunt ubique gentium. effuderat Nero bis & vices mille sestertium, Galba appellari singulos iussit, decima parte liberalitatis apud quemque relicta, *iustissimum*, inquit Tacitus, *fuit, hoc inde repeti, unde inopia causæ erat.* Alexandro, apud Lamprid. *dies numquam transijt,*

H-5

quin

quin aliquid mansuetum, ciuile, pium faceret: sed ita ut ararium non euenteret. Hæc utique regula proborum est Principum, cum necessitas non aliud exprimit. Cæterum omnino statuendum est, (quamquam liberiorem multi Iuricons. primæque classis facultatem faciant, ut quos citat Vasquez illust. controuerf. c. 3. 4. 5. 6. tamen) tum saltem posse Regem pacem pangentem regni partem cedere, si iniqua sors iubeat, quæ vel ideo dicenda sunt, quod pacem pagentes, pro se, subditis, ac ditionibus paciscuntur super bello, re ipsa, ne quis deinceps ex eo quidquam petat, adeoque. quidquid vtrunque bello quæsitum est, quærentibus manet, nisi expressè secus cautum sit: titulus enim pacis hostilitatem deinceps tollit, non effectus belli præteritos irritat, nisi pactis ut dictum est expressum sit: adeoque, quas quisque vrbes aut loca bello capta obtinet, eadem retinet, nisi pactis restitutio sit addicta. *Grot. de bell. iur. l. 3. c. 9. n. 4.* ideoque nec ipse nec successor aliquis aduersus pacta illa petere potest, nec quæ belli titulo iam capta habentur, auferri vllatenus possunt, etiam pace solum pacta, hostilitateque prohibita, nam pacis substantia in eo consistit. Sane Posthumius apud Liuium non dicit cum distinctione Consules pacem componere potuisse, sed non eam qua pars reip. alienaretur, sed ab euidentiori tantum ita argumentatur, *quid si spondidissemus urbem hanc relicturum populum Rom.? si incensurum, si magistratus, si leges non habiturum?* pacis pactio ergo qualiscumque Consulibus erat inhibita, Populo reseruata; post Imperatoribus Regibusue omnem Populi potestatem lege Regia uactis permissa. nam alias argumentum Posthumij erat absurdum; pacisci Consuli non licet, ut vrbs deferatur, ergo nullam pacem pacisci potest, nisi omnis omnino Pax Populo reseruata fuisset æqualiter. In ijs porro quæ bello capta non sunt, bellatores considerandi sunt, ut in priuatis causis litigantes: atqui tutor & curator, cui lubenter Cassianus comparat Principes, quantum

tum ad prouidentiam pupillarem domini loco habetur, l. tutor D. de administ. tutor. quare etsi iusiurandum detulerit, quod instar pacis & transactionis est, ratum id haberi debet: nam & alienare res, & solui ei potest, l. iusiurandum §. si tutor D. de iureiurand. etiam cum fure transigere potest: l. interdum §. qui tutelam D. de furt. quin & propius in administratoribus reipublicæ Imperatores in l. 12. C. de transact. ita rem explicant, *preses prouincia estimabit, utrum de dubia lite transactio inter te & ciuitatis tue administratores facta sit, an ambitiose id quod indubitate deberi posset remissum sit: nam priore casu ratam manere transactionem iubebit: posteriore vero casu nocere ciuitati gratiam non sinet.* Sequuntur omnes scribentes, vt liquidum ambitiosa donatione profunder e eis non liceat, super re dubia transigere mandatae administrationis reip. potestate sit comprehensum: quanto magis Regum & Principum auctoritate continebitur, de re belli verè dubia transigere, qui præsidem non habent superiorem, à quo transigendi decretum debeant postulare? sunt populi, quibus pars in rep. competat, qui Principes habent non vndequaque absolutos, qui & leges Principatus habent, ne sine scito assensuque populi Principes bellum indicere, pacem pangere possint: quibus lege id est ademptum: de his non agimus, sed de ijs quibus id non est exceptum. Lex Francorum nulla profertur, ne hæc Rex non possit: vt vidimus *proximo cap.* communi ergo lege regia competet. præsertim cum & iure feudorum disertè decisum sit feudum compromisso posse alienari, & transactione: l. 2. feud tit. 26. §. si vassallus eod. l. tit. 18. 34. & 46. si vassallus de beneficio suo, inquit, d. §. si vassallus, agat vel conueniatur, siue obtineat, siue non, licet ignorante Domino fiat, omni tempore firmum erit iudicium: nam & transigere rectè poterit. leges porro feudales, tam à Caslano, quam alijs in regalibus quæstionibus quam maximè citantur, si vassallus ergo transigere rectè potest, cum priuatim id ei visum

erit, non id permittetur Domino cum causa publica suadebit? cum periculo resp. eximetur, cum victoris arma sistuntur, cum Rex redimetur, cum iactu rerum aliquarum naus leuata portum assequetur, alioquin peritura? Legem Rhodiam de iactu prudentia & æquitas naturalis inuenit, eaque tanti semper fuit, vt Antonius Imp. Eudæmoni naufragium passo responderit; *Ego quidem mundi Dominus, lex autem maris, lege id Rhodia, qua de rebus nauticis præscripta est, iudicetur.* l. 9. D. ad leg. Rhod. de iact. ergo si nauem reip. tempestas inuaserit, iactus prudenter fieri potest: supra mundi Dominum, legis Rhodiæ æquitas tum hic Domina erit, quæ nec quærit an ex institoris decreto iactus sit factus, sed an ex iactu cæteræ merces saluæ sint. l. 1. & tot. tit. D. eod. vnde & pyratis permissum dare, & datum omnes sarcire debere constitutum est: l. 2. §. si nauis D. eod. anchoras, armamenta, funes præscindere, ne dum his leuandis mora impenditur, classis præternauiget & periculosè sola naus ponè nauiget. *Quintin. VVeysen tractat. teuton. de Auariis seu lege Rhodia argumento l. habitatores §. fin. D. loc.* Quare rectè Cicero, omnino, inquit, de off. l. 1. qui reip. præsumt, duo Platonis præcepta teneant: vnum, vt utilitatem ciuium sic tueantur, vt quicquid agant ad eam referant obliui commodorum suorum: alterum, vt totum corpus reip. curent; ne cum partem aliquam tuentur reliquas deferant. vt enim tutela, sic procuratio reipub. ad utilitatem eorum, qui commissi sunt, non ad eorum quibus commissæ est, gerenda est. ex his ergo præceptis Platonis statuendum est, cum in rem regni est pacisci cum aliqua imminutione, posse id Reges; debere etiam, cum periculum est, ne si præfractè vnâ tueri tenereque velint partem, totum regnum amittant. quod si receptum sit, vt Rex pacem contrahens etiam priuatorum res possit concedere, iniurias illatas, damna data remittere; *Vasquez illust. l. 1. c. 4. Molin. de iust. tit. 2. d. 117. Malder. de iust. de bello d. 6. Duaren. ad l. conuentionum D. de pen. quod*

quod & Trasibulus curauit Athenis fieri, *Valer. l. 4. c. 1.* & Cicero Romæ suasisit, *Philip. 1.* & vbi que passim vsurpatur: *ut diximus in Iud. l. 4. c. 19. num. 9.* quid ni regni partem possit, in quod maius Rex ius habet saltem, quam in res singulorum? & quidem de vrbibus, arcibus, territorijs bello iam captis, non potest rectè quæstio moueri, quia iam iure belli hostium sunt, *tot. rit. D. de captiuit. diximus ibid. num. 10. & l. 4. c. 10. nu. 10. plenius,* atque cum non in hostium ea peruenerunt potestatem, sed prælio victor obuia quæque sternit, vt cætera seruentur, etiam ex nondum occupatis cedi aliquid potest. *Gudelin. de pac. c. 9. Vasq. illust. quæst. c. 4. §. 13.* Varro pulchrè, *digitum præscindi oportet, si ob eam rem gangrena non sit ad brachium ventura.* Quid quod etiam victo Antiocho Victor Scipio terras bello iam captas restituit? *quas, inquit, apud Lium l. 37. pares paribus ferebamus conditiones, easdem nunc victores victus ferimus.* quid quod Scipio bello Carthaginensi confecto *apud Lium d. 3. lib. 10. in fin.* Massanissam ad regnum paternum, Cirtha oppido, & cæteris vrbibus agrisque, quæ ex regno Siphacis in populi Romani potestatem venissent, adiectis donauit? quid, quod Gothis alijsque gentibus sæpius ab Imp. Rom. assignatæ sedes, dati agri, etiam Normannis à Franciæ Regibus? quin etiam veterator ille Tiberius Lentulo Gétulino, qui legionibus Germanicis præerat, multa largitus est, ne quid periculi concitaret: cum ille scripsisset Tiberio, successorem se non aliter quam indicium mortis accepturum, adeoque firmaret velut fœdus, quo Princeps cæterarum rerum potiretur, ipse prouinciain retineret. quæ denique veterum historiæ auorumque annales leguntur, vbi non ad belli finem vrbes, castra, agrique aliqui his abscissi, illis attributi memorentur? *ut l. 5. D. de Iust. & iur. dicuntur* introducta bella, discretæ gentes, condita regna, agris termini positi, idque adeo frequens fuit apud veteres, vt Tacfarinas desertor & prædo ad Tiberium legatos miserit

serit, vt sibi, suoque exercitui sedes in Africa concederet, alioquin nullum bello finem fore: vt refert Tacitus l. 3. additque *non alias magis sua populique contumelia Rom. indoluiffe Casarem, quam quod desertor, & prado hostium more ageret.* In more ergo gentium, iureque consueto erat, sedes peti, darique ab hostibus. Sic apud Liuium d. 1. l. 10. ab Hetruscis Galli sedes petebant: *multa, inquit, de eo consilia populorum Hetruria habita, nec perfici quicquam potuit, non tam quia imminui agrum, quam quia accolae sibi quisque adiungere tam efferata gentis homines horrebat.* Nonne in ipsis Romani Imperij cunabulis Metius Suffetius Albanorum dictator, & Tullius Romanorum Rex solus magna tamen foederis ceremonia apud Liuium l. 1. conuenit, vt Imperium penes eum populum esset, ex quo in duello victores fuissent, Curiatij seu Horatij? & cum fortuna Romanis fauisset, dedit Tullus, accepit Suffetius, mandata, vt iuuentutem in armis haberet? denique per totas Liuij decades, Taciti, aliorumque annales, & historias nihil frequentius, quam foedera pacemque contrahi, quibus vrbes, agrique etiam adimantur, cedantur, donentur à populis quidem, penes quos maiestas, rerumve summa esset, alioquin ab ipsis Regibus solis, suorum iniussu. nec tamen Romani, iuris belli pacisque scientissimi, tam supini fuerunt, vt ignorarent conditionem eorum, quibuscum contraherent, iuxta normam *legib. 16. D. de reg. iur.* Et pro Francis sanè Cassanus probat, vt iustam alienationis causam, sumptus belli, quibus regna recuperentur, conseruationem vitæ, l. 1. c. 5. p. 275. & conseruationem status, & necessitatem regni: l. 2. c. 2. p. 42. l. 1. c. 8. p. 392. l. 2. c. 2. *cum periclitatur,* inquit, *status, tempore belli, cum hostis in visceribus regni est, possunt regni res alienari,* quia vrgens necessitas fortior est lege prohibente. l. 1. c. 1. p. 56. ita Cassanus, cum pro Francis dissertat. quotiescumque vtiliter regni negotium gestum est. adde quæ ex *le Bret supra l. 2. c. 5. diximus,* & vide an Reges in Francia tantilli sint,

sint, & Franciscus I. fuerit tantillum de Francis meritis, ut nihil potuerit remittere ijs fœderibus, quibus vita ei dabatur, & libertas, ac vicissim magnæ ditiones, iuraque remittebantur: quæ pacis Madrilianæ tabulis recensentur.

CAPVT VII.

An iuramentum de non alienando Regibus iusta necessitatis causa coactis refragetur?

IAM ergo de iureiurando videamus, quo Reges Franciæ obstringuntur in sua inauguratione. quod admodum extollit Cassanus l. i. c. i. p. 80. *exuunt se*, inquit, *Reges in sua inauguratione absoluta sua potestate, eamque hic impotentem faciunt*: at id negatur, cum administratio reip. suadet, & c. ult. p. 403. effectum tribuit irritandi alienationem: at vero iuramentum firmat quidem pactorum obligationem, sed ultra huius terminos non extenditur: itaque iuramentum hoc inutiles alienationes cohibet, pactum ut ultra hos non extenditur, ita neque iuramentum: c. pen. X. de iureiur. ubi Tusc. V. iurament. concl. 507. sed & insuper iure decisum est, obligare quidem iurantem, rem autem non afficere iuramentum: c. sicut X. de sponsal. Couar. in c. quamuis de pact. in 6. p. 2. §. 2. n. 2. & seqq. ubi & de casu nostro in terminis. sic qui iurauit non testari, non reuocare testamentum, si quidem testetur reuocetve, & si peieret, valet tamen testamenti factio: post Couar. Guter. de iuram. confirm. l. 2. c. 1. sic in alijs Tusc. V. iuram. concl. 512. 513. 514. sed ut id omittamus, idem Cassanus l. i. c. ult. p. 403. ad virtutem huius iuramenti demonstrandam citat c. intellecto, male intellectum. X. de iureiur. quod explicat Couar. ubi supra, ut alienationes Regis adeo sint irritæ, quod factæ sint in præiudicium regni, non quia iuramento contrariæ

ria. Porro *d.c.* intellecto agit de Rege Hungariæ : sed & conscius esse debet domesticas iuramenti vires maiores non esse, quam sint in alijs regnis. atqui ego in Europa nullum esse existimo, cuius Reges, illud non præstent, par erit ergo omnium conditio, illudque multos titulos impederit, quibus regna ditionesve totæ vel partes in manus aut iura Francorum Regum venisse prætenduntur; aut non magis illud Francicis alienationibus obest, quam alijs, & sanè eo iuramento non obstante in *c. licet X. de voto* Hungariæ Rex grauauerat regnum, successoremve protectione Ierosolymitana, onerosis sumptibus atque expensis; & tamen Innoc. III. summus Pontifex successori filio primogenito scribit, vt illud grauamen subeat, aut regno cedat : iuramentum ergo huiusmodi interpretationem capit ex materia subiecta, obligationem illud intendit, non extendit aut ampliat. *Tusculus. de iuram. conclus* 501. 2. 3. 567. 508. iureq; permessa non excludit. *conc.* 508. sed potius stricti iuris est & restringitur, *c. pen. X. de iureiur.* & *ibi* DD. ideoque quo casu iusta est alienatio regni, ditionis, partisve, iuramentum, nisi aliud tabulis diserte contineatur, non est impedimento; nec verba dubia trahi in eum sensum debent, vt abdicerent suam Regi potestatem : sed ad iuris sensum explicanda sunt. Vnde Prælatus, qui iurauit non alienare res Ecclesiæ, non impeditur eas alienationes facere, quas ius permittit *c. vt sicut in X. de reb. Eccl. non alien.* & *ibi* Panorm. Siluest in *sum. V. Alien. n. 16.* Gutier. de *iur. c. 1.* & *2. in p. 1. c. 52. n. 3.* & in *terminis regijs num. 7.* vt rerum steriliū & exiguarum *c. terrulas 12. q. 2.* in feudum, emphyteusim dari solitarium *c. 2. X. de feud. c. 5. X. de donat. Choppin. de sac. pol. l. 3. t. 7.* similiumue : necessariam denique alienationem, vt censuum redimibiliū *Choppin. de sac. pol. l. 3. t. 6. n. 3 4. 14. 15.* Denique si vserit Ecclesiæ necessitas, vel euidentis vtilitas, *c. dudum de reb. Eccl. non alien. in 6. Tuscul. V. iuram. concl. 508.* Itaque quemadmodum bona Ecclesiæ in redemptionem capti-

captiuorum distrahi possunt, *c. & sacrorum c. sacrorum cum redemt. c. arcum c. gloria* 12. q. 2. & filij vt ingrati exheredari, qui patrem captiuum non redemerint: §. *aliud in Auth. vt cum de appell.* ita non dubitandum si Rex capiat ab hoste, si reip. à periculo redimenda sit, præscindi aliquid de regnis quin liceat Principi, patri patriæ, *de quo Cassanus* l. 2. c. 4. p. 104. laudat illud Senecæ: *Ita remp. Caesar induit, vt seduci alter sine alterius perniciem non possit*; si Princeps ergo, captus perpetuo seduceretur, auertenda est illa reipublicæ perniciēs, & elargiendum aliquid esse reip. ita serpentes, quorum prudentiam nos imitari Christus iussit, *Matth. 10. vt caput seruent corpus secundum præbent.* id tamen interest, quod in huiusmodi alienationibus, Prælatus ad superiores debeat recurrere, vt & curatores rerum pupillarium, ciuitatum, prouinciarumque, qui causa cognita decretum, & auctoritatem interponunt: at Rex ipse, quia superiorem non habet, de causa suæ alienationis cognoscit, decernit, auctoritatem quam ipse supremam habet, interponit: maiestatem lædit, qui aliam necessariam, nisi ex arbitrio, quo religiosius instruatur, desiderat. Ad quem modum *lex 8. C. de leg. & Const.* Senatus auctoritatem in legibus sancendis requirit consilij causa, non vero, quasi quod Principi placuit, legis non habeat vigorem: si sciens prudens Senatus deliberationem velit omitti. si itaque iustæ atque à iure probatæ sint causæ, cur aliquid alienandum sit, iuramentum huiusmodi alienationem non irritabit. quod eo fine tantum proponitur, ne Reges potestate abutantur, regna dilapident, non in ædificationem, sed destructionem administrent. sic deciditur *in c. fin. X. de Eccl. adif.* Episcopum non obstante iuramento teneri ad alienationes Ecclesiæ necessarias, iure permissas.

CAPVT VIII.

An vis, metus, carcer possit fœdera irritare?

ETiam hanc exceptionem prætexant Franci, vt Cas-
 sanus l. i. c. 5. p. 293. ac alibi quam sanè Bodinus poli-
 tico iure Regibus indignam censet. *de rep.* & sanè Ma-
 gnanimum est elogium *nec spe nec metu*; si referatur
in Dominum adiutorem: sed regium tamen est. neque
 vero ea exceptio iure gentium vñquam fuit recepta: sed
 belli indicti ab ijs qui summa auctoritate pollent, pro
 iusto habitus est metus. *Grotius de iur. belli* l. 2. c. 17. n. 19.
 l. 3. c. 19. num. II. neque, vt captiuus libertatem consequatur,
 iura gentium, nisi victoris assensum, quodcumque
 lytrum exegerit, tribuunt exceptionem: nec sanè Ro-
 mani in summis reipublicæ afflictionibus vsi vñquam
 ea exceptione, non apud Brennum Capitolium ad re-
 demptionem adigentem, non apud Samnites, Posthu-
 mium totumque exercitum sub iugum mittentes, non
 apud Nùmantinos, aut Annibalem post cladem ad
 Trasimenum & Cannas, vt octo millia captiuorum re-
 dimerentur. iuris gentium sunt bella, captiuitates, serui-
 tutes, lytra, regna condita, dominia distincta, pacis, bel-
 lique commercia. l. *ex hoc iure* §. D. de inst. & iur. l. *con-*
uentione D. de pact. neque vero vis, metus, carcer, simi-
 lesve belli effectus à bello vñquam absunt, & tamen d.
 l. 5. pactorum nomine comprehenduntur, quæ super ijs
 homines paciscuntur. quin etiam in illis vera est lex i. D.
 de pact. l. *iuris gentium* D. eod. quod eius observatio sit
 ex æquitate naturali. *quid enim*, inquit, *tam congruum*
fidei humana quam ea qua inter eos placuerunt seruare?
pactum autem à pactione dicitur, inde etiam pacis nomen
appellatum est. ita Vlpian. d. l. i. adde gentium iure victo-
 ri in captiuum ius esse vitæ & necis, & illud sacrum;
 quam

quam dabit homo commutationem pro anima sua? Matth. 16. Marc. 8. an ergo Regum Francorum animæ tam sunt viles, vt redimi nulla vrbecula in commutationem data possint? religiosè profecto Maximilianus Austriacus Poloniae Rex electus cum in hostium potestatem venisset pacta eiusmodi metus, vis, carceris nomine non accusauit, nec ipse regnum repetijt vñquam, nec alius ex familia Austriaca eiusmodi quidpiam suaserit, qui tamen non defuisset si fidei etiam taliter datæ obseruantiores non essent, aut monarchiam meditarentur, quæ semper ijs obijcitur, & de qua agemus l. 3. c. 6. & sane aut bello captos fatendum est promissis teneri, aut redeundum ad captos occidendi plus quam barbaram crudelitatem.

CAPVT IX.

Eiusdem argumenti, & an fœdera ab ipsis paciscentibus saltem Regibus seruanda non sint?

LAUDAT Reguli factum Cicero de off. l. 3. & Valer. Max. l. 1. c. 1. D. Augustinus de ciu. l. 1. c. 18. quod maluit ad Pœnos redire, quam fidem fallere: cui modo loquendi locus non esset, si promissio non fuisset rata: nec enim hostilis vis supra fidem ponenda est: *nulla res*, inquit, Cicero, *tanta existit, vt possit mihi maiorem vim adhibere metus, quam fides.* & quamuis vis maior sit, etiam que proficiscitur ab hoste, respondemus attamen iustam legitimamque esse: sed & neque ita appellari, nisi quam diu ferro res agitur: sed si quid cum eo pactum est, si fide, si religione interueniente, conditionem, non vim; ius non iniuriam esse. quare & Cicero de Regulo, non tantum quod gloriosè fecerit laudat, sed neque aliter facere potuisse asserit: *non debuit*, inquit, *conditiones, pactionesque bellicas perturbare periurio.* ergo captiui redire promit-

mittentis, nec redeuntis, periurium vocat. Sed neque edictum prætorium ad eum metum pertinet, qui iure infertur, vt bello iusto: l. *si mulier*, D. *quod met. caus. qua latius prosequitur Ayala d. c. 6. num. 3. 4.* vbi Ferrandum Diaconum ad Reginum Ducem de officio pij & Christiani Ducis citat in hæc verba; *cum quibuscumque bella suscepta sunt, aut nulla fide data bello aut pace facta*, inuiolata fidē iurisiurandi resp. seruanda, vel adiuuanda est.

Sed & Cassanus l. i. c. 5. p. 264. probat Frederici Neapolitani obsessi intra Castellum nouum à Ludouico XII. Rege Franciæ cum eo pacta, quibus omnibus regnis renunciat, l. 2. c. vlt. p. 250. Guilielmi Cabilonensis captiui, quibus supremiati renunciat. Principatus Arausiensis Ludouico XI. Clementis VII. obsessi, quibus censum octo millium vnciarum auri remiserit: l. i. c. 5. p. 223. denique l. i. c. 8. p. 371. Raymundi Tricannelli captiui, quibus Comiti Tolosano magnam terrarum suarum partem: Tolosano-Francos hæredes facit, & eo iure terras illas eis competentes. Sed quid opus est his immorari cum Madrilianæ pacis metus (pone eum fuisse aliquem, pone nec iustum fuisse) toties exinde purgatus fuerit, & pace Cameracensi, Crespiensi, Cambresiensis promissa eadem, præter Burgundiæ restitutionem, quæ mutata est in causæ cognitionem, toties sint contracta? vt omittamus literas à Francisco I. postquam in regnum rediisset, ad Carolo V. scriptas; quibus pacem Madrilianam seruaturum omnino se addixit, verbisque idem etiam coram Legato Cæsareo sanctè est protestatus: donec adulatores religionem iuramenti apud eum labefactarunt, & ad sollicitandos Ordines, ne ipsi consentirent, quo minus ipse reus videretur, induxerunt.

Adeoque Cassanus ipse coactus est fateri, lib. i. cap. 2. p. 82. *ac alibi sapius* ipsos paciscentes Reges ad vitam saltem

saltem suam teneri, ijs etiam in rebus fidem exoluere, ubi posteros obligare non potuerint: quare excusari non potest Franciscus I. quod ipse viuus ex ijs, quæ sponderat, quædam sapius, non præstiterit: præsertim cum ei obrulerit Carolus V. nouationem fœderis, si ipse, iuxta pacta, in captiuitatem rediret. Romani, si quid pactis Ducum esset comprehensum, quod populus ratum habere nollit; fidem tamen ipsi paciscentes seruabant, ita Posthumius, alterque consul, Tribunique Samnitibus per fœciales dediti, loris reuincti, *quo populus*; inquebat fœcialis Romanus, *scelere impio sit solutus*: ita Mancinus, Regulus, alijque eandem fidem præstiterunt. quinimo ea apud veteres religio fuit, ut ipsi vicissim Samnites Brutilium Papium, ruptarum induciarum causam, Romanis dedit decreuerint. & cum is in via vitam finijisset, cadauer ipsum Romæ deditum fuerit. quin etiam Rex Franciæ Ioannes in prælio ab Anglis captus, & sub fide sua pollicitus reditum, si quædam præstare non posset; cum nequijisset, reuersus est in Angliam, ne fidem violaret: tamen si filium obsidem dedisset, aliasque conditiones subrogari obtulisset, *ut post Bodinum de rep. l. 1. c. 8. refert Ayala de iur. bell. l. 1. cap. 6. num. 5.* ubi contrarium Francisci I. factum damnat, Bodinumque pro eo sentientem propter filios obsides, quasi illi promissa dissoluerent, reprehendit, cum è contra fideiussor principalem reum non liberet, quinimo sine principali obligatione fideiussio esse non possit, aut pignora. *Instit. quib. mod. toll. obl. in princip. l. fin. D. de pact. l. 19. C. de usur. l. 6. §. 1. D. quib. mod. pign. solu. sunt huiusmodi officia*, inquit Cicero *de off. l. 3. etiam aduersus eos seruanda, à quibus iniuriam acceperis.*

CAPVT X.

*An pactis conuentus Franciscus I. fide promissorum
liberatus fuerit soluta pecunia?*

ID siquidem contendit Cassanus *Recherche* l. 1. c. 5. p. 295. l. 1. c. 5. p. 160. quod Franciscus I. vim & carcerem causatus promissis non stetit, pecuniam surrogare obtulerit, quantam Reges aut Principes alij iudicassent, & dimissis etiam Francisci liberis (quos pro obsidibus datos ad soluendum pactis Regem mox diximus non suffecisse) ea ab Hispanis sit accepta, qui ideo consenserint in pactorum dissolutionem, sed paulo antea p. 293. falsus erat libera Francisci pacta cum Carolo an. 1516. Nouiouduni conuenta, vt is Carolo regnum Neapolitanum appendicesque cederet, Francisco vero annua pensio solueretur triginta millium ducatorum: negat hanc redemptionem, negat apochas exhiberi posse: at vero nec mora soluendi irritat contractus: itaque satis est huic argumento iure illorum regnorum liberè cessisse, ex pacis fœdere Franciscum: deinde quantilla est ea pensio, vt in lytrum tanti Regis iudicio aliorum Regum imputetur? quin & anno 1544. Pax Sueffionensis eadem pacta firmat, inita inter Carolum V. & Franciscum I. in acie armata vtrimque Filio huius etiam libero existente facta. Sed & aduersus ipsas tabulas illius fœderis inuerecundè Cassanus eam pecuniæ surrogationem fingit, è contrario ita habent tabulæ; *Rex pro redemptione duorum filiorum Casari vigesies centena aureorum liliorum millia puri puri auri persoluito, pax Madriliana paucis mutatis rata esto*: inter ea non aliud fuit, quod ad regna aut Principatus pertineret, quam vt Cæsar, cui Rex Ducatû Burgundiæ, quæque inde dependent, promiserat primis pactis restituere, ac in æternum vtriusque
sexus

sexus hæredibus relinquere, Cæsar, inquam, ex secundis pactis contentus esset actione, iureque quod sibi tempore fœderis Madriliani, ac antea in Ducatum Burgundiæ, Comitatum Auxerroij, & vicina competeat; iure illa, non armis repeteret. Itaque manet quod Madriliano fœdere comprehensum erat, vt rex omni actione ac iure in sempiternum cederet, quod in aliquod regnum, prouinciam, ditionem à Cæsare hoc tempore possessam, nominatim vero in regnum Neapolitanum, Siciliæ, Ducatum Mediolanensem, urbem ditionemque Genuensem, ac Astensem allegare posset: & vicissim Cæsar omni iure cederet, quod prætenderet in ditiones, quas Rex Galliæ hoc tempore possidebat, præter ea quæ illius pacis legibus exprimuntur: inter quæ primum locum vindicabat Ducatus Burgundiæ: cætera ergo, quæcumque tabulis non sunt expressa, possessoribus vtrimque cedebant, quippe iam iure belli facta erant possessorum. neque amplius in restitutionem veniebat, quam tabulis fœderis disertè vocabatur. mansit ergo regnum Neapolitanum fœdere Nouiodumensi Cæsari sub pensione triginta millium Ducatorum; Madrilianensi, Cameracensi, alijsque etiam liberum, sæpius enim eadem super hac conuentiones sunt repetitæ, & maximè in vltimo Veruiniano fœdere *an. 1595. 2. Maij*, vt si vmquam geminatio vllas vires habeat, quam sæpius pro suis extollit Cassanus, sanè robur suum hic exerere debeat: si vmquam iureiurando aliqua reuerentia debeat, toties interposita contestatione Numinis super hac re conuenta omnino sint seruanda. vt puduit Cassanum referre, cum refutare nec posset, pacta illa Veruiniana inter Philippum II. & Henricum IV. quem Franci Magnum merito vocant inita: inter quæ pax illa Cameracensis, Madrilianæ inuouatrix paucis, vt diximus, resectis, approbatur, seruandaque promittitur; non secus, quam si tabulis Veruinianis esset inserta: restitutiones deinde vtrimque faciendæ disertè exprimuntur, & demum 23. articulo

ticulo ita cauetur, Regi Christianissimo & Nauarra, eiusque heredibus & actionem habentibus reseruantur quævis iura actiones & prætensiones, quibus nec per ipsum nec maiores eius expressè renunciatum est. ut de iis etiam amabiliter, vel iudicialiter, non armis experiri possit. 24. quemadmodum etiam Regi Hispaniarum & Infanti Serenissima filia eius maiori, eorumque heredibus aut actionem habentibus nihilominus iura omnia, actiones, & prætensiones, quibus nec per ipsum, nec per maiores eius expressè renunciatum est reseruantur, ut de iis amabiliter vel iudicialiter non armis experiri possit: ut ante de Ducatu Burgundiæ conuentum. & hoc fœdere innouatum: quod adeoque etiamnum manet. Hæc est igitur regia Principum regula, ut quibus iuribus renuntiatum sit, non reperantur; pacta conuenta præsertim iurata seruentur, iuxta c. quamuis pactum de pact. in 6. alias quæ belli iure possidentur, non restituantur, nisi quatenus pacis fœdere comprehensum sit.

CAPVT XI.

An possit aliqua belli iniustitia obuiçi fœderibus Hispano-Franco-Belgicis? quo minus etiam bello capta illorum fierent, si tituli alij iusti abessent?

NVMquam de bello Cassianus loquitur, quod Hispani Austriaciue gesserint, quin iniustum illud, inuasionem, detentationem vocet, in Gallis generosum desiderium limites extendendi, ut in Carolo VIII. l. i. c. 8. p. 395. ac alias saepe. & propterea, quamuis pro Gallis dicat titulum acquirendi iustiores dari non posse, l. i. c. 2. p. 69. tamen bello Hispanis acquiri non posse, promissa etiam iurata non obligare: ut Cicero, si prædonibus, inquit, pactum pro capite pretium non attuleris, nulla frans erit, ne si iuratus quidem id feceris

ris l. 3. offic. quod in latronibus & pyratibus etiam admittit Ayala *de iur. bell. l. 1. c. 6. n. 6. ex c. peruenit c. sicut de iur. iur. c. sollicitè de rest. spol.* nec ob metum tantum rescindi huiusmodi promissa posse, sed ipso iure irrita esse, simul & quæ accesserint iuramenta. at vero quamuis communius receptum sit omne iuramentum esse seruandum, quod non continet animæ iurantis dispendium, nec tertij præiudicium; adeoque etiam metum & vim passo absolutionem esse postulandam: *d. c. peruenit & d. c. sicut 29. & ibi DD.* cogendumque victorem seu cui promissa indebita sunt facta, pactum remittere: *d. c. sicut.* etiam cum alias iuramentum dicitur illicitum: tamen prius Ecclesia consulenda est, quam contrahatur. *c. venerabilem §. nec valet X. de elect. &* tamen fallere vult Cassanus, aut fallitur vocabulo *iusti*: siquidem illud diuersimodè accipitur, pro personis, pro modo, & ritu, atque pro causa. quoad personas: *hostes sunt*, inquit Vlpian. *in l. hostes D. de capt. quibus publicè populus Romanus bellum decreuit, vel ipsi populo Romano, ceteri vero latrunculi, vel pradones appellantur.* iisdem pænè verbis Pomponius in *l. hostes D. de verb. signif.* atq; his prædonibus conueniunt, quæ Cassanus & Ayala citant. quare iustum nullum est bellum; nisi quod ab eo geritur, cui belligerandi ius est; qui domi suæ supremus sit Princeps: penes quem sit summa rerum. *c. quid culpatur 23. q. 1.*

Quoad modum, & ritum; *iustum bellum est quod ex e 'isto geritur. c. iustum 23. q. 2.* nisi enim indictum, nisi denunciatum sit, iustum dicitur non esse. ideoque formulæ, ritus, cæremoniæ indicendi belli ab Anco Martio proditæ sunt: *ut Linius testatur l. 1. vel à Numa: ut Dionys. Halicarn. antiquit. Rom. l. 2.* quod officium fecialium, quod patris patrati, quis ritus, quis habitus fecialis, agendi, verbera caput, & frontem cingendi: *Plutarch. in quest. Rom.* quæ expostulandi, resve repetendi formulæ.

Denique ex causis dicitur iustum bellum. de quibus apud Romanos etiam Collegium fecialium cognoscebat. *Belli aquitas*, inquit Cicero l. 1. *de offic. sanctissimè feciali populi Romani iure præscripta erat.* verba hæc erant, inquit l. 2. *de leg. belli, pacis, fœderum, induciarum. Oratorum feciales iudices sunt.* ut hodie sacre Theologiæ mystæ, iustitiæque sacerdotes, eas partes habent. & quæ porro Christiana natio ea in re Hispanis regibus est accuratior, qui præter cæteros Senatus, etiam Concilium *conscientiæ* habent? ubi inquisitione diligentissima libratur quidquid ad iustitiam bellorum, aut fœderum pertinet; maiori sanè examine, quam varijs apud Romanos sententijs scribitur à *Floro* l. 49. de tertio bello Punico certatum inter M. Porcium Catonem, & Scipionem Nasicam: quorum alter sapientissimus vir in ciuitate habebatur, alter optimus vir etiam à Senatu erat iudicatus.

Itaque ut iustæ nuptiæ à ritu contrahendi, iusta ætas, iusta persona standi in iudicio, iustus filius, iusta libertas, iustum prælium dicitur, ita & iustum bellum à persona, ritu, modoque suscipientis, & à causæ æquitate. quin & si causa non fuerit æqua, effectus tamen, quem ius bello tribuit, hoc ipsum etiam sequitur. quod inde patet, quod cum iure feciali diligentissimè cautum esset, ne etiam nisi iustis ex causis bellum susciperetur, *Hallicar.* l. 2. adeoque hostes iustam simul belli causam habere non possent; capti tamen hostium serui fiebant. l. *postliminium* D. *de capt.* etiam tunc cum liqueret de iniquitate causæ. unde Paulus in l. *postliminium in princ. naturali*, inquit, *æquitate inductum est, ut qui per iniuriam ab extraneis detinebatur, is ubi in fines suos rediisset, pristinum ius suum reciperet:* iure scilicet postliminij: cuius fictione opus non esset, si causæ iniquitas sufficeret. quemadmodum postliminio illi opus non est, qui à latronibus vel pyraeis detentus fuit. quippe qui statum non mutarit, qui seruus eorum fieri iure nequirit,

rit. l. qui à latronibus D. de testam. l. postliminium §. à Pyratibus l. hostes D. de capt. satis est ergo ad iuris effectus, & ut iura belli locum habeant, bellum geri ab ijs, qui hostium numero sunt definiti, & belligerandi ius habent. ita Ayala de iure bell. l. i. c. 2. num. 34. post Fulgosium, Iasonem, Anchoranum, Aretinum, Albericum, Abbatem, Nattam ibi citatos aliosque: & maximè Ferdinand. Vasquez l. i. c. 9. num. 18. & seqq. latè. quo modo ius considerare possumus differre à iustitia, ut sit illud regula actionum, hæc autem causæ æquitas. sic iuste quod iustum est persequeris, Deut. cap. 16. ex iuris significatione dari potest bellum utrimque iustum: ex iustitiæ consideratione non item; nam hæc causam belli, illa gerentis personam ac ritum respicit, causam utrimque æquam esse non posse satis est certum, cum illa liquet: sed in causæ actionibus moralibus multæ prætexuntur, multæ obscuræ sunt, multæ rationes utrimque probabiles, multæ problematicas habeat, quæ his placent illis displicent. unde tot statuta ciuitatum, regnorum, gentium inuicem contraria. quo in genere post Fulgosium Alciatus paradox. l. 2. c. ultim. rectè ait bellum etiam dari utrimque iustum. nec absurdum est, inquit, propter ancipites sententias, & quia iactare ut priuatim litigantes, ita & publicè belligerantes utrimque solent litem, bellumque suum esse iustum. à quibus non multum discrepat Grotius de iur. bell. l. 2. c. 23. num. 13. nec malè hostes inde, & hostimentum esse dictum quis censuerit, Nonne hostes, inquit ibidem Alciatus, ab eo dicti sunt quod utraque pars æquo iure pugnet? Hostimentum, inquit Nonius Marcellus aquamentum est. cur in litibus priuatis causidici utrimque docti iuxta ac probi diuersas tuentur sententias? cur historici utrimque & iurisperiti minimè mali bella omnium ætatum defendunt? cur Mulciber à Graijs, pro Troia stabat Apollo? sane cum utrimque iusta arma prætenduntur, cum de iure gentium agimus, nulla inter eas differentia est: tunc quippe,

inquit Alciatus, *id ius in usu est, quod omnibus commune, nulli proprium existimatur. §. ius gentium instit. de iur. natur.* unde, ut diximus, per Romanas ex iure usuque gentium leges in bello quod cum hoste gerebatur, capti utrimque serui fiebant, alijque belli effectus obtinebant. Ex quibus sequitur etiam, si quod bellum, si causæ æquitatem tantum respexeris, minus iuste ab Hispanis gestum esset, quæ capta tamen fuerint iure belli victoribus cessione gentium omnium iure. quod de æquitate autem causæ inquiritur, quæ palam non sit iniqua, magis ad animæ scrupos spectare, quam ad forum, & armorum tribunal, & rem iure gentium iudicatam. unde *§ d. c. sicut* non nisi canonicam coercionem præscribit; videlicet excommunicationem: sicut in omni peccato *c. nouit. X. de iud.* quare & notoria debet esse iniustitia, ut textus satis præsupponit. quæ qualitas cum cessat & cum quis negat cum apparente ratione bellum esse iniustum, cessat officium Ecclesiæ, *Panorm. & alij in d. c. nouit.* ubi ius liquidum *d. c. nouit. §. ne ergo,* sequitur coercitio per excommunicationem: de iure autem belli controuerso, quia citra peccatū licet sequi opinionem probabilem, Ecclesia non cognoscit. sicut Pontifex *d. c. nouit.* negat de feudo se velle cognoscere: quantum autem ad denunciationem Euangelicam quæ non fundatur nisi in peccato, inquisitio facti competit Ecclesiæ, *ibid. in fin. d. c. sicut.* & iniustitiæ belli ex iure liquido. *ibid.* Porro quæ gens tardius arma sumit quam Hispani? quæ plus temporis cunctando, scrutando singula causarum momenta consumit, dum prius more legitimo queri malit? quippe ad mores gentis Philippus II. mandatis monitisque vltimis, quæ filio dedit, & hoc inseruit, *bellum nemini sine iusta causa, consilioque inferret.* quæ gens statim magis, quam Franci, ad arma procurrat? prius in hosticum! profilit, quam hostes decreti sint? prius arma induit, quam bellum denunciatum sit? præsumendum est itaque potius
 pro

pro Hispanis tardigradis ad bellum, quam Francis leui pede in illud ruentibus, quam animi vocat alacritatem sapius Cassianus, & generosum desiderium Imperium suum ampliandi, *ut mox diximus*. secus quam D. Augustinus *nocendi*, inquit, *cupiditas, ulciscendi crudelitas, impacatus, atque implacabilis animus, feritas rebellandi, libido dominandi, & si qua similia, hæc sunt quæ in bellis iure culpantur. d. c. quid culpatur*, Hispani autem Austriaciq; quæ pactis, dotibus, transactionibus, hæreditatibus, fœderibus obtinuerunt, rueri tantum desiderant. ut quamuis versaremur in dubio, potior censenda esset conditio possidentis. l. *in pari* D. *de reg. iur.* Grotius *de iur. bell.* l. 2. c. 23. num. 11. citat Victoriam, Lessium, Molinam, Lorcan. quinimo quamuis à maioribus iniusta gesta essent bella, pace tamen & fœderibus subsecutis iusta reddita foret possessio, etiam litem iniquam iusta sequi potest transactio. & quamuis à parte rei sit seruis quispiam aut liber, si tamen palam de statu non liquet, iuste super eo transigit, tametsi de liquido pacisci non possit. l. *fin.* C. *de transact.* l. *nec si volens* C. *de liberal. caus.* neque post transactionem, aut bellum pace finitum iam amplius de rei veritate quærendum est, sed an transactum sit, an pax inita. post rem iudicatam, transactione, iureiurandoue decisam, non de causæ meritis amplius quærendum est; sed an iudicatum, transactum, iuratum sit. l. *post rem* D. *de re iud.* l. *non minorem* C. *de transact.* at vero pacis fœdera simul tres has continent plerumque rem à Marte iudicatam, transactione sopitam, iureiurando seruari promissam. ut diximus de Madriliensi: quo ferè conueniunt ut præter Ducatum Burgundiæ quidquid Rex Franciæ, quidquid Cæsar possideret ex Martis Bellonæque sententia haberet, ex pace transactioneue, ac obseruantia iuramenti firmiter retineret. & quamuis inuicem nihil præstitum esset, non Rex captiuus dimissus, non renunciatum à Cæsare foret pluribus ditionibus; tamen si in priuatis nego-

negotijſ firmitudini tranſactionis ſatis eſt à lite diſceſſum eſſe: l. 2. *C. de tranſact.* non videbitur cuiquam ſatis à belli alea, quæ cætera abſumere poterat, eſſe liberatum, tot incommodis expeditum, imminentibus ruinis ſubductum, ſummam rerum ſeruafſe, reliquum corpus regni ſanum habere, uſto, ſecto quamuis aliquo membro? Infinitudo malorum belli euitata ſat habet reciproca- tionis, vt iuſta ſit tranſactio, vt pax ſit iuſta. *quorum malorum*, inquit D. Auguſtinus *de ciuit. l. 19. c. 7. multas & multiplices clades, diras, & duras neceſſitates, ſi ut dignum eſt eloqui uelim, quamquam nequaquam ſicut res poſtulat, poſſim, quis erit prolixa diſputationis modus?* at uero fœderibus illis, quæ diximus, ampliffimæ ſunt comprehenſæ renuntiationes, omnium iurium, quæ in poſſeſſas vtrimque ditiones à maioribus repeti poterant, renouata omnia ab illis deſuper iſta fœdera, & multo maxime quoad omnes & ſingulas ditiones ab alterutra parte poſſeſſas, expreſſis exceptis, quæ iure non at- mis repeti poſſet, tametiſ ſæpius paſſim Caſſanus nō iure tantū, ſed & armis repetenda dicat, ſuadeat, ſtimulet.

Et quamuis fœdera & renuntiationes nullæ interue- niſſent, ſuper quibuſdam tamen temporis diuturnitas modo ſubnaſcentibuſque cauſis, vt diximus *l. 1. c. 15.* præſentium poſſeſſorum conſcientiam ſerupulis exolue- ret, quamuis primordia rerum non iuſta ſatis, quin & iniuſta viderentur, vt domi ſuæ Franci habent exemplum illuſtre in S. Ludouico, quippe cuius ſanctitatem, & in- Diuos relationem non impediuit Hugonis Capeti, vnde deſcendebat, duobus vixdum ſæculis elapſis; iniuſta re- gni inuaſio, iuſti hæredis exclusio, atque tyrannis. & ſi omnium regnorum ſpectentur initia, vix erunt quæ à vitijs excuſentur, Francorum ſanè minime: qui nullo iure Gallias inuaſerunt, quas hodie ſucceſſo- res poſſident. Hiſpani ſane nihil poſſident quod non pluribus fœderibus firmatum ſit, & maximè vlti- mo Veruiniano, omnia præterita innouante, aut non
armis

armis ſaltem, ſed iure dumtaxat repeti permittente. Franci autem aduerſus idem ſœdus Britanniam minorem detentant, totamque hæreditatem Margaretæ Valeſiæ, tametiſi eodem ſœdere Veruiniſano, *ar. 24.* comprehenſum eſſet, vt omnia iura actioneſque manerent ſaluæ Eliſabethæ Infanti Hiſpaniarum, eiſque hæredibus, quæ ei competerent; vt erat neceſſaria ſucceſſio in Britanniam, ſæminis etiam debitam, totaque id genus hæreditas Margaretæ: quæ & Eliſabethæ per iniuriam ſubtracta eſt, & nunc etiam Duci Sabaudæ ex ſorore nepoti, eiſue in illam hæredibus denegatur.

Et vero, vt de antiquis maiorum bellis nihil dicamus, quæ exigenter integra volumina; ſanè quæ inter Carolum V. Imp. & Franciſcum I. Galliæ regem geſta ſunt, manifeſtam cauſæ Caroli iuſtitiam vbique proclamant. Carolum iuuenem, vt primordia tangamus tantum, deluſit Ludouic. XII. deſponſata ei an. 1501. Claudia filia, & contra ſœdus Franciſco Valeſio Engulemi Comiti tradita an. 1515. id eſt Franciſco I. deinde Regi Galliæ, ſecunda fuit Renata ſoror altera, deinde Herculi Eſtendi Duci Ferrariæ data 1516. tertia fuit Ludouica filia ipſius Franciſci I. qui nunc ob vnam Helenam Græcorum bellum iuſtum dixerit, qui huic diſſentiat? nec ob id tamen Carolus bellum mouit; diſſimulauit iniuriam. & David pacem dare noluit Iſboſeth ſeu Abner, niſi ſibi tradereſſetur deſponſa filia Saul Michol. *Reg. l. 2. c. 3.* & raſam legatis ſuis barbam armis vindicauit, *Reg. l. 2. c. 10.* ſed cum Carolus V. obtinuiffet Imperiũ, quod a Franciſco I. ambiebatur, ex eo pomo natum irreconciliabile odium. Franciſcus ergo belli cauſam quærit: Robertum Marchum a ſœdere cum Carolo inito ſollicitè deducit magnis promiſſis; is Aimeriæ Regulo Cæſaris clienti propter Hiergæ oppidum ab hoc poſſeſſum bellum infert: Cæſar clienti iure poſtulanti auxilia decernit; Francus Marchano: hæc ſcintilla totam Europam incendit. piget toties inita deinceps pacis ſœdera, toties infracta referre; ſem-

per isto odio æstuante in Franco, & vindictæ, ignominia: que ex captiuitate delendæ desiderio animum turbante, in Carolo autem ruptæ pacis Madrilianæ, hæreditarij-que Ducatus Burgundiæ contra pacta negatæ restitutionis tædio armatam defensionem semper excitante: præter alias, quas tot repetitis bellorum vicibus interuenisse multiplices, classici passim referunt historici. lubet tamen paucis verbis infractiõnum Francicarum meminisse: ergo pridem fœdere Londinensi conuenerat, vt Rex Angliæ arma aduersus illum sumeret, qui prior fœdus infregisset: in conuentu Caletano probatum est id fecisse Francum. Henricus VIII. igitur pro Carolo arma sumpsit, fœdere Parisiensi quædam præstari conuenerat in tempus mortis Ferdinandi aui Caroli, ea adueniente placuit Franco illud habere pro infecto. successit Nouiodumense: post hoc assumpto Carolo ad Imperium, præter causam Aymerij de qua mox egimus sponsores exigit Francus, qui promissi non erant: Nauarræ restitutionem, de qua actum non erat: nisi præstentur, declarat fœdera pro ruptis se habere; armaque vbique mouet. pacis Madritianæ ruptura in confesso est, quæ tot futilibus nugis excusatur, sed & cum Carolus fœderis nouationem obtulisset, si Franciscus iuxta pacta in captiuitatem rediret, is fidem fregit, non tantum, non reuersus; sed & improbum illud fœdus iniit, quod sanctum scilicet alij appellarunt, quo fœderati eius ditiones in Italia & Sicilia partiebantur: sed quorum neminem, ex successu, quem Deus Carolo dedit, non pænuit. Cameracensis deinde pax coaluerat, quæ etiam palam à Franco rupta est, dum mortuo Francisco Sfortia, Mediolanensem Ducatum is sibi postulat, & Cæsar non mox pro eius voto responderet, & quo arma eo ferre facilius posset, Sabaudi (quem ea res non tangebatur) Francus ditiones inuadit, & Smalcaldico Protestantium in Germania fœderis omnium in Germania malorum fonti se iunxit. Hinc Niceæ adlaborante Pontifice Paulo III. decennales induciæ pactæ sunt

sunt anno 1538. easdemque fregit Franciscus I. an. 1541. causatus legatos suos, ad Turcam missos, in itinere occisos: sed nullo publico iussu, priuata ex rixa: & latrones quæsi ad vindictam se subdixerant: vndique mox arma grassantur, Franciscus Turcam etiam in societatem conducit, cum eoque Nicæam Sabaudi urbem expugnat, aliaque loca, vnde captiui in æternam perniciem ad multa millia abducti. Secuta est anno 1544. pax Crespensis: eius pactis Carolo Francisci I. filio Belgium cum Cæsaris filia, vel Mediolanum cum Ferdinandi, in dotem promissum; nuptijs nondum secutis, eo aliquot post mensibus mortuo, anno 1547. prid. Kalend. Aprilis etiam excessit è viuis Franciscus I. ob mortem duorum filiorum non sine domestica suspitione sublatorum, vigore animi non parum minuto, vt saltem Imperatori Germanicis ex fœdere Smalcaldico turbis implicito, non aliud bellum mouerit. Henricus filius, rebus ab Imperatore in Germania feliciter compositis, Duci Parmæ ad rebellionem misit auxilia, Tripolim Mauritanæ ciuitatem, iunctis cum Draguto Turca viribus, nec indito quidem bello, cepit: onerarias Belgarum ex Aquitania, in Hispaniam pacis fiducia tendentes abduxit, sæuijque exinde palam vbique bellum. quod demum secutæ induciæ nonis Februarij 1556. in quinquennium eas Francus anno sequenti infregit, missis in Italiam copijs, interpretatus pro Belgis tantum pactas inducias, quas & paulo post ibi infringit, Duacum insidijs tentans, post hæc pax Cambresiensis 1559. & post eam intra non ita multos annos plures regnauere in Francia Reges, qui, cum domi suæ quod agerent sat haberent, externa bella non sunt comimentati, donec Ducis, ac deinde Cardinalis Guisij cædem Henrici III. parricidium excepit, & Cardinalis Borbonij, & Henrici Nauarræi, illius à Catholicis, huius ab hæreticis est facta Regum proclamatio: natumque sanguinarium in Gallia nomine Ligux sacræ bellum, per annos amplius de-

cem gestum, vbi religioni Catholicæ dum Hispaniarum Rex vires accommodat, grauis deinde belli moles in eum incubuit: quod Veruiniana demum pace sopitum. qui redintegratum sit nomine Ludouici XIII. l. 3. plenius edisserimus. Ex his id satis iam euident est, bella ab Hispanis aduersus Gallos, nostra auorumque memoria, fœderibus continuo per Francos infractis, gesta, non tantum iusta fuisse ad sua defendenda, sed etiam ad infractiones vindicandas, & belli iure pomeria sua proferenda. quod tamen vt diximus Hispani Austriacive minime fecerunt, ditionibus iurè sanguinis deuolutis semper contenti.

Verumenimvero vt pro possessore rei priuatæ, ita dominatum regnorumque præsumitur, donec petitor de dominio docuerit, ideoque defensuum bellum planius iustum creditur, quam offensuum: cum ergo Carolus V. successoresque ob defensionem suam, suorumque in bella tracti sint, semper pro eis vtique præsumendum est, donec de iniustitia constiterit: quod ad nullas calendas fiet. at vero omnia illa ob quæ Cassanus controuersiam Hispaniarum Regi mouet, Carolus V. ab auo paterno & materno accepit, sed & iure etiam belli, quamuis nullum aliud suppeteret, toties gesti, illius sunt facta, quod ius est gentiū, l. 5. *D. de iust. & iur.* Francosque stringit: nec Cassanus de alio gloriosius vquam pro Francis declamat. *vt diximus l. 1. c. 4. §. de bello quesitis hic supra in princ. ac alibi.* quamuis Francis in ditiones vllas ius aliquod competisset, quod semper negatum fuit, & de Belgicis iam supra probauimus; de alijs alij præstiterunt, præstabuntque, vt confidimus: vt vel ob id renunciationes, fœdera que vellicari minùs possint, quasi aliquid de regno abdicantia, cum Hispanis, Austriacis, Belgisve negetur terrarum quidpiam datum vquam à Francis cessumue, quod iam ante suum non esset.

CAPVT XII.

An fœdera ad successores transeant?

REgiam hanc esse quæstionem à Regibus non Iureconsultis tantum disputatam dixi in *It. 4. l. 4. c. 20. num. 22.* & magis sanè obtinuit, vt successores pactis comprehensi censeantur, vt Demosthenes *etiam posteros*, inquit, *Philipp. 2. implicastis pace.* istiusmodi enim conventiones publicæ non pangentium personas, sed remp. ac Principatum, qui æquè per vtrosque repræsententur, l. *proponebatur D. de iudic.* spectare creduntur, in successoribusque ideo transire. *c. 1. X. de probat. & ibi DD. & in l. 1. C. de const. & constitut. de pace Constant. in verb. successor, & tit. qui successores teneantur in feud. & in c. ult. ne Prelati vices suas.* atque hæc cum de coniectura voluntatis agitur: disputatio autem ea cessat, cum paciscentes profitentur disertè se ditionis suæ, non personæ tantum nomine fœdera inire, cum pactis expressum est successores, populum, gentem, ditionem comprehendi: vt fere hodie conueniri solet; & fœderibus Hispano-Gallicis expressum semper est: & clausulæ huiusmodi plenissimæ Veruiniano continentur. Obligari regnum non negant vñquam Franci, si Ordinum accesserit assensus, Regnum ita obligatum transit vtique eodem cum vinculo ad successorem, nec hoc habet dubium: sed quid si non verbis scriptisve assentiatur, sed alio quocumque modo? nec minus obligari Regnum & Successorem, dicendum est. *quid enim interest*, inquit, *l. de quibus D. de legib. suffragio populus voluntatem suam declaret, an rebus ipsis & factis?* populi legati sunt Ordines regni, siue ergo illi collatis suffragijs, siue populus vniuersus rebus & factis animi sensum explicet, nihil interest aut facit. *c. dilecti de appellat. c. fin. de coniug. ser-*

nor. in verb. nec verbo, nec facto c. is qui fidem de sponsal. adeo vt nec in matrimonio verba requirantur, si agnosci consensus ex signis potest. Sanchez de mat. l. 2. d. 31 n. 5. ubi legionem Theologorum & Iurisconsultorum producit. Ita cum Romanis Carthagenensibusque fœdus esset iētum ab Asdrubale, adiectum esset, si populus Rom. censuisset; & de Sagunto quæstio orta, & an populus Carthagenensis probasset, scripta non proferebantur: Q. Fabius Princeps legatorum dixit, si verborum disceptationis res esset apparere iniuria Saguntum oppugnari, Carthagenenses fœdus Asdrubalis & re, & tempore, & taciturnitate approbasse. quid Fabius dixisset de structis ignibus, triumphis, plausu? si tum vsus eos habuisset. etiam pedibus olim in aliorum sententiam ibatur, cum Senatores in partes dissidentium opinionum transirent.

CAPVT XIIII.

An obligari successor possit inuitus?

SI cum Cassano solo disputatio mihi instituenda esset, expedita res esset: is siquidem pluribus locis *Recherch.* l. 1. c. 1. p. 25. 54. cum liberum facit solum Franciæ Regem, tamen contendit obligari hæreditarios paciscentium regni successores, adeo, vt & periuros faciat, si promissa à maioribus non impleant: l. 1. c. 5. p. 281. hæreditarios autem esse eorum regnorum in quibus & fæminæ succedunt: atqui omnes illæ ditio- nes de quibus totis duobus libris dissertat, secundum hanc illius definitionem forent hæreditariæ, quippe in quibus omnibus hætenus fæminæ successioni locus datus est: vtique ergo omniū prædecessorum fœderibus teneretur Ludouicus XIII. atqui sæpius prædecessores iuri omni, atque actioni renuntiarunt quoad eas ditio- nes quas Rex Hispaniæ possidet: & luculentissime pater-
cius

eius Henricus IV. fœdere Veruiniano, & de non renuntiatis spopondit armis non se acturum, sed legibus: quoad omnes ergo eas ditiones, quæ Cassano hæreditariæ vocantur, nexu exsoluere regem suum non poterit.

Sed agamus etiam cum alijs: & obligari etiam successores ex ijs, quæ *proximo capite* citauimus liquet, quippe dirionis nomine, quam non alio iure possident, quam antecessores, qui pro illa pepigerunt. sed & veritas Cassanum *p. 56.* fateri cogit, semper qualescumque Reges teneri cum vtiliter negotium gestum est, si status seruatus sit, si ruina præcauta regni.

Redit ergo tantum hæc quæstio an rebus perperam alienatis parte regni præcisa, hosti concessa, eadem sit obligatio: & sane iuramentum quod vergit in apertum præiudicium regni, nec iuranti quidem seruandum, sed reuocandas esse istiusmodi alienationes rescriptum est in *c. intellectu X. de iureiurand.* Nihilominus cum in rem ipsius regni alienatio vergit, ad propitiandum Numen, publicamve tranquillitatem, conseruationem stâtus, Regis, regnique pertinet, secus statuendum est: tum *rescindere numquam Dis licet acta Delum.* Sic eiusdem Hungariæ Regi mandatum, vt peregrinationem votiuam patris testamento iniunctam filius expleret, aut regno cederet: *c. licet X. de vot.* sic Regi Tancredo in *c. i. X. de prob.* rescribitur peti in rem eius edi instrumenta ab Imperatore non posse, non autem pacta pacis etiam realia seruanda non esse: cum hoc tamen responsum, prius euacuasset: cum ergo Papa illud dederit, hoc præsupponit. sic pacta iurata inter Francum & Anglum quamuis aduersus regni, feudique iura, sub anathemate iussa seruari: *d. c. nouit X. de iudic.* quod *supra c. i. h. l.* latius propositum est. inuiti ergo successores in regnum pactis nomine regni vtiliter contractis tenentur. quæ autem sit, bello pactis sedando, vtilitas, tetigimus *supra c. ii.* Rēgibus ius esse pacem pangere: *cap. i. & 2.* etiam cum imminutione regni: *cap. 4. & 5.* cum necessitas cogit:

git: *d.c.4.5. & seqq.* eius iudicium censuramque Regi competere: *c. 6.* ex his suppositis inferitur inuitos obligari successores, res enim cum sua causa transeunt, non in hæredes tantum: *l. cum hæres 11. D. de diuers. & temp. præscript.* sed singulares etiam successores: *l. alien 67. D. de contrah. empt. l. traditio 20. D. de acquir. rer. dom. l. inuitus §. cum quis & seq D. de reg. iur. d. l. DD. in l. qui in ius D. & in c. is qui in ius in 6. de reg. iur.* igitur regna transeunt in qualescumque successores, eo affecta iure, pacto, fœdere, quo apud antecessorem fuerunt, & si non iis affectatur conditionibus, quæ personales fuerunt, *l. privilegia 156. D. de reg. iur. c. privilegium 7. eod. tit. in 6. & utrobique DD.*

Sed lubet tamen in Cassani gratiam hic inquirere, quæ hæreditaria regna dicantur? & sane liquidum est eam hic dictionem electiuis opponi, vt omnia ea hæreditaria censeantur, quæ non Populi suffragijs, sed iure sanguinis deferuntur. quomodo & Franciæ regnum hæreditarium est: is omnium auctorum hac in quæstione sensus est: quis præter Cassanum classicus voce fæminina dixit hæreditarium venire? sed hæredem in feudis significare filium masculum, textus est *in c. 1. §. & si clientulus de alien. feud.* sed hoc disputant Doctores an feuda rectè diuidantur in hæreditaria pro primo & hæredibus concessa, & ex pacto & prouidentur cum illo & filijs descendentibusque: *Fachin. contr. illustr. l. 7. c. 3. &* qui non admittunt hanc distinctionem, hæreditaria volunt respectu primi acquirentis, non vltimi decessoris. quo sensu nihil Cassano qualitas hæreditaria in regnis argumentantiproficere, nam astringeret tantum ad pacta primi acquirentis: in hæreditarijs autem delationibus subdiuisio sequitur, vt alia maribus solis, alia fæminis etiam debeantur: tum & inquisitio, qua ætatis, stirpis, qua maris ex fæmina supra fæminam prærogatiua sequitur, quod ex instituto, vsuque domestico cuiusque gentis diximus *l. 1. c. 3.* discernendum: ex eodemque,
an

an in regnis aliquid vendicet priuata regula hæreditatis: ex qua hac in quaestione semper argumentatur Cassianus, vt hæres cum defuncto eadem censeatur persona, eius factum præstare teneatur, quod ex qua persona quis hæreditatem capit eius factum præstat: l. ex qua D. de reg. iur. sed negant Reges etiam faminis succedentes se beneficio vltimi possessoris regna capere, sed antiquo iure sanguinis; victrice primorum manu, prouidentiaque maiorum non minus, quam Francos, qui soli mares ex vsu Francorum succedant: posse regna se aiunt adipisci, & si vltimorum antecessorum hæredes non sint, & debitis non in rem regni, etsi feminini, prodigè contractis non teneantur: quod generatim in regnis hæreditarijs admittit Grotius de iur. bell. l. 2. c. 7. num. 19 & seqq. an non infinita sunt etiam priuatorum feuda, quæ ad agnatos, non hæredes, deuoluantur? & quos ideo Doctores vocant hæredes sanguinis? & ipsi textus feudales decernunt, quos citat Fachin. d. c. 3. & est textus in c. 1. An agnatus vel filius expressus agnatum, non extantibus liberis, repudiata agnati hæreditate, feudum paternum capere, & si filius non possit: in hæreditarijs vtique: possit autem in ijs, quæ posteris, non vt hæredibus, sed vt liberis competunt: vt verior est sententia, & si eius textus interpretatio in plures sensus distracta est. vt apud Fachin. d. l. 7. c. 5. videre est. & licet inter filium & agnatum Cuiacius subtiliter distinguat, verius tamen est rectam rationem dari non posse differentia, cur, omiſſa hæreditate, iure sanguinis, filius minus quam agnatus feudum auitum adire possit? nam si ad primum respicias, vt ille; quid si intermedij sint parentes, quorum hæres bonorum non fuerit agnatus, in eone textus d. c. 1. locum non habebit indistinctè loquens? & hæc fuerit noua alia opinio. quin & in auitis feudis, non præstare successorem factum defuncti, classici multi auctores probant, vt in controuersijs diuersis apud Fachin. l. 7. c. 13. 18. & in fideicommissis l. 5. c. 19. sed cum de reg-

nis

nis agitur facile rursus redibimus ad thesim quam *supra* l. 1. c. 3. struximus, nec feudales leges, nec Romanas in regna, nisi precarium imperium habere, sed mores cuiusque gentis summo iure præsidere.

Itaque merito nulla hic Regum distinctio sit, an mares tantum, an etiam fæminæ succedant: sed si sanguinis iure, maiorumque prouidentia, instituto, vsuque gentis regnum capiant, ex vsu vt gentis successores inuitos obligent pactis nomine, & ex Re-publica contractis, æqualiter omnino omnes.

C A P V T X I V .

An consuetudine vsuque vetere, seu hodierno gentium iure, pacis fœderibus rectè reges regna minuant?

DIximus *cap.* 6. lege regia Vespasiano potestatem omnem esse tributam, & nominatim etiam fœdera sancienti, vt D. Augusto fuerat: at Augustus, vt Tacitus ac Dion refert, statuerat Imperium esse coërcendum, Euphrate, Nilo, Danubio, Rheno: iam ante tamen Romani terminos istos sæpius excesserant, multaque iura belli loca Imperio acquisiuerant: præcidit ergo Augustus minuitque Imperium, sed in rem Imperij: causam dat Dion, *ne si imperium, inquit, dilatare voluisset, id difficilius tueretur, facilius etiam partem amitteret.* ita pulcherrimè Reges Chinarum regni partem pro derelicta habuerunt, montibus muro continuatis regnum tutius concluderunt. fecere idem alij Imperatores Romani, Persæ, Assyrij, aliæ vbique gentes, vbi tempora reip. seruandæ suaserunt. Sanè *prægrauæ, inquit Curtius, l. 4. imperium difficile est continere, quod capere non possis. videsne vt nauigia, quæ modum excedunt, regi nequeant. nescio an Darius ideo tam multa amiserit, quia nimia opes magna iactura locum faciunt, facilius est quadam vincere, quam reti-*

retinere: quam Hercule expeditius manus nostra rapiunt, quam continent?

Et hæc quidem consilio libero ita politico prudentissimis Principibus visa sunt, vt magis compositum sit corpus reip. vt quadratæ acies, quæ securius configunt, vt Tacit. l. i. *Ann.* mari Oceano, aut amnibus longinquis septum Imperium, legiones, prouincias, classes, cuncta inter se connexa facilius Romani tutari se existimabant, & gloriatur Augustus apud Iulian. in Cæsar. de eo consilio, *bellis, inquit, civilibus sæpenumero in extremum discrimen adductam rem Romanam sic composui, firmauiq;.* quod si porro res eo à fortuna adductæ sunt, vt seruando corpori partem, præsertim belli iure iam occupatam, seu alias ambiguo iure controuersam, pacis legibus abscindi expediat potius, quam de toto periclitari, nihil esse dubitandum diximus supra c. 6. quin Rex id possit. Sic Darius Alexandro ante conflictum obtulit quidquid terrarum cis Euphratem esset: sic Barbari, Reges Romani, ac Imperatores vsurparunt, sic Honorio ad postremum *sententia sedit, inquit Iornandes, de rebus Geticis, quatenus prouincias longè positas, id est Gallias Hispaniasque quas iam penè perdidisset Gizericique Vandalorum Regis vastaret irruptio, si valeret, Alaricus cum sua gente tamquam lares proprios vindicaret, donatione, sacro oraculo confirmata,* (nota firmitudinem sacri Oraculi, non populi Ordinumque assensum) ita & Paulus Diaconus l. 13. *miscel.* ait ab Alarico sedes, quo cum exercitu consistere posset, petitas, Gallias ab Honorio concessas: iterum idem l. 14. Honorium fœdus firmissimum cum Vallia Rege Gothorum pepigisse, & Aquitaniam vicinasque ciuitates tribuisse *Isid. Hispal. in Chron. Goth.* secundam Aquitaniam vsque ad Oceanum datam, cum quibusdam ciuitatibus confinium prouinciarum: item Theodoricum Aquitanias cum ingenti exercitu, & licentia Imperatoris ingressum; & Iornandes Euricum crebram mutationem Romanorum Principum cernentem,

tem, Gallias demum suo iure nifum occupare, totas Hispanias, Burgundionesque accepisse. sic veterum mediorumque sæculorum, nostræque ætatis. historiæ plenæ sunt huiusmodi fœderū, pactorumque exemplis, pluunt *quasi imber super herbam, & quasi stilla super gramina:* quibus transigentes de bellicis controuersijs Reges, vrbes, castra, territoria, prouincias vni alijs cesserint: totum quin etiam scatet Cassani opus. Consuetudo ergo Regum, sine Ordinibus vbique paciscentium, huiusmodi pacta fœdera que probat, firmatque. *Si de interpretatione,* inquit, l. 37. *D. de legib. legis* (fundamentalis regni, vt vocat Cassanus sæpius) *quærat, imprimis inspiciendum est, quo iure ciuitas retro in huiusmodi casibus vfa fuit, optima enim legum interpret est Consuetudo.* vsumque ciuitatis & prouinciæ pro iure similiter habet l. 34. 35. 32. 33. *D. eod.* quia ex duobus actibus in Regijs etiam controuersijs arguitur. *c. per venerabilem in fin. de elect. c. ita vos 25. q. 2. c. Moyses 8. q. 1. DD. passim & c. proximo hic infra latius.* Itaque necessarium est, vt interpretemur Reges, qui sexcenties ita sunt pacti, eo iure in huiusmodi casibus retro sunt vfi, posse sane sine Ordinū scito fœdera contrahere, quibus etiam pars regni, cum ita opus est, omittatur.

C A P V T X V.

An consuetudine regni Francia Reges per pacis fœdera, vbi reip. expedit, regni limites possint imminuere?

Huiusmodi argumento vtitur Cassanus l. 2. c. 1. p. 21. vt probet venditionem supremiæ regni Arelatenfis ritè ab Henrico Imperatore factam: *quia non sunt,* inquit, *noua huiusmodi in Imperatoribus alienationes,* citatque plura exempla, quibus stabilitam putat huiusmodi auctoritatem: fauetque ratio c. 2. X. de feud. c. 5. X. de donat. & quæ cap. proximo diximus.

Domestici sane iuris apud Francos omnino magna est aucto-

auctoritas, & merito: sed est & tanta philautia, vt excedat aliquando omnes limites, vt & ea pro iure recipiantur, quæ in rerum natura fuisse vñquam comprobari non possint: vt de lege Salica c. 6. l. 1. diximus. ita Opinio etiã leges generat. Neque porro multorum actuum frequentiam adeo quidem non exigunt, vt si vel vnus speciem apprehendisse videantur, Consuetudinem regni audeant quidam appellare. ita nuperi quidam Doctores eo vsque profilierunt, vt non posse sanguinis Regij Principes, præsertim præsumtiuos in Coronam successores, sine assensu Regio ex consuetudine Franciæ validè matrimoniũ inire contenderint. Consuetudinem vnico Iudithæ Caroli Calui filiæ exemplo probare conantes: quæ tamen inuito quidem Rege contraxit nuptias cum Balduino Ferreo, indignationemque patris incurrit, & vt in gratiam rediret diu multumque luctata est, maritũ tamen numquam deseruit, nec vñlo præsulum Franciæ procerumve decreto matrimonium irritatum est: quod tamen ad huiusmodi consuetudinem inchoandam factũ esse astrui debuisset, imo in contrarium auctoritate Pontificia negotium illud compositum, filia quidem quasi rapta parenti iussa restitui: sed tamen non aliter, quã si ille promptus esset mandata Apostolica implere. ideoque, etsi nec postea nuptiarum solemnitati Rex voluerit interesse, tamen honores Balduino propter intercessionem Pontificis donauit. *ita in epist. Hincmarus Archiep. Remens. relata à Mirao c. 17. Cod. donat. piar.* nam cum solius Ecclesiæ sit impedimenta dirimentia matrimonium statuere, *vt latius Sanchez de mat. l. 7. d. 1. & clare innuit Concil. Trid. s. 24. de reformat. mat. c. 1. in verbis, quam diu Ecclesia ea irrita non fecit,* tamen admittunt nonnulli cleri simul & populi consuetudinem: *Sanchez ibid. d. 4.* quasi ad id sufficientem præscriptam, tamquam Ecclesia annuente, cuius ea propter iudicium interuenisse probari oporteret, etsi Pontius alijque rectius dissenserint.

Enimvero vniformem consuetudinẽ, non actus diffor-

mes.

mes interuenisse oporteret. & tamen Ludou. Balbus eodem patre inuito duxit Ansegardam, ex eaque tamen nati Ludouicus & Carolomannus in Francia regnarunt, & ipse Ludouicus regno non excidit. Philippota Guidonis Flandriæ Comitissæ filia desponsa erat filio Regis Angliæ, inscio Philippo Pulchro Rege Franciæ, mandatum à Bonifacio VIII. vt libertati restitueretur filia. *Meyer. in annal. ad an. 1296. Bzouius in Ann. Eccl. ad eundem annum, Sueyro in annal. Fland. ad eundem an. & seq.* Maria Burgunda Caroli Audacis filia Maximiliano Austriaco nupsit, inuito Ludouico XI. Rege cognato, qui & inter pacis propositæ conditiones exigebat, ne illa sine assensu suo nuptias contraheret. *Haraus in Ann. Belg. ad an. 1477.* qua stipulatione opus non erat, si impedire non tantum, sed & irritare matrimonium aliter ineundum potuisset. dicit tamen Cassanus l. 1. c. 5. p. 134. eam Pacem tractatam per summos viros istius æui: summum ergo illorum iudicium cum Consuetudinis huius fabricatoribus non conuenit, Ludou. Malanus Comes Flādriæ Margāretam filiam Edmondo filio Regis Angliæ desponderat, inuito Rege Franciæ, at hic apud S. Pontificem suppliciter factus est, ne super consanguinitate dispensaretur: quid opus istis ambagibus, si suo Marte Rex poterat prouidere? recenset quosdam *Le Bret de la Souueraineté* l. 1. c. 8. quibus crimini datum sine Regis assensu nupsisse; esto: nam ibi & is subsistit: irritatās nuptias negamus: & sunt tamen qui ex imperfecto, eoque vnico exemplo consuetudinem velint inferre. sed vt quidem nullo illi iure nituntur, facilius tamen oportet, vt absolutam paciscendi facultatem Regibus Franciæ faciant ex actibus tam sæpe atque vniformiter repetitis.

Exemplum nihilominus illud Iudithæ memores nos hic reddit, quod Carolus Caluus postea ei in dorem dedit Flandriam; & quidquid Somona, Schalda, & Oceano continetur, quæ quarta circiter regni Calui pars erat, nec tamen Ordinum seito opus fuit.

At

At vero non pauci actus, nec minimè celebres sunt, quibus Reges Francici consueuerint, pacis ergo, reliquæ corporis seruandi causa de regno aliquid præcedere, hostique tribuere: testis esto vel solus Cassanus, cuius opus huiusmodi fœderibus imprægnatum est, iisque actibus, qui vel donationem, remissionemve liberam redolent, qui vel ijs negantur, quibus transigendi facultas iure concessa est, eorumque multos omnino supra *cap. 4. l. 1.* designauimus, sed plures tamen toto illius opere adhuc vagantur, & pridem Baldus *in l. digna vox C. de leg. & eum secutus Felinus in c. 1. X. de probat.* docuit pacem cum præiudicio quamuis graui Franciæ initam per successores esse seruandam.

Sed & quam nuper contentio de Bressa, & Salutijs cum Sabauda composita, bellum æque atque pax ab Henrico IV. solo peracta? eaque quæ toties in quæstionem venit, Pax inter Carolum V. & Franciscum I. *Madridij 12. Ian 1626.* non solum, sed & Cameraci *nonis August. 1629.* Crespij *18. Septemb. 16.* atque alias inita inter Philippum II. & Henricum II. *Cambresij 1559.* omnia prædecessorum pacta & quorumcumque regnorum & terrarum renuntiationes firmat, signante utroque filio, inter Henricum IV. *an. 1599.* Veruini iterum eadem pacta pro insertis omnia habentur: aliæque adiiciuntur renuntiationes plures, atque inter solos Reges hæc acta omnia sine Ordinibus.

Et vero percurrentibus Gallorū historias, quotidiana pactorum fœderumve non cum Hispanis dumtaxat, Belgis, Austriacis, sed quibusuis alijs, Anglis, Sabaudis, Burgundjs, Germanis, Bretonibus, &c. clausula occurret, qua aliquibus vrbibus, agrisve cessum, renuntiatūque sit; nec tamen legent Ordines in medium paciscentium productos; sed eorum iniussu fœdera facta: publico tantum plausu, ludis, ignibus festiuis probata. Ludouicū XI. qui solebat gloriari regnum ex ephæbis se emisisse, eo iure aliquando non vsum: Franciscū I. eam exceptionem ob-

tendisse

tendisse euenit, quo videretur iuris aliqua sub specie iurata Burgundiæ restitutionem non facere, aliaque pacta non seruare, non secus quam promissum, si pacta non præstaret, redeundi Madrilium delusit, in suburbano Lutetiarum ædificato Madrilio, quo se contulit. risum teneatis.

Quin etiam casus nostræ Decretalis, *nouit. de iud. præcipue* ad hanc quæstionem spectat, quod Rex Franciæ & Angliæ disputarint de Comitatu Pictauiensi, atque inde bellorum originem fecerint. *Chassanæus in Conf. Burg. R. de Fiefs 3. §. en choses num. 45.* diuturnis incommodis agitati pacem, etiam interdum & inducias pepigerint, etiam insignibus territorijs & dominijs cessis. *vt docuimus c. 1. l. 2.* & vero quam diu inter Anglos tractatum est & Francos, renunciationes, cessionesve aliquæ plerumque interuenerunt. de cuiusmodi pace seruanda exaudiendus est ille textus *d. c. nouit.* nam alioquin extra causam se excusaret Pontifex, quod nolit cognoscere de feudo, si nihil circa rem pacta comprehendissent, sed promissiones tantum personales. quo nomine Francis vltima alea felicius cessit, ac paulatim obtinuerunt, quidquid non tantum Angli aliquando bello ceperant, sed & quod iusta hæreditate etiam ante ipsam Angliam possederant in Gallijs, quibus tamen nolint Franci Angliæ Reges cedere non potuisse, successoribus non præiudicasse paciscentes, præscriptionem minus obstare, æternam Regibus illis actionem competere, etiam armatam. Concedant ergo Moribus Franciæ solos sine Ordinibus Reges Pacis fœdera contrahere, quibus, cum seruando corpori opus est, partem aliquam ditionis hosti cedant.

LIBRI TERTII

CAPVT I.

Argumentum huius libri, Fecialis Belgici.

IAM satis dictum de Pacis vinculo, foederumque obseruantia. transeamus ad partum Cassani eique similium, seu eorum potius quorum illi nutu mouentur, quorum ex destinatione Cassanus confortesque scripserunt: bellum utique, horridum bellum, quod inter Hispanos, Francos, ac Belgas per huiusmodi tubicines excitatum est. Reuocemus ergo in memoriam Innocentij III. decretalem *quam supra l. 2. c. 1.* inseruimus, eamque tempestatibus nostris accommodando, mutemus personas: loquentem faciamus Urbanum VIII. Philippo Augusto, de quo ille agit, surrogemus Ludouicum XIII. & in vices Angliæ Regis substituiamus Hispaniarum Regem, cuius parilis est causa. *Diligimus*, inquit Innocentius, *Regem Francorum Illustrum.* Enimvero quis Romanorum Pontificum magis Urbano VIII. Francorum vllum Regem dilexit? quippe ut filium sacro lauacro à se ablutum: quomodo D. Remigius Francorum Apostolus Clodouæum baptismo admouit, & in Christo genuit.

Addit Innocentius, *de corde puro, conscientia bona, & fide non ficta.* vide diuinam dilectionem esse Pontificiam: *de corde puro*, non admixtis vllis respectibus humanis, qui militent aduersus animam. *Conscientia bona*: cui non est peccatum: *Eccl. 13. fide non ficta*: non vocando malum bonum, & bonum malum: sincerè quod fides statuit, quod religio exigit, quod Dei cultus postulat, proponendo. *Ad honorem*, inquit, *& profectum*, &
in-

incrementum ipsius efficaciter aspiramus, exaltationem regni Francorum, sublimationem apost. Sedis reputantes: cum hoc regnum benedictum à Deo semper in ipsius deuotione permanferit (ita se res habebant, ita Pipini, Caroli, alijque Francorum Reges audiebant) & ab eius deuotione nullo umquam sicut credimus tempore sit discessurum. Vtinam ita faxit Deus, vt regnum Gallix nunquam à deuotione Sedis Apostolicæ, vero Dei cultu, fide non ficta auellatur! non in schismata labatur, non illa minetur, si quid ex voto non fiat, quòd fides non ficta non permittit. vtinam ea vota tempestatum nostrarum effecta sequantur!

Nos tamen, inquit Pontifex, qui satana non ignoramus astutias, circumuentiones ipsius studebimus euitare. iure merito itaque Vrbanus VIII. allaborat, vt literis legatisque Reges edoceat satanæ insidias, circumuentionesque vitare. insidiæ sunt cum ex occulto nocetur, cum sub ouina pelle lupi grassantur, cum sub sacro velamine Achitopheles malesuadi sana consilia peruertunt, cum Ecclesiæ subuersioni defensio sociorum, aut alia species fraudis imponitur, cum religioni nocetur, & libertatis aliæ nomina prætexuntur.

Non putet, inquit Pontifex, quod iurisdictionem illustris Regis Francorum perturbare, aut minuire intendamus. De Iurisdictione mundana nihil intercipitur, cum formula à Christi Euangelio præscripta tantum seruetur.

Et Rex Anglia (surroga vt diximus hic Hispaniæ Regem) sit paratus sufficienter ostendere quod Rex Francorum peccat in ipsum. scilicet quod sibi Rebelles, Dei & Ecclesiæ hostes consilij, viris, armis, commeatu, pecunia, omni alio modo iuuat,

Et ipse circa eum in correptione processit secundum regulam euangelicam: Rex Hispaniarum per litteras, per legatos Regem Francorum conuenit non semel.

Et tandem, quia nullo modo profecit, dixit Ecclesiæ: fecit

id Rex Hispaniarum, fecit & Imperator, scilicet vterque per legatos suos summo Ecclesiæ Capiti, Christi Vicario, dixit, etiam per eos, qui ex eminentissimis in Ecclesia erant, tantæ negotij dignitati pares, quales summa rerum religionisque postulabat.

Quomodo nos, inquit Innocentius, qui sumus ad regimen vniuersalis Ecclesiæ superna dispositione vocati, mandatum Domini possumus non exaudire? ut non procedamus secundum formam ipsius? quis ergo velit ut non audiat, ut cunctetur Urbanus VIII? ut rector vniuersalis Ecclesiæ periclitari eam sinat, ut gubernator nauis Petri in saxa & syrtes eam impelli, in scyllas & charibdes dirigi, sub vndas immergi sciens, prudens, monitusque patiatur, sacra insuper prophanaque confundi, altaria, Ecclesias dirui, catholicas ciuitates expugnari, sacrorum mystas, Episcopos, clerum eijci, hæreses induci, hæreticorum zizaniorum seminatores immitti, ipsum Euchariæ pignus calcari, mille iniurijs proscindi, sacramenta prophanari etiam auspicijs Christianissimi Regis? iussum à Domino corripere inquietos (bella suscitantes) increpare, obsecrare, clamare non cessare, quasi tubam exaltare vocem, annunciare populo scelera, alias impium in impietate moriturum, sanguinem eius de manu illius requirendum, quis velit silere? Panormitanus sanè in d. c. nouit correptionem in prælato, esse in præcepto omnino docet: & consonat c. si peccauerit 2. q. 1. c. error. d. 83. & quod ex Archid. in d. c. si peccauerit refert Panormit. in d. c. nouit ex D. Augustin. de verbis Domini, si neglexeris corrigere, peior eo, qui deliquit, factus es.

Non enim intendimus iudicare de feudo, inquit Pontifex, sed decernere de peccato cuius ad nos pertinet sine dubitatione censura, quam in quemlibet exercere possumus & debemus. Potestatem & debitum officij sui ritè expendit S. Pontifex. Et quamuis de secularibus iudicare posset negotijs, iure Romano Valentiniani Imp. & Theodosij, & Francico Caroli Magni, de cuius genere dicit

Philippum Augustum, tamen hac in causa non humanæ constitutioni sed diuinæ dicit se inniti, potestatemque suam non esse ex homine, sed ex Deo. persuasionis tantum ergo humanas constitutiones citat Innocentius: iuris Romani quidem, vt æqui ac boni, vbique terrarum æstimati, sed & magis Francici, vt domestici; agens cum Rege Francorum: quam etiam ob rem eum memorat Pontifex de genere Caroli Magni descendisse: vt gentis suæ exempla, legesque magis mouerent. Ideoque vox ea genere accipienda est, vt latè patet, de genere seu gente Francorum, quæ erat Caroli (sicut loquitur c. quorundam in d. 34. in verb. genere Germanqs & Gallos:) id quod proposito Innocentij sufficit, non de familia strictè, domo, & stirpe Caroli Magni. quippe Philippus Augustus ab Hugone Capeto descendit, qui communi omnium historicorum calculo de mascula stirpe Caroli non prodijt: an de fæminina alij dubitant, alij negant, sed externum à familia Carolingica fuisse scribunt. vt pluribus docet Alex. Pat. Armacanus in Mart. Gal. l. 1. c. 32. & seqq.

Nullus qui sit sana mentis ignorat, quin ad officium nostrum spectet, de quocumque peccato mortali corripere quemlibet Christianum: an non ergo Christianissimum? nisi rem ex hoc titulo exenteres: atque ex lege diuina eradas illud, ita magnum iudicabis vt paruum, nec erit apud te acceptio personarum: neque ad Ecclesiæ præfides æstimes pertinere, constitui te super gentes & regna, vt ouellas & destruas, adifices & plantes: quæ in hanc tamen rem aduocat summus diuinæ legis sacerdos Innocentius.

Et si correctionem contempserit per distractionem Ecclesiasticam coercere: vtique vt si non obedierit declaratur habendus sicut ethnicus & publicanus; adeoque à sacris Christianis abesse iubeatur, à Christi Ecclesiæque corpore præcindatur.

Non tamen id tumultuariè & præcipiti iudicio fieri debere

dēbere quis existimet. eoque spectant priuilegia, quæ pro Christianissimo Rege non excommunicando ab ali- quibus proclamantur: non quod potestati Ecclesiæ & censuræ sit exemptus: cum legi diuinæ nec ipse Papa exi- mere eum possit, sibi successoribusve aduersus eam ma- nus ligare, clauēs Petro traditas abijcere, aut à suc- cessoribus alienare; sed modum tantum præscribere, aut censuram Sedi Apostolicæ reseruare: cum Romani Pon- tifices Reges Franciæ sæpius excommunicauerint, quin etiam non ita pridem vt Iulius II. Ludouicum XII. Si- xtus V. Henricum IV. & ipse S. Remigius, qui primus Francorum Regem, gentemque baptismo initiauit, ali- que testamento eius adhibiti Episcopi fieri id statuerint, si vniquam successores à fide, quam eis prædicarat defi- cerent, Ecclesiæ graues, aut contrarij existerent: præuijs tamen pluribus monitionibus. *vt ex testamento recitat Armacanus in Mort. Gal. l. 2. c. ult. quod Miraus ex integro refert. c. 1. Cod. donat. piar.*

Licet autem hoc modo procedere valeamus, super quo- libet criminali peccato, præcipuè tamen cum contra pacem peccatur, postremo cum inter Reges ipsos reformata fue- rint pacis fœdera, vt utrimque præstito iuramento firma- ta, numquid non poterimus de iuramenti religione cogno- scere, quod ad iudicium Ecclesia non est dubium pertinere? vt rupta pacis fœdera reformentur? eodem ferè modo Innoc. IV. in c. ad Apostolica de sent. & re iud. in 6. de- clarat se coactum procedere contra Fredericum Impera- torem pacem iuratam infringentem: facit Clem. pastor. in princ. eod. c. precipimus c. studendum d. 90. c. ab Impe- rat. 23. q. 3. Vide Martham de iuris d. p. 2. c. 41. n. 11. & seqq. & inuat. c. 1. §. fin. X. de treug. & pac. Innocentium pro- bat, laudatque ea in re Cassianus l. 1. c. 5. p. 207. Quid ni ergo fateamur, rectè Urbanum VIII. cognoscere de re- ligione iuramenti, quod in vltima pace Veruiniana in- terpositum est, vt instruat Rex Francorum, quomodo immissiones factæ per angelos malos illum circumuene- rint,

runt, vt reuocetur ab errore ad veritatem, vt rupta pacis fœdera reformet?

Ne ergo tantam discordiam videamur sub dissimulatione fouere, predicto legato dedimus in preceptis, vt ipse iuxta formam sibi datâ, à nobis procedere non omittat. Ne videatur igitur summus Pontifex itidem tantam nunc discordiâ inter Galliæ Hispaniæq; Reges Imperatoremque fouere, & particeps fieri multorum malorum, si ea forte possit impedire, quis reprehendat, quod missis ad omnes legatis in mandatis dederit, vt modis omnibus incumbant in restaurationem Veruinianæ pacis, inter vtrumque Regem pactæ, qua & comprehensus fuerit Imperator, alijque Austriaci Principes?

Iure ergo, meritoque idem S. Pontifex zelum suum contestatus est epistola sanctissima, ad Franciæ Reginam Matrem, quæ quantisper ipsa gubernaculo præfuit, ita pacificè Galliam rexit, vt & reipublicæ præiudicia vitaret, & bellandi necessitatem arceret, & suam Stëm iam ante pijslimis literis interpellauerat, vt paci inter fratres Reges, filium suum, generumque, conciliandæ beatam operam dignaretur impendere. Pontifex ergo rescriptit sub his verbis:

Vrbani Papa VIII. Regina Christianissima vidue, charissima in Christo filia nostra salutem. Pacem quam humani generis hostis è fidelium regionibus eliminare contendit, tamquam virtutum comitem & conseruatricem religionis, assiduo studio firmare conati sumus, etenim in summo Apostolatus apice, publica felicitati seruire in Domino gloriamur: ita vt filiorum discordiis paterna charitatis viscera dilanientur. Quocirca non solum publicis ac priuatis precibus diuina clementiæ thronum adiutus, è cuius virtute pax pendet, sed nullam per nos, aut per Nuntios nostros præmittendum à pastoralis sollicitudine officium duximus, quod parere posset optatæ tranquillitatem concordia. Et licet exortibus armorum motibus, illam undique labefactari contingat, non tamen animum

ita

ita despondemus, ut spem de meliori statu deponamus: sed quantum in nobis est ea omnia prestare non desistimus, quæ ad obtinendam expetitam serenitatem conferre censemus. Quamobrem non parum auxit solatia sollicitudinum nostrarum Maiestas tua, dum omne studium intendere significauit, ut imminetia Christiani Catholici orbis damna arceantur, siquidem vota pietatis & prudentia tuæ, quibus in commune bonum præcipua voluntate duceres, magnam habitura auctoritatem confidimus. Perge charissima in Christo filia, audiantur ex ore tuo consilia, quibus populorum salus muniatur, ut in congregatione iustorum regnet Deus totius consolationis. Omnium certè nationum, & sequentium ætatum plausu memoraberis, si quæ in luctuoso bello extinguendo aggredieris, det tibi Deus perficere, cuius causa omnia velle debemus, ingentemque ab illo p̃i laboris mercedem iure poteris præstolari, facile enim est tanti facinoris promerita metiri magnitudine calamitatum, quæ discrimen religioni, & vastitatem prouincijs minitantur. Magnum hoc decus adiiciat diuina bonitas maiestati tuæ, cui Apostolicam benedictionem amantissime impertimur. Datum Romæ apud Sanctam MARIAM maiorem sub annulo piscatoris, die xxxi. Augusti M.DC.XXX. Pontificatus nostri anno xiii. & erat subsignatum Iulius Rospigliosius. Scripsit idem Pontifex & alteram epistolam 13. Octob. 1635. in consequentiam eiusdem sententiæ.

Ita ergo sanctissimè S. Pontifex: quem eo in zelo perstiturum addubitare nos ratio decretalis nostræ non finit, nec à cepto pijsimo opere manum amoturum, cui bene promonendo etiam publicas preces Ecclesiæ vniuersalis indixit, iubilariasque indulgentias tribuit. Et sanè eo res perducta est, ut Ferdinandus Imperator literis suis ad eandem Reginam, quæ & illum pacis conciliandæ ergo interpellauerat *datis altera Nouemb. 1635.* non se commissurum declarauit, ut. Reginæ commendatio frustra fuisse videatur: optare ad tractatum, qui

apparatur, omnes eandem secum dispositionem adferre, coque breui beatam tranquillitatem in orbe Christiano reflorescere. quod porro ad Hispaniæ Regem attinet, de animo eius. in pacem proclui dubitare nos non finit æquitas eius, atque benignitas, ac monitoriæ vltimi elogij Philippi II. tabulæ, quæ filium, adeoque posteros, pacem vbique procurare præter cetera serio commonefaciant.

Pergit Decretalis Innocentij : *Nisi fortè Rex ipse, vel solidam pacem cum prædicto Rege reformet: quod vtinam contingat atque de corde puro, & fide non ficta!*

Vel saltem humiliter patiatur, ut idem Abbas & Archiepiscopus Bituricensis de plano cognoscant, utrum iusta sit quarimonia quam contra eum proponit coram Ecclesia Rex Anglorum (Hispan.) vel eius (Regis Francorum) exceptio sit legitima. Hispaniarum Regis quam iusta sit querimonia, quam contra Regem Galliæ proposuit coram Ecclesia, deprehendi poterit ex diplomate, quo per Serenissimū Ferdinandum Infantem Hispaniæ S. R. E. Card. Belgicæ Moderatorem, nomine Regis Hispan. manifesto demum bello laceßiti, aduersus eundem Regem Galliæ bellum reciprocum est declaratum.

C A P V T I I.

De violatione pacis, adeoque iuris gentium.

DEclarationis prologomena impulsiva hic omittimus, nam sponte se in examen ingerent; dispositiua verba ita latinè sonant: *protestamur, inquit, Ferdinandus, coram Deo, totoque mundo neque Regem Dominum meum, neque nos auctores causamve esse infractionis, aut rupturæ pacis, malorumve, quæ procedere possunt ex bello incepto per Regem Francia: & vtentes potestate per suam maiestatem nobis facta, & ex deliberatione suorum Concilio-*

celiorum, nomine; & ex parte ipsius declarauimus, & declaramus eundem Regem Francia, illius ditiones, subiectos, vasallos adhaerentes hostes sua maiestatis, & consequenter contra eos bellum apertum, terra marique, nuncupatim etiam tamquam aduersus violatores iuris gentium, fautores haeticorum, perturbatores religionis Catholica, Apostolica, Romana; boni, quietisque harum ditionum, Regi obedientium. Proponit ergo Declaratio hic gerendum bellum ex quatuor capitibus: 1. ob violationem iuris gentium. 2. fauorem haeticorum. 3. perturbationem religionis. 4. boni, quietisque publicæ harum ditionum. Perstringamus seorsim singula. sed præmittamus tria verba quæ subiungit Declaratio: *Ordinamus, inquit, omnibus subditis & vasallis sua Maiestatis exercere hostilitatem contra Regem Francia, ditiones, subditos vasallos, adhaerentes, & facere omne id quod rigor belli potest permittere.* an qui omnes dicit, neminem excludit? an me etiam Declaratio hostilitatem iubet exercere? si mihi iussa capessere fas sit, stylum exeram, hostilitatemque literariam exercebo: ab alia clérici militiâ reuoluentur: ita tamen exercebo, vt in hac militia à vexillo veritatis nolim vmquam discedere: exercentem reprehendere nemo potest, quem debita Principi obedientia excusat. præsertim dum defensionum tantum stylum figam, quo tela in nos coniecta reijciantur, neque moderamen inculpatæ tutelæ excedam, memor illius; *conduxi te vt pugnares aduersus hostem: non vt malediceres.*

Igitur quod ad primum caput attinet violantur iura gentium; cum pacis (quæ ex iure gentium descendit. *Lex hoc iure D. de instit. & iur. l. 5. l. 1. D. de pact.*) fœdera infringuntur, de eorum viribus *lib. 2.* sat diximus. Declaratio accusat Veruinianæ pacis infractionem an. 1598. solemniter compositæ, publico vtriusque populi gaudio festiuisque ignibus exceptæ, omnium ordinum vtriusque gentis applausu probatæ, totius Christianismi suffragio confirmatæ, summi etiam Pontificis voto, legatique il-

lius industria diligenti promotæ, *precibus etiam illius ad Deum imprecationibusque sancita*, inquit Declaratio, *aduersus eum qui prior infringeret*. scilicet ad quem modum, fœderibus feriendis fideique obligandæ veteres soliti fuere addere diras imprecationes, si fallerent, si deficerent: solemnis formula est fœderis iëti inter populum Romanum Albanumque; *audi Iupiter, audi pater patrante populi Albani, prima postrema quæ ex illis tabulis ceraque recitata sunt sine dolo malo, utique ea hic hodie rectissimè intellecta sunt, illis legibus populus Romanus prior, non deficiet: si prior defecerit, publico consilio, dolo malo, Tu illo die Iupiter populum Romanum sic ferito, ut ego hunc porcum sic feriam: tantoque magis ferito, quanto magis potes, pollesque. vicissim Albanus; si rectè ac sine dolo malo, hoc fœdus, atque hoc iusiurandum facio, dij mihi cuncta felicia duint: sin aliter aut ago, aut cogito, ceteris omnibus saluis in propriis patrijs, in proprijs sedibus, in proprijs laribus, in proprijs sepulchris; solus ego peream, ut hic lapis è manibus decideret.*

Ad eum ergo modum moremque Legatus Pontificius Veruini feliciter demum coalita pace solemniter imprecatus est aduersum illi Numen qui prior deficeret; qui dolo malo falleret: è contrario cuncta illi felicia, qui rectè fœdus, iusiurandumque faceret, fidem præstaret.

Quam religiosè pacta conuenta seruarit Rex Catholicus etiam tunc cum rebus in Gallia nefaria cæde Henrici IV. turbatis, facere rem suam egregiè potuisset, refert paucis Declaratio: ex aduerso Notorium est, inquit, *pace Veruinianæ vix publicata Franciam, ut domi suæ fructum pacis sola decerperet, transulisse bellum in Belgium per continuationem veterum tractatum, & conclusionem aliorum nouorum, contrariorum Veruiniano: quos secuta sunt continua hominum pecuniarumque subsidia, missa Rebellibus Deo, & suæ maiestati; quibus simul oppugnaretur & Religio, & Supremitas, ut accidit maiori etiam vi seruioreque quam illi ante facere potuerant.*
qui,

qui, inquit iterum Declaratio, proximè accedunt ad personam Regis nunc regnantis, loco reciproca gratitudinis, tandem ei persuaferunt, ut plenè velis in Domum Austriacam inueheretur: quo pace domi frueretur, quam violaret extra regnum: ut in diuersis occasionibus est factum per litteras, commissiones, emissarios, & tractatus: ad mouendos in seditionem Status, & subiectos sua maiestatis, tentandum per prodiones oppida maximè munita, per nouorum vectigalium introductionem contra tractatum Veruinianum, per violationem securi transitus debiti veredarijs sua maiestatis, immissionem militum in Ducatum Luxemburgensem, Comitatum Burgundia, & Arthesia, quæ omnia verificata sunt per notorietatem facti, aliasque euidentissimas probationes. Ita Declaratio. Henricus ergo IV. quod mox ab ipso fœdere Veruiniano Batavis, Regis Hispaniæ Rebellibus, fidei Orthodoxæ inimicis, suppetias continuauit, & rebus domi pacatis potentiores tulit, binæque post paulo legionum auxilia ad exercitum illorum submisit, quarum imprimis robore Grauiæ expugnata est, Catholica simul Regi & religioni subtracta, qua de re quam primum Clemens VIII. legatum Regis iusta cum querimonia grauiter monuit, non tantum id aduersari iuratae paci, sed etiam vergere in perniciem fidei Orthodoxæ. *Olsat. ep. 327.* siquidem pactis conuentum erat, ut mutua Regum arma ponerentur non tantum, sed & ne prætextu priorum fœderum cum alijs contractuum, quæ politici fortè per posteriora non tolli aut impediri dicerent, expressè cautum erat ne illa Veruiniana indirectè læderentur, quodque non sustinerent Reges, aut fauerent personæ, quæcumque foret, in præiudicium alterutrius, quod renuntiarent omnibus praxibus, ligis, & intelligentijs, quæ quoquo modo possent resultare in præiudicium alterius. ecce ut omnia commercia, fœderaque priora abrupta sunt, ex quibus alteruter capere posset detrimentum. formula breuior, sed sincerior erat veterum illa; *Romanis latinis-*

que omnibus cum calo & terra duratura, pax esto. inter se bellum non gerunto: aliunde ne inducunto: ne quers exercitum, qui contra Romanum Latinumque adducetur, per suos fines transire sinunto: néve ulla ope iuvanto, iniecit Clemens VIII. iustissimè illum Regi scrupulum, mouit omnem lapidem, sed non promouit; perstitit Rex in proposito. *Du Plaix in Henrico IV. art. 4. traitt. 1608. inter Henric. IV. & Batauos.* quinimo sub finem vitæ certum est animo magna molimina voluisse, à Principibus Belgij transitum per agrum Luxemburgensem petiisse; multorum est opinio, ea meditatam, quæ Palatinus postea conatus est: quod quia mihi non liquet, benignius lubet præsumere illud Sap. c. 4. *raptus est; ne malitia mutaret intellectum eius, aut ne fictio deciperet animam illius, fascinatiō enim nugacitatis obscurat bona, & inconstantia concupiscentia transuertit sensum sine malitia*, ne inquam, à fictione prauorum consiliorum fasciaretur, ne ab inconstantia concupiscentiæ alieni Imperij, à nugacitate prætextuum libertatis Germanicæ, priuilegiorum, aliorumque, sensus ei transuerterentur; dicit tamen Declaratio Regem in procinctu fuisse ad totam Europam turbandam, atque vtinam neque Ludouico Iusto malitia prauorum susurronum mutaret intellectum, nec transuerteret sensum sine malitia ei agnatum, ne fictio deciperet animam illius, ad manifestam infractionem pacis Veruiniænæ! quæ non tantum composita fuit inter Hispaniæ Franciæque Regem, sed etiam expressè Imperatorem, Imperiumque (quibuscum & fœdera alia faretur intercedere plurima Cassanus l. 2. c. 1. p. 24. ne quis in alterius territorium terminos promoueat: & nuperum sanè est Ratisbonense, Monçonense, & Cheracquense, quæ agnoscit Ratiocinator) aliosque domus Austriacæ Principes, & nihilominus adhuc nuperis literis ad Leodienses datis 3. Feb. 1636. Imperator ait, *notoriè Francos iam pridem turbasse pacem, tranquillitatemque Imperij, siue bello aperto, siue tectis machinationibus*

nationibus. quorum Principum singuli possunt denunciare ad morem Evangelicum, & Regis Angliæ in nostra Decretali, obiectareque illud Jephthe, *Iud. c. 11. ad Ammon, non ego pecco in te, sed tu contra me male agis, indicens mihi bella iniusta,* quin nec indicta gerunt; vultu amicitiam diu præferentes, impijs bellis auxilium præbent, nec iam amplius sub vmbra, sed sole meridiano, vt non hic opus sit quod *in d. c. nouit.* Rex Angliæ paratus erat sufficienter ostendere, quod Rex Francorum peccaret in ipsum, sed *infractio sit notoria,* vt ait Declaratio, & ipsa rerum euidentia tanta toto Belgio, totaque Germania, vt clarior esse non possit, quamuis dies illucesceret, quo lumen solis splenderet, vt lumen septem dierum: vt cæcutire iam nemo possit, nisi quorum oculi lucem non ferunt veritatis: qui genuini non sunt pulli Euangelicæ Aquilæ, quæ prædicat lucem illam veram, quæ illuminat omnem hominem.

Quibus igitur rebus, inquit *apud Liuium d. 4. l. 4. Titus Quinctius ad Nabin, amicitia violatur? nempe his maxime duabus, si socios meos pro hostibus habeas, si cum hostibus te coniungas. Vtrumque à te factum est, nam & Messenæ uno atque eodem iure fœderis, quo & Lacedæmonem in amicitiam nostram acceptam socius ipse sociam nobis urbem vi atque armis capisti: & cum Philippo hoste nostro non societatem solum, sed si Dijs placet affinitatem etiam per Philoclem præfectum eius pepigisti, & bellum aduersus nos gerens mare circa Maleam infestum nauibus pyratice fecisti, & plures prope ciues Romanos quam Philippus capisti, atque occidisti: tutiorque Macedonia ora quam promontorium Maleæ commentus ad exercitus nostros portantibus nauibus fuit. proinde parce sic fidem ac iura societatis inctare, & omissa populari oratione, tamquam tyrannus, & hostis loquere. Ita ille. An non vtrumque à Francis factum est? Batauis Rebellibus auxilio iuerunt, plures ipsi quam Bataui occiderunt, ciuitates magis quam ipsi ceperunt, Imperatori Austriaci-*

cisq̃ue Principibus Hispaniarum Regis socijs eodemque
 fœdere Veruiniāno comprehensus castra, vrbes eripue-
 runt, à Suecis hostibusque Imperij emerunt, eosdem ad
 bellum in Germaniam ferendum incitarunt, quadrin-
 genta scutorum millia quotannis addixerunt? militem
 miserunt, omnia simul hostilia exercuerunt, an non fœ-
 dus 13. Ian. 1631. inter Francos & Suecum contractum
 esse declaratur *ar. 1.* pro defensione omnium amicorum
 qui oppressi sunt, & vt restituantur in status suos omnes
 Principes, atque Ordines Imperij, quemadmodum ante
 bellum Germanicum fuerant; denique vt omnia resti-
 tuantur in eundem locum, quem ante tumultus Germa-
 nicos habuerunt. promittuntque Franci vltra subsidium
 quadringentorum millium scutorum quotannis, dele-
 ctum militum pro Sueco habendum in Gallijs; aduer-
 sus illum non permittendum: viden' vt Rebelligum Bohe-
 morum Palatinique in regnum restitutio, Rebelligumque
 aliorum in sedes occupatas repositio aduersus priora
 fœdera promittitur? cum Batauis autem Henricus IV.
 an. 1608. & post illum Ludouicus XIII. plura contraxit
 fœdera in subsidium gentis Rebelligis, ac denique 8. Feb.
 1635. quo apërto Marte extremisque viribus prouinciæ
 Belgicæ Regi fideles vndique inuaderentur, occupatæ
 inter Francos & Batauos diuiderentur, & id quidem
 antequam nasceretur causa Treuirensis; quæ tamen
 verbo-tenus summa rerum est, ob quas Ratiocinator
 Regis bellum indictum scribit, sed & hoc bellum Bata-
 uis promissum sæpius, Regique Hispan. illatum fuit
 contra gentium iura, antequam vel à scenico indicere-
 tur, antequam ex causa Treuirensi nondum nata iudici
 posset.

Lubet ad coronidem hic subnectere sententiam Se-
 natus Rom. quam recitat Liuius *d. 3. l. 10. sub fin.* post
 auditos legatos Macedonum & M. Furium ab Aurelio
 missum. illi de Aurelio querebantur & socijs, quod
 contra fœdus cum suis pugnasset, ac postulabant, vt
 Mace-

Macedones & Dux eorum Sopater , qui apud Annibalem mercede militassent, captique in vinculis essent, sibi restituerentur. Furius autem differuerat Aurelium relictum; ne socij populi Romani, fessi populationibus atque iniuria, ad Regem deficerent, finibus sociorum non excessisse; dedisse operam, ne impune in agros eorum transcenderent populatores: Sopatrum ex purpuratis & propinquis Regis esse, cum cum quatuor millibus Macedonum, & pecunia missum nuper in Africam esse; Annibali Carthaginien-sibusque auxilio: *de his rebus interrogati Macedones cum perplexè responderent, ipsi ante responsum tulerunt, bellum querere Regem; & si pergat, propediem inuenturum: dupliciter ab eo fœdus violatum. & quod socijs populi Romani iniurias fecerit, bello armisque laceffiu-erit, & quod hostes auxilijs, & pecunia iuuerit, & P. Scipionem rectè atque ordine videri fecisse, & facere, quod eos qui arma contra populum Romanum ferentes capti sunt, hostium numero in vinculis habeat, & M. Aurelium è republica facere, gratumque id Senatui esse, quod socios populi Romani, quando iure fœderis non possit, armis tueatur.* An non ita Franci qui hostes auxilijs & pecunia iuuerunt, socijs iniurias fecerunt, dupliciter fœdus violarunt, bellum quæsiuerunt, inueneruntque? Sic generatim Analacuntha censuit in hostium esse partibus, qui ad bellum necessaria hostibus administrat: Seneca, hostile esse pecuniam, quæ satellitem teneat, subministrare, militem & arma suggerere, triremes & aratas mittere: D. Ambrosius largiri ei, qui conspiret aduersus patriam, non esse probabilem liberalitatem. *Grotius de iur. bell. l. 3. c. 1. num. 5.* quod si palam aliqui vexilla sua, legiones suas hosti adiungunt, adeo id hostile veteres censebant, vt nec eis aliud bellum indici oporteret. quomodo bellum Antiocho indictum cum esset, Ætolis separatim indici non placuit, quod ipsi palam Antiocho se adiunxissent: *Ætolos ultro sibi bellum indixisse respondebant Feciales, Liuius l. 36.*

Porro ex causa ruptæ fidei , infractæque pacis sæpius Romani bella gesserunt , tamquam ex noua causa, iusta- que vindicta contemti iuris gentium , eaque cum plurimis, *ut numerat Ayala de iure belli l. 1. c. 6. num. 17.* Sabinis, Latinis, Priuernatibus, Volscis, Hernicis, Apulis, Samnitibus, Hetruscis, Æquis, Carthaginensibus, alijs, quin & Romani fuerunt ita religiosæ obseruantix, vt iure censerent non posse nouas amicitias prioribus præferri, vt etiam quæcumque hic inter Regem Franciæ est, & Electorem Treuirensis sit Veruiniana posterior, quæ priorem imminuere non possit, in eamque sententiam Consul Romanus olim Campanis respondit: *amicitias ita institui par est, ut neque vetustior amicitia ac societas violetur.* nolueruntque auxilia Romani illis, etsi iniuria affectis, dare.

Qua de re finiam hanc dissertationem insigni responso Aldrubalis, Carthaginiensis legati, cui pacem à Senatu Rom. oranti, cum Senator aliquis infensus perfidiæ Carthaginiensium succlamasset, *per quos Deus fœdus oclturi essent, cum eas, per quos ante ictum esset, fefellissent? per eosdem,* inquit Aldrubal, *apud Liniū d. 3. l. 10. in fin. qui tam infesti sunt fœdera violantibus.* Memoratum erat ex quo fastigio in terram prostrata esset Carthago, Imperio externo priuata, cuique supererat iam nihil præter vrbs mænia. fortunam ergo Carthaginis, infestumque Numen ijs nunc apprecabimur, qui Punicam imitantur fidem; ritè autem pacta seruantibus Romanos successus, vt liqueat Deum sacram imprecationem, quam in pace Veruiniana à Nuncio Vicarij ipsius mox factam diximus, ratam habere, dignisque bellorum euentibus confirmare, vt multis in bellis maiotum nostrorum cum Gallis, & nuper ad Louanium, fugatis illorum Batauorumque florentissimis exercitibus, fractis deinde absumptisque euidenti portento euenit, atque exinde versis intra regni Gallici viscera felicibus signis Catholicis, pluribusque munitissimis locis gloriose expugnatis, suisque magna-

magnanime defensis, atque obsidione soluta liberatis. Neque insoliti Genti Belgicæ cum Gallis conflictus, aut ignota est pugnandi cum illis ratio. iam usu hoc cognitum est, inquit Liuius Dec. 4. l. 8. si primum impetum, quem feruido ingenio, & ira effundunt sustinueris, fluunt sudore, & lassitudine membra, labant arma, mollia corpora, molles, ubi ira confedit, animos sol. puluis, sis, ut ferrum non admouens, prosternunt: non legionibus legiones eorum solum experti sumus, sed vir unus cum viro congreduendo: T. Manlius, M. Valerius quantum Gallicam rabiem vinceret Romana virtus docuerunt. ad eam rationem, non didicimus, inquit Declaratio, à maioribus nostris metuere arma Francica Deo propitio. apud nos illud etiam innotuit, quod Liuius d. 4. l. 8. apud veteres, inquit, plures prope de Gallis triumphi, quam de toto orbe terrarum acti sunt.

CAPVT III.

De fauore hæreticis impenso.

SECUNDA qualitas in Declaratione ascribitur bello gerendo, tamquam aduersus fautores hæreticorum, quod subsidia Francorum sint missa Dei & Regis Rebellibus, ad oppugnandam simul Religionem, & Soueranitatem. Consideratur autem fauor vel hæresi impensus vel personæ, defensio hæresis vel personæ: qui hæreticum vt hæreticum defendit, aut fauet, vix abesse potest ab hæresi, ob diametralem oppositionem, quam habet cum fide orthodoxa, cuius amor & hæreseos, vt inuicem contrarius, non potest simul esse in eodem. Veritatis est definitio, qui non colligit mecum, dispergit, Luca 11. & ideo professio orthodoxæ fidei omnibus hæreticis dicit anathema, in bulla Pij IV. incip. iniunctum nobis, imo qui hæretico fauet, quæ est hæreticus, atque defendit, ipso hæretico damnabilior est: c. qui aliorum 24 q. 3. c. ad abolend.

lend. §. prasentri X. de heret. fauor personæ ex accidenti circumstantia consanguinitatis, aut simili non æquè trahitur in vitium; sed si accedit scandalum, aut Ecclesiæ periculum, fauor ille omnino à Canonibus est damnatus *c. ut inquisitionis in princ. de heret. in 6.* quemadmodum *lex 2. D. de receptator.* ait eos, apud quos affinis, vel cognatus latro conseruatus est, neque absolucndos, neque seuerè admodum puniendos: ob mitigantem vtique circumstantiam. *Non enim*, inquit, *par est eorum delictum, & eorum qui nihil ad se pertinentes latrones recipiunt.* nam de illis ait *l. 1. pessimum genus est receptatorum sine quibus nemo latere diu potest.* & præcipitur vt perinde puniantur, atque latrones, *in pari causa habendi sunt*, qui cum apprehenderà latrones possent, pecunia accepta, vel surreptorium parte, dimiserunt: bella iniusta magna sunt atrocinia, quid si ergo bellorum iniustorum Duces non dimissi tantum accepta pecunia, quin etiam data pecunia adiung; vt potèntius grassarentur, vrbes, castra expugnarent, hæresim inferrent, Ecclesiam pessumdarent, quod si pecunià data, vrbes, castra, subtracta recepta detententur? non erit fautor, non ipse transibit in crimen grassatoris? si defendunt viribus atque potentia ne hæretici veniant in manum superioris puniendi, sunt excommunicati *c. excommunicamus §. credentes X. de heret. c. nouerit de sent. excomm. Bulla cæne §. excommunicamus. Extrauag. Innoc. IV. data 1252. incip. ad extirpanda §. quicumque relata in libro literarum Apostol. impresso Roma cum directorio Eymerici, ubi & alia extrau. quæ super officio inquisitionis sunt edita, tum ab eodem, tum ab alijs Pontificibus, & grauissima alia pœna infliguntur.*

Et Eymericus *direct. inquis. p. 2. q. 53.* & ad illum Pegna, amplè docet magistratus & quoscumque publica potestate fulgentes, non commissione tantum, sed etiam omissione in fautorum reatum cadere, pœnisque excommunicationis subijci ipso iure. *d. c. excommunicamus*

mus

mus §. credentes d. c. ut inquisitionis §. prohibemus, & si per annum in tali excommunicatione steterint, si in iisdem fœderibus, & auxilijs hæreticorum perseuerauerint, ex tunc sint ut hæretici condemnandi. d. §. prohibemus, inseritque idem Pegna ad d. q. 53. comment. 78. tenorem c. 3. & 4. ex Concilio Tolosano Regis Franciæ olim impenso favore celebrato, in hæc verba, statuimus etiam, ut quicumque in terra sua de cetero permittit scienter morari hæreticum, siue propter pecuniam, siue propter aliam quamcumque causam, & fuerit inde confessus, aut conuictus, amittat in perpetuum terram suam, & corpus suum sit in manu Domini ad faciendum inde quod debebit.

Idemque rursus Eymericus, & Pegna diuersos modos fauendi proponunt, ac tandem, quia non alibi luculentius exprimuntur refert ex Concilij Narbonensis cap. 14. 15. & 16. quæ lubet hic inserere: quia etiam in Gallia celebratum sit, & insigniter ad rem præsentem faciat: Planè, inquit, c. 14. inter fautores accipimus, tam eos qui hæreticorum seu credentium extirpationem seu correctionem impediunt, quam eos qui non dant ad id operam, quam non possunt sine culpa omittere, manifesta: ex diligenti tamen circumstantiarum consideratione plus minusve contingit culpa in talibus reperire: nam multum fauet hæreticis siue credentibus qui eos celat, cum possit, & debeat indicare: plus qui eos occultando seu aliter ipsorum examinationem vel incarcerationem, vel punishmentem malitiosè nititur impedire: plurimum, qui captos vel incarceratos relaxat præter Ecclesiæ voluntatem, seu cuius consilio vel auxilio, mandato vel cura talia perpetrantur: & c. 15. Cuius criminis reus incomparabiliter est habendus ille, qui temporalem habens iurisdictionem præfatos pestiferos hæreticos, seu rebelles ab Ecclesiâ denotatos persequi & de sua terra vel prouincia exterminare postponit vel in eos animaduertere sine mora: quippe nec caret scrupulo societatis ini-

*iniqua, qui tanto facinori sibi per denunciationem Ecclesie, seu aliter legitime manifesto, cum teneatur & possit, desinit obuiare, praesertim si ad hoc faciendum etiam iuramento proprio se adstrinxit. Denique c. 16. sed nec illi sunt immunes à crimine, qui cum se illis offert opportunitas loci & temporis ac facultas, haereticos seu pronomina-
tos Rebelles capere, capientesque iuuare nequiter pretermittunt, maxime si de hoc fuerint à capientibus seu capere volentibus requisiti. Et quoniam plures & quasi inuestigabiles sunt modi nocendi, quibus haeretici eorumque credentes atque fautores nituntur vineam Domini Sabaoth demoliri, & eis est tam prudenter, quam viriliter occurrendum, curet vestra deuotio secundum datam à Domino gratiam, mala illorum agnoscere & salutarem opponere medicinam, suppleatque discretio, quod scripto non posset facile comprehendere. Haecenus Concilium.*

Et Mariana in historia Hispaniae l. 12. c. 3. Ceparat, inquit, Simon Montfortius urbem Tolosam & in Praesidium Gallia Concilio, quod Petri Legati opera Mompellerij habitum erat, omnium eorum, quae bello capta, quae sitaeque erant, Princeps declaratus est, missusque ad Pontificem Ebrunensis Praesul ut Concilij sententiam ipsi probaret. & c. 4. conuentus Praesulum ex toto orbe Christiano Roma tunc habebantur, Innocentio Pontifice de rebus multis & maximis incredibili Patrum frequentia: & infra, duo Raymondi Tolosani Comites pater & filius cum interessent Concilio, atque aduersus Montfortium Comitem disceptarent, lite contestata Patrum sententia victi sunt, Principatuque spoliati, quod cum impijs hominibus arma sociassent, Simoni Montfortio nauata opera premium fuit Tolosa, & aliae urbes bello quae sitae partaeque: & infra: Montfortij filius belli molem viribus suis, inuidiamque populi ac magna partis Principum sustineri posse diffusus, iure suo Regi Franco cessit. Hoc ergo iure Tolosa in Francorum manum venit, quo Montfortius auctoritate Canonum armatus quae sigrat, scilicet Raymondi haeretici

tici fuerant, Montfortius religionis vindex, teiris suis illos eiecerat.

Neque porro esse potest maior auctoritas quam Concilij illius Oecumenici ex quo refertur *c. excommunicamus 13. X. de haret.* atque in §. *monentur* qui ita habet; *¶ vero Dominus temporalis requisitus & monitus ab Ecclesia suam terram purgare neglexerit ab heretica sceditate per Metropolitanum, & ceteros comprouinciales Episcopos. excommunicationis vinculo innodetur, & si satisfacere contempserit intra annum significetur hoc summo Pontifici (nota) ut ex tunc ipse vasallos ab eius fidelitate denunciaret absolutos, & terram exponat Catholicis occupandam, qui eam exterminatis hereticis absque ulla contradictione possideant, & in fidei puritate conseruent, saluo iure Domini principalis; dummodo (attende) super hoc ipse nullum praestet obstaculum, nec aliquod impedimentum opponat.* pergit Concilium; eadem nihilominus lege seruata circa eos qui non habent Dominos principales: Reges utique atque Principes qui superiorem non recognoscunt, qui à Deo & ense profitentur se dominatus suos possidere. Neque orthodoxo dubitandum est, quin Ecclesia eam habeat auctoritatem, quæ Spiritu sancto dictante ea decreta proposuit, in Concilio Oecumenico, cui interfuerunt Episcopi 215. Archiepiscopi seu Metropolitanus 71. Abbates seu priores supra 800. Fred. Rom. Imp. Henric. Constant. Imp. Reges Franciæ, Aragoniæ, Angliæ, Hungariæ, Hieros. Cypri, & plures Principes, & Legati. Is fuit sensus S. Matris Ecclesiæ, neque contradixere Principes, tametsi fatear non inconsulto calore ultra humanas vires prouere Principes debere ad ea, quæ sunt adynata: si modo hæreticos bona fide, ut loquitur Concilium, exterminare studeant. *¶ dixi latinus in Indice l. 4. c. 4.*

Quid si ergo non tantum purgare ditiones ipsi negligant, sed obstaculum impedimentumque ponant, ipsi militem, legiones mittant, quæ Principibus officium facien-

facientibus obſiſtant, exercitus propulſent, nec tantum hæreſes exterminari impediant, ſed ſocialibus armis ipſos Principes Catholicos oppugnent, vrbes, munitaque loca Catholica expugnent, hæreſim immittant, orthodoxam fidem exterminent? nemo, cui oculi præ affectu non caligant, non videt huiusmodi Principes ab eo crimine pæniſque non eſſe alienos.

Hoc vnum muſſitatur, cauſas dari ob quas Reges fœdera cum hæreticis contrahant à religione alienas, in eorumque conſequentiam faueant, auxiliaque mittant Principibus, non vt hæreticis, ſed qua Principibus, bellum vt credunt alias iuſtum gerentibus; in quo gerendo, ſi quid aduerſus religionem committatur, eſſe id extra ſuam intentionem, atque contingere per accidens. ſed eam obiectionem reiecimus quidem in *Iudice lib. 4. c. 11.* at pleniffimè diluit Armacanus in *Marte Gallico l. 2. c. 13. & 14.* quin & bellum quod Bataui, quod Suecus, & Proteſtantes gerunt, eſſe religionis *l. 2. c. 10. & 12.* amplè demonſtrat: eoque non per accidens religioni noxium dumtaxat & vt ita foret: tamen, quamuis mente cogitationeue ſegregari poſſint ea, quæ principaliter aguntur ab ijs, quæ cohærent, nihilominus actiones humanas iudicandas eſſe. vt fiunt vna cum ijs, quæ perpetuo comitantur, aut plerumque, aut raro: ex ijs quæ raro contingunt, actioni malitiam non imprimi, ſed per accidens ea aduenire cenſeri; & caſui imputari: quæ autem ſemper aut plerumque connexa ſunt, actiones probas aut improbas facere. in eamque rem citat Armacanus *d. c. 14.* D. Thomam *q. 1. ar. 3. ad 15. & 1. 2. q. 75. a. 8. & 1. 2. q. 20. a. 5.* qui id liquidiffimum facit: quid ergo apud Batauos ſecutum ſit per annos nunc ſeptuaginta experientia conteſtata eſt, vtiq; ex tot centenſis urbibus, ex tot millenis pagis miſſa eſt in exilium religio Catholica: adeo vt nec vnus ſit angulus, vbi illa publicè exerceatur, ſed in latebris dumtaxat, aut cryptis, more primitiuorum martyrum: præter pauca loca vltimo

trien-

triennio capta, quæ sub pacto Catholicæ religionis seruandæ se dediderunt: sine vadibus tamen, qui promissa præstitum iri fide sua sponderint, minus qui non Punicam illam fore fidem, vt in pluribus alijs antea locis, quando nonnullibi ne viderentur nimis palam fœdifragi esse tantisper expectarunt dumtaxat, donec mutatis omnibus officijs, in quibus corpus reipublicæ cum Senatu videtur repræsentari, & huic, illisque impositis hæreticis; quasi publico scito postulari curarunt mutationem religionis, pænalesque Catholici exercitij prohibitiones. Is genius est hæreseos, præsertim Calvinianæ, lex capitalis Status Batauici, & exemplum nuperum Thenense eam indolem, intentionemque satis prodidit: tametsi eo fœdere belli socialis (quo an. 1635. 8. Feb. ar. 6. signato à Rege 8. Martij prouinciarum harum, vt vrsi nondum capti partitio facta erat) comprehensum esset, vt in locis communi bello subiugandis Catholica religio seruaretur: vtique dicis causa, atque ad populū phaleras, alijs enim cautionibus apud istos homines opus esse experientia docuit, imo vix vllas præter armatam coactionem sufficere. vt Breda capta postremo testatur, eiectio mox clero, templis prophanatis, hæresi inducta, catholica religione proscripta, quæ sit vel mens pacificentium, vel fides non præstantium, vt & nunc Traiecti ad Mosam fœdus infringitur, plures Ecclesiæ ab hæreticis occupatæ sunt, quam conuentum erat: processio publica inhibetur, S. Sacramenta occultè deferuntur contra pacta, & vero, vt solida foret calibertas, adiunctam tamen habet singulis in locis aliquarum traditionem Ecclesiarum Catholicarum, in quibus deinceps hæreseos exercitium habeatur, quod per quam infame visum esse antiquis patribus: & Francorum fœdera cum Batauis, Sueco, Protestantibus directè eo tendere vt hæretici præfiantur, aut stabiliantur supra Catholicos, & id esse directè fauere hæreticis, directè incurrere in omnes illas prohibitiones Ecclesiæ Conciliorumque Oecumenico-
rum

rum latius ibidem probat Armacanus: c. 23. 24. 25. 26. 27. 28. & porro *seqq. cap. ad finem vsque libri* fœderum huiusmodi reprobationem pergit demonstrare sacris scripturis, antiquorum patrum testimonijs, recentiorum scriptorum adstipulatione: quin & illa etiam fœdera à scripturis & patribus videri damnata, etiam eo ipso quod cum infidelibus ineantur, ad mutuas bellorum suppetias, seu quando amplius fœdere comprehenditur, quam vt habitet quietè aliquis iuxta infideles, ne sibi inuicem noceant, vt tranquilla pax & commercia sint, aliaque id genus: infelicibus exemplis etiam id astruit, vbi culpa alia non detegitur. sed vt hæc non ab omnibus recepta sunt, ita neque Molanus, l. 1. *de fide hæret. seruand.* c. 20. 21. (vbi & Machabæorum cum Romanis fœdera defendit & 23. ad casum necessitatis restringens) neque Becanus, *in Analog. vet. & noui testam.* c. 17. q. 6. neque nos *in Iudicel.* 4. c. 11. num. 2. in eam sententiam iuimus, dummodo absit scandalum, & periculum Ecclesiæ: in eumque sensum interpretati sumus Clementinam I. §. *porro de iureiur.* vbi Imperator iurat numquam cum Saraceno, pagano, schismatico, seu alio quolibet communionem Catholicæ fidei non habente, aut cum aliquo alio Ecclesiæ inimico, vel rebeli, seu eidem manifestè suspecto vnionem quamlibet, seu parentellam, aut confæderationem inire: indistinctè quidem, & vt admittatur quidem distinctio pacis Imperio proficiuæ Ecclesiæ non noxiæ, non est tamen dubitandum, quin Concilium Oecumenicum Viennense, & in ea præsiciens Clemens V. Francis olim adeo fauorabilis, damnare omnino, & prohibere voluerit eas cum infidelibus, hæreticis, schismaticis confæderationes, quæ finem habent, vt hæretici Catholicis præficiantur, stabiliantur, manuteneantur, cum sequela oppressiōis fidelium, religionis prostratione, Ecclesiæ conculcatione, quod eo magis liquidum euadit, si consideremus iam pridem *Bulla cœnæ Domini* omnes qui ad hæreticos, vel hostes

fidei

fidei deferunt equos, arma, ferrum, filum ferri, stannum, chalybem, omniaque alia metallorum genera, bellica instrumenta, cannabem, quibus Catholicos oppugnant, qui eos de rebus *statum* reipublicæ concernentibus, in damnum Catholicæ religionis certiores faciunt, qui illis ad id auxilium, & consilium præstant quomodolibet, non directa tantum nocendi intentione, sed vel in rem dumtaxat suam lucrumque proprium, si modo respublica capere possit detrimentum. ad quem modum & legibus Imperatorijs l. 2. 4. 6. C. de commercijs vetitum fuit aurum, similesve merces etiam pacis tempore ad Persas mittere: quo minus ab earum rerum cupiditate ad noxia Imperio consilia animarentur. tamen si priuati mercatores non de republica, sed de lucro suo solliciti essent. sed auertenda est occasio rerum noxiarum, ob quam nec arma quidem priuato per easdem leges *Novel. 85. de armis* licuit habere, vendere, aut fabricare: vt & Phylistini 1. Reg. c. 13. cauent, ne Hebræi gladios aut lanceas fabricent. at quanto remotiora hæc sunt ab ijs, qui iam seditiosè furentibus atque efferè rebellantibus amica consilia, armata auxilia, aureos fauorum imbres submittunt? Declaratio porro suppetias continuas hominum, pecuniarumque missas rebellibus Dei & Regis, ait, quibus simul Religio & Supremetas oppugnaretur.

CAPVT IV.

De perturbatione Ecclesiæ.

Nunc accedamus ad eam qualitatem, quæ perturbatores S. Matris Ecclesiæ, Catholicæ, Romanæque religionis compellat. siquidem *pertinet hoc*, inquit D. Augustinus, *tract. 11. in Ioannem ad Reges saculi Christianos, vt temporibus suis pacatam velint matrem suam Eccle-*

Ecclesiam, unde spiritualiter nati sunt. & Leo Pontifex Leoni Imperatori, epist. 75. debes, inquit, Imperator aduertere regiam potestatem tibi non solum ad mundi regimen, sed maxime ad Ecclesie præsidium esse collatam. cum enim, inquit D. Ambrosius, epist. ad Valentin. omnes homines, qui sub ditione Romana sunt, vobis militent Imperatoribus terrarum, atque Principibus, tum ipsi omnipotenti Deo, & sacra fidei militatis. iure igitur meritoque Hispaniarum Rex Ecclesiam desiderat esse pacatam, agnoscit potestatem sibi ad Ecclesie præsidium esse collatam, omnipotenti se Deo, & sacrae fidei militare, ex sanctæ huius militiæ sacramento rectè Declaratio decernit gerendum hoc bellum, tamquam aduersus S. Ecclesie turbatores. quis non iustum dicat, quod sit aduersus eos, si qui eodem obstricti sacramento præuaricantur, si qui Christianismum buccinantes, in matris Ecclesie Christianæ ventre tumultuantur, corrosione eam discerpunt, percussoribus non tantum non obsistunt, sed & tela ministrant? & vero bellum Ordinum confœderatorum aduersus Regem Hispaniarum initio, medio, fine Religionis esse, bellum Suecicum Protestantiumque in Germania, bellum itidem esse Religionis, liquidum facit Armacanus in Mart. Gall. l. 2. c. 10. & 12. & post illum Nicolaus Vernulæus in Apologia Austriac. t. 16. pactum etiam Sueci cum Protestantibus, vt quæcumque ille loca Catholicorum bello caperet, illi cederent; quæ Protestantium, restitueret: id satis docet Ioan. Bap. Burgus de bello Suecico l. 1. Ipsi Ordines Bataui edictis publicis præsertim contra Catholicæ religionis exercitia latis protestati sunt plurimis bellum suum pro religionis, quam vocant, reformatæ obseruatione captum esse potissimum, & geri exitum finemque acta probauerunt. nam si de priuilegijs tantum quæstio foret, ea Catholicis olim data his saltem communia manserunt, cur ergo hi proscribuntur, & Catholica exercitia tot sanguinarijs edictis roto illorum dominatu prohibentur? quomodo
ergo

ergo poterunt accessoria auxilia esse iusta, si principalis causa belli sit iniusta? cum accessorium induat naturam principalis. principale vocamus in iure, quod in re præcipuum est, & quasi causa eius, quod accedit. sic prædio legato sequitur hortus, & quæ ad prædium pertinent: *l. prædijs 91. §. fin. D. de leg. 3.* sic rupto patris testamento corruunt pupillares tabulæ: *l. Papin. 8. §. si nec D. de in-off. test.* matrimonio irritato corruit dos: *c. 5. X. de don. inter vir. l. 4. C. de rit. nup. l. 3. D. de iur. dot.* & quæ plura DD. adducunt in *c. accessor. de reg. iur. in 6.* quare fieri nequit, ut iniusti belli iusta sint auxilia, auxiliorumque fœdera. fieri nequit ut Regibus, qui vasalli sunt Christi, caliceant, ob quæ vasallos suos ipsi reos habent, subditos maiestatis damnant. an non iure feudorum beneficijs excutiuntur, qui indecentibus machinationibus Dominum offenderint? *lib. 2. feud. tit. 57.* Domini castrum oppugnauerint? *l. 1. tit. 5.* periclitantem deseruerint? *lib. 2. tit. 24.* Domino mortem, captiuitatem, aut iacturam facere molientem, fraude celauerint? *ibid.* cum, cum potuerint, non liberauerint? *ibid.* cum inimicis eius suas amicitias copulauerint? *lib. 2. tit. 57.* tandem si ita versati fuerint, ut potius inimici, quam fideles esse credantur? *ibid.* Denique si uxori Domini non tantum stuprum obtulerint, sed vel impudicas tantum manus admouerint? *l. 1. c. 2. & ibi Cuiac.* & Regibus hæc simul omnia permissa quis statuatur, ut consilia cum Dei Ecclesiæque hostibus conferant, molimina iuuent, vrbes Christi, castra fidei Orthodoxæ expugnent, unde omnia sacra deinde eliminantur, periclitantem in fidelibus Christum deserant, cum possint non liberent, mortem, captiuitatem, iacturam Christi in membris fidelibus, præsulibus, clero, sanctimonialibus, populo orthodoxo molientem celent, cum inimicis Christi amicitias copulent, ita versentur ut potius inimici quam fideles credantur, parricidijs, incendijs, sacrilegijs misceantur; denique Ecclesiam sponsam Christi fœdari iuuent, subsidia præstent,

sanctimonialibus sacrilega (supra offerri, adulterina libidine tentari? denique post hæc omnia per omnes rimas quærere quæ sua sunt, nullatenus quæ Iesv Christi? eius dum sunt vicarij, potestatem suam tantum extollere satagant, nihil solliciti sint de officio, de ministerio, quod Rex Regum & Dominus dominantium eis imposuit, cuius causa gladium portant; non Christi vices, sed res suas curent diligenter, parabolam Euangelicam Domini qui seruos super bona sua constituit, fideles & prudenter negotiatos remunerat, pecuniam Domini defodientes ad tenebras damnat, ad se non pertinere arbitrentur? cum tamen *dominetur excelsus super regnum hominum, & cui voluerit det illud. Dan. 4.* vt multis exemplis manifestum Deus fecit à se remunerante vel puniente ortus, & occasus esse regnorum, incrementa, decrementaque. *vt hæc omnia exequitur latius Armaçanus in Marte Gall. l. 2. c. 15. 16. 17. 18. 19.* neque opus est longa dissertatione, vbi Ecclesia per totam Germaniam aliquot nunc annis tanta rerum confusione, Ecclesiarum inuasionem, Catholicorum exilio, alijsque incommodis innumeris afflicta est, vt nullæ vastationes veterum Barbarorum, Attilæue diuini flagelli, aliorumve tyrannorum proscriptiones, vis, atque crudelitas tanta fuisse videatur. Declaratio de his proloquitur Regem, Batauosque paruos, prouincias Belgicæ obediens antequam occupassent, *vt tractarent, inquit, eas in supremo gradu sacrilegiorum, impietatum, violentiarum, & crudelitatum, quæ posteritas difficile induci poterit, vt credat, per eos nuper coniunctim esse commissas in vrbe Thenenensi contra Deum, eius sacramenta, Ecclesias, sacerdotes, religiosos, sanctimoniales, senes, faminas, pueros.* Si ergo à Christo iubemur eum, qui Ecclesiam non audierit, *Matth. c. 18.* habere tamquam ethnicum & publicanum, quid dicemus de eo qui oppugnarit? an non merito armis coërceri, ne illam funditus prosternat? alioquin quo iure glorientur Franci, toties olim pro Ecclesia Ca-

rolum

rolium Magnum, posterosque arma tulisse? pro religione vexillis etiam cruce signatorum annumeratos, aduersus ethnicos hæreticosque militasse? an non Carolus Magnus Leoni III. eum coronanti iurauit, *se protectorem, defensoremque fore Ecclesia, eius utilitates se curaturum?* Sigon. l. 4. de reg. Ital. an non in sacris suis in eandem sententiam conceptis verbis iurant Reges Franciæ? alijque omnes Catholici Reges & Imperatores, *se iustitiam pacemque Ecclesia seruaturus?* quin & prouinciarum Præsides iuramento addicebant *se neque Ecclesia aduersaturos, nec alios permissuros? quantam possibilitatem haberent* Nou. 8. seu iurisiurand. quod præstatur col. 2. t. 3. ab eaque leges nostræ omnem Imperij felicitatem fatentur proficisci? Nou. 4. de Epis. & cler. nonne ideo Constantinus Romanas aquilas cruce mutauit? Niceph. l. 7. c. 43. omnesque ad Deum ideo victorias retulit, vt scripsit ipse Episcopis Palæstinis? Baron. tom. 3. an 316. quare sanctissime per Concilium Toletanum d. c. 3. de regis Ordinumque assensu vetitum est, ne quis Regalem thronum ascendat antequam Ecclesiæ se fore defensorem, hæresumque persecutorem iurarit, & Concilium Tolet. 2. c. 10. eam defensionem adeo extendit, vt disertè se bellum suscepturum promittat aduersus hæreses, quæ suo tempore forsan sint Ecclesiæ pacem turbaturæ. hoc iure, sacris hisce Concilijs nititur Catholici Regis aduersus hæreses zelus, bellicque huius hoc nomine Declaratio.

CAPVT V.

De perturbatione quietis Belgica, publicæque.

VLtimam qualitatem Declaratio bello adscribit, gerendo *tamquam aduersus perturbatores boni, quietisque harum ditiorum.* de bono fidei, religionisque iam

diximus ; nunc de bono status politici Declaratio agit: summum illud est quies publica, *de qua egimus in Iudice lib. 3. c. 6.* eam omnes curare tenentur, & prouincias purgare. *l. 3. D. de offic. pras.* quod si in eum numerum excreuerint improbi, vt ciuiliu iudicum potestate coërceri non possint, manus milita is aduocanda est. *l. 2. C. de his qui latrones al. crim.* omnesque, quantum vires sinunt, reos exhibere, sistereque tenentur, prædijs alioquin, castris, iurisdictionibusque priuandi. *eadem l. 2. & Constitutione Frederici l. 2. feud. tit. de pace tenenda & eius violat. §. si iudex.* Et porro *l. 1. cod. tit. de his qui latrones.* de ijs, qui in eorum societatem, iuuando, occultando, eripiendo transeunt, ita decernit; *si quis eos offerre iudicibus supersederit, supplicio corporali, aut dispendio facultatum pro qualitate persona, & iudicis estimatione plectetur.* Societas belli iniusti, societas magni latrocinij est, venitque socius, defensor, patronus in omnia crimina eius, cuius negotio, crimini, seditioni se immiscet. vnde Romani, qui tamen socijs defendendis terrarum omnium potiti sunt, vt Cic. 3. *de rep.* ait, tamen non censabant se ex amicitia obligari, ni si vsque ad aras. adeoque in primo fœdere cum *Iuda Machabæo l. 1. c. 8.* Demetrio scribunt, questos Iudæos, adduntque; *si iterum nos adierint, aduersum te faciemus illis iudicium, & pugnabimus tecum terra marique.* Prius ergo de belli iustitia iudicabant, deinde ex fœdere pugnabant. inde diuina censura *beatus vir qui non abiit in concilio impiorum, & in via peccatorum non sletit. Psal. 1.* qui socium se impijs consilijs præbet, qui viam peccatorum ambulat, peccatis illorum inuoluetur. Cur enim alioquin exprobat Deus peccatori, *Psal. 49. si videbas furem, currebas cum eo; & cum adulteris portionem tuam ponebas? & Abdias, in die cum stabas aduersus eum* (Iacob, id est filios Israel) *quando capiebant alieni exercitum eius, & extranei ingrediebantur portas eius, & super Ierusalem mittebant sortem, tu quoque eras quasi vnus ex eis.* quasi vnus

vnus ex eis qui sacrilegis arridet, suadet, iuuat. sic Saulum dicit D. Augustinus *Serm. 5. de sanct. c. 4.* cum lapidaretur Stephanus, omnium vestimenta seruantem, tamquam manibus omnium lapidasse. & vt Apostolus *ad Rom. 13.* docet, non esse potestatem nisi à Deo, & qui potestati resistit Dei ordinationi resistere: qui autem resistunt, sibi damnationem acquirere, ita & *ad Rom. 1.* de contentione & inobedientia, alijque criminibus rebellionem inferioribus: *qui talia agunt, digni sunt morte:* subiungitque, *& non solum qui ea faciunt, sed etiam qui consentiunt facientibus.* neque vero vllus est Principum, qui Rebelles non criminosos æstimet; adeoque & incentores, fautores, adiutores eiusdem criminis iniquitate damnet: consentiente iure naturæ, lege Hebræa, Euangelica censura, & factis veterum Christianorum, vt & in *Iudice diximus l. 3. c. 9. num. 52. & seqq.* Batauosque legitimo hæreditarioque Principi Rebelles omni excusatione carere. sed neque eam maculam in præteritum per inducias esse abstersam, sed rursus priorem colorem induisse, libertatemque tractatui tributam induciarum, qua eorumdem contractus subsisteret, lapsu præscripti duo decennalis temporis exspirasse, omniaque hinc maiestatis iura, inde rebellionis crimina in pristinum statum rediisse diximus: in *Iudice l. 4. c. 21. num. 3. & seqq.* & plenissime hac exequitur *Armacanus in Mart. Gall. l. 2. c. 2. 3. 5. & intermedio c. 4.* nec libertatem nouæ religionis appetitam eam maculam purgare: eamque Batauorum causam latè exagitat *Vernulæus, Apolog. Austriac. c. 16.* & refert idem *Armacanus* Originem belli Germanici, ac Suecicum fœdus eadem nota maculatum probat. *c. 7.* sed & *Vernulæus ibid. c. 15.* disquirit de iusta repetitione (quæ pars magna istius belli) bonorum Ecclesiasticorum in Germania, debitorum ex fœdere Passauiensi: quo nixi solo Augustanam formulam professi in Imperio consistunt: ideoque id fœdus obseruare tenentur omnino, sub cuius ancili delitescunt,

contra feueritatem legum Romanarum, canonumque, sed & idem Vernulæus Austriacorum politicum regimen aduersus quorundam calumnias tutatur: *c. 14.* & falso impositam subditorum oppressionem ample diluit *c. 13.* vt omnino fuci sint, quæ de Germanicæ libertatis imminutione iactantur: ideoque huiusmodi color bellis ferendis non sufficiat: sed neque auxilijs decernendis. vnde Armacanus *ibid. c. 8.* non sufficere fœderationem, vt mittantur auxilia, liquidum facit: sed sociorum bellorum iusticiam non minus, quam propriorum prærequiri. Seditio vt diuersimode contingit, ita pœnarum varietate castigatur. *l. 28. §. solent D. de pœnis l. 1. & 2. C. de seditios. & his qui plebem aduersus remp. audent colligere l. quisquis C. ad leg. Iul. maiest.* nulla maior est culpa quam hostilia in Principem, aut rempublicam moliri, & in his maxima in personam ipsius Principis, aut euersionem Principatus: vtrumque in bello Batauico, Sueuicoque obtinet: summum itaque in vtroque nefas, quo Germania inferior, superiorque susque deque tot nunc annis vertitur: & sanè sacri Canones seditiosos excommunicant *c. fin. dist. 90.* quomodo & Canones etiam Apostolorum vel solis verbis in Regem iniurijs puniendos decernunt. *Can 83. si quis,* inquit, *contumelia affecerit Regem aut Principem panas luito: siquidem clericus, deponitor, si laicus, communionem priuator.* & sanè in Concilio generali Lugdunensi Innocentius IV. Fredericum Imperatorem Imperio, Siciliæque Regno priuauit ea maximè de causa, quod rempublicam Christianam quam maximè perturbasset; nec iustis conditionibus pacem componeret, pactamque ante & iuratum violasset. *c. ad Apostolice de sent. & re iud. in 6.* receptaque adeo est sententia iustè Principem dominatu exui, si communem populi Christiani pacem, salutem, & bonum conturbet. *Azor. instit. Moral. p. 2. lib. 10. c. 8. q. 3.* conformiter ad *d. c. ad Apostolice c. venerabilem §. sunt enim notoria X. de elect.* & quamquam loquantur *dd. cc.*

in

in Imperatore, nihilominus idem obtinere in Regibus, iisdem ex causis, tradit idem *Azor. p. 2. lib. 11. c. 5. q. 8.* & expresse decidit Bonifacius VIII. in *Extrauag. unam sanctam de maior. & obed.*

Et valde fallitur Cassianus *l. 1. c. 4. p. 186.* vt iam supra *l. 2. c. 1.* in examine Decretalis nouit præmonuimus in alijs priuilegijs, solum asserens Franciæ Regem ab ea potestate Ecclesiæ esse exemptum, per Extrauagantem meruit in communib. de priuilegijs. siquidem ea constitutio non id dicit, sed tantum negatiue decernit per illam Bonifacij constitutionem nullum Francis præiudicium generari, nec amplius Ecclesiæ Romanæ fore subiectos, quam ante *d. const. unam* existebant, sed in eodem statu esse, quo erant ante illam definitionem: si ergo ex natura rei, sacrisque literis in *d. constitutione unam* citatis ea auctoritas Ecclesiæ competit, non est abrogata per *d. Extrauag. meruit*: neque enim potest Pontifex auctoritatem, sibi à Deo tributam abdicare, ligandi soluendique potestatem abrogare: si non competit; ergo nec aliorum Regum auctoritatem *Extrau. unam* imminuit, aduersus Christi sententiam; *date quæ sunt Cesaris Cesari, & quæ sunt Dei Deo*: ob quam Pontifex Regum iurisdictionem aut supremitatem nunquam intendit minuire, sicut nec illi Ecclesiæ auctoritatem: vt declarat Innocentius III. *d. c. nouit, in princ. X. de Iudic.* sed neque potuit Pontifex si ea auctoritas ei à Deo non est concessa: quæcumque autem à Deo concessa est, par est in omnes: sicut vnum ouile est, & vnus pastor: *Ioan. 10. vna omnium, & pariformis omnium commissio pascite oues meas: Ioan. 21.* nihil in ea Franci à Christo minus habent, quin pro debito pascantur, vt aliæ gentes: nihil pastori in Frâncicas oues minus potestatis, qualiscumq; ea sit, quæ pascendi verbo est attributa, quam in oues cæterarum nationum: nec apud Deum est distinctio Iudæi & Græci, *ad R. m. c. 10.* prout generalius DD. celsent *ex c. fin. de off. leg. in 6. c. ne aliqui de priuilegijs in 6. c. solliciti de maior.*

Ob. Extravag. execrab. §. nos itaque de prab. Reges haud facile in excommunicationibus comprehendere, & ne possint excommunicari pluribus concessum constat ex d. c. ne aliqui. De hac porro publicæ tranquillitatis turbatione Declaratio ait, potuisse merito ex pace Veruinianna, inducissque cum Batavis initis, omnem Europam quietem uniuersalem sibi promittere; Henricum IV. animo turbationem totius Europa proposuisse, eius morte rebus mutatis, demum qui nunc ad Regem proximi accedunt si persuasisse, ut plenis velis in Domum Austriacam insurreret. cuius ditiones cum pæne per omnes Europæ tractus porrigantur, vndique res omnes fuere turbatæ; a regnis, prouincijs, toto Imperio, Belgioque Tranquillitas profligata, nullum non in angulum Mars & Bellona penetrauit.

C A P V T V I.

De causis Imperatorio nomine per Serenissimum Ferdinandum Cardinalem Infantem explicitis.

Post causarum Declarationis nomine Regis Catholici factæ analysim satis longam, non opus est Resolutionis 5. Iulij 1636. Montibus Hannoniæ vulgatæ auctoritate Imperatoria in Galliam arma inferendi. causas in plures partes distrahere, ac diuisim diducere: visum ergo ipsa Resolutionis verba tantum dare, *Franciæ*, inquit, *postquam aduersus rationem & iustitiam mouisset, aluissetque bellum intra ditiones Imperatoris, atque Regis Catholici Domini nostri, subsidia extraordinaria hominum pecuniarumque misisset subditis eorum Rebellibus, in Imperium attraxisset Suecos, cepisset, emisissetque ab eis vrbes Alsatiæ, aliarumque terrarum hereditariarum domus nostræ, nec pepercisset Liguræ Catholicæ, quæ non alia ex causa, quam pro bono religionis arma sumpserat, noto-*
rid

re post omnes has contrauentiones publicas, & manifestas tractatum pacis, ipsa Francia ad rupturam deuenit, tum cum ipsi nos plus causa haberemus bellum ipsi indicendi, immisit exercitus suos ad vastandum Belgium, Ducatum Mediolanensem, feuda qua Imperium habet in Italia, & nuper Comitatum Burgundia, aduersus pacta neutralitatis, fidem publicam, promissaque expressissima Comitum Condei, postquam etiam huiusmodi attentata & fidei infractio obuelata fuissent coram orbe Christiano futilibus pretextibus, factisque non veris, contentis in diuersis Declarationibus verificatis in Parliamentis Francia, isque peruersus procedendi modus in Comitatu habuisset multas insolentias, calumnias, vilipendiaque personarum sacrarum, cum agnouissemus ipsi quod diutina nimis dissimulatio tantarum omnis generis iniuriarum nulli bono esset, sed ipsos hostes redderet audaciores, & compassio nostra quam Franciæ populis tribuebamur attraheret ruinam illorum, quos Deus obedientia suarum maiestatum subiecit: his ex considerationibus ex potestate quam nobis fecit Imperatoria maiestas, resoluimus earum arma in regnum Franciæ immittere, non alio proposito quam astringendi. Regem Franciæ, ut coeat in bonam aliquam, & securam pacem, sublatis impedimentis qua possint tantum bonum retardare. Ita Resolutio. & iterum ad finem repetit, non aliud ex felici armorum successu, quem Deus sit daturus, prætendi, quam conseruasse, inquit, & auxisse religionem Catholicam, pacificasse Europam, releuasse suppressos, & reddi curasse unicuique quod suum est. scilicet ut Reginæ matri Regis Christianissimi fiat satisfactio, & Principes, inquit, iniuste pulsus suis ex ditionibus restituantur, videantur securitates pacis certiores, quam ab interuentione illius expectari possint, qui violauit tractatum Ratisbonensem, & alios factos tam ante quam postquam illerebus Franciæ fuit admotus. Causæ sanè hæ iustissimæ sunt; finis non tantum æquissimus, sed & religiosissimus, media autem etiam moderatissima. Signi-

ficamus, inquit, etiam ut liqueat quanti faciant sua maiestates preces Regina matris Regis Christianissimi, protekturos nos, & tractaturos ut amicos omnes Francos, qui secundabunt coniunctim vel diuifim noſtram intentionem, noſque ordinaffe, ut neutralitas ſeruetur nobilitati, vrbi- busque qua illam petent, negabuntque auxilia ijs, qui ſe opponent bono Chriſtianifmi, propriæque illorum ſaluti, contra quos exercebitur omnis generis hoſtilitas.

Cauſæ reperiuntur hic eædem, quas ex Declaratione iam diſcuſſimus, infractio fœderum, auxilia Rebellibus miſſa, fauor hæreticis impenſus, Catholicum fœdus oppugnatum, ipſorum hæreticorum in imperium immiſſio, emptæ ab his, captæque vrbes, Eccleſiæ turbatio, vaſtatioque, quies Imperij, tranquillitaſque publica euerſa, neutralitas etiam Burgundica ex fœdere communi cum Heluetijs irrupta; quibus ex cauſis cum Imperator & Rex Catholicus vindictam pœnaſque petere poſſent, tantis Eccleſiæ Reique publicæ incommodis dignas, vaſtationi totius Germaniæ pares non tantum, ſed & damnorum illatorum ſatisfactorias; cui pretio nec ipſa tota Francia ſit ſoluendo, æquandoue: vt ait Tac. 2. Ann. *perſidos, & ruptores pacis, ultioni & gloria maſtandos:* declarat tamén Sereniſſimus Cardinalis Infans nolle tantis Franciâ plagis vapulare, ſolam ſe Eccleſiæ, Imperij, regnorumque pacem intendere. vt olim Alphonſus, cum Picenum Sedi Romaniæ rebelle ſub iugum reduxiſſet; offerenti Pontifici aliquot ex eo vrbes, renuit: *Non, inquit, præda aut quaſtus, ſed Eccleſia gratia hanc expeditionem ſuſcepi.* Ita ſanè hic Cardinalis. pergit ergo, & ſimul amicitiam ijs offert, qui eodem Regem Chriſtianiſſimum conſilijſ atque aliâs inclinabunt, iſſque, qui cum à publico bono abducunt, aduerſabuntur. Hæc vero ex fine ſuo ſancta, religioſa, iuſta bella ſunt, quæ pro reſtauratione Eccleſiæ, fœderum obſeruantia, quiete publica, pace ipſa geruntur. *apud veros, inquit Auguſtinus, Dei cultores etiam ipſa bella pacata ſunt,*
qua

qua non cupiditate aut crudelitate, sed pacis studio geruntur, ut mali coërceantur, & boni subleuentur c. apud 23. q. 1. idemque iterum ibidem c. noli, pacem habere debet voluntas, bellum necessitas, ut liberet Deus à necessitate, & conseruet in pace, non enim pax queritur, ut bellum excitesur: sed bellum geritur, ut pax acquiratur, esto ego etiam bellando pacificus: ut eos, quos expugnas ad pacis utilitatem vincendo perducas: posserne accedere propius ad verba, mentemque Augustini Cardinalis Infantis Resolutio?

Pax optima rerum, quas homini natura dedit, Pax una triumphis, Innumeris potior.

Lubet ergo iterum eundem Augustinum audire, *relatum eadem causa q. 3. c. 2. ibidem Maximianus, inquit, Episcopus Vagiensis auxilium petijt ab Imperatore Christiano, aduersus hostes Ecclesia, non tam sui ulciscendi causa, quam tuenda Ecclesia sibi credita, quod si pratermisisset, non eius fuisset laudanda patientia, sed negligentia merito culpanda. Merito igitur, & Cardinalis Infans negat dissimulationem iniuriarum Ecclesiæ rei que publicæ illatarum diutius protrahi potuisse. quippe idem Augustinus 23. q. 3. c. si ea, inquit, de quibus Deus vehementer offenditur, insequi aut ulcisci differimus, ad irascendum utique diuinam patientiam prouocamus. & ibidem Isidorus, q. 5. c. Principes, cognoscant, inquit, Principes seculi Deo debere se rationem reddere propter Ecclesiam, quam à Christo tuendam suscipiunt, nam siue augeatur pax, & disciplina Ecclesiæ per fideles Principes, siue soluatur, ille ab eis rationem exigit, qui eorum potestati suam Ecclesiam credidit. neque enim frustra gladium portant, non frustra sunt instituta potestas Regis, & arma militis; non est iniquitatis sed potius humanitatis societate deuinctus, qui propterea est criminis persecutor, ut sit hominis liberator. ibid. c. 17. & 18. ut belli pestis interimat, quos delinquentes ad rectitudinis viam Dei præcepta non reuocant. ibid. q. 4. c. si quos, & nominatim Principum zelum exci-*

Tob. c. 4. Honorem habebis matri tuæ omnibus diebus vitæ eius, memor enim esse debes, quæ & quanta pericula passa sit propter te:

Ecc. c. 7. Gemitus matris tuæ ne obliuiscaris.

Prou. c. 23. Ne contemnas cum senuerit mater tua:

Deut. c. 27. Maledictus qui non honorat patrem suum, & matrem, & dicet omnis populus, Amen.

Ecc. c. 3. Maledictus à Deo, qui exasperat matrem.

Prou. c. 28. Qui subtrahit aliquid à matre sua, & dicit hoc non esse peccatum, particeps homicidæ est.

Prou. c. 19. Qui fugat matrem, ignominiosus est, & infelix.

Hæc monita diuinarum literarum, hæc decreta æterni Iudicis, hæc minæ Dei vltionum nullatenus quippiam terrent Ludouicum Iustum, ne Reginam matrem, souverano Principe natam, uxorem Henrici Magni, Franciæ Reginam coronatam, matrem trium Europæ Regum potentissimorum, matrem denique suam sustineret inhonorari, è regno eliminari, (cuius ei iubente Magno patre, omnibus Ordinibus assentientibus, diadema fuit impositum, quod in periculosis temporibus filio sæpe seruauit) bonis ei, dotem, duaria, donaria eripi, carceres pati, nisi calumniatores essent, qui aures regias ira obtunderent, ut stupeant ad rerum gestarum iudicia, ut deessent seu qui dicerent ei veritatem, seu qui dicturi admitterentur: ut diuina illa eloquia in reprobos sensus transuerterentur. Concludam ergo cum D. Hieronymo: Imperatoris Hispaniarumque Regis officium esse proprium Reginæ matri Viduæ, Peregrinæ præbere auxilium, ut eam non tantum ipsi non contristent, sed ut nec patiantur quidem per suam conuiuentiam eam ab alijs contristari, ut arma non ante ponant, quam ei sit ritè satisfactum, & calumniatores vindictæ subditi, condigneque coerciti. Bellum ergo quod matris fugatæ honorem, sociorum Principum iniuria pulsorum restitutionem, fœderum redintegrationem, reip. quietem

loquis verborum crepundijs arundineas belli causas commentatur. Ita nihil istis politicis bellatoribus vltatius, quam eimentiri bellorum causas, dum iustas non habent, & speciosas prophrasas comminisci. *ut diximus sup. l. i. c. 2.* Itaque omittamus verborum ampullas; rem secernamus: ut ille, *sat saluo, dic quid velis?* Rationes, si inspiciamus; rediguntur illæ ad paucas: primas tenet hæc, eamque cæteræ vtscopum spectant; quod Hispani, Austriacive eo colliment, ut Christianus orbis sub vnam illorum Monarchiam redigatur: Carolum V. primum eius consilij auctorem radicitus animis illorum illud infixisse; eo actiones tendere, eo bella moueri: sed tam vetus est hæc cantilena, quam numquam vera. ipse Philip-
 pus II. in vltimis monitis filio præscripsit inter alia, ut bellum nemini sine iusta causa, consilioque inferret. Carolus porro V. in epistola quam Collegio Cardinalium scripsit 16. Octob. 1526. *Antuerpia cum varijs impressa apud Godefrid. Dumeum 1527.* declarauit arbitratum se in Imperij culmine constitutum, *non ut Imperij limites, inquit, cum Christiani sanguinis iactura extendere, propagareque studeremus, sed quo Imperialis dignitas auctoritate & potentia decorata, & obseruaretur à multis, & contemneretur à paucis, Indeque Christiana arma bellorum iniurijs in extremū ferè discrimen adducta, sempiterna tandem Cesarea dignitatis beneficio pace frueretur, & Francisco I. Rege Francorum capso, data opportunitate, inquit, qua nostro de rep. benè merendi studio satisfacere liceret, ab ipsis hostibus victis primi pacem flagitauimus, tantumque petijmus, ut qua à prædecessorum nostrorum manibus eripuerant, & contra ius fasque occupabant, nobis restituerentur. Æquissima postulata, simul & verissima. circumspiciamus enim orbem Christianum; estne aliquis in Europa angulus, quem nunc Hispani Austriacive possident, quem Carolus V. eiusque frater Ferdinandus non acceperit ab auo paterno Maximiliano I. Imperatore Romano, auiave illius vxore, vel auo ma-*
 terno

terno Ferdinando Rege Catholico præter Lusitaniam & Mediolanum ? at Lusitaniam iure successorio obtinuit. nemo nescit antequam bello regnum peteret, quam diligenter ius successionis examinari curauerit à Theologis, atque Iureconsultis. per plures sunt, qui & tunc & postmodum eam quæstionem tractarint, etiam neutris addicti, atque extra ditiones Regis Hispaniarum, qui pro illo summis legum rationibus, responderunt. & quidem summam in eam sententiam. vt in Regis ultimo defuncti potestate non fuerit modum præscribere, quo post eius mortem de iure successoris statueretur: minus ad populi Ordinumque iudicium spectare noui successoris designationem, electionemve, regia gente non emortua: Antonium nothum à patre Ludouico, Rege Henrico, populoque habitum, ac verè talem, esse incapacem: Parmensem pro liberis repræsentationem proponere eo gradu atque ordine, in quo leges non agnoscant: Sabaudum, quod ea, quam prætendebat, repræsentatio referebat sororem matre Philippi iuniorem, natalium iure posteriorem esse. Braganitium etsi vxor repræsentationem vrgeret, eodem tamen ipsam gradu consistere tantum, & vt fœminam masculo locum facere, quamuis repræsentatio eo in gradu & concursu obtineret: Catharinæ vero Medicæ, antiquas tenebras, silentio damuandas. Cassanus *l. 1. c. 3.* has elucidaturus longis discursibus per veteres Comites Bolonienses venatus est aliquam obsoleti iuris speciem, quasi olim Comitibus Boloniensibus ius fuerit succedendi in regnum Portugalliæ, aduersus Dionysium, quem Cassanus ex iniustis nuptijs natum, & regni incapacem facit: tametsi solemniter illæ fuerint celebratæ inter Alphonsum patrem, & Beatricem filiam Regis Castellæ; & mortua priori vxore, superuixerit secunda, & matrimonium à Sede Apostolica fuerit confirmatum, filius ex eo natus eadem opera legitimatus, nec tantum à Pontifice, qui in consequentiam matrimonij potuit filium ex eo natum

rum legitimare, *c. per venerabilem qui filij sint legit*: sed etiam quod filius à patre tamquam subditus à Rege fuerit legitimatus, qui modus etiam approbatur *in d. c. per venerabilem*, atque ibi refertur in Rege Francorum admissus, quem adeo Franci non possunt reprobare: denique per Regni Ordines ibidem fuit præ alijs assumptus, cuius rei in regno Portugalliæ non esse leuem considerationem patet ex inscriptione & textu *c. 2. de suppl. negl. in 6.* & Frâci admittere debent qui ob huiusmodi Scutum pro Philippo Valesio latum Eduardum posterosque Angliæ Reges à Corona Francica reiecerunt: & ut omnia essent vera, quæ illa dissertazione à Cassano proponuntur, & Reginæ Catharinæ Medicæ ius aliquod competisset ad illud regnum, quid inde conficeret Cassanus? *Omnia*, inquit, *illa iura qua competierunt Regina Catharina, transferunt in filios* (mirum est quod ex capite primi non affixerit Coronæ, immemor utique vnionis Salicæ, ita ante hac prædicatæ) & *denique in personam Margareta Valesia ante Regina*, vxoris Henrici IV. ut Mathildis Lusitani: atqui *hac*, ait, *instituit heredem uniuersalem Ludouicum XIII.* quasi vero testamento dari iam possit regnum Lusitaniæ, quod passim in alijs extra Francos reiecit Cassanus, & in Coradino non admittet, qui Aragonios omnis dominationis Siculæ nuncupauit hæredes. *ut tetigimus l. 1. c. 4.*

Mediolanum quod attinet, nescio quo diuino decreto factum sit, ut toties ea ditio circumagitata tandem aliquando consisteret penes Hispaniarum Regem: siquidem Imperatores Carolus V. & ante Maximilianus I. Sfortijs illius inuestituram concesserant, qui omni iure feudi beneficio fuere priuati, quod aduersus Dominum arma sumplerant: & iterum, iterumque caduca, etiam Francisco Sfortiarum Duce postremo sine liberis mortuo, cum & Cæsarem hæredem instituisset, à Carolo V. ut Imperatore concessa fuit Philippo II. ut inter patrem Principem, & filium subditum rectè distinguit, *d. c. per vene-*

venerabilem. ne quis cum Cassano dicat hanc sanguinis propinquitatem inuestituræ esse impedimento. cum etiam filiusfam. Consul apud se ipsum emancipari possit, vel adoptari. *l. si consul. D. de adopt. ubi gloss. plura eius generis adfert.*

Nec vero, quod ex iure cesso Gallaciorum, vel pacto Caroli V. de inuestiendo Francisci I. filio argutatur Cassanus, quidquam potest facere: cessionem alibi non admittit, ut supra etiam vidimus, *l. i. c. 4. § cessione* præsertim feudi Domino inuito extantibus etiam filiis, & agnatis: cum & Galeatij inuestiti tantum sint pro se & filiis masculis *Bernardin. Corius histor. Mediolan. p. 4.* quod etsi disertè in diplomate non esset expressum, tamen ex iure Longobardorum, quod est in vñibus feudorum descriptum, in feudo Longobardico, quod est Mediolanum, obtinere deberet: atqui feudum concessum pro aliquo & hæredibus, eo iure intelligitur de masculis tantum *c. 1. §. si clientul. de alien. feud.* Maximiliani etiam concessio facta Ludouico XII. ea lege fuit, ut Claudia filia eius atque hæres futura, nuberet Carolo illius nepoti, postea Imp. at hæc data est Francisco Comiti Engulesmi, postea Regi; quo soluta est illa pactio. pactum autem in pace factum à Carolo V. mox. concidit, pace infracta à Francisco I. eiusque liberis: quibus si quid ex pacto iuris esset, feloniam abstulisset. quod etsi neque sic se haberet, mortuo primo inuestito sine liberis, & ex stirpe Valesia Ludouico XIII. non descendente, nihil magis proficeret Cassano Mediolani argumentum, quam Portugalliæ.

Ratiocinatori autem nostro id in solutum damus, post tot bella Caroli V. & Philippi II. nihil possidere Austriacos, vel Hispanos bello partum: verum quidem est, gesserunt illi multa, magna, diuturnaue bella: sed maximè contra infideles, hæreticos, rebelles, pro religione, pro maiestate, pro socijs defendendis, quam autem spolia ampla retulerunt? pro labore quidem sumptuque
reli-

religioni defendendæ impenso à Deo receperunt mercedem suam. quinimo dum Philippus II. in Franciam attulit pro religione suarum ipse prouinciarum in Belgio, vnde militem abduxerat, grauem passus est imminutionem: præter thesauros ibi effusos, cuius rei cum Philippus aliquando videretur argui, hominem rogauit, an in Francia iam Missa diceretur? cum is annueret; at satis id, inquit. quod ergo in Germania Belgicaque Deo Imperioque Rebelles, compescere intenderunt Austriaci, Hispanique, iureiurando in sacris suis præstito obstringebantur: quis Christianus defensam fidem, quis defensam maiestatem aduersus Rebelles iure indignetur, quis defensas prouincias vi inuasas, quis socios iniuria oppressos auxilijs adiutos?

Si Imperatores, qui per duo nunc sæcula Austriaci fuerunt, tantum Imperium augere intenderent, Romanos dici se contenderent, an Romæ ac per Italiam non haberent quod repeterent ex veteribus Caroli Magni membranis, priorumque Impp. lege regia, si Cassani ductum sequerentur? dum iustum putat ad Caroli Magni priorumque Principum statum pristinum omnia redintegrare, adeoque Romanas aquilas, vbicumque olim illæ hospitatae fuerint, restituere. quin & Ecclesia Catholica feria sexta parasceues rogat, *ut subditas Imperatori faciat, omnes barbaras nationes Deus, in cuius sunt manu omnium potestates, & omnium iura regnorum.*

Quod si Caroli V. ea mens fuisset, is scopus; non erat tam rerum ignarus, quin media ad eum finem idonea quæsiuisset, oblata à fortuna acceptasset: captum ad Ticinum Franciscum I. non dimisisset, aut arma posuisset, quin Ducatus Burgundiæ, aliæque ditiones, quæ illius erant, restituta fuissent: Italiam ea victoria consternatam, vbi victori exercitui omnia cedebant, vltcrius iure Imperatorio in ordinem redegisset, Franciam, vbi captus Rex, ac Nobilitas, miles cæsus erat, aut aberat, afflixisset: Africæ oram sibi detinuisset, cum Mu-
leassent

leassem restituit: Saxoniam, Hassiam, aliasque rebellium tunc Principum ditiones fisco, sibi, suisque applicasset. quomodo Cassanus gloriatur Reges Franciæ solere domanium suum augere; idque iustissimum medium esse rem suam faciendi. *l. 2. c. 5. p. 144.* Hettruriam, Senas sibi, suisque seruasset, non alijs concessisset; stabiliuisset; nec Mediolanum Delfino addixisset in casum nuptiarum, ac foederum seruandorum, sibi dein referuasset, non Sfortiæ restituisset. Denique cum obtulit ei Franciscus I. post pacem Madrilianam, si Burgundiam abdicare uoluisset, suo sumptu subiicere Venetos, Florentinos, reliquosque Italiæ populos, Mediolanenses & Genuenses ad obedientiam cogere; si Monarchiam affectasset, & non tantum auitæ hæreditatis recuperationem, hæc utrique magna promissa acceptasset.

Ad extremum quid Imp. Ferdinandus II. & III. sibi habent ex bello quod nunc tot annis geritur quæsitum? Regi Daniæ imprimis cæterisque Principibus, qui eis conciliari voluerunt, omnia sunt restituta, ipsi ditiones auitas oppignorarunt distraxeruntque. si Carolus tantæ ambitionis auctor fuisset, non sponte viuus omnibus se exuisset, vt nihil biennio antequam moreretur possideret, præter alimenta priuati nobilis.

Quod si Hispani Austriacive, vt olim Romani, magnitudinem Imperij sui, non belli iustitiam tantum spectarent, Romanorum utique vestigijs insisterent, qui socijs defendendis Imperium immensum auxerunt: at Rex Hispaniæ post socios aduersus iniuriam defensos, bel-
laque confecta nihil sibi retinuit. Nonne nuper Duci Sabauda, Mantuano, Grisonibus, omnia ab illo sunt restituta, quæ bello capta Romani retinuissent? sed optimè aliquando Carolus V. cum aliqui dicerent, non vt illum occasione, vt Alexandrum olim, & Romanos; respondit illos quidem magnitudinem Imperij solum præ oculis habuisse, se autem vnicè iustitiam spectare: *Chytraui in Chron. fol. 508.* an idem fecerint Franci quando

ex fœdere Protestantium libertati Germanicæ speciosa arma, & milites commodarunt, ex eoque incendio Metim, Tullum, Verdunumque rapuerunt, & etiamnum nullo titulo possident. iudicet quisquis æquus, non affectu cœcus, est arbiter. an non Pinorolam aliaque loca possident Sabaudò alijsque erepta, Vallisque Tellinæ maiorem partem, quibus iactitant se suppetias tulisse? an non à Suecis Gothorum, Wandalorumque hæredibus, & auitæ inuasionis, vastationisque imitatoribus, loca plura armis capta, in se transcripserunt? an non emerunt etiam antequam caperentur, vt Constantiam & Brisaccum? quasi pretio excitis prædonibus, quorum spolia induerent? an non Alsatiæ, Palatinatus, Moguntia, Treuitorum tantas partes, totamque Lotharingiam inuaserunt, armisque detentant? an non Britanniam minorem, aliasque terras familiæ Valesiæ hæreditarias, qui ex stirpe Valesia non sunt, possident, obtentu testamenti, quo à Margareta Regina scriptus sit hæres Ludouicus XIII. quod in alijs non admittunt? an non supra sesqui-sæculum Ducatum Burgundiæ, aliasque id genus ditiones detinent sub nullo Salico virilis sexus pacto, à Ioanne Rege filio eiusque etiam successoribus olim concessum? ne quicquam dicamus de Normandia, Aquitania, Pictauiâ, alijsque Anglorum hæreditarijs olim ditionibus: Prouincia Hispaniarum Regi nunc etiam debita, alijsque: quæ si ad balancem expendantur, minus possidere Austriacos Hispanosque ex iure aliquo belli, quam ante annos amplius centum habuerint liquido constat: Francos ex aduerso vndeque esse auctos, quo iure, quaque iniuria, defendendis socijs, hæreticis, seu Rebellibus: imo Hispani Rebellibus tot hæreditarijs prouincijs Belgicis spoliati sunt Francorum subsidiis: vt imaginariæ tantum sint declamationes aduersus finem augendæ magnitudinis, quem Hispanis Austriacisque affingunt, at ipsi habent; nec obscure Gassanus, Arroyius, alijsque intendunt, incenduntque:

& vel solo Frontispicio Cassanus ostentat.

Verum enimvero huiusmodi vicinæ potentiaæ metum non esse iustam belli causam, etsi bellantibus socijsque in bella trahendis valdè vsitatam latius diximus: *in Iudice lib. 4. c. 7. num. 7.* quod & Grotius *de iur. bell. l. 2. c. 1. num. 17. l. 2. c. 22. n. 5.* censet: nec Franci admittent totam Europam aduersus eos iustè posse conspirare ex metu per Cassanum aliosque iniecto quasi Ludouico XIII. tota debita vindicandaque sit. iustam quippe causam non esse censet Grotius nisi necessariam: at huiusmodi metum non esse talem: nisi & de animi potentis certitudine omnino morali constet: quod hic secus est. periculum etiam præsens esse debere, vt v.g. eleuatam percussuri manum, & quasi inchoati conatus, certumque non opinabile: præsertim vbi de bello tot cædes parituro agitur. cum & in priuatis facinus sit, occupare malum, quod timent. *vt latè idem Grot. de iur. bell. l. 2. c. 1.* Id quod hic dubij eo minus habet, quod Veruiniana & Ratisbonensi pace discretè conuentum sit, ne villo prætextu arma resumerentur, & sanè frustra est omnis pax, si bellis instaurandis sufficiat metus, &, quam quisque imaginari voluerit, apprehensio.

C A P V T V I I I.

Appendix eiusdem argumenti, & de bello Sabaudico & Mantuano.

EX quibus refutata iam est etiam particularis obiectio ex bello Sabaudico & Mantuano sumpta: quod scilicet Rex Hispaniæ ex bello sociali rem suam non fecerit, nullum vel pagum bello captum sibi retinuerit, sed socijs iam defensis hostibusve iam conciliatis restituerit, vt hic metus chimericus sit, vel panicus.

In qua obiectione simul illud per transfennam notare lubet,

Iubet, quam consuetum solœcismum committat Ratio-
cinator, dum oppugnat intentionem Regis Hispania-
rum, quod opem tulerit familiæ Mantuanæ, non ami-
citæ causa, quam eandem postea armis oppugnauerit:
quasi vero Hispaniarum Rex affectui soleat arma sua
accommodare, & non iustitiæ belli: vt si hæc suadeat
aduersus eos arma vertantur, quos aliàs iuuerit, atque
hoc verè est amicum esse vsque ad aras, vsque ad iusti-
tiæ terminos: adeo vt si Sabaudi non iustis de causis sta-
tum ditionis Mantuanæ minuere voluerint, iustæ amico
Duci, etiam aduersus consanguineum, suppetiæ latae
sint: si rursus Mantuanus debita Vasalli obsequia Im-
peratori, supremo feudi Domino deferre detrectauerit:
auxilia Imperatori iustè præstet: donec vasallus debitum
fidelitatis iuramentum dederit, cæteroque officio ritè sit
functus, quasi vero non exigant leges feudales fidelitatis
iuramentum per ipsum etiam vasallum præstandum, si
Domino ita visum erit: ac Franci non semel idem à Co-
mitibus olim Flandriæ alijsque Regni vasallis armis ex-
torserint, atque altero sæculo quidem Ludouicus XI.
non eo prætextu etiam ditionibus pupillæ Mariæ Bur-
gundæ, Carolo Audace ad Nancæum cæso, manus inie-
cerit: non obstantibus iuratis inducijs: easque armis re-
cuperare Maximilianum maritum oportuerit. *vt lib. 1.
c. ult. §. Flandria latius diximus.* Cassanus sanè *Recher-
ches l. 2. c. 4. p. 94.* laudat Galliarum Reges, quod fideli-
tatem à vasallis ipsis fieri exegerint, non procuratorum
iuramento fuerint contenti: quod Carolus VIII. reiece-
rit magnam pecuniæ summam, a Ludouico Sfortia ob-
latam, vt filius nomine Ducatus Genuensis per procu-
ratorem reciperetur, quod personalis ea sit obligatio
non realis, *iuxta Baldum in l. 1. de rer. diuis.* ideoque
offibus personæ inhærens, ab ea sit expedienda, quam
ob causam Bonifacius VIII. etiam egressum ex mona-
sterij claustro Abbatissæ concedit, si Dominus per pro-
curatorem fidelitatem præstari noluerit. *c. periculofo de
Stat.*

stat. regul. in 6. memorat iterum Cassanus tractatum *an.* 1330. inter Philippum Valésium Franciæ & Eduardum III. Angliæ Regem, vt hic illi personaliter hominum, fidelitatisve iuramentum redderet, & *an.* 1254. inter S. Ludouicum & Henricum Angliæ Regem: *nec ab huiusmodi iuramento*, inquit, *p. 95. ullus Princeps est exceptus*: an hæc conueniunt cum armis per Francos sumptis, vt Mantuanus ab eo exciperetur?

C A P V T I X.

Eiusdem argumenti, & de Valle Tellina.

DE Valle Tellina quid opus est differere? Catholici oppressi auxilia postularunt à Rege Hispaniarum, receperunt, pax confecta, sanctè possessio sequestrata fuit in manibus summi Pontificis Romani: non Hispani, non Austriaci eripuerunt, sed Franci. qui nunc rursus Vallem inuaserunt? non illi, sed itidem Franci. vsi sunt Austriaci, Hispanive innoxio transitu, pactis comprehenso, eoque non aliter firmato, quam necessitas traijciendorum auxiliorum bello Italico, Germanicoque postulare.

Fatetur nunc Ratiocinator Tellinam armis Gallicis occupatam, sed rursus ex metu ait, imminentis ab Hispano mali. quasi vero ad ea sæcula veniendum sit, quibus bellorum iustitia ex astrologia iudiciaria definienda sit, quibus ephemerides belli pacisque artes ac iura dabunt; quibus insomniorum portenta armis mouendis sufficient. non ita Romani, aliæve nationes, apud quas iura gentium valuerunt: sed post res demum ablatas faciales repetitum legabant. De damno infecto suo nomine promitti, alieno satisdari, prætor iubebat ei, qui iurasset non calumniæ causa se id postulare *l. prætor D. de dam. infect.* at hic non promissum tantum, non fœdus ictum

ictum erat duntaxat, sed & possessio in sanctum sequestrum transcripta: quæ æquitas prætoria postulauit vniquam amplius? actum agimus, operam perdimus, si res pace semel-compositas iterum iterumque euoluimus, & præsertim post Mantuanas & Tellinas controuersias, Ratisbonensia fœdera, nullo prætextu arma resumî permittentia, non seruamus. Naturæ & gentium iure limites munire, arma defensiva habere parata, in omnem occasionem vigilare, ne opprimaris: piscium leporumve instar apertis oculis dormire, ne incauto hostis quispiam superueniat, etiam meticulosissimo permîssum est: sed ex metu periculi non præsentis nec certo, vt mox diximus, aliena inuadere, nec diuinæ, nec humanæ leges admittunt. periculosa regibus doctrina est, quæ aliud permittit: non tantum inter eos perpetuum bellorum seminarium alitura, sed & Rebellionum inter subditos semina iactura, quæ metui debent ab ijs maximè Regibus, qui censent ex metu malum, quod quis suspicatur, licere anteuertere. illa enim Regum, ac Principum, principaliumque ministrorum parricidas euocat, si dum exempla aliorum in se quis metuit, liceat non tantum se procul à Ioue, procul à fulmine subducere, sed etiam Ioues, fulgurantesve ministros præoccupare, armaque immaturæ offensionis sumere. quantum sanguinis auorum nostrorum memoria fustum est eiusmodi ob causam? cum inter Burgundiæ Duces Aurelianensesque certatum est, quis mutuas insidias cautior vitaret non tantum, sed & quis prior scelus occuparet. cum feralis quidam spiculator Burgundo denunciaret, quot sibi aureorum millia promissa essent, si sicam in pectus ei adigeret: eoque ex metu Burgundus pretium duplauit; quo funestum illud parricidium commissum est, quod rursus reciprocatum tot hominum miriades absumpsit.

CAPVT X.

*Eiusdem argumenti, & de Principibus
Italis, & Germanis.*

EOdem pertinet Principum Italicorum metus, Germanorumque libertati timentium, & quidquid fere Ratiocinator consarcinavit, sed cautius imaginatiuæ suæ vulnera, aut affectus malitiam tegere debuerat, quam ut sicubi præternavigans classis conspecta esset, confestim arma in Galliam inferri credidisse se diceret, dum non huiusmodi certitudo infidis exploratorum nuncijs probatur. qua enim fronte ait diem 20. Maij designatum inuadendo vndiquè regno, cum diei sine noxa lapsus illum conuincit? tempus si indeterminatum transmisisset, aliquid suspicionis debilibus & credulis ingenijs imprimi forsan potuisset, sed rursus id ne satis est belli causas edicenti? sed eum ratiocinantem mouerit quod Hispanos fortè ex ingenio suo metiretur: sciebat iam pluries pacta Francorum, Batauorumque esse, ac præsertim 8. Maij 1635. erciscundis Belgicis ditionibus vkimo scripta, quod Franci manifestam pacis rupturam facerent, iunctisque exercitibus totas inuaderent; sciebat Hispanos ea non latere, sciebat iam ante arma Gallica in agrum Luxemburgensem illata, quæ & ipse nunc Ratiocinator pacis palam in fractoria profitetur: sciebat Francos si illa sibi fierent, neutrquam patienter laturos: concludebat ergo nec Hispanos: non expendens quam alij sint leuis armaturæ, quam alij grauitè cataphracti, quam alij promptè factis consilia anteuertant, quam alij tardè consultant, ac demum lentè festinent: nec in bellum inclinent, nisi postquâ à nulla temporis mora alia remedia promittuntur. Italis sanè atque Germanis Principibus nihil per Aultriacos de iure cuiuspiam ademptum est,

est, ex quo Carolus V. Imperium tenuit, nec ab ijs qui in Imperium aut regna ipsius hæctenus successerunt. cum id fieri à Carolo in Italia quam maximè potuisset capto ad Ticinum Francisco I. & in Germania Saxone, atque Hesso Principibus. Religionis porro in Germania libertatem quod attinet, pacificatorium illud. *Interim* ad superstitionem vsque seruauerunt Austriaci, & vt seruaretur vltimis bellis, nec aliud, postularunt. selsquisæculâres huiusmodi mores an non adiment metui eam energiam, ne iustam causam bello præstet, metum patientibus, & ad metus imaginarij hypocondriacam causam socijsse vide quæ insuper diximus l. 3. c. 5. *supra*.

CAPVT ·XI.

*De Imperio Romano-Germanico in Domo
Austriaca aternando.*

MAlè ad hæc Ratiocinatorem habet, quod ex Austriaca domo tot laudatissimi Imperatores ordine prodierint: metum sibi incutit, quod ea Domus sibi æternum vincere Imperium, in perpetuam Monarchiam, meditetur. in speciem quidem bella ea ratio adfertur, fauente *c. venerabilem in fin. X. de elect. c. Moyses 8. q. 1. c. ita nos 25. q. 2.* sed *d. c. Moyses* pro solutione distinguet, vt huiusmodi electio consulta sit, si quærantur erigi in Ecclesia seu rep. columnæ, quæ plus cognoscantur Ecclesiæ profuturæ: non quos electores ament, vel quorum obsequijs sint deuincti, vel pro quibus maiorum quispiam rogauerit: ne peiora edisserantur, vt omittamus nunc bullam Caroli IV. perpetuæ libertati æterna lege satis prouidisse, ipsamque Romani Pontificis confirmationem huiusmodi etiam cauillos è medio tollere, an porro ausit aliquis vel cogitatione detrahare summo Romano Pontificatui, quod is, vix aliquando inter-

ruptus; ab Italica gentis hominibus continuo obtineatur? ideone minor in eo Spiritus sancti directio credatur? non lubet modo respondere Cassanum *l. 2. c. 1.* quamuis ex Pontificijs rescriptis sciamus *non sanguinis propagine, sed Principum electione derivari culmen Imperij*, id summo opere dolere, quod Carolus Magnus posterique non vniuerint Coronam Imperialem & Francicam: minus hic narrare, quod Franci quo nunc res turbarent, non rogarint tantum vt maiorum aliqui, sed sceptrum illud Imperiale obtulerint Duci Sabaudia, Bauaria, Lotharingia, Saxonia, Regi etiam Dania, tum deinde Suecia, ac nuper tandem Polonia: quasi vero Imperij arbitri. sed neque illis ingratum est, quod Rex Dania illud Regnum & Suecus alterum, vtrumque electuum, ab eiectione Christierno non vetusto Regum more possideret: & à Catholicis dissidens vterque in liberos, nepotesque transmittendum destinaret. at quando Austriaci vi aut praeio Imperium rapuerunt? nemo nisi liberis, pluribusque suffragijs electus vinqum se ingessit. prudentia Electorum omnia semper momenta expendit. quorum grauissima fuerunt proposita in ea deliberatione, quae habita fuit super competitione Caroli V. & Francisci I. quae vt passim vulgata fuerunt, ita etiamnum maiori sui parte durant, atque imprimis (vt omittamus Imperij arcum, non esse ad illud fastigium exterum eleuandum, eo quod ad Germanos, & nunc Teutonicos illud sit translatum: *c. venerabilem X. de elect. Clem. Romani de iureiur.* & pridem ab auis Germanicae nationis diuortium fecerint Franci) quod ea familia, defensionem Catholicæ fidei deuota, eos terminos possideat, quibus Turcica tempestas debeat excludi: quae adeoque vnâ religionem, hæreditatemque animosius defendit. quod si veterum Romanorum Pontificum Canones, *Clem. Rom. de iureiur.* addere luberet, magna inter causas referri posset, quod Imperator Romanus iuret se confœderationes cum Turca seu pagano non facturum; vbi Franci

non

non fœdera tantum cum illo inierunt, quibus ipsi terra marive tuti esse possent & commercari; sed quibus illum in ditiones Christianas accersierint. Ariadenum, aliosque pyratas aduocant: à quibus tot sæpius millia hominum Christianorum in perpetuam corporum seruitutem, æternum animarum interitum sunt auecta. vt quidē de Henrico II. ex Arum. *discur. acad. vol. 3. d. 5. Th. 20. Romano-German. S. Cas. Ma. splendor auth. G. V. H. Equit. Germ.* ait, præstitisse hæc formula iuramentum: *inno. & promitto me quicquid comperi, vel comperturus sum omnium summo Sultano Turcarum Imperatori notificaturum, cuius regnum Deus stabiliat: amicorum ipsius amicus, hostium hostis ero, &c.* hæc si vera sint, an rirè concepta hæc fœdera Catholicus dixerit? an huiusmodi fœderatos vel etiam extra communionem fidei Romanæ constitutos præferri ad Romanum Imperium malit Ratiocinator? suspendi illa organa malit ad flumina Suecicæ Babylonis? illic captiuos interrogari verba cantionum? nec vlla Ratiocinatorem cura tangit, quomodo cantabitur canticum Domini in terra aliena? quomodo Imperium, ad defensionem Romanæ Ecclesiæ translatum olim à Græcis, in Franco-Germanos, dabitur in manum hostilem, qua Ecclesia Romana oppugnetur? Quod si dignior electus, eum videt alioquin Ecclesiam, remve publicam damnum capturam, tenetur electionem admittere; *c. in scripturis c. olim 8. q. 1. Silu. V. elect. 2. q. 19. Mirand. in man. prelat. q. 23. ar. 31. de elect.* quid ni censcamus electos hactenus Austriacos votis Electorum illæsa mente non potuisse refragari? Id porro certum est, si Plautus rectè dixerit oportere *virtute honorem ambire, non fauitoribus*, Francos aliosve virtute, non armis, Imperium competere, Austriacosque excludere debere. quod si porro iustus vmquam metus Ratiocinatori inferendo bello sufficiat; si hic extra affectum poneretur, diceret ex metu, ne cum Turcis fœderati, vel religione cacodoxi in Imperium dubijs votis irre-

perent, Austriacis licere quauis via electis illud occupare: sed numquam eo rerum venient, numquā prae iustitia apud illos valuit sceptrorum fulgor, aut coronarum.

CAPVT XII.

*De domesticis Aurelianensibus, Anglicis,
Lotharing. dissidijs.*

QUAE vltius adferuntur à Ratiocinatore argumenta, arguendae infractionis pacis Hispanis afflictae, flocci nullius sunt. quod enim de domesticis Aurelianensibus, Anglicis, Lotharingicis dissidijs, quid habet verisimilitudinis? primis, praebuisse causas illos, qui supra omnes eminere voluerunt: secundis, qui superba Legatis responsa dederunt: tertijs, similitudines primorum, quae non sunt in obscuro, nemo nescit. de animatis vero in Gallia ab Hispano praetense reformatis quis credat? ubi palam aduersus Rupellenses sumptuosa classis à Rege Hispaniarum est Regi Franciae in auxilium missa, ipse archistrategus Spinola, tot bellis instructus, tot victorijs ad peritiam plenus, in obsidione Rupellensi iussus est Franciae Regem visere, & proficua consilia dare: & mox à morte Henrici IV. cum res, & plurium iudicia suaderent, occasione vti, non id tantum non fecit Hispaniarum Rex: sed imo hodierni Regis causam complexus est. *qua assistentia reiterata fuit in diuersis occasionibus*, inquit Declaratio.

Et vero, ut liceat mihi non de rebus ipsis, sed argumentis Ratiocinatoris disputare; quid si omnia quae hic obiecta sunt, quaeque alij, veritatis magis conscij, negant, ego Ratiocinatori darem, ut pro veris haberentur, & in Francia non esse malum, quod aut non fecisset, aut iuisset Hispanus, concederem, quid proficeret Ratiocinator? in aperto est post Veruinianam pacem Henricum.

cum IV. continuasse Batavis auxilia, eadem Ludouicum XIII. nouis sæpe fœderibus etiam auxisse, contra quam eo fœdere promissum esset: non meminit Ratiocinatoreum, qui pacta violat, alteri soluere fidei vincula? *c. sicut §. fin. X. de iureiurand.* reciprocus esse fœderum nexus, fidei vinculum qui frangit, viam alteri sternere? *d. §. fin. c. peruenit 2. de iureiurand. l. qui fidem D. de transact. l. cum proponas l. si diuersa C. de transact.* generalem conuentionum legem esse, vt illis nemo stare teneatur, nisi ex aduerso, quæ conuenerunt, præstentur? *l. cum proponas C. de pact. frustra quem fidem ab eo præstari postulare, cui ipsi datam non seruauit? c. frustra de reg. iur. in 6.* adeoque eum, qui primus pactis contrauenerit, fidem fregisse solum censi: *l. aut facta §. 1. Et ibi Barth. de pen. ita vt sequentis factum violationi non imputetur. l. nam et si sub conditione D. de iniust. rupt. irrit. testam.* Sic Romanos ex causa ruptæ fidei, iure belli aduersus plurimos, vt hostes egisse, & senatum prædam Epiri ciuitatum, quæ rupto fœdere ad Persea defecerant, muris earum dirutis exercitui dedisse? *Linus l. 35.* Declaratio quidem quasi præoccupando tacitam obiectionem postquam à morte Henrici IV. missa sæpius ab Hispaniæ Rege Franciæ Regi auxilia, reiectasque opportunas per intestinos Franciæ motus, rerum agendarum occasiones, etiam à requisito sæpius magnanimè neglectas, *si postmodum*, inquit, *non aequè semper fuerit exacta moderatio, non tamen unquam excessit terminos rationis, quos Principes prouocati iniusta vicinorum actione, non possunt negligere continuo, cum iactura subditorum.*

CAPVT XIII.

Treuiri an ritè sint intercepti?

Nemo nescit hodie bellum sociale esse Regi Hispaniarum atque Imperatori Romano-Germanorum aduersus omnes qui Imperium turbant; Succos, Principes rebelles, eorumque foederatos, atque auxiliares. quod non tantum sanguinis ratio, sed & vetera ditiorum Belgicarum Mediolanensisque cum Imperio pacta exigunt. sed & Ducem Luxemburgensem, qui nunc est Rex Hispanorum, Belgarumque Princeps, patronum esse protectoremve Treuironum: quæ vrbs censum ei honorarium ideo soluit quotannis centum florenorum aureorum: electorem porro adsciuisse Francorum auxilium præsidia aduersus pericula à Sueco, rebellibusve, vt videbatur imminencia: licuit ergo Imperatori urbem, sub Imperio comprehensam, per vim apertam, vel stratagema in potestatem suam redigere; hostile iam Francorum præsidium excludere: licuit Duci Luxemburgensi, Protectori urbem fidei suæ commissam, ciues in libertatem asserere, inuasores expellere. neutrum quispiam negarit, qui quod ius est, & fas profiteatur. Ideoque Ratiocinator Francicus, vim huius argumenti non ignorans *soueranum* Electorem indiget; & in protectionem Regis Franciæ susceptum: quorum neutrum si sit verum: si nec hoc iure licitum, non præstiterit impedimentum, quod de iure non sortitur effectum. *c. non præstat. de reg. iur. in 6.* ergo in vtrumque inquiramus.

CAPVT XIV.

*Vtrum Electoribus aliisque Principibus Germanis
licitum sit fœdera contrahere?*

NEgat Elector Treuirensis sese deditum de facto in protectionem Regis Franciæ. ita Declaratio. de iure enim sciebat neminem se in alterius clientelam, protectionemve dare posse, nisi qui in sua sit potestate. vnde formula illa Tarquinij Prisci ad Collatinos apud Liuium d. 1. l. 1. *Estisne vos Legati Oratoresque missi à Populo Collatino. ut vos, populumque Collatinum dederetis? sumus. estne populus Collatinus in sua potestate? est. deditisne vos, populumque Collatinum, urbem, agrum, aquas, terminos, delubra, vrsilia, diuina humanaque omnia in meam populiue Romani deditiōem? dedimus. Et ego recipio.* porro fœdera, inquit Liuius d. 1. l. 1. *alia alijs legibus, ceterum eodem modo omnia fiunt: a deoque ut in sua sint potestate, quicquid contrahunt, quibus in deditiōem, clientelam, protectionem alienam transcant, est necessarium: id enim hic caput est.* Et vero cum Romanis, Carthaginensibusque fœdus esset, non tantum non sollicitarunt sociorum, clientumve quempiam, sed nec receperunt qui desciscerent sua sponte: & cum ab his veterani defecissent, qui in Sardinia erant, misissentque legatos, qui insulam Populo Romano traderent: Romani audire noluerunt: atque Uticenses, qui dedere se voluerunt, non acceperunt: ut nec ante Sidicinos: nec intercedere voluerunt, quo minus Populo Samniti pacis bellicue liberum arbitrium esset.

Igitur Principes, qui maiestatem, soueranitatemque non habent, ius fœderum non habent, sed id soli Principi supremo competit, qui habet plenitudinem potestatis. l. 2. §. 23. *D. de orig. iur. l. 5. D. de pact. l. 1. D. de*

constit. & ubique DD. multo minus eorum fœderum
 ius subdito esse potest, quæ aduersus superiorem con-
 trahantur. Bald. in l. 1. D. quod cuiusque vniuersit. nom.
 Archid. in c. si quis & c. coniurationum. 11. q. 1: eoque re-
 ferenda est tota quæstio Gentilis *De vi ciuium in Regem*
semper iniusta, nec facile vlla aduersus Dominum con-
 fœderatio aliena erit à crimine læsæ maiestatis: nullate-
 nus autem quando externa arma in fines regni offensi-
 ua inferuntur, aut Domini arma sistuntur, impediuntur-
 ve. vnde ait l. 4. D. ad leg. Iul. Maiest. reum esse illum à
 quo fit, ut Rex extera nationis minus obtemperet. & ve-
 rat l. 2. C. ut nemo ad sui patrocinium l. 11. quemquam ad-
 fisci aduersus proprium magistratum: & vsibus feudo-
 rum amittit feudum vasallus, qui cum hoste Domini pa-
 ciscitur: quin & qui se feudumque subtrahit Domino,
 qui feudum etiam verbo, factoue inficiatur: §. si va-
 fallus, si de feudo inter Dominum & agnatum defuncti
 fuerit controuersia, si vasallus, inquit, feudum inficiatur,
 feudo, quod negauit, priuatur. substractio porro facti &
 negatio verbi, alteriusve Domini agnitio, clientela &
 aliquatenus protectio comparantur. nihil interest, inquit
 Vernulæus in l. hereditatem D. ad leg. falcid. si substraxerit
 aut negauerit rem esse hereditariam. qua ex causâ Cassa-
 nus l. 2. c. 2. p. 42. & seqq. Sabaudos, quasi omisso Fran-
 co ab Imperatore inuestituram accipientes, iure suo ex-
 cidisse contendit. quinimo nulla pactione, quamuis
 culpâ, dolove carente, suprematui Domini, per vasal-
 lum posse præiudicari rursus ipse Cassanus asserit: l. 1.
 c. 2. p. 86. In quam rem considerari possunt, quæ olim
 sanxerunt ad Marſnam an. 847. Lotharius Imp. Ludoui-
 cus, & Carolus Reges: quæ vulgata sunt à Miræo in
 Cod. donat. piar. c. 15. ubi adiunct. Caroli ar. 2. & 3. ita ha-
 bent: volumus etiam ut unusquisque liber homo in nostro
 regno seniore, qualem voluerit, in nobis & in nostris
 fidelibus accipiat: mandamus etiam ut nullus homo senio-
 rem suum sine iusta ratione dimittat, nec aliquis eum re-
 cipiat,

cipiat, nisi sicut tempore antecessorum nostrorum consuetudo fuit. nullorum autem sæculorum consuetudo fuit, vt liceret seniore, aut Dominum mutare, quo eius auxilio aduersus Regem suum vteretur.

Benignè quidem concedi potest aliquando, ad vim aliorum propulsandam, confœderationes admitti: *DD. ad tit. Cod. l. 12. de domest. & protect. Gail. lib. 2. obs. 54.* tamen regulariter illicitæ sunt: *1. denunciamus C. de his qui ad Ecclesias confugiunt l. 1. & 2. C. de seditios. l. conuenticula C. de Episc. & cler. tot tit. de Colleg. illic. c. si qui clericorum 11. q. 1. c. conuenticula de pace iuramento firmanda. & ibi Barth. in verb. accultè.* & in dubio tales præsumuntur: *iuxta Innoc. in c. 1. de schismat. Ioan. Andre. in c. 2. de verb. signif. & maximè cum Dominus est paratus ad defensionem, Tuscus concl. 631. tom. 2.* A regula excipiuntur, quæ legis aut superioris permissu sunt factæ, quomodo *Mynsing. cent. 6. obs. 2.* refert licitam fœderationem Episcopi Herbipolensis, Bambergensis, & ciuitatis Noricæ iudicatam aduersus vim Alberti Brandenburgensis, permissu Caroli V. Imperatoris factam. quapropter & protectores permissu legis aut Principis assumpti aduersus aliorum vim, & probantur, & armis etiam tueri suos possunt, & debent: *c. Imperialem de prohib. feud. alien. per Frederic.* scilicet ea defensione qua priuato vim vi repellere licet, non inferre sine assensu Principis, ne quidem ad res pridem amissas recuperandas: *l. si quis in tantam C. unde vi,* sed incontinenti, aut retinendas. Quæ quidem in Imperio eo certius obtinent, quod multis etiam constitutionibus Imperialibus vetitum sit arma sine Cæsaris permissu mouere, *quas citat Consen. polit. l. 10. c. 4. §. 10.* præter priscas *de pace & eius violatoribus, de pace tenenda inter subditos, de pace constantia:* & de fœderibus *Bulla aurea Caroli IV. c. 15. cuius verba cap. proximo recitamus,* disertè præscripsit, ne qua iniri possint, nisi pro communi pace, & quæ vergere non possunt in præiudicium Imperij, cuius censura

Cæsari referretur: qui longius incommodorum fontem introspicere possit, quam contrahentes penetrauerint. adeoque quæ liquido aduersus Imperium contrahuntur, indubitata lege maiestatis damnata sunt: quæ aduersus Dominum, lege feudali: alia regulam, & præsumptionem contrariam habent, nisi exceptionis causa sit euident, aut permissio Cæsaris præsumptionem extinguat. *Conrad. Brunus Duc. Bauar. olim Cancellarius, & Germanicarum rerum maximè peritus l. 3. de leg. c. 10. in fin.* uti etiam pro pace publica Imperij an. 1495. disertè statutum est, quod Electores, Principes, ac status Imperij, sine scitu & consensu annua congregationis (cuius Cæsar caput est) nullum fœdus vel coniunctionem præsertim cum exteris potentatibus ferire debeant, quæ in præiudicium Imperij vergere queant. quam ob causam tempore Caroli V. & Ferdinandi I. omnia hinc inde contracta fœdera Cæsaris Cameræque Imperialis examini fuere subiecta, quædam probata, ut: quod paulo ante ex Mynsing. retulimus, quædam improbata. ut & Unionis an. 1609. à Rudolpho Imperatore confirmatio fuit petita, & quæ sub Ferdinando II. est Catholicorum confœderatio, atque alias.

Huiusmodi examen exigi, Cæsarisque censuram mirum non est, cum plerique rem suam agere soleant: unde eueniat, ut quos opis causa euocauerimus, metuemus; potentiores dominationis auidi alia quam promiserint spectent; si clientela, si protectio dicatur, conuersio non raro, & euersio aliquando alterutrinus à tergo sit. *Bodin. de rep. l. 5. c. 6. num. 515. 587. & Gregorius Tolosanus primum post protectionem gradum ait esse, inuasionem. l. II. de rep. c. 11.*

Et vero eo minus possit quis in protectionem Francicam se dare, si Cassano credendum est, quod protectus, & si nihil à protectore possideat, nec ad hominum teneatur, ut vassallus; obligatus tamen sit ad seruitia, & fidelitatem: ita ut, quo casu vassalli feudum potest confiscari,

cari, possint bona clientelæ submissa à protectore inuadi, & clientela verti in subiectionem. ideoque ait iure Carolus IX. Metenses, Tulenses, & Verdunenses protectioni submissos, quod dicerentur aliena à protector-consilia habuisse cum Hispanis, iure redegissee in ordinem subditorum. ita ille. *l. 2. c. 4. p. 107. 108. 109. 110.* ecce quo vergat protectio Francica, adeoque idem Cassanus *eodem capite* contendit Genuenses non potuisse à Francis discedere, & cum Austriacis, Hispani sive in gratiam, aut clientelam ire: quinimo non obseruantes clientelæ pacta armis ad fortunam subiectorum iure fuisse coactos: & si ibidem admittit potuisse Maximiliano Imperatori supremiatis iura negare, quod olim Carolo IV. exiguam summam soluissent pro libertate: cum tamen toto opere hoc crepet, non posse Principes supremiatiem, maiestatisue iura alienare, nullam his præscriptionem obstare, nulla pacta: quod rursus *precedenti c. 3.* asseruerat: & semper in omni concessione, supremiatiem esse reseruatam *l. 2. c. 6. p. 193.* vbi omnes id Doctores tenere ait, & *c. 8. p. 250. & seqq.* & nos probauimus in Iudice *l. 4. c. 1. num. 2.* videtur Cassano eum, qui se in protectionem dedit, in alterius protectionem dare non posse, si fecerit iure inuadi, & bonis eijci: videbitur ne qui alterius Imperio, & supremiati subest, id posse? & si fecerit, non iure res recuperari à Domino supremo? quid si Imperator, aut Dux Luxemburgensis, protector, nunc Hispaniarum Rex, ita egisset cum Treuirensibus, vt *l. 2. c. 5. p. 109.* Francos cum Tulensibus, Verdunensibus, & cum Genuensibus, & Metensibus egisse laudat, quam linguis licerent Austriaci & Hispani? at hi non eo modo amicos protegunt, non eo modo amicum titulum in fraudem vertunt. quam apud omnes vapularent, si subditos Regis Franciæ, malè se haberi questos, in huiusmodi clientelam susciperent? si protectionis nomen & arma eis accommodarent, quam stomacharentur Franci? quâ Stentoreus clamor cœlo iret? quam etiam-

num malè digerere possunt quidam, quod Hispani Franciæ Ordinibus suppetias tulerint, sine quibus adhuc Calvinismus in regni visceribus primas possideret!

Sed redeamus ad rem nostram, periculosa dicimus adeoque suspecta esse subditorum cum alijs fœdera clientelas, protectiones; vetustam ex malis moribus natam legem XII. tabularum, *si patronus clienti fraudem faxit, sacer esto.* nec tamen ea lex fraudes omnes compescuit: quapropter quoniam sub huiusmodi titulis, periculosè peccari solet, & sub vmbra fœderis protectionisve clientes in seruitutem trahi (cuius non aliquid redolet *lex. 7. in fin. D. de capt. sunt*, inquit, *apud nos rei ex civitatibus fœderatis, & in eos damnatos animaduertimus*) visum est summis Pontificibus necessarium in Ecclesiasticis excinderè radices, vnde fraudes Ecclesiarumque præiudicia nasci possunt: adeoque præsulibus alijsque Ecclesiasticis disertè veritum est, ne transeant, Ecclesiamque suam in clientelam alicuius, protectionem aut aduocationem concedant. *c. 2. de reb. Eccles. non alien. in 6.* quod adeoque multo minus præsules facere possunt, in re tanti momenti, non assentiente, multo minus contradicente suo Capitulo, aut saniori parte. *c. 3. & tot. tit. X. de his qua sunt à pralat.*

Et nihilominus quo casu protectio licita est, nihil mutat circa priorem auctoritatem proprii magistratus. *l. desertorem §. fin. in fin. D. de re milit.* adeo quidem, ut quamuis si summus Pontifex aliquem sub protectionem suscipiat, non ideo tamen à iurisdictione Ordinaria eximere censeatur. *c. ex parte l. 2. c. recepimus X. de priuil.* quanto minus quis censendus est in seruitutem velle se dare, qui opem protectoris implorat ne seruiat? quanto minus præsumi debet delictum velle committere Principi se subditum, aut Domino se vassallum subtrahendo, in aliamve ditionem se dedendo?

Quæ si omnia casui nostro applicentur, liquet iure non potuisse Electorem Imperij, in alieni Regis clientelam,

Iam, protectionemve se dedere, recteque adeo Electorem negare se de facto vniquam in protectionem Regis Franciæ dedisse: auxilia ex Gallijs aduocata aduersus Suecicam tempestatem nihil mutasse constat in iure Electoris, nihil in iure Imperatoris, nihil in iure pristini Treuironum protectoris, Ducis Luxemburgensis: adeoque cum Imperatorem iure supremo, tum protectorem tutorio, Francos iam hostiliter Treuiris agentes potuisse pellere, eoque urbem insigni stratagemate intercipere: nec esse quidquam cur Ratiocinator exclamet perinde atque si hostes, non Dominus supremus, atque protector urbem cepissent: à qua Elector ipse, nec maiestatem Imperatoriam, nec protectionem pristinam voluit, potuitve excludere. sed & palam fit Francos, dum cætera Electoris loca pergunt aduersus eius voluntatem detinere, reos fieri fraudis factæ, fidei violatæ; quod, vocati in auxilium sociorum, leoninam exerceant societatem: opemve ferant, quam fabula ab homine aduersus ceruum latam fingit equo, qui deinde *non equitem dorso, non frenum depulit ore.*

CAPVT XV.

An Elector sit Soueranus?

HAllucinari nolimus in voce ambigua, quomodo aliquando vtuntur aliqui significatione *souerani*; nos hic cum intelligimus, penes quem sit supremum rerum arbitrium, atque ius maiestatis. eam strictam significationem hic exigit materia, vt alias laxiorem admittit: qualem tractauimus in *Iur. pont. nou. anal. de relig. dom.* qua de re latius videri potest Loyseau de *Seigneuries*. Ratiocinator Electorem esse *soueranum* astruit; Declaratio autem *membrum illum vocat*, & *subiectum Imperio*, Imperatoremque eius *caput*. Non est obscuro

obscurum in Germania plures Principes, ipsosque imprimis Electores eminentes habere dignitates, decoratas multis notis à maiestate communicatis, secus quam in alijs Regnis: quod dixi non minuere, sed augere potius splendorem Imperij in *Iud. l. 4. c. 10. num. 29.* non secus, quam solis lumen non obfuscant radij alijs communicati, non minuit maiestatem diuinam, quod præter Reges & Principes, quos in terra habet vasallos, tot habeat in cœlis legiones angelorum, quorum minimi dignitate Reges sunt Regum terræ: quanta nunc intercapedo inter vltimum vltimi Ordinis, aut chori Angelorum, & supremum supremi? nec tamen ea dignitas maiestatem diuinam imminuit, nec Lucifero impune cessit cogitatio sedis supra Altissimum collocandæ: ita Imperator Romanus supremiatis apicem non habet imminutum, etiam si Principes habeat summarum prærogatiuarum notis illustres, agnoscunt illas fluere vt ex fonte maiestatis ab Imperatore, illius se illas beneficio possidere: tantum abest vt beneficijs auctis magis; recalcitrare liceat, & muneribus ab Imperio acceptis aduersus illud pugnare, quin etiam Imperatores Romani atque imprimis Augustus senatui auctoritatem dignitatemque reliquit, sanxitque, vt de bellis etiam atque triumphis senatus consuleretur: speciosa modestia vim Imperij tenuit. quidni ergo Germaniæ patriæ patres, Principes, Electores, magna cum dignatione habeantur, nec ipsi tamen sui obsequij obliuiscantur? quare cum olim inter Pontifices & Imperatores graues essent cōtrouersiæ, & opportunitas Ecclesiasticis, nisi iustitia defuisset, Imperatoria iura arrodendi, tamen Archiepiscopus Treuirensis, fatetur ingenue apud Paschalem Pontificem, *referente Choppin: de sac. polit. l. 1. tit. 2. n. 13.* pro regalibus oportere ad Dominum Imperatorem, vt annulo & virga nouus Episcopus inuestiatur, ire, fidelitatem, & hominum facere. nec mirum: etenim ciuitates, inquit, castella, marchias, teloneas, & quaque Imperatoria dignitatis nullo modo debere aliter

ter occupari. ita ille Præsul, nec vero aliter hic occupavit Elector

Alius genius est eorum, quibus propositum est tollere quidquid excelsum est. inde Tarquinianâ summorum papauerum decussio, extinctis summis titulis, & viris cautio, fratricidia Turcarum, eminentium etiam ædium destructio. ita in Anglia quidquid procerum nimis eminebat excussum est. ita Hieron. *Thren. c. 1. abstulit*, inquit, *omnes magnificas meos Dominus de medio mei.* contra Augustus Hortalum pecunia iuuit, *ne*, inquit, *Tac. l. 2. clarissima familia exstingueretur.* itemque plures Tiberius, *eod. l. 2.* nobilitatem iuuandam præfatus. Sic apud Germanos non illa æmulatio: quin & fidentes magis sincerique sunt visi illis sui Imperatores, quam Francis sui Reges. vbi eadem olim dignitate Duces fuerunt, & Comites: quos gloriatur Loyseau. *lib. des Seigneuries pluribus in locis, sed imprimis c. 2. n. 38.* in ruinam datos, *c. 5. num. 58.* per suos reges subtiliter esse redactos in ordinem Suzeranorum: quinimo *c. 9. num. 27.* secus quam de Treuirensi nunc diximus, fatetur Reges veteres Francos nullum ius in territorijs huiusmodi Principum habuisse, sed tantum personalem subiectionem, fidelitatem, & hominum: ex illiusque causa constitutis Parliamentis querelas subtili arte conuersas esse in appellationes, & sic vltimum in litibus iudicium ad se traxisse. quod & in armis factum est: quæ olim in Francia non secus Principibus inferioribus competeabant: vt Rex ad suum solius arbitrium ea retraxerit: *idem Loyseau. c. 4. nu. 8. 9. 10. 11. 12.* vt & legum condendarum potestatem: *d. c. 20. n. 60.* monetæ cudendæ: *c. 3. n. 40.* pecuniæ imperandæ *num. 48.* aliarumque notarum alibi: denique belli ac foederum: *d. c. 5. num. 60.* vbi subdit *num. 61.* sola Parliamenti argutia factum esse, vt Francici Principes non retinuerint prærogatiuas, quas etiamnum habent Itali, & Germani. numquam tamen eo res Germaniæ venit ideo, vt cuiuspiam Principum liceret contemnere suprema.

mita.

mitatem Imperatoriam, ditiones suas eius Imperio, vel armorum arbitrio, vel militari præsidio subtrahere, aut aliena auxilia aduersus ipsum suscipere, sine nota Rebellionis. l. 1. & 2. 3. 4. D. ad leg. Iul. maiest.

Imperatoriam potestatem Cassanus lib. 2. c. 1. p. 20. valdè deprimit, quasi nomine tenus dignitas penes Imperatorem, vis Imperij penes Ordines sit: adeoque status censendus magis aristocraticus, quam monarchicus; & nisi ex eadem domo plures Imperij maiestatem sustinissent, iam Imperatores instar Ducum Venetorum futuros fuisse: Ordines de causis à Cæsare indicatis per prouocationem cognoscere, potestatem decernendi bellum, & pacem pangendi habere: hæc Ordines inquam, habere cum in comitia veniunt, asserit, non singulos. sed quam turpes hac in re *totoque illo capite* errores commiserit, demonstrauit *Romano-Germanicus S. Casarea maiestatis splendor*, auctore G. V. H. equite Germano. qui omnia ea axiomata falsi palam coarguit. Sed nec Cassanus quidem, vt diximus, singulis Principibus belli & pacis arbitrium concedit, & iam mox Auream Caroli IV. bullam, & Imperij constitutiones aduersari docuimus.

Et vt daremus Imperatorem pæne redactum esse in ordinem Ducum Venetorum, & ad instar potestatis Ducalis Venetæ, quod vult Cassanus, nec satis percepit Eques ille phrasim Gallicam *reduits au pied des Ducs de Venise*: non quasi velit Cassanus Imperatorem vllum pæne ad pedes Ducis Veneti bello prostratum; sed quasi ita versaretur in rep. vt inter plures emineret quidem, sed auctoritas & vis Imperij penes alios esset, vt apud Venetos: nihilominus vt id daretur, inquam, nihil Ratiocinatori proficeret: quia nec apud optimates, nec apud populos vnus seorsim bella indicare, aut fœdera contrahere potest; nulli vsquam aduersus Remp. imo in d. Bulla aurea d. c. 15. omnes, inquit, *confœderationes & pacta irritantur, quas ciuitates seu persona cuiuscumque digni-*

*dignitatis, seu conditionis aut status, siue inter se, siue cum alijs, absque auctoritate dominorum quorum subditi vel ministeriales, seu in quorum districtum consistunt eisdem Dominis nominatim non exceptis fecerint hactenus, & facere præsumpserint in futurum: sicut per sacras duorum Augustorum predecessorum nostrorum leges prohibitas non ambigitur, & cassatas: illis confœderationibus & legibus dumtaxat exceptis, quas Principes & ciuitates ac alij super generali pace prouinciarum atque terrarum inter se formasse noscuntur. Illas enim nostra declarationi specialiter reseruantes, in suo decernimus vigore manere, donec de his aliud duxerimus ordinandum. vnica ergo illæ confœderationes excipiuntur, quæ sunt pro generali pace; nec simpliciter quidem; ne quid incautis posset excidere: sed cum reseruatiōe examinis Cæsarei, & donec aliter ordinauerit. Agit Bulla de cuiuscumque status, aut dignitatis Principibus, Electoribus etiam, in eadem Bulla sæpius disertè expressis: quorum nulli non sunt Imperij vasalli, saluis cum feudali respectu Regis Bohemiæ prærogatiuis. non ergo Elector Treuirensis *soueranus* est illa significatione, vt fœdera possit contrahere cum Rege externo, non pro pace comuni, non aduersus Dominum, imo nec eo non excepto, non aduersus Imperium, aut Imperatorem: non ipse monarcha est: sed ex monarchiæ Imperialis membris, atque Ordinibus, qui Imperatorem caput, atque monarcham agnoscunt: à quo ciuitates, castra, telonia, aliaque regalia beneficio feudali possident, penes quem est arbitrium belli & pacis, ad quem vltima prouocatio, tam in Camera Spirensi, quam Concilio Aulico, vbi per præuentionem totius Imperij causæ extremo iudicio Cæsaris nomine terminantur, præter feudales controuersias, quæ in solo Aulico iudicio cognoscuntur.*

Quamuis Electores, alijque Principes nonnulli respectu suorum subditorum ferè *souerani* videantur, multasque maiestatis notas sibi habeant communicatas, quibus

quibus deceptus fuerit Ratiocinator, quasi simpliciter ob illas dici *soueranus* potuerit Elector, qui rigore vocabuli supremus non sit, sed Imperatorem pro capite habeat, beneficio illius regalia sua possideat, supremum iudicium, belli & pacis arbitrium penes illum non sit, pro communi tantum pace fœdus contrahere possit, censuræ tamen Cæsaris subiectum.

CAPVT XVI.

An Dominus superior ius habeat vrbibus in feudum datis, præsidium immittendi?

NVnc à Ratiocinatore audire velim an licuerit Francis subtili arte, edicto, iudicio parlamenti, quod tam iustum prædicant, iura eiusmodi maiestatis priuilegiaria suis auferre: & alibi tamen liceat armis, non dico huiusmodi ablationem impedire, sed ne huiusmodi priuilegijs ornati Dominum agnoscant, mandata venerentur, atma præsidia recipiant, quibus exteri hostesque Imperij arceantur, sed etiam illos recipere, fœdera inire, protectionem, arma aduersus Dominum, nullam vim inferentem, lege dumtaxat vtentem, aduocare; nec liceat Imperatori fines tueri, necessaria vrbibus, arcibus, limitibus præsidia imponere? prima illa sunt maiestatis iura, primæ feudorum leges, vt nec arcem liceat habere, nec locum munitum, nisi ex nutu Domini, vt nec resistere liceat sine Principis auctoritate: *l. 9. D. de rer. diuis.* & aliter vt quam concessum est hostile, & abominandum *l. 1. i. D. eod.* vnde illud Taciti *5. histor. Iudæi empto iure muniendi struxere muros in pace, tamquam ad bellum*: & Claudius Agrippæ, muros Hierosolymis struiceptos, perficere inhibuit: *Iosèph antiq. Iud. 19. c. 7.* sane nullum muniendi ius est Imperij, aut militis dominici exclusiuum: *l. 1. & 2. 3. 4. D. ad leg. Iul. maiest. l. 2. C. de fund.*

fund. limitrap. C. l. II. An Rex Franciæ velit quietum quempiam in Francia habitare, qui protectionem alterius Principis implorans; eius Imperium & militem recuset? quæ alia causa obsidionis Rupellensis? nec sufficit incolis Anglica amicitia, nimium ea fretis: nec Montmorancium gladio exemit receptatio Regij fratris, aduersus arma nomine Regis mota. *Quotiescumque talem in alterum habueris animum qualem in te ab altero seruari cupis; equitatis viam tenes: quoties vero talis erga alterum fueris, qualem in te vis neminem: iter iustitiæ dereliquisti; Hieron. epist. II. c. 4.* prima illa regula est omnis iuris: *c. 1. d. 1.* Hæc lex, & Prophetæ: ita Christus. *Matth. 7.*

Nec voluit Elector, esto licuerit ei timere, auxilia Franci Sueco fœderati aliter implorare, quam vt sub amici clypeo securior esset. At nihil Elector secus quam leges Imperij velint egerit, quid adhuc conficit Rationator? rebus vtique mutatis, Francis præfidiarijs hostilem morem induentibus, quidni liceat stratagemate militarium Imperatori urbem sui Imperij immisso præsidio tueri, hostemque expellere, tum Duci Luxemburgensi ciues fidei suæ commissos in libertatem asserere?

CAPVT XVII.

An Elector indignè habitus?

AT Electorem Rex Franciæ in protectionem suscepit: negat ille; sed esto: non tamen contra Dominum, at quietus secum habitabat: non secum habitat, qui Dominum habet, qui domi illius imperat. sed & hostes, quos domi habebat, pellendi erant. ciues libertati reddendi, limes Imperij tutandus, immittendum præsidium: non secus quam Philippoburgum eiusdem Electoris oppidum fuit receptum: nec illud eo vsque
tamen

tamen cabrones excitauit, at præsens hic erat Elector: aberat cum tribunis receptio Treuironum mandata fuit: quam non debuit aduentus Electoris remorari. quid tum porro si præsens fuisset? iuuare rem Imperij vt vasallus, non impedire poterat. & vero bellum personas non distinguit, dummodo bellent, clericos à militia arcet *canon. 82. Apost.* sed immistorum bello priuilegium gladius non agnoscit. *c. quia frustra X. de usur.* at persona eius sacrosancta est: reuerenter habita fuit, vsque ad liberum ad Comitum Ratisbonensium abitum; magis quam vnquam à Francis domi suæ culta fuit: non tantum liberè, sed & splendidè pro sua dignitate tractata. non ignoramus in Belgica Treuirensis Archiepiscopum Belgicæ primatem iam olim fuisse. *c. Teudingam II. q. 5.* Declaratio ait Electorem *laudare Deum, qui liberauit eum à maligna tractatione, & insolentia Francorum, ut benè reciperetur, tractaretur, & tractare posset, ut fecit, summa rei Christiana negotia, inter obsequiosa officia, quibus domi sua maiora recipere non posset. Nostro,* ait Ratiocinator, *quo nihil visum indignius: nolim Ratiocinatori obijcere memoriam cædis Cardinalis Guisij, vt comparet circumstantias Cardinalis, fratrisque Guisij corpus etiam exinde combustum, cineresque proiectos in profluentem: velim recordari tantum quam reuerenter tota Gallia clerus habeatur, quomodo sacrati sacerdotes non tantum ex causis criminalibus casuum, quos exceptos commentantur, sed etiam ciuilibus debitis in communes reorum carceres compingantur. ponderet quanta illic momenta faciat Ordinis sanctitudo. eosque clericorum in Gallia casus vbi debitæ reuerentiæ restituerit, examinet tum an habeat quod foris queratur. Quod Principis autem & Electoris dignitatem attinet, Ratiocinator Reginae matris maiestatem expendat: quam læsam captiuitate, bonorum rapina, eliminatione! De Duce Aurelianensi malè toties habito, de Lotharingo per fraudes terris suis eiecto, de vxore per vim de-*

tenta,

tenta, de legitimo Aurelianensis matrimonio in diuortium cum magna iniuria sacramenti & tantæ familiæ distracto, de compacto in arctum carcerem quondam Cardinale Frâcisco Lotharingo, de Duce Montmorancio, ultimo eius domus in Francia Heroë, non obstante sororis nuptæ Principi Condæo præsumptiuo hæredi Coronæ, (si Regem & Ducem Aurelianensem sine liberis masculis mori contingat) ad genua Ministri Regij aduolutione, nuper securi subiecto: de alijs denique plurimis nolim Ratiocinatori quicquam opponere: minus de Maria Scotiæ Regina Delphino Franciæ nuper nupta, etiam nostro æuo in Anglia securè percussa. quamuis maiores benè hoc comparassent, *ut neminem*, inquit Cicero, *ad Heren. l. 4. Regem, quem vel armis cepissent, vita priuarent.* non hæc æuo nostro indigniora? nullatenus tamen se Francia tum mouente: & nihilominus dicit Ratiocinator Regem, nisi desereret causam Ecclesiæ, confœderatorumque, in hoc prælato offensam, non potuisse non ire in bellum.

CAPVT XVIII.

An esto dedere se, suscipi etiam Elector à Franciæ Rege in protectionem potuerit?

MEminisse debebat Ratiocinator Veruinianam pacem esse vetustiore amicitia Treuirensi, & propterea aduersus illam hanc non obligare non tantum, sed neque pacis, bellique iure esse permissam. ut Romani, pacis bellique iurisprudētissimi, semper censuerunt, & ita ex Patrum sententia Consul respondit Campanis; *auxilio vos dignos censet Senatus, sed ita nobiscum amicitiam institui par est, ne qua vetustior amicitia, ac societas violetur. Samnites nobiscum fœdere iuncti sunt. Itaque arma vobis negamus aduersus Samnites: Legatos,*
sicut

sicut fas, insque est, precatum ad eos mittemus, ne qua vis vobis fiat. ita iustè, magnanimè, ac moderatè Romani, & sic eatenus rectè Rex Franciæ Legato seu Résidenti Bruxellis, suo mandauerat vt his de rebus cū Serenissimo Cardinali Infante. ageret: sed amicè is responderat ab Imperatore & Rege Hispaniarum sibi sciscitandum, quid fieri iuberet: prudentissimè: causā enim ista summam rerum, personamque continens eius Principis, quem Ratiocinator *soveranum* facit, summi arbitrij erat: liberis etiam mandatis, quamuis maximè generalibus, minime comprehensa. *vt supra lib. 2. c. 3. & seq. in Consule Posthumio, alijsque vidimus.*

Quare cum Scipio Africanus Syphacem vicisset, ac Massinissæ permisisset urbem regni caput recipere, in ea Sophonissa Syphacis vxor fortunæ se dedit; à Massinissa stipulatā ne saltem in potestatem Romanorum veniret: itaque, quasi per seruitutem Syphacis soluto matrimonio, eam is vxorem duxit: & post Scipionem obtestatus est, vt vxor immunis esset: Scipio, quamuis tantus Imperator, respondit; causam illam ad populum Romanum esse referendam: cum aliud Massinissa obtinere non posset, vxori venenum misit, quo sibi consulere posset, ne in Romanorum potestatem veniret, quod adeoque illa hausit, & intrepidè quidem, & id est tantum quæstā, quod *satius sibi futurum fuisset, si non in funere nupisset.* non ergo de Electore statui potuit sine arbitrio Regis, aut Imperatoris.

C A P V T XIX.

*An ritè potuerit interim facialis mitti,
& missus quis fuerit?*

CVM postulari iure non poterat amplius, nec dari à Serenissimo Cardinali Infante, & vbi talia petuntur solcant feriæ dari, vt ex professo docet Lilius *d. l. l. l.*

ex Anci Martij Æquicolarumque instituto, *Legatus peragit*, inquit, *si non deducitur quos exposcit diebus tribus & triginta (tot enim sollemnes sunt) peractis*. utique in populo vicino ubi coram sunt, qui possunt dedere. immerito de responso quæritur Ratiocinator. hoc autem quod mox diximus fuisse responsum suum testatur ipse Cardinalis Infans in Declaratione. Arguit autem Ratiocinator tale illud esse ut prodat Hispanorum esse propositum, continuare, non reparare iniuriam Electori factam. sed, ut omittamus illud Ecclesiastici *c. 10. in cogitatione tua Regi ne detrahas*, id si ex eo consequens est, talpæ fuerunt Romani, alijque populi obesæ naris, quibus ea formula & induciæ sollemnes fuerunt. Asdrubal cum Romanis fœdus inierat, *ut ita id ratum esset; si populus Romanus censuisset*, non idem exceperat Asdrubal: pax data eodem erat utrorumque socijs. Annibal oppugnatum venit Saguntinos, postea factos Romanorum socios: Romani mittunt ad Annibalem ut à socijs abstineret, nisi id faceret, mandant legatis, ut Carthaginem trajciant: cum & ibi eluderentur, mittunt secundò, ut declarent publico priuatone consilio Saguntum oppugnetur, nec interim arma mouent. non hic videbitur tempus dandum Pro-Regi postulata ad Imperatorem, & Regem referenti? sic refert Liuius *d. 4. l. 8. legatis Oroandensium precantibus*, inquit, *ut domum renunciarent, potestas facta*. ne priuato quidem probè quis id temporis negauerit. At hic aliud agebatur, aucupabantur illi tempus, qui iam ante cum Batauis contraxerant, sæpius quidem sed ultimo iam mense Martio *die 8. 1635.* quo apertam infractionem pacis spoponderant, & post paulo in Luxemburgensem agrum militem immiserant, testem, ut nunc fatentur, rupturæ, & si Orchimontium nomine tum adhuc Auriaci ceperint, ut id populi rumoribus darent, à quo probatum non iri bellum sciebant. plausibilem hunc ergo prætextum tempore obumbrato protrudunt, qui in rerum natura nondum erat,

N

cum

cum illa pacta inita, cum iussus est irruere in agrum Luxemburgensem miles. Lubet iterum audire Liuium d.l.i. Ancus Martius, quoniam, Numa, inquit, *in pace religiones instituisse, quo à se bellica ceremonia proderentur, nec gererentur solum, sed etiam indicerentur bella aliquo ritu: ius ab antiqua gente Æquiculis quod nunc fœciales habent, descripsit, quo res repetuntur. Legatus ubi ad fines eorum venit unde res repetuntur capite velato* (filum lanæ velamen est) *Audi Iupiter, inquit, audite fines* (cuiuscumque gentis sunt nominat) *audiat fas. ego sum publicus nuntius populi Romani iuste pieque legatus venio, verbisque meis fides sit. Peragit deinde postulata, inde Iouem testem facit. Si ego iniuste impieque illos homines, illasque res dedier nuntio populi Romani mihi exposco, tum patria compotem me numquam sinas esse, hac cum fines supra scandit, hac quicumque ei primus vir obuius fuerit, hac portam ingrediens, hac forum ingressus paucis verbis carminis, concipiendique iuristurandi mutatis peragit, si non deduntur quos exposcit diebus tribus & triginta, (tot enim sollemnes sunt) peractis, bellum ita indicit, audi Iupiter & tu Iuno, Quirine, diique omnes caelestes, vosque terrestres, vosque inferni audite, ego vos testor populum illum (quicumque est nominat) iniustum esse, neque ius persolvere. sed de istis rebus in patria maiores nati consulemus quo pacto ius nostrum adipiscamur. Cum his Nuntius Romam ad consulendum redit, confestim Rex ex his ferme verbis patres consulebat. Quarum rerum, litium, causarum condixit pater patratus populi Romani Quiritum patri patrato priscorum Latinorum, hominibusque priscis Latinis, quas res nec dederunt, nec soluerunt, nec fecerunt, quas res dari, fieri, s. l. ui oportuit, dic, inquit ei, quem primum sententiam rogabat, quid censes? tum ille, puro pioque duello querendas censeo, itaque consentio, consciscoque: inde ordine alij rogabantur, quandoque pars maiorum eorum qui aderant in eandem sententiam ibat, bellum erat consensu*

sensu fieri solitum: ut fœcialis hastam ferratam aut sanguineam prauſtam ad fines eorum ferret, & non minus tribus puberibus præſentibus diceret, quod populi præſcorum Latinorum hominesque præſci Latini aduerſus populum Romanum Quiritium fecerunt, deliquerunt, quod populus Romanus Quiritium bellum cum præſcis Latinis iuſſit eſſe, Senatusque populi Romani Quiritium cenſuit, conſenſit, conſciuit, ut bellum cum præſcis Latinis fieret, ob eam rem ego populusque Romanus populis præſcorum Latinorum, hominibusque præſcis Latinis bellum indico, facioque. Id ubi dixiſſet, in fines eorum emittebat. Hoc tum modo ab Latinis repetita res, ac bellum indictum, moremque eum poſteri acceperunt.

Viden' quanta ceremonia, religioneque iura gentium bella gentium indici voluerint? ſpatium deliberandi legatus dat, domum etiã redit, ibidemque deliberatur non minus, teſtatur Deos iuſtè pieque ſe legatum venire: ſi ſecus, precatur, ne patriæ compotem eſſe ſinant: populum alterum iniuſtum eſſe, neque ius perſoluere: rebus repetitis utique & negatis, ob eamque rem bellum indicit: at hic nulla mora datur, ut verba ijs fieri poſſint, ad quos ſpectat decernere. Latini cum incurſionem inquit Liuius, paulo ante in agrum Rom. feciſſent repetentibus res Romanis ſuperbè reſponſum reddiderunt: at hic Princeps Cardinalis humaniſſimum: ibi palam malitia, & contumacia: hic omnis ciuiliū verborum urbanitas, nec amplius in re ut diximus à Pro-rege iure dici, fieri poterat. & quia iuris præſcripta Princeps transgredi noluit: doli fit interpretatio, ex eaque præſumptione itur in bellum. belli iura ex rebus factiſque iniurias metiuntur, præſumptiones ad bellum indicendum non admittunt. *c. quid culpatur 23. q. 1.* Quibus ex cauſis Declaratio ait, *ſecundum terminos iuris, multo magis ciuitatis, interim dum Caſareum Regiumque reſponſum exſpectaretur, non potuiſſe amplius poſtulari, aut quem mitti.*

N 2

Miſſus

Missus quis fuerit, ænigma est. homo obsoleto habitu, facialem heraltumve se indigetabat. Si quis, inquit, *lex 1. C. de mandat. princ. adferas cum mandatis nostris secretis se venisse: omnes sciant nemini quicquam, nisi quod scriptis probauerit, esse credendum: nec ullius dignitate terreri, siue tribuni, siue notarij, siue Comitum proferat dignitatem: sed sacras nostras literas esse querendas.* si ille sub vocula *nemine* comprehensus non fuit, nã ille homo non fuit. habitum non facere monachum est in vetere Prouerbio, & asserit Concil. *Trid. s. 14. c. 6.* ideoque & *lex si qua per calum. C. de Epis. & cler.* venientibus ad aulam clericis monachisve mandat, vt Episcopi sui literas conferant, alioquin, ita denunciat, *Scituri quod si citra hanc fiduciam accesserint, sibi met imputabunt quod nec clerici vel monachi esse putabuntur.* huic ergo homini prælatæ functionis literas non exhibenti, sciendum erat, quod pro tali non putaretur, non haberetur. eoque magis quod à simili scenico Angli à Francis alias essent delusi, quo fidem illi huiusmodi strophis imposterum abrogarunt. Ita in bello Lusitanico auspicijs Philippi II. victis Insulis Azoribus à Marchione de Sancta Cruce capti nobiles Franci 300, cum vt milites se atque à Regina Franciæ bello missos excusarent, tantisper derenti sunt dum Regina interrogaretur: cum illa negasset, tamquam pyratæ ac prædones securi subiecti sunt. Enim vero Declaratio ait, *venisse hominem, ut pretenditur, sub qualitate heralti, cum nec esset, nec essentielles tesseras prefferret, nec ut talem se gereret, minus ullam commissionem, aut literas credentia exhiberet.*

Porro ea quæ de causa Treuirensi aliquot sectionibus enucleauimus: Declaratio comprehendit vniuersim hac ferè rei substantia: *Regem iam ante ultimo tractatu cum Batavis inito bellum resoluisse, immissionem militum in agrum Luxemburgensem apud Batauos pro ruptura interpretatum, tametsi paulo ante adhuc arma nomine Auriaco velasset, actus hostilitatis exercuisse iam antequam*

quam Treuiri intercepti essent, aut Bruxellam venisset personatus ille, qui Archiepiscopum Electorem Treuirensensem repeteret, adeoque antequam nata esset ea causa, quæ nunc frontispicio belli præfigitur, quo deciperentur etiam proprii subditi, qui pacis infractionem abominarentur, debuisse Regem responso Ferdinandi tantum temporis deferre donec is ad Casaream, Regiamque maiestatem retulisset, edoctusque ab eis esset, quid sentiret de Principe Electore Imperij, non subdito Regi legibusque Francia, & qui palam negaret sub eius se esse protectione, Deum laudans qui eum à mala exhibitione, insolentibusque Francorum liberum fecisset, præterquam quod urbs Treuironum sub Imperio existens protectorem pridem haberet Hispaniarum Regem suosque prædecessores, quam ob causam nullis Principum, quæ Treuiris gesta essent improbanibus, mirum esse solum Francia Regem arma sua isti causæ impendere, pro membro & subiecto Imperij, contra Imperatorem suum Dominum, eamque oppugnare titulo amicitia aut fœderis, tamquam si illud nomen mereretur, aut iure posset subsistere non cementata etiam cum iustitia, illaque oppugnare titulo amicitia posterioris pace, & matrimonijs inter duos Reges eorumque Coronas adeo strictis, quorumque adeo interest publici boni atque quietis.

CAPVT XX.

An Hispani eodem tempore persuadeant Catholicis, quod summum eorum desiderium sit eis fauere, & malè velle hæreticis; his offerant pacem fauorabilibus conditionibus, ut deinde arma in illos vertant, ac demum utrosque supprimant?

ITa Ratiocinator: nec sunt istæ ignotæ Ducibus artes, ita Drusus illiciens Germanos ad discordias, ut fracto Maroboduo usque ad exitum insisteretur Tac. 2.

Ann. ita qui negant iura sibi nata, qui quidquid regibus lubuerit, ius & iustum aiunt, quibus ius in armis, qui omnia fortium virorum esse censent, ut Brennus, sociique Galli; denique id in summa fortuna æquius, quod validius, sua retinere priuatæ domus, de alienis certare regiam laudem esse, ut Tiridates; qui bellum vnum ex altero commentantur, non ex iure indicunt, non ex iustitia gerunt. *Latrunculorum & furium*, inquit Alexander Magnus apud Curtium l. 4. *illa solertia est quam præcipis mihi, quippe illorum votum unicum est fallere: & Liuius l. 42. legati ex Gracia reuersi Q. Martius & A. Attilius nulla aliâ re magis gloriabantur, quam decepto per inducias & spem pacis Rege, que magna pars Senatus probabat, sed veteres moris antiqui memores nouam istam sapientiam improbabant.* At vero cur id censet de Hispanis? Vbi enim arma Hispana pro hæreticis aduersus Catholicos geruntur? nonne à Sueco, Protestantibus, ac Batauis hæresis vna cum Rebellionem mixta inuehitur, ab Hispano Austriacisve propulsatur, à Francis protegitur armis, militibus, pecunijs? ipsa Geneua nonne iam pridem in protectionem suscepta à Francis, quæ caput est hæreseon, ac hæreticorum nutrix, Deo ut & Domino suo rebellis? Protestantes Germaniæ, tum in suis principijs, tum deinde cum inualuissent fœdere Smalcaldico à Francis toties adiuti? quæ vspiam pæne pro religione arma sunt foris mota, vbi Hispani ac Austriaci non fuerint in partibus Catholicorum, Franci cacodoxorum? opera testantur an non Francis ea conueniant quæ Hispanis affinguntur. ex operibus homines cognoscendos; qui simulatis vestibus vtuntur, docemur *Matth. c. 7.* Sed enim vero Legatus chimericus nuper latè asseruit, quam eodem tempore Franci diuersas personas agant. quam non pridem per eundem Legatum inuitati sint Bataui alijque Protestantes ad nouam vñionem contra Domum Austriacam, & ipse Imperator ad noua fœdera quibus hæreticorum interitus curaretur, quam eodem tempore

Romæ

Romæ offerantur auxilia ad defensionem Ecclesiæ, & Bizantij, vt Turca Italiam, patrimoniumque S. Petri inuadat, Neapolim, Siciliam, Melitam occupet; aliquot milliones in suppetias præsentarint, & exercitum miserint hæreticis auxilijs mixtum, qui Vallem-Tellinam occuparit, in ipsam Italiam hæreticos præcones conduxerit; quod hinc cum Polono actum sit, vt cum Sueco pacem haberet, inde Moscus bellum ei inferret; hinc officium Christianissimi Regis præstari velint videri, inde cum omnibus fidei Orthodoxæ hostibus aduersus Ecclesiam fœdera contraxerint: Suecum excitarint, vt in Imperium Germanicum prorueret. qui nisi diuina manu, quæ in pariete Balthazaris damnationem scripsit, Iulianum sagitta confodit, in prælio ad Lipsiam commisso prostratus fuisset: iam Regiam Sedem, quam Augustæ Vindelicorum ponere cæperat, trans Alpes transtulisset, ac Romæ iam ille Attila forsan haberet, & nihilominus euulgent omnia hæc in rem Religionis Catholicæ fieri, quam mox stabilituri sint, cum omnes hæreticorum vires expenderint: quam hic videas alterum purpuratum Ecclesiæ Senatorem consilij regnum omne sociorumque vires dirigentem, illic alterum itidem purpuratum exercitum ducentem, hunc in dextro cornu consistere, in sinistro ductorem hæreticarum copiarum, alternis hebdomadibus purpuratum iisdem copijs imperare, alternis hæreticum Ducem: credetne posteritas? an nescit quispiam vulgatas à Mercurio Francico literas à Rege Franciæ & Cardinali Richelio 16. *Iul.* 1630. Sueco scriptas, & huius responsum 17. *Sep-temb.* 1630. quibus ex Pomerania inuitatus fuit, vt in Germaniam descenderet? (quod & hic Ratiocinator lubeus negaret, & fœdera ad finem operis reiiceret) & illo tamen eodem anno 13. Octob. est fœdus cum Imperatore initum, & à Rege Franciæ per suos iuratum, vbi *ar. 1.* contrarium promittitur.

Hispani autem Austriaci que vero zelo non duplici

animo sacra bella gesserunt. *Sanè os bilingue detestatur Dominus. Prou. 13. opera enim manuum eius veritas, & iudicium. Psal. 100. ab eo illud Ecclesi. c. 2. Va duplici corde, & labijs scelestis, & manibus male facientibus, & peccatori ingredienti terram duabus vijs. ergo emundate,* inquit D. Iacob ep. can. *manus peccatores, & corda duplicia purificate.* plura diximus in *Iudice l. 1. c. 31. l. 4. c. 12. ibid. c. 10. l. 3. c. 16.* Ea sibi dicta aurumant Austriaci Principes, qui puro puto zelo arma Christiana in hæreticos paganosque mouent more maiorum; qui, atque imprimis Belgij Principes, Godefridi, Balduini, Principesque consanguinei Belgæ sacra arma ad Terram sanctam tulerunt: de quibus hic dicendi non est locus, Molanus in *militia sacra Duc. Brabant.* alijque videri possunt, & nonnihil referimus inferius *l. 3. c. ult.* proprios Principes Austriacos hic recolamus. Maximilianus I. moriturus Nepotes Carolum & Ferdinandum monuit, vt religionem cum vitæ dominatusque etiam periculo tuerentur, abominatus nascentem tunc Lutheri factionem, anno 1492. Turcas in Austriacas ditones irruentes, animas in perditionem trahentes, armis repressit: Carolus V. quanta cum Solimanno bis ad Viennam, deinde in Græcia, denique in Africa, contra hæreticos in Westphalia, Saxonia, Hassia, ac alibi Protestantes bella gessit? Ferdinandus I. Imperator aduersus Turcas quos in Hungaria grauib. prælijs afflixit, Philippus II. in Anglia nuptijs Mariæ Religionem restituit, Melitam defendit, fœdere cum Pontifice, Venetisque inito, fratre Ioanne Austriaco Duce ad sinum Corinthiacum memorabili conflictu nauali ita fregit, vt nauali Turca hætenus bello ferè abstineat: cum hæreticis in Belgio ad finem vitæ bellauit: cum bellum semel confectum ex cineribus reuixisset: quin & filio inter vltima monita præscripsit, bellum nemini sine iusta causa consilioque inferret: si inferre cogeretur, caueret, ne sacræ diuino Numini ædes, aut innocentes damnum acciperent: eum

secutus.

secutus est Albertus Pius, Isabella, Philippus III. & IV. cui etiam in bello Tellino, non nisi Religionis causa fuit. quid nunc dicam de Ferdinando II. Imp. qui tot nunc annos tam ardua atque periculosa in Germania bella gessit, Religionis causa? ubi Wandalorum veterum hæredem vidit *superexaltatum & eleuatum, sicut cedros Libani: transiit, & ecce non erat. Psal. 36.* longa esset narratio singulos persequi: vniuersim verum est, Hispanos Austriacosque Principes, ubique sacrorum bellorum Præsides esse, eam causam perpetuo zelo completi, *id quod latius explicat Vernulaus in Apolog. Austriac. c. ult.* quibus passim in partibus sint Franci, satis garrunt Mercurij: ut nihil hic sit opus referre: minus quippiam ad inuidiam (absit) quæ ille: *Gesta impiorum per Francos, & Francorum per impios.*

Quid nunc consecretur illa minuta, quæ conglomerat Ratiocinator, ut quæ debilia singula cum sint, iuncta Pigmæam aliquam turbam facere videantur? quæ & ipse Ratiocinator dicit dissimulanda fuisse, si non accessisset Treuironum receptio, Electoris detentio. Igitur de cæteris minorum gentium causis, quæ ad belli iustitiam vel ipsi Ratiocinatori non sufficiunt, sed in comitatum data sunt tantum, adeoque Declaratio, ut inutiles fabulationes, præterijt, nec eas dumtaxat, sed & dissertationes, quas à c. 6. hic excussimus, solam causam Treuirensensem responso dignata, quodque ab alijs vulgatis pridem libellis plus satis etiam sint nihilo minus solutæ, ut amplius agamus, non est operæpretium. Igitur nos ad summam rerum, finemque omni iusto bello propositum applicemus, pacem utique exoptandam.

CAPVT XXI.

*De assensu in pacem, sed generalem cum
omnibus fœderatis.*

Resumamus nunc ergo filum decretalis *novit. X. de
iudic.* ex ijs, quæ diximus, euidens est Regi Franciæ
aduersus ea, quæ contra pacem Veruinianam gesta sunt,
non competere legitimam exceptionem. Superest vt,
quod ibidem Innocentius III. dicit suæ esse *potestatis,
& debiti studium, vt rupta pacis fœdera reformentur*: vt
tum in illam sententiam Innocentius scripsit, omnibus
Prælatis per Franciam constitutis, & Alexander III. in
Concilio Lateranensi omnibus Episcopis præcepit, vt
*ad solum Deum & salutem populi habentes respectum,
omni trepidatione seposita, ad pacem firmiter tenendam
mutuum sibi consilium & auxilium prabeant, neque hoc
alicuius amore vel odio prætermittant. quod si quis in hoc
opere trepidus inuentus fuerit, damnum propria dignita-
tis incurrat.* alia id genus decreta plura citauimus in
Iud. l. 1. c. 26. l. 4. cap. 25. Refert Ratiocinator Nuntios
suæ Sanctitatis in eam rem cum Rege Franciæ serio
egisse, at Regem respondisse conciliari pacem non posse,
nisi vniuersaliter simul cum omnibus confœderatis. Ita-
ne illi, quos Declaratio proximè dicit ad Regem acce-
dere, persuadent? an aliter immisiones fiunt per angelos
malos, vt ita circumueniatur Rex, vt non putet pacem
componi posse, nisi simul cum omnibus colligatis? eos
ego rogatos velim anne vero Parisijs ius non dicatur,
nisi omnium ibi litigantium controuersia vna sententia
finiantur? at bella lites sunt: illæ publicæ, hæ priuatæ.
Quid porro nostri etiam sæculi moribus frequentius,
quam vt æquæ inter duos Principes condiciones concipiantur, quibus illi arma poni iustum æquum existiment,
ipsi

ipsi sanè paciscantur, pacemque componant, fœderatis porro deliberandi easdemque amplectendi spatium stipulentur, & si reiecerint auxilia deinceps ab ijs, aut contra eos, qui pacti fuerint, non præstentur? fœderum instrumenta, eas clausulas habent assiduas. ratio etiam suffragatur, ut ad aras tantum iustitiæ, boni ac æqui limites, fœdera ad auxilia astringant. Sic & inter Inpp. Fredericum & Henricum filium, & ciuitates Italiæ omnino multas an. 1183. cuius est in libris iuris nostri titulus *De pace constantia* pax simul coaluit. At vero qui conditionem impossibilem proponit, aut quæ eo accedit, ludificari videtur, quasi verbis velit, quod re ipsa non sit. quoties meminit Ratiocinator Ianum fuisse clausum, cum nullum Romanis superesset bellum? si Ratiocinator in senatu fuisset, nulla illo arbitro tot sæculis fœdera Romanis fuissent. si conditio, quæ à voluntate Principum pendet, pro impossibili habetur: *l. apud Iulianum 40. §. constat D. de legat. 1.* quid dicemus de illa quæ tot Principes complectitur, tot Rebellium contra religionem & Principes legitimos confœderationes? quin & hæreticos omnes Principes, & Turcam, si verba generalia attendamus: nam & cum hoc Franci fœdus habent: aduersus quos Cruciatæ olim expeditiones tot à Pontificibus curatæ. quid si Rex Franciæ fœdera in 20. annos cum Succis, alijsque ad bellum Germanicum habet contracta? vel illis in occupata iniquè restituendis, quos Canones. *ut cap. 3. l. 3.* vidimus, ex proprijs eliminari volunt, de hæreticis stabiliendis? cum hæresim, notoriam Principum Regumque impedimentum esse Ecclesia decreuerit. *c. venerabilem de elect. Azor. Instit. Moral. p. 2. l. 11. c. 2. q. 2.*

At vero, quomodo ille in rebus perplexis dicebat, *Fata viam inuenient*, ita nos Deo fidere æquum est, qui in rebus intricatissimis facilem exitum præstare potest. & Vicarij sui operam interuentricem ea felicitate donare, neque vero desperare nos oporteret, si in cor ad-

mitteremus illud Zachariæ c. 8. *veritatem tantum, & pacem diligite. & Ecclesiastici 5. prosequatur te verbum pacis, & iustitia: si eo verè spectarent cogitationes nostræ, vt pacem cum veritate, iustitiæque promoueremus. vbi illa est, hæc faciliè sequitur; amicæ sunt, germanæ sunt, iustitia & pax osculata sunt. Psal. 84. Iustitia id complectitur quod Christus proponit, Matth. 22. reddite quæ sunt Cesaris Cesari, & quæ sunt Dei Deo. promoueatur cultus diuinus, vera atque orthodoxa fides, restituantur suis vsibus Catholicæ Ecclesiæ, reddita sint quæ sunt Dei Deo: Imperatori autem ac Regibus restituantur prouinciæ, ciuitates, fidelitas, reddita fuerint quæ sunt Cesaris Cesari, quæ sunt Regis Regi.*

Quod si qui erunt à quibus ea iustitia reijcietur, ac veritas non diligatur, quid mirum si pax penes illos nolit hospitari? quod si reijcipientes fouentur ab ijs, qui non ea de causa gladium portant, sed Dei ministri sunt; vindices in iram eis, qui malè agunt, in hoc ipsum seruientes: si in contrarium iuuant eos, qui nolunt reddere omnibus debita: cui tributum, tributum; cui vectigal, vectigal: cui timorem, timorem; cui honorem, honorem, iuxta D. Paul. ad Rom. c. 13. quid mirum non coalescere pacem sine specie vlla iustitiæ Deo debitæ, & Regibus? Pax multa, inquit David, Psal. 118. sed diligentibus legem tuam, & non est illis scandalum. At vero quo iure Ratiocinator eam gentem, quæ non aliud cupit, quam iustitiam, quæ Deo, quæ Regi debetur, quam diu illa negatur dicit pacem nolle? quasi is ex ijs esset, qui dicere possunt, cum his, qui oderunt pacem, eram pacificus. Psal. 119. falsi erant illi Prophetæ qui dixerunt pax, pax; & non erat. Ierem. c. 6. non illa est, cum agitur de illis gentibus de quibus dixit Dominus. 1. Esdra c. 9. non queratis pacem illorum. non est pax cum alterum quis bonis spoliât, domo eijcit, & pacem offert, domum & bona non offert: non est illa pax Dei, non est iustitiæ, non est ab illo cuius ea vox, pacem meam do vobis, non qua-

quomodo mundus dat. Ioan. 14. quod si talem pacem omnes intenderent, quæ cultum Dei, religionem & iustitiam includit, sperare optimè iuberemur ex monito D. Pauli: pacem habete, & Deus pacis, & dilectionis erit vobiscum. 3. Cor. c. ult. Eam sanè sperabimus cum Regij Consiliarij salutem publicam priuatamque Regis, qui proximi ad eum accedunt, præferent fœderationibus, quæ perniciem Ecclesiæ ac reipublicæ Christianæ siue directè, siue indirectè, siue per se, siue per accidens causantur, aut secum vehunt: quando Regi persuadebunt, vt nisi huiusmodi fœderati pacem, quæ rationis præscripta habet, iustitiamque complectitur, admittere velint, quamuis sæcularem vtilitatem spectare videantur, renuntiare fœderibus & iniustitiæ reis, iam palam confessis, repudium mittere, (vt Psal. 2. dirumpamus vincula eorum) exaudireque illud Christi, Matth. 18. si manus tua, vel pes tuus scandalizat te, abscede eum, & projice abs te, bonum tibi est ad vitam ingredi debilem, vel claudum, quam duas manus vel duos pedes habentem mitti in ignem æternum. quod Ieronymus in Comment. in Matth. l. 3, explicat, si inquit, est quis tibi ita coniunctus, vt manus, pes, oculus, & est utilis atque sollicitus, & acutus ad perspicendum, & propter dissonantiam morum te pertrahit in gehennam, melius est, vt & propinquitatem ipsius & emolumentis carnalibus careas, quam dum vis lucri facere cognatos & necessarios, causas habeas ruinarum.

CAPVT XXII.

Pax Pragensis xxx. Maij clo. Iac. xxxv. vt à calumnijs vindicanda sit, & vt manu ducat ad pacem vniuersalem.

VNiuerusalem hanc Imperio dedit Ferdinandus II. atque omnibus Imperij membris, paucis in specialem causam seruatis, exteris Regibus & Principibus seiunctim

obtulit omnem amicitiam. neque enim mores Imperij
 haftenus tulerunt, vt vassalli Imperij & exteri Reges eo-
 dem tractatu & quasi gradu reciperentur. vt declarauit
 iterum nuper Imperator. cuius vota si alij tam iuuare
 conarentur, quam euertere: fieri poterat vniuersalis
 Europæ. nam cætera, quæ in illa sunt, dissidia magna
 ferè ex parte ex his pendent, aut à Francis sunt profecta:
 nam quoad bellum quod Hispano atque Belgis indixe-
 re ipsi, si rationi locum dare volent, facilè bello aufe-
 rent: vt in alios reijcere non debeant, quod ipsi cauere
 possunt soli, resumant modo hinc pacem Veruinianam,
 inde nuperam Ratisbonensem; pacta, conuenta, atque
 iurata obseruent. Propositum sanè Ferdinandi fuit san-
 ctissimum, quod ipsemet etiam luculenter explicuit
 programme de commodis & vtilitatibus pacis Pragen-
 sis edito *Bada 8. Iunij 1635.* tamen non quidquid op-
 tauit per eandem pacem dare potuit. quamuis etiam
 nec defuerint, qui piam eius intentionem non probè
 interpretentur: ij scilicet, quibus omne id displicet,
 quod Austriacis placet: quidquid moluntur boni. inter
 quos ad primas tendit Iustus Asterius, qui nuper edidit
 Deplorationem Pacis Germanicæ, siue dissertationem
 de pace Pragenfi, *tam infausse, inquit, quam iniuste inita*
Praga Bohemorum 30. Maij 1635. in qua, in eodem fron-
 tispicio, inquit, *artes & technæ Austriacorum, recordia*
Saxonum, pericula Protestantium, & æquitas belli à Fran-
cis & Suecis iure prolati euidentissimè ostenditur, scilicet
 euidentissimè, vt à luce lucus dictus est. Itane ergo pie-
 tas Austriacorum in artes & technas ab huiusmodi ani-
 mis & calamis transuertitur? amor Saxonis in patriam,
 securitas Protestantibus oblata aduersarijs vocabulis de-
 nigratur? belli à Francis & Suecis illati iniustitia æquita-
 tis fuco depingitur? Ferdinandus ipse, eodem program-
 mate nihilominus excusat, quod non quidquid optare
 possint aliqui ea pace obtentum fuerit. eius verba ita
 ipse refert Asterius p. 48. *Si tractatione Pragenfi bono status*

& religionis alicui forsan non satis consultum videatur, eius rei causam non sibi & socijs, sed Regi Christianissimo esse attribuendam: qui licet vulgo filius Ecclesie primogenitus audire velit, non tamen modo non erubuerit, initio belli istius amicitiam hæreticorum ambire, externum Suecorum Regem ad suppetias euocare, cum eo solemne fœdus sancire, vires utrorumque coniunctas alere, ac firmare, & proprio motu, sine ulla causa, contra fidem datam, provincias Imperij inuadere, sed etiamnum quotidie conetur principes statusque ab Imperatore auulsos contra ipsum incitare, imo quod postquam per victoriam Nordlingensem plurimi partibus suis accesserint, ipse armata manu urbes in potestatem suam redactas occupauerit, ex ijs præsidia Catholicorum eiecerit, hæreticorum restituerit, ut quantum in se sit progressum pacis & religionis Catholicae in Imperio prohibere tentet: adeo etiam ut Duci Saxonia promittere ausus fuerit, si à partibus suis stare vellet, se ipsi non modo meliores pacis conditiones procuraturum, sed etiam manibus & pedibus allaboraturum, ut hæresis Lutheranorum cum reliquis sectis in regno Bohemia, eique unitis provincijs publicè stabiliretur. Igitur Imperator, quantum æqui bonique potuit necessitati extorquere, vniuersali hac pace concessit Imperio. Hispaniarum porro Rex nullum indixit, sed à Francis indictum gerit bellum: per illos igitur solos stat, quo minus pax vniuersalis, quæ Imperio data est, & ibi obtineat, & ad Europam prorogetur vniuersam. Id quo minus fiat etiam laborat hic Asterius, minime Iustus; prolatique vltius in contrarium à Frâcis & Suecis belli buccinat æquitatem. In Deploratione ergo sua dissuasoria quinque facit capita nullitatum, quas vocat, pacis Pragensis. 1. ex parte Imperatoris. 2. ex parte Saxonis. 3. ex parte Protestantium. 4. ex parte Suecorum. 5. ex parte Francorum. Nullitatum, inquam, at vero belli, pacis, fœderumque ius, quod sæpius diximus, iuris est gentium: nullæ sunt ab eo præscriptæ nullitates; si modo liber adsit consensus

sus eorum, qui paciscuntur, atque in sua sunt potestate,
 non iuris alieni. Sed supra omnia malè Asterium habet,
 quod *Principes*, inquit, *p. 2. exteri fuerunt exclusi*. quid ni?
 quid enim ad illos pertinet rei alienæ se immiscere? *l. cul-*
pa D. de reg. iur. quod in possessionibus alienis, etiam
 vacuis, tentare, Iustinianus, interpretatur prædari. *l. cum*
quereretur C. unde vi, quid ergo ad Principes externos
 de rebus Imperij sciscere, statuere, pacisci? Iure igitur ex-
 clusi sunt. Romani sanè cum Pyrrho de pace aut fœdere
 agere, tractare, audire noluerunt, nisi prius Italia exce-
 deret, atque arma inde secum auferret, tum porro se, si
 quid è publica re proponeret auscultaturos. Optimè er-
 go Imperator à pactione externos exclusit, donec Impe-
 rio excedant, atque arma efferant. quasi vero existima-
 ret Asterius Franciæ Reges cum rebellibus suis paciscen-
 tes, & toties Ludouicum XIII. non ante pacem inijsse,
 quam socios, aut quos auxilia credidissent præstitisse,
 interpellassent. *Non hic ex pace solatium, sed bellum indi-*
citur, inquit *p. 2.* quid in exteris, ijsque qui pacem san-
 ctam auersentur, & aduersentur? *fœciales responderunt*
Ætolos, inquit *Liuius dec. 4. l. 6. ultro sibi bellum indixisse,*
cum Demetriadem sociorum urbem per vim occupassent,
Chalcidem terra marique appugnatum issent, Regem An-
tiochum in Europam ad bellum populo Romano inferen-
dum traduxissent. quid ergo queritur Asterius de indi-
 cto bello cum ipsi Franci bellum sibi indixerint, ciuita-
 tes, castra, prouincias Imperij occupando? Regem Sueciæ
 ad bellum Imperio inferendum euocando? Hos exclu-
 dere, est pacem firmare: omnis interitus est à contrario:
 sui ergo conseruatio est aduersantium necessaria depul-
 sio. neque porro noua est eiusmodi pactio, inserta inue-
 nitur etiam Paci Constantiæ, quæ libris iuris nostri at-
 textitur: *tit. de pac. Constant. §. sententie versic. si qua ve-*
ro ciuitatum ea, qua in conuentione pacis ex parte nostra
statuta sunt, non obseruauerit, cetera ciuitates eam ad id
obseruandum bona fide compellent. quare nec ulterius ex-
 teri

teri Principes fœdere exclusi sunt : imo disertè Imperator protestatur cum omnibus colere velle se amicitiam, qui Imperij tranquillitatem nolint turbatam : quid iure amplius exigit Iustus?

Igitur paucis videamus neglectis ubique maledicentiæ phaleris, vnde accersat causas nullitatum. nam plenius excutere alterius est operæ, & ab instituto nostro alienum. Citat has ex parte Imperatoris : quod tractatio de bonis Ecclesiasticis excedat potestatem Cæsaream : quod pax Pragensis fundata sit in transactione Passauiensi, quæ nullius apud Austriacos sit momenti : quod ipsi Imperatores fateantur sui iuris non esse quidquam in negotio religionis statuere : ideoque eiusmodi pactis cum hæreticis sese obligatos non esse : denique quia ipsa tractatio Pragensis Imperatori, & Catholicis perquam sit ignominiosa. Verum si quid in his Imperatores aut Principes Christiani ideo minus possunt, quia religione impediuntur, non id lædit plenitudinem potestatis. ea dicimur posse quæ iure possumus. Non minus habent Principes Christiani in subditos ius vitæ & necis, quam Turcæ : at hi pro lubitu, illi pro ratione iustitiæ dumtaxat vtuntur. sic itidem Principes Christiani mahometismum, Turcismum, Atheismum præscribere subditis non possunt, vt faciunt pagani. plenitudo potestatis, nisi comitem habeat plenitudinem iustitiæ, vis est, non potestas. *forte est vinum, fortior est Rex. fortiores sunt mulieres, super omnia autem vincit veritas* 3. Esdra 3. *Non enim*, inquit D. Paulus, 2. Cor. 13. *possumus aliquid contra veritatem*. Hæc ergo impedimento est Principibus Christianis, ne transiliant terminos, quos posuit Christus, summa veritas : is Petro & Apostolis, non Regibus dixit : *ite, predicate, pasce oves meas; quacumque, solueritis super terram, erunt soluta & in calis*. ab ea Veritate in Christianis Principibus, in spiritualibus defectus potestatis profluit. Id autem ad ea, quæ opposita sunt, pertinet, vt ratum ac stabile censeatur quod. Imperator alij-

ve

ve supremi Principes Christiani pacis ergo atque necessitate compulsi tolerandum decreuerint. Hoc ipsi Theologi, quos citat Asterius p.8.9. asserunt: nec ij tantum, quos nouo ille epitheto vocat Austriacos, sed & cæteri orthodoxi. nec vero ipse Pontifex, ne hinc videatur potestatis defectus proficisci, quo collimat Asterius, aliud, quam necessitas postulat, posset permittere: quia religione atque diuino iure impediretur. si aliter censeant Francici Theologi, eos producat Asterius: ac simul rationes edat, cur Franciæ Reges edictis, quæ vocarunt Pacificationis, & nominatim *dato apud Nannetenses 1599* alijsque prioribus, ac posterioribus etiam Ludouicus XIII. talia statuere, tolerare, decernere, eoque modo quo hic Imperator magis, quam hic ipse, potuerint; aut fateatur se ea ipsa Deploratione, quam Ludouico XIII. dedicat, suam illi impotentiam exprobrare. Igitur ad obiecta ab Asterio: vno collytio omnia medicabimur. vtrique ad Principes sæculares Catholicos pacata rep. non spectare de religione sciscere, bona Ecclesiarum pro lubitu hæreticis donare, hæreticis citra iustam causam immunitatem atque impunitatem dare: cæterum, cum eo res deductæ sunt, vt non legibus nisi armatis sit disputandum, necessitas summa tum lex est: quod ea iubet, à lege alia exemptum est: ea statuente Tractatio olim Passauiensis, & hæc de qua agimus Pacificatio Pragensis, ex salute publica proposita est: quando Imperatoribus satius visum tolerare hæresim, & bona Ecclesiæ quædam occupata omittere: quam dum ea armis vindicantur, de republica tota periclitari, ipsamque Catholicam perdere. ex responsione Domini ad seruos, *Matth.c.13. vis,imus, & colligimus ea?* (zizania) *& ait non; ne fortè colligentes zizania, eradicetis simul cum eis & triticum: sinite utraque crescere vsque ad messem.* vident, vt ne triticum in periculum incidat, vetari ne zizania colligantur, iuberi vt tolerantur etiam crescere vsque ad messem? Equidem commodè de rebus dubijs,

qui

qui extra teli iactum sunt, philosophantur, sed qui naufragium passi vix tabulam vnā nancisci possunt, quā ad litus emergant, ex vero rectius æstimare possunt, quanti eiusmodi in periculo sit salus. Ita sanè regnorum arcana ignorantibus, de rebus huiusmodi disputare, est facile: sed ex vero statuere non est nisi eorum Principum, qui vires suas & hostium norunt: quid valeant humeri, quid terre recusent: illi soli discernere ex vero possunt, an, quid, aut quantum furori dandum, tempestatiue cedendum sit; ne tota reipublicæ religionisve nauis omnino naufragetur, quod perniciosius sit quam hæreses non ad tempus tantum tolerare, sed etiam sincere crescere vsque ad messem. huius rei, armorumque iudicium ad Imperatorem spectat. dummodo, si arma ponenda, si pacem ineundam statuat, bona fide præstet quantum potest seruandæ religioni, hæresi exterminandæ. nec aliud exigit Concilium Lateranense Oecumenicum *in c. excommunicamus §. moueantur X. de heret.* adeoque tum pacta, conuenta cum hæreticis omnino sunt seruanda. *vt diximus in Ind. lib. 4. c. 4. num. 4. c. 10. II. num. 2. in fin. lib. 3. c. ult. n. 39. & c. 16.* quæ porro aliter dicuntur, extra causam huiusmodi necessitatis accipienda sunt. qualia hic locus singulatim non permittit excutere, vnum tantum vacat monere, quod Asterius *p. 12.* citat bullam Pij IV. reuocatoriam omnium indulgentiarum in præiudicium Concilij Tridentini, *datam 13. Kal. Martij 1565.* & quasi ex illa alio charactere hæc verba; *pacta, conuenta, statuta omnia in his in quibus decretis Concilij contrariantur, ipso iure reuocata, cassata, & annullata, ac ad ipsius Concilij terminos atque limites redacta sunt, & esse censentur.* fidei hic suæ obliuiscitur Asterius: nam bulla ipsa de pactis, conuentis nullam facit omnino mentionem, sed tantum, *privilegia, inquit, exemptiones, immunitates, facultates, dispensationes, conseruatoria, indulta, confessionalia, mare magnum, & alia gratia in his omnibus, &c.* Sed neque Concilium Tridentinum necessaria

cessaria huiusmodi pacta vspiam improbauit, imo saluti conductus dati hæreticis, vt ad Concilium venirent, Concilio inserti, quam religiosè seruandam fideni addicunt! Enimvero edictum Imperatoris 6. *Martij* 1629. promulgatum super restitutione bonorum Ecclesiasticorum, tractatum Passauiensem stabilit, bonorumque Ecclesiasticorum per illum omissorum, aliasque super his declarationes ex illo nascentes: & tamen Urbanus VIII. applaudente S. Consistorio, edictum illud iucundum sibi ait fuisse, & à Consistorio plausus datos, & optatas pro præmio victorias, & declarationibus ipsi benedixit Breui ad Imperatorem dato 5. *Maij* 1629. non id utique facturum, nisi ex ijs, quas diximus, necessitatis circumstantijs, Imperatoribus de bonis Ecclesiasticis omittendis, hæresive toleranda liceret transigere: quæ adeoque pacta seruanda essent, atque ita tractatio Passauiensis, & nunc Pragensis: quæ ex lege necessitatis est descripta, quam Asterius p. 15. & Imperatori & Catholicis vocat ignominiosam: vt sanè foret si ex lubitu esset composita, quare rectius Gaspar Scioppius in *Astro inextincto in præfat. in templo*, inquit, *pacis ictum fœdus, in se fœdum, pulchrum necessitate.* quæ si quid affricare Imperatori posse videtur Asterio, quid censet de ijs qui ingessere necessitatem? eo tractatu Scioppius Imperatori potestatem vindicat statuendi eo edicto de bonis Ecclesiasticis restituendis, ac denique mox *ad finem Astri* subiungit exemplum d. Breuis Urbani VIII. quod, quia Asterium in hac omnino controuersia confundat, lubet hic verbotenus subiungere, *Urbanus Papa VIII.*
Charissime in Christo fili noster salutem & Apostolicam benedictionem. Frequentia præbes & Principibus exempla virtutum & Ecclesie argumenta consolationis. inter gaudia, quorum ferax hoc tempore nobis fuit Germania, mira quidem iucunditate animum nostrum repleuit nuperum maiestatis Tue edictum, quo iubentur sectarij veterem possessionem dimittere Ecclesiasticorum honorum Ordini sacer-

sacerdotali, & in quo continentur aliqua declarationes (quibus benedicimus) quarum vi amouentur obstacula, quæ Catholica religionis instaurationem hætenus retardarunt. Hæc in Consistorio secreto à nobis relata libenter audita fuerunt, & meriti plausus Tuae pietati dati sunt ab Apostolico senatu, cupiente tam pia liberalitatis præmia esse victorias. Hinc nouerit hæresis portas inferi non præualere aduersus Ecclesiam, quàm adeo feliciter propugnant legiones Angelorum, & arma Austriaca potentia. Quam vero arctè Pontificis animum tibi obstrinxeris, venerabilis Archiepiscopus Thessalonicensis Nuncius noster luculentius declarabit Maiestati Tuae, cui hæc laudum accressionem gratulamur, atque Apostolicam benedictionem amantissimè impartimur. Datum Romæ apud S. Mariam Maiorem sub annulo piscatoris die 5. Maij M. DC. XXIX. anno Pontificatus nostri sexto.

Post hæc gradum facit Asterius ad secundam, quam prætendit, nullitatem ex parte Saxonis. quod ipse Protestantium Princeps suas suorumque vires pessumdet: quod tractatio communis eius potestatem excedat: quod ea socijs damnosa sit & insidiosa: quod ex immani ingratitude & horrenda proditione emanet. His de rebus dissertando in Ducem plaustra conglomerat iniuriarum, infamiæ, perfidiæ, periurij, proditionis, &c. immemor legis diuinæ, *Principi populi non maledices. Exod. c. 22.* sed & cum Ducem rebellionis insinuat his etiam verbis. p. 18. 19. *tot Ordines suarum partium unius eiusdemque cause & rebellionis complices ab amnestia turpiter excludi passus est, & alibi passim, non meminit Asterius quarum denique rerum sit societas? vt prodere socios, aut deserere censeris quis iure possit? Si maleficij, inquit Vlpianus, societas coita sit, constat nullam esse societatem, generaliter enim traditur rerum inhonestarum, nullam esse societatem l. 57. D. pro socio, consonat l. 52. in fin. l. 53. 54. 55. 56.* Non nescit Asterius nullam delictorum perpetratorum, continuandorumque posse esse socie-

societatem, aut vinculum: non esse obligatorium contra bonos mores præstitum etiam iuramentum, quis ergo possit esse nexus continuandæ rebellionis, quem hic velit Asterius esse cum Protestantibus, Suecis, & Francis? Iure liquet omnem armorum societatem, supremi Principis iniussu, crimen continere maiestatis, etiam pluribus Frederici Imp. constitutionibus voluminibus iuris insertis esse damnatam: etiam Bullæ Aureæ Caroli IV. §. *detestanda* §. *quoties insuper* §. *eis quoque* alijsque posteriorum Impp. *quas alibi citauimus*. quæ eadem Bulla illius leges non seruantes *voce electionis*, loco, & *dignitate careant*, inquit §. *si quis autem Princeps*. eos qui Dominos suos inuadunt, feuda & beneficia sua eo ipso amittere declarat, §. *in plerisque*. quæ Bulla ab Asterio pluries citatur aduersus Imperatorem quidem perperam, quia etsi edictum, & lex sit perpetua, subditos stringens; tamen ipse hic legislator legibus solutus est, tametsi semper successor priuilegia & consuetudines bis confirmet, semel vt Rex Romanorum, deinde vt Imperator ibid. legem illam esse, & edictum, non contractum, ipsum præmium, totusque textus declarat. Porro etiam in contractibus iustis licitum est cuilibet rem suam separatim agere, societati renunciare, cum lubet. §. *manet Instit. de soc.* vt nec pactum æternæ valeat. l. 70. D. *pro soc.* scilicet quisque rei suæ moderator est, & arbiter. quinimo plures vnus debitoris creditores reliquorum causæ possunt præiudicare. l. 7. in fin. 8. 9. 10. D. *de pact.* conuenire quidem eos congruit; sed si qua iusta causa minus id factum fuerit, præsentis etiam absentium causam trahunt. d. l. 10. at hîc coire procures, ritu solemnibus comitia haberi, per Suecos, aliosque non poterant: quod præfatur tractatus, & *sub finem* eum modum pro exemplo non futurum addicit: sed neque eum tractatum pro lege futurum: nisi postquam ab omnibus Imperij proceribus, aut maiori saltem parte ratus fuerit habitus. & vero d. l. 8. cum etiam pares sunt numero

cre-

creditores, eorum qui præcellunt dignitate, habendam rationem declarat: at hic Principem Protestantium agnoscit Asterius Ducem Saxoniae, assensere eidem Brandenburgici, Pomerani, Megalopolitani, Lunenburgici, Lauvvenburgici Principes, ac Ciuitates passim dignissimæ: vt nihil dicamus de Catholicis, de Prælatiis, monasterijs, ordinibus; quibus ex nupero edicto de bonorū restitutione ius iam quæsitum erat redhibendorum. antiquorum Ecclesiæ patrimoniorum, post Passauiensem tractatum ab alijs occupatorum, qui non de lege hac queruntur iam, sed de necessitate. Sed in Catholicorum causa Asterius pisce magis est mutus: non colligit cum his, sed dispergit.

Et vero quid pro socijs stipulari debuit potuitve Saxo quam communes, quas ipse pateretur, leges? *nec enim*, inquit Asterius p. 18. *ex tractatione Pragensi vel dignitas eius adaucta, vel ditio eius honestè amplificata: rem ergo suam non egit, sed communem: omnia quæ vultis vt faciant vobis homines, hæc eadem & vos facite illis: Matth. 7.* quæ potest esse iniquitas si sponte quis eodem iure utatur, quod in alterum statuit? quæ autem populi Germanici hac de re sit opinio, non tantum ex iatihabitione mox vbique ferè secuta, sed & nuper apparuit maximè cum post pugnam Hauerbergensem Suecica passim vexilla circumferrentur, & ex oppidis castrisque non aliud responsum daretur, quam Pace Pragensi res suas esse compositas: ei se Imperatorique adherere ingrata esse auxilia, quæ aduersus communem pacem prætenderentur.

Nunc vero quod spectat ad exclusos ab amnestia, refert tractatus laborasse admodum Ducem, vt generatim omnibus esset communis: sed & refert, quomodo non omnium causa fuerit communis: non imprimis Palatini, qui non contentus possessionibus autis, etiam Imperatorias inuaserat: non illorum, qui iterum iterumque in gratiam recepti, tertio etiam facti sunt per-

duelles,

duelles. sed tamen addicit tractatus, si ceruicem inclinauerint, benignitatem Imperatoriam expeturos. Rationes singulares sunt Palatini, quod ob expensas belli partim hæreditarias ditiones oppignorauerit Imperator, partim quod etiam Lusatiam perpetuo feudi beneficio Saxoni concesserit, partim immensum æs alienum Imperator contraxerit apud amicos principes, vt aliter atque aliter cum his atque illis fuerit negotium transigendum. Neque in fœderibus id esse insolens, docent historiæ: non iniquum; Pax Constantiæ: quæ pro iure libris feudorum subiuncta est. *tit. de pac. Const. §. præscriptam*. Denique gratiam facere Imperatoriæ liberalitatis est: at suæ quisque liberalitati, quem vult, modum ponit. vt diuersimodum tota illa pax Constantiæ. summa rerum est rediisse cum Imperatore in gratiam: quidquid peccatum fuerit, clementer abolitum: quidquid pænæ contractum, remissum: quæstionem, quæcumque de maiestate læsa moueri poterat, silere iussam: quidquid offensæ fuit, perpetua obliuione esse damnatum: denique Germanica fide addictum, quod omnes exinde Imperator benignè, omnes Imperatorem reuerenter sint habituri: vt proinde nullis alijs viribus opus sit, quam aduersus communis pacis hostes. vbi Asterius insigniter secum ipse pugnat, dum hic queritur Saxo-nem suas suorumque vires pessumdare, & mox nimiam ei ex futuro exercitu Imperiali partem attribui.

Tertiam exinde Asterius commentatur nullitatem ex parte Protestantium: quod à Saxone incitati bellum Imperatori mouerint, quod pace Pragensi ad nouum bellum cogantur, quod Bohemia Austriacis fiat hæreditaria, Silesia priuilegijs minuatur; Lusatia à corpore Bohemico distrahatur, electoratus Palatino auferatur, in Bauarum transferatur; cui nullum ius sit ex antiquo. Habemus hic iterum fatentem Asterium, quod Protestantes Imperatori bellum intulerunt: quid porro refert. an sua sponte, an quo suaso? quæcumque vllibi gentium

num de maiestate sunt leges, indistinctè reos maiestatis habent, qui aduersus Principem suum arma mouerint. & quia Asterius Deplorationem suam consecrat Regi Franciæ, meminisse debebat, quid ea de re Franciæ leges censeant, vetant arma sumi iniussu regio, aut homines in ullam armorum causam cogi, aut coire: *Ord. Car. VIII. an. 1483. Francif. I. 1532. 1539. 1546. Franc. II. 1560. Car. 9. 1564. 1566.* sub pœna læsæ maiestatis, Rei publicæque turbatæ, vetant omnem tractatum machinationemque contra Regem, ac remp. sub eadem pœna. *Ord. Ludovic. XII. 1477.* omnem associationem, intelligentiam, participationem, ligam offensiuam aut defensiuam cum Principibus, Potentatibus, Rebusp. Communitatibus, in aut extra regnum, directè aut indirectè, per se aut per interpositas personas, armatorum conscriptionem sine regio permissu, sub pœna reatus maiestatis. *Ord. Henr. III. in Conuentu Blesensi.* quæ porro illa est iustitia, quæ quod domi sacrosanctum facit, foris profanat? & porro gloriatur Cassanus, vt alibi cum citauimus non alia re magis quam fiscali vindicta domanium Francicum esse adauctum: id si æquum est in Gallia, qua iustitiæ mutatione iniquum sit in Germania? Igitur Bohemi, qui bellum Imperatori mouerunt, ipso facto, ipso iure; omnibus ditionibus, feudis, priuilegijs, iuribus exciderunt: meritoque tories rebelles priuilegio electionis regiæ exuti, in ditionem hæreditariam Austriacis cessere: merito per quæ peccauerunt per hæc eadem puniuntur: merito priuilegium, quo tam enormiter abusi sunt, amiserunt. vt sicut superbum est socijs subditisve nihil demeritis illud Pompeianum ad Mamertinos: *non cessabitis nobis gladio accinctis leges, & priuilegia predicare?* ita sanè in reis maiestatis ex rigore iustitiæ æquissimum. Silesij etiam prærogatiuis minuti, quibus aduersus Regem, aduersus Rempublicam pugnauerant. quod idem in Lusatijs obtineat, vt de antiquis priuilegijs queri non possint, quibus Bohemico

Corpori in perpetuum erant coniuncti. Vt omittamus necessitatem, quæ huiusmodi distractiones sustinet, *ut amplè diximus lib. 2.* quodque non alienati sint simpliciter, sed sub nexu feudali, vt perpetuo Saxonix Dux beneficij iure in defensionem Regni Bohemix suas vires conferre teneatur, nec minus Luzatios sit Rex Bohemix defensurus. Electoratum porro in alium transferri ex delicto, res nec noua est, nec sine exemplo: patrum memoria, Joannes Fredericus Saxonix Dux vidit ipse captiuus Augustæ in foro vinario à Carolo V. in Mauritium Saxonem sibi ablatum electoratum conferri. siquidem in reuersis ad fiscum (bona autem reorum maiestatis ipso iure reuertuntur) iure liberum est Principi arbitrium. quod etiam per Bullam Auream, vt vult Asterius, non est restrictum. & licet id verba sonarent, vt nihil huiusmodi proponunt, tamen directiua tantum essent Imperatoris, non obstrictiua. quoniam Bulla Aurea, vt supra docuimus, edictum atque lex est, non contractus, Princeps autem legibus solutus est. quod eo minus odiosum hic esse debet, quod Bauari & Palatini agnati sint, ex eadem familia, cuius vtriusque stirpi electoratus competierit, & variante magis fortuna, quam iure, apud Palatinos maximè confederit. quamquam etiam gratia Imperatoria fortè modum inueniet, quo Palatino, vbi Imperatori conciliabitur, nihil decesserit. cuius causam hic amplè perorat Asterius, sed nimis iam sæpè refutatam. vt proinde etiam Asterius deflectat ad causam liberorum; culpam contendat *vnus ex heredibus feudi: ceteris non praiudicare lib. 2. de feud. tit. 78.* & *factum fratris fratri in feudo non nocere tit. 93.* imo si vassallus culpam adeo enormem commiserit, vt & ipsi descendentes eius feudo priuari debeant, agnatos tamen in quarto gradu ad beneficij possessionem esse reuocandos. *lib. 2. tit. 26.* his quidem iuris locis pro agnatis non pro liberis & descendantibus Palatini pugnat Asterius, cui ab eis eo nomine gratiæ non agentur: sed &

memi-

meminisse debebat Asterius regulæ communis feudalis, ita distinguentis, vt si vassallus in dominum peccauerit, ad ipsum feudum reuertatur: sin vero ex alijs causis feudum amittatur, quamuis ob crimen p̄ta paricidij, aut proditionis aduersus extraneum commissum, non ad Dominum sed ad agnatos hoc casu feudum pertineat. *eam tradit Gudelin. de feud. p. 5. c. 4. probatque ex lib. 1. feud. tit. 5. l. 2. l. 24. §. denique l. 37. in princ. & Bulla aurea Carolo IV. quam Asterius pro se libenter citat, in §. quoties in reis maiestatis filios disertè excludit, fisco omnia bona defert: & §. sequens agit de electoribus, & magnis feudis non diuidendis, sed primogenito cessuris. quod Asterius non proba fide trahit extra casum successionis, perinde ac si bona ad fiscum iam deuoluta eodem deberent deferri, cum §. præcedens excludat primogenitum omnesque alios, & in deuolutis ad fiscum iam sit liberum Domini arbitrium. eundemque usum esse Imperij in eiusdem Joannis Fred. Saxonis posteris alijsque pridem constat. quinimo dum suam Dissertationem sacrat Regi Franciæ, meminisse iterum debebat Asterius legum Francicarum, quas supra citauimus, vt non tantum ipsi maiestatis læsæ rei, sed & filij, posterij, agnati bonis omnibus excidant, quæ erant reorum; feudalia licet, & ex prouidentia maiorum profecta: quin & priuatis fideicommissorum legibus subiecta, *Ord. Franc. I. 1539.* cui etiam similis est constitutio Sixti V. *contra bannitos.* an probat ergo Asterius in Francis hæc, in Germanis improbat? an etiam Franciæ Regi, cui improbationem dicat, Franciæ suæ leges improbat? vt sanè causæ hæ non iure aliquo defendi iam possint, sed pulsandæ tantum sint fores Clementiæ Imperialis.*

Quod attinet porro nunc quod pace Pragenfi Protestantes cogantur ad nouum bellum, quam habet iniquitatem? utique vt arma sumant aduersus eos, qui iam communem Imperio pacem esse nolint? cur ditiones,

feuda, bona possident ab Imperio, si non ut Imperium tueantur? beneficium datur propter officium. cur Imperij membra esse velint, si ad corpus tutandum auxilia nolint conferre? neque ad aliud porro bellum pace Pragensi vocantur, quam sine quo nec ipsi salui, nec tuti esse possint.

Progreditur tandem Asterius ad Suecorum nullitatem. quorum comperta iam militiae politicaeque crimina in bellum futurum haud probus prognosticus Austriacis proximè affinxerat. Nullitatis causas facit, quod Sueci suo nomine belligerantes, suo etiam iure pacisci debeant: quod Dux Saxoniae priuato nomine Suecis vltimè diras debeat: quod Sueci foedera & militiam turpiter deferere non debeant: nec sub infida Saxonis cautione cum Austriacis pacisci audeant. sed ex his praemissis, ut verè forent, quo illogismorum modo aut figura aliqua concludetur nullitas? Respondeamus tamen ad causas. Omittis hic iterum iniuriarum ampullis. Sueci ergo quod suo nomine belligerauerint, suo etiam iure pacisci debent: quid tum porro? an ideo Saxo aliique Imperij Principes difficultates suas cum Imperatore componere non potuerunt? at debuerunt maximè. non infrequentia veterum heroum exempla sunt, qui vel simultates in tempus seposuerunt, ut Kemp publicam simul curarent (quod etiam iubet Bulla Aurea Caroli IV. §. *si qui vero alij*) vel etiam in perpetuum reip. donarunt: Principes ergo Imperij, qui feuda, ditiones, beneficiaque Imperij possident, dum vident Imperio bellum inferri, non laudabiliter tantum Imperatori auxilia ferunt, sed & feudali obligatione ad illa tenentur, & poenis illorum amittendorum obstringuntur, compositis aut sepositis in tempus difficultatibus, & Parium Curiae iudicio permissis. Igitur Sueci, quatenus gloriantur se socijs auxiliatum venisse, accessorij sunt litis bellicae, non principales: principales ergo cum Imperatore rem suam transigere potuerunt: accessorios autem sequi conuenit

conditionem suorum principalium: magis digni trahunt ad se minus dignos, vt & fideiussor impedimento non est, quo minus principalis debitor cum creditore transigat. Hæc ergo ex qualitate, non est quod Sueci querantur: ea subducta, quo iure possunt queri, si Imperij vassalli addicant Imperium se defensuros, aduersus bellum ab externo Rege, priuato nomine illatum? an vassalli Suedici non ita teneantur? & porro pax Pragensis omnes omnino exteros Principes amicè complectitur, qui iuxta eam pacem amici esse volent: adeoque occupata socialium armorum prætextu, aut alias loca restituere: sin autem hostiliter pergant detinere; non iam ijs bellum indicit; sed quod ita ipsimet, vt diximus, sibi indixerunt, fortiter potenterque gerendum declarat. quod si nunc Sueci, vt hostes, priuato iure, cum Imperatore pacisci velint, dummodo alieno abstineant, & Imperio excedant, vt de Pyrrho diximus, pacem tractare poterunt, vltioribus cæremonijs. nam non tractatum accipere, sed tractare ipsos vult Asterius. At fœdera & militiam turpiter deferere non possunt: verum dignior maiorque pars sociorum, bello repudium misit, sibi cæterisque æquas pacis leges pacta: cessant igitur fœdera. nam eorum, qui æquis conditionibus pacisci nolunt, vt deinceps iniusta sunt bella, ita & fœdera. sed neque *militia deferi potest nisi solutis*, inquit, p. 45. *stipendijs*: esto, an ideo transigi non potest? si Sueci priuato nomine belligerantur, eodem soluant stipendia.

Sed sub infida Saxonis cautione cum Austriacis Sueci pacisci non audent: cur ausi sunt fœdera cum eodem Saxone inire? siue illo bellum priuato nomine Imperatori inferre? quod olim in Borussia aquilas Romanas in exercitu Polonorum auxiliares vidissent: tamen iam cum Polonis induciæ essent contractæ, quæ adeoque omnes auxiliares complecterentur, traiciant in Suediam, qua via venerunt, excedant Imperio: tum pacem tractent, ne eos vltices aquilæ vltra mare Balticum

prosequantur. neque enim quod bellum expace Pragensi pactum est, alias vindictæ leges complectitur, quam ut pax vniuersalis per Imperium obtineatur, arma externa foras propulsentur. quæ hic cautio non sufficiat? imo quæ vllatenus requiratur? adsit modo animus pacis appetens; absit sinister affectus, & maledicentia, qua tota hæc Suecorum nullitas circumfluit: & diras potius vltrices meretur, quam Dux Saxoniae Suecis debeat.

Tandem peruenit Asterius ad coronidem nullitatum ex parte Francorum. quod Rex Franciæ in Germania fidem Catholicam conseruarit: quod protectio Principum & Ordinum Imperij Regi Francorum crimini dari non potest: quod Treuirorum Elector iustè & opportunè Francorum protectionem obtinuerit: quod Cæsar lites priuatas Hispanorum cum Francis toti Imperio communes facere conetur: quod Imperatorem causa Lotharingica nihil attingat. Omittam desiderari iterum hic syllogismi rationem: inspiciamus tantum causas. quod Rex Franciæ in Imperio seruarit fidem Catholicam: scilicet id testatur fuga tot Episcoporum, tot milium sacerdotum, monachorumque exilia, tot sanctorum monialium stupra, tot templa euerfa, tot Ecclesiæ ministris viduatæ, pudet tædetque sub sole meridiano cum his vmbis pugnare. *Igitur protectio, inquit, Principum & Ordinum Imperij Regi Francorum crimini dari non potest:* de fœderibus & protectione supra satis diximus l. 3. c. 13. 17. nunc quoniam Asterius ea Regi Francorum crimini posse dari negat, velim iterum illum meminisse legum Francicarum, quas mox citauimus, quibus non offensiuam tantum fœdera, sed & defensiuam denunciantur crimen continere læsæ maiestatis, rebellionis, perduectionis.

Itane apud Francos & populos, ut ait Asterius p. 47. *ipsa nominis notatione libertatem spirantes*, ea iuris est iustitiæque ratio, & apud Germanos hæc crimini dari non

non possunt : quo iure apud liberos Francos hæc capit-
tis, fortunarumque pœnis coercita , apud Germanos
sint permissa , atque laudata? qua illa iuris regula con-
ueniunt , quo vsu vel abusu vocabulorum discrepant,
vt quod liberis Francis *rebellio* , Germanis dicatur *li-*
bertas ? non ea sanè est iustitia , quæ non est constans,
non vniformis, improba est nuncupatio ; vt quod domi
crimen sit, foris virtus vocetur : vt, quod apud suos ius
statuit, apud alios vti nolit: Rex ergo Francorum, si in
Regno suo omnem exteram protectionem, fœderatio-
nemque, etiam defensiuam, pro crimine habet maiës-
tatis, cur id in Imperio crimini dari non posse existimet
Asterius? aduersus Christi Regulam: *quod tibi non vis fie-*
ri, alteri ne feceris.

Succedit tertio Præsul Treuirensis iussè & opportunè
vt vult protectus ea de re satis diximus *supra hoc lib. c.*
12. & seqq. sed cur Asterio videtur opus fuisse clientela,
& protectione militari, si sola commendatione amica
Præsulem poterat Rex Franciæ seruare? vt proximè ait
Asterius in Imperio fidem Catholicam seruasse, literis
solis commendatitijs, vel amica postulatione?

De litibus Hispanorum cum Francis in Pace Pragenfi
nulla mentio, non aliud Cæsar atque Saxo egerunt,
quam vt pax Imperiò restitueretur, externi eliminentur: id
præstitum cum erit, ac Imperij, si non subditus, saltem
socius Dux Lotharingiæ restitutus, cessat pactio com-
munium armorum: non vltèrius progreditur tenor
Pacis Pragenfis, vberiore dumtaxat interpretationem
Asterio peperit aduersus Hispanos animi amaritudo,
quæ fel ei, bilemque nimis mouet.

Terga claudit causa Lotharingica. eam reperit ab an-
no 980. sed de huiusmodi antiquis titulis, per tot sæcu-
la nunc antiquatis, satis diximus *lib. 1. Cassanus l. 2. c. 3.*
p. 72. fatetur Lotharingiam ab an. 957. feudatariam esse
Imperij; Carolo per Othonem Imperatorem inuestito,
depuis le quel temps, inquit, les Ducs de Lorraine se sont ad-

mones des Empereurs, & leur ont rendu leurs hommages. Quoniam Asterio lubuit mentionem facere copularum clandestinarum, meminisse debebat vel ipsum. Parlamentum Parisiense, postquam earum nomine Ducem, pro dictamine Genij Lotharingis infensi, damnasset, bonaque à Corona Galliae possessa ad illam reuersa, unita, & incorporata declarasset, desultasse in gradum partium, Regique supplicasse, ut quoad terras extra Galliam sitas, Lotharingiam utique, armis sibi ius diceret: ineptè sanè, nisi agnouisset Lotharingiam extra sphaeram nunc esse Franciæ: ineptè iterum, nisi pro principe supremo Lotharingum habuisset: nam alioquin vasallum armis impetere iure non licet, nisi Dominus eius fuerit interpellatus. *Causa Lotharingica ad Imperatorem*, inquit Asterius, *nihil attinet*, sed, ut de Lotharingia non amplius disseremus, Dux Lotharingiæ socius erat, & foederatus aduersus Suecum, uti communem hostem: ea res scilicet Francos pessimè habuit, cætera in huius vindictam commentati sunt: & iam proximè Asterius eam magnificè de Suecis dissertauerat, quod foedera turpiter deserere non possent, quomodo nunc ergo causa foederati Ducis ab eo dici potest ad Imperatorem nihil pertinere? quomodo deserere eum potest honestè Imperator, cum ob causam quasi desertorum sociorum Asterius Saxonem vocet perfidum, periurum, proditorem? quibus ille tamen stipulatus fuerit pacis condiciones easdem, quas sibi? Pacis, inquam, condiciones: utpote quæ de Religione, de bonorum Ecclesiasticorum restitutione, similibusque communibus negotijs agunt. nam quod Saxoni Lusatia, prius pro impensis oppignorata, nunc in feudum sit concessa, quæ est inuidia? si Imperatoris & Saxonis rebus ita expedire visum fuerit, nulli sociorum noceatur? quod filio eius datus sit Archiepiscopatus Magdeburgensis, rato manente pacto communi de Religione, quis itidem inuideat? cum maxime paternis armis aduersus Suecum vindicandus sit? præterquam.

quam quod & Brandenburgico-Pomeranis, Megalopolitanisque Principibus conditiones utiles obtinuerit, nulli nociuas, omnibus gratiam pacemque impetrarit, paucis exceptis; quorum, ut diximus, causa cum Saxone non est communis.

Ex his, quæ diximus, liquet, quam iniquam comparationem faciat Epistola *Germani Illustris*, quantum etiam nomine in obscuro est, ad similem Germanum data Luteræ ad Kalend. quintiles 1636. inter Pacem hanc Pragensem; & pacem Antalcidæ; quam ait vocatam ab auctore, quod Oratoris atque interuentus inter Regem Persarum ac Lacedæmonios eam composuerit. pacem vocat atque à veteribus vocatam ait; & vult Pragensi esse simillimam, in eoque tota epistola consumitur: indignatur tamen Pragensem vocari pacem; & non transactionem tantum inter duos, restrictius etiam Deplo ratione Asterij, quæ saltem triumviralem facit. igitur & pax vocari, vsu etiam vetere atque gentium iure, miri, more etiam vetere pax potest inter duos; tametsi alter habuerit plures belli socios. à *pactione pacis nomen appellatum est*, inquit Vlpianus l. i. *De pact.* & est *pactio duorum pluriumve idem placitum consensus*, ita Vlpianus, an, quæ toties inter Hispanos solos Gallosque coaluit; pax non fuit?

Porro iniquitas comparisonis in eo consistit, quod Lacedæmonij, alijque Græci; belli eiusdem socij, liberi vndique; nec inuicem debebant quidquam, nec alteri. unde quod Lacedæmonij, cum Rege Persarum pacti, arma verterint in socios; qui pacem illam non amplecterentur, non immerito socijs suspectum; nec iustum satis videri poterat: quod veteri sociorum amicitia novam prætulisset: contra quam veteri pacis ac belli iure vsitatum docuimus *supra lib. 3. c. 17.* At contra vero Pax Pragensis est inter Imperatorem & Imperij subditos, qui ditionum bonorumque causa Imperij vasalli sunt, qui sacramento Imperatori tenentur Imperijque con-

seruationi se debent, atque fortunas omnes: quare sub-
blato, quod inter illos atque Imperatorem fuit dissi-
dio, sacramentum quod Imperatori Imperioque præ-
stitum fuerat, obligat vniuersos ad Imperij tutelam, ad-
uersus externos, & nuper socios, vt conciliationi æquis-
que conditionibus pacis se accommodent, vt mox do-
cuimus *ex Pace Constantia libris iuris nostri inserta* so-
lere pro iure vsurpari, quare & rogatum velim Illustrum
Germanum qui peregrinando scita moresque multarum
gentium didicerit, & etiamnum Lutetiæ Parisiorum
moretur, vbinam gentium repererit vasallos, Principi
suo conciliatos, non itidem ex vetere vinculo arma pro
suo Principe induisse, tum aduersus externos, tum ad-
uersus nuper socios? an non Lutetiæ didicerit ita ac-
cidisse sub Henrico IV. nunc his nunc illis ex Liga dissi-
liantibus? qui etiam Ludouico XIII. conciliati sunt sin-
gulatim, armare deinceps tulerunt pro socijs an pro
Rege? cur ita? sacramenti ratio bonorumque eos ob-
stringebat. cur ergo quod Germanus iam Lutetiæ pro-
bat, Pragæ improbat? an cælo mutato animum Ger-
manicum exuerit, an sub clypeo Germani Francus
pugnet?

Sed inquit, *Mars maior sub Pace latet, sub nomine
pacis bellum cruentissimum.*: sed ea de re iam respondi-
mus Asterio: id in solutum accipiat Illustris Germanus:
qui & prognosticum se facit non ex astrorum dissidio
aliquo, vel congressu, sed ex suorum affectuum pertur-
batione: ea camarina pridem fœteret: non lubet amplius
mouere: quod si non ex passionibus sed ex legibus pro-
gnostica indicia sumere voluisset, vt leges ex præteritis
de futuris præsumunt, aspectum illum solarem constan-
ter debuisset intueri, in quo conspicitur quod Austriaci
ab annis centum nihil noui conquiesierint præter legiti-
mam inuestituram Mediolanensem, & successionem Lu-
sitanicam, de quibus supra egimus: Franci autem armis
etiam sæculis duobus vltimis quam plurima. quare
actio-

actiones Austriacas ita interpretari oportet, vt pacificas esse velint omnium possessiones, cuique suum manere, Cæsari etiam quod Cæsaris est: Francos autem omni ex causa rem suam facere; pomeria sua, philacteriaque dilatare velle; Germanicam libertatem præterdere, alia alibi, negotium suum in alieno agere, sibi dominationem quærere. vt nondum anni centum sunt, cum pignora accepta sunt Germanicæ libertatis Metis, Tullum Verdunum: at pilusne ibi vnus superest Germanicæ libertatis? ne idem alia Imperij membra detrimentum nunc capiant, fatebimur maiorem martem sub hac pace latere; (quamquam non latere sed manifestè proponi) qui exteros cogat ex Imperio exesse, quo rede-
re illud tandem desinant aliquando.

Redeamus ergo ad Pacem Pragensem: per eam res, si non vt vota, saltem quantum tempora tulerunt, constituuntur, quæstio de religione sopitur, controuersia de bonorum Ecclesiasticorum restitutione in præsens extinguitur, ad pacificum examen remittitur, quod intra proximum decennium fiet amicè, & si quid conuenire poterit, id obseruabitur: sin minus, huius fœderis pacto ad annos 40. neque post illos armis sed legibus, & iudicijs agetur: bonorum immobilium ab aduentu Sueci interuersionum vndique fiet restitutio: Cæsari honor, supremitas, obedientia, subditis omnis beneuolentia: omnium præteritorum obliuione vtrimque indicta: etiam ijs, qui pauci quidem extra communem causam peccarunt, & ab amnestia sunt exclusi, quorum syllabus Saxoni est datus, fores Cæsareæ clementiæ, si eam interpellauerint, patebunt quippe tam Austriaco-Romanum est parcere subiectis, quam debellare superbos. Restituitur pacem amplexuris tranquillitas, libertas, securitas: arma sumi in Imperio vetantur, nisi aduersus pacem turbantes: Imperator vt secundum Imperij constitutiones compescat consulitur: ligæ, vniones, fœdera tolluntur: nisi ab Imperatore confirmata: disciplina mi-
lita-

vicarij illius, quem Iano clauso, atque orbi vniuerso pace ab Augusto data, natum in cunis Bethlemicis adorarunt Reges illi magi, quorum exuniæ Colonia quiescunt, ac rege Regum, qui prænunciatus erat pacificus, salutato, non redierunt Ierosolymam ad vulpem versipellem, oraculo moniti in somnis. talibus enim Rex ille pacificus non venit pacem mittere sed gladium: eiusque Angelici præcones vniuersalem quidem annuntiant, in terra pacem hominibus; sed addunt, bonæ voluntatis. Sed quoniam Ratiocinator, Asterius, & Germanus Illustris tam malè de proposito Austriacorum, atque Hispanorum semper, ac sine Pacis Pragensis augurantur; atque illi magi spectandorum syderum arte pollebant, cum hic mortalibus nebulis adhuc impederentur, nunc autem mortalium ænigmata in speculo diuino perspicuè cognoscunt, rogabimus eos ut piæ causæ pacis, sint propitij, ut illis faueant, qui pura mente, propositoque intaminato illam desiderant; ijs porro omnimodo aduersentur, qui seciora consilia volunt: seu, ut per aliam ipsi ab Angelo moniti viam reuersi sunt in regionem suam, sic omnes qui sinistram intentionem in pacis negotio habent, ita per bonos gentios obtineant percelli, ut in viam veritatis, iustitiæ, atque pacis reuertantur: denique ut ipsi concordi inter se animo Regem pacificum stellæ ductu venerunt adoratum, Domino exercituum, Deo pacis, Deo veritatis concordia munera obtulerunt, ita nunc Regibus Christianis concordiam, pacemque per Europam, quin & orbem Christianum, vniuersalem obtineant ab adorato olim Puero, cui nunc genua curuari vident cælestium, terrestrium, & infernorum, tremebundaque inclinari astra matutina simul & vespertina.

dor proximos. & in actibus Apost. cap. 2. die Pentecostes factus est de cœlo sonus tamquam aduenientis spiritus vehementis, & apparuerunt dispersita lingua tamquam ignis, seditque supra singulos eorum, & repleti sunt discipuli Spiritu sancto: & S. Gregorius Homilia 30. in Euangel. foris, inquit, apparentibus linguis igneis, intus facta sunt corda flammantia, quia dum Deum in ignis visione susceperunt, per amorem suauiter arserunt: ipse namque Spiritus sanctus amor est, unde epist. 1. Ioan. c. 4. *Deus charitas est*: de spiritu suo dedit nobis, De igne ergo illo cœlesti, & calore charitatis: ea si refrigeretur, subnascitur bulimus ac phagedæna, sicut frigidam fecit, inquit Ieremias cap. 6. cisterna aquam suam, sic (Ierusalem) frigidam fecit malitiam suam: & Psalm. 147. *ante faciem frigoris eius quis sustinebit?* ex aduerso inter encomia mulieris fortis Prou. c. 31. facit illud, *non timebit domui suæ à frigoribus niuis*: in beata Ierusalem non erit, Meum ac Tuum, inquit, D. Chrys. in Orat. de S. Philog. to. 3. *frigidum illud verbum & quidquid est malorum in vitam nostram inuehens, innumeraque gignens bella*. vti & Diuus Iacobus in epist. Cathol. c. 4. *unde bella & lites in vobis? nonne hinc ex concupiscentijs vestris*, quæ militant in membris vestris? concupiscitis & non habetis, occiditis, & zelatis, & non potestis adipisci, litigatis & belligeratis, & non habetis. Concupiscentiæ porro causa est anthitesis charitatis. Hæc siquidem Deum toto corde diligit, proximum sicut se ipsum, alieno abstinet, suum cuique tribuit, non est ambitiosa, non Imperia non regna, non orbis fines ambit, non æmulatur, non inuidet, non cogitat malum, non alios æstimat ad vniuersalem tendere monarchiam, non quærit, quæ sua sunt, quanto minus aliena? has charitati notas tribuit D. Paulus 1. Cor. c. 13. & addit, *si charitatem non habuero, factus sum velut as sonans, aut cymbalum tinniens*: nihil

præ-

præter sonitum tinnitumque; unde *exoritur clamorque virum, clangorque tubarum.*

Igitur frigus vt bulimum, ita defectus charitatis ambitionem, & insatiabilem Imperiorum cupiditatem progignit: stomachum nimis illud, hic animum refrigerat & exsiccat: ex illo nimia cibi potusque appetentia: ex hoc ambitio, lites, bella, dominandi cupido, infrugifer animus operum charitativorum, iustitiæque: rectè siquidem ille: *Probatio dilectionis, exhibitio est operis: & Christus, qui diligit me, sermonem meum seruabit, cum ex aduerso fructus iustitiæ, inquit D. Iacobus d. ep. c. 3. in pace seminatur, facientibus pacem: & inter beatitates S. Ierusalem, Deus posuit fines illius pacem, & adipe frumenti satiat illam. d. Psalm. 147. non enim est dissensionis Deus, sed pacis. 1. Corinth. cap. 14.*

Quoniam ergo contraria contrarijs sunt curanda; vniuersalis curatio bulimi consistit in calefacientibus & humectantibus: ex tabulis charitatis vniuersa lex pender & Prophetæ: calore charitatis si animi impleantur, omnis ægrotudo pellitur: si quis biberit ex aqua, quam dat Christus, *non sitiet in æternum, sed fiet in eo fons aquæ salientis in vitam æternam. Ioan. 4.* eo si consiliarij potuantur, Regi instillabunt Christi sermonem; Christi charitatem, Christi pacem.

Iterum alimentis boni succi, quæ facile coquantur, & distribuuntur; opus est: ambitio curanda est ita, vt possessio nulla sit, cuius iniustitia scrupulum faciat; ne quis in conscientia sit vermis, qui animæ tormentum faciat, qui exedat fructus bonorum operum: vt in huiusmodi morboris sæpè in stomacho vermis inuenitur, qui chylum depascitur, nutrimentum absomit, perpetuo famelicum facit. Manduci ergo nostri Regi consulant, vt sua alijs Principibus dimittat, alieno abstineat.

Insuper id genus ægri sæpè vino reficiendi sunt: vino vtique Samaritani: quod mordet quidem; sed pus abstergit, præcauet putrefactionem: ambitiosis ergo Principibus

Regibus sæpè vinum iustitiæ, & charitatis est porrigendum: sæpe inculcandum quid ex regulis iustitiæ non liceat, quid ex charitate debeat: non palpandi reges sunt, sed veritas perpetuo, & si mordax, ingerenda est: perpetuum illorum malum deflendum est, quod in omnium rerum affluentia desit, qui verum dicat, qui Samaritani vinum præbeat: inde pus, inde morbi, inde mortes æternæ Regum, illorumque, qui veritatem regibus dicere tenentur, vt confessarij, consiliarijque, vt medici etiam periculi mortis ægrum mouere tenentur, ab ingressu Ecclesiæ ipsi aliàs arcendi, vt ægri medicos animarum vocent, *c. cum infirmitas X. de poenit. & remiss.* quod & arctius mandauit Pius V. statuens, vt ægros post tertiam vicem deserant, nisi paruerint, si ita confessarij, consiliarijque ex vero facerent, quid non de Regibus esset sperandum?

Ad hæc bonis etiam odoribus, aromatibusque spiritus huiusmodi ægrorum iuuandi sunt: bonus odor, bona fama est. *Christi*, inquit Apostol. 2. Cor. 2. *bonus odor sumus*: sic Eccles. c. 49. dicitur *memoria Iosia in compositionem odoris facta, opus pigmentarij: in omni ore quasi mel indulcabitur eius memoria*; spirant hæc, balsamum, mella, aromata, fragrantia vnguentis optimis: quippe vt odores nares delectant, ita narratio rerum à Regibus rectè gestarum aures animumque pergit Ecclesiasticus, ad causam comparationis: *ipse est directus diuinitus in penitentiam gentis, & tulit abominationes impietatis*: respicitque ad vaticinium in 1. 3. Reg. c. 13. & implerum 1. 4. Reg. c. 14. vaticinium autem hoc erat; *ecce vir Dei venit de Iuda in sermone Domini in Bethel. Ieroboam stante super altare, & thus iaciente, & exclamauit contra altare in sermone Domini, & ait: altare, altare, hæc dicit Dominus: ecce filius nascetur domui Dauid Iosias nomine, & immolabit super te sacerdotes excelsorum, qui nunc in te thura succendunt: & ossa hominum super te incendes, ecce bonus odor in tollendis*

dis abominationibus sacerdotibus Excellorum, & pœnitentia gentis : Regum ergo consiliarij illos serio commonefaciant, vt ad morem Iosif, bonus odor sint, abominandas hæreses, earumque seminatores exstirpent, in pœnitentia gentis sanara doctrinam stabiliant.

Denique iustitiæ symbolum est palma : *iustus vt palma florebit. Psalm. 91.* palma fructum reddit pari omnino cum folijs pondere, quæ nota est æquilibrij iustitiæ, incorrupta est, ac senij nescia, ponderibus resistit: vt eas tesseras hieroglyphicas iustitiæ exposuimus *in Iud. l. 1. c. 9. num. 7.* at hic dactyli, palmæ fructus, bulimo curando proficiunt: ambitiosa ergo appetentia iustitiæ medicamine est curanda, quæ neminem lædit, alieno abstinet.

Præterea bulimus vomitu curandus est, ex stomacho vt è spongia peccans humor educendus, ita oportet, si qua iniuste occupentur, iuste restituantur.

Nec minus frigida omnia sunt vitanda istiusmodi ægris: ambitiosis autem quidquid facit ad minuendam charitatem, ignemque Sancti amoris refrigerandum.

Ad extremum stomachus illis est oleo fouendus: ambitiosis autem oleo Samaritani: calefacit illud animum, & coagulat vulnera charitatis.

Monent denique medici negligentiam curationis periculum comitari dysenteria, hydropes, aliorumve incurabilium malorum: ambitiosorum, nisi iniusta appetentia curetur, tendit ad mortem illam, *ubi erit æternum frigus, & gelu. Zachar. c. 14.*

Quod si præscripto Medici æger diligenter obediens valetudinem recuperauerit, cauere iam debet anxie ab omnibus causis bulimi iam curati, ne recidius incurrat periculum grauis: ambitiosis porro illud Christi seruare, *vade & iam amplius noli peccare*: perinde atque si dixisset recede à vetitis moribus, & noli in veterem redire animi ægritudinem. diætam ergo curatus æger congruam deinceps seruabit: ambitiosus non alic-

aliene tantum abſtinebit, ſed etiam in ſuo moderatè verſabitur, cogitabitque ſerio & prudenter an expediat etiam iuſtum intra terminos coërcere Imperium. de quo deliberaffe & ſucceſſoribus conſultationem iniunxiſſe conſtat Auguſtum, alioſque prudentiſſimos Principes, *ut tetigimus ſupra l. 2. c. 14. & in Iud. l. 4. c. 19. num. 14.* conſtat ſane Venetos, cum Piſanam Remp. euerſum irent, Julij II. temporibus, non tantum ſpe fruſtratos fuiſſe, ſed in præſens periculum adductos amittendæ Rei ſuæ; eo conſpirantibus vndique Regibus, atque Principibus, quod Italiæ Imperium affectare eos conijcerent: quid æquè Caroli V. pios aduerſus Turcam conatus retardauit, quam Franciſci I. aliorumque Regum Galliæ odia, & prædicata ab illis opinio apud Italos, Germanoſque, quod Monarchiam Europæam affectaret? qui etſi Imperium fratri, nec præter auitas ditiones filio præter Mediolanum quidquam reliquiſſet, nec potuit tamen filius eandem calumniam euitare, tamenſi paternis hæredijs præter Luſitaniam ſucceſſione conſanguinea delatam, nihil adiecerit, & de ſuo nonnullibi amiſerit.

Itaque manduco noſtro curandum precandumque eſt vt abſit à maledictione *Pſalmi 58. famem patientur ut canes*, & præſcindenda eſt totius Europæ appetentia non tantum; ſed etiam opus vt Regi ſuo conſulat potius cogitare de coërcendo intra iuſtos terminos Imperio: vt etiamſi probabili cauſa extra notos fines vindicari quidpiam poſſit, non ſit ingerenda hominibus monarchicæ appetentiæ opinio, & regnum in ſtatu minuendi periculum deducendum: inculcandumque illud Eccleſiaſtici c. 31. *utere quaſi homo frugibus, quæ tibi apponuntur, ne, cum manducas multum, odio habearis.* & illud *D. Pauli ad Rom. 14. noli propter eſcam deſtruere opus Dei, malum eſt homini qui per offendiculum manducat*: vt etiam ita non liceat, quod aliàs licet, manducare.

Scd

Sed & illud seruandæ valerudinis præceptum est, vt homines ijs cibis vtantur, qui cum cuiusque natura symbolizant, adeoque facilius coquantur, & in substantiam aliti vertantur, accretionemque faciant: manduco itaque nostro, & hoc obseruandum est, vt stylum mutet, abstineatque à dissymbolis regionibus, ab illiquidis vindicationibus, à cibis vetustate corruptis, impossibilisque digestionis, carie consumptis titulis, Carolique Magni membranis in tot frustra, stipites, lineas discissis, recentibus, liquidisque dominatuum iuribus vtatur.

C A P V T X X I V.

Manduci cornu-copia Imperium Constantinopolitanum.

PAulo laxiorem dissertationem requirit vltimum hoc bulimi remedium. Refert Cassanus ipse *l. 1. c. 5. p. 262.* Carolum VIII. Franciæ Regem ab Alexandro VI. Romæ renunciatum, coronatumque Imperatorem Constantinopolitanum: ac deinde Neapolim ingressum habitu Imperiali, triumphalique, arma tulisse in Italiam generoso gloriæ desiderio, ad ineundam possessionem regnorum Siculorum, aliorumque regnorum coronas adipiscendas. Bzouius tamen *in Annal Eccles. ad annum Christi 1495.* postulata Regis Caroli refert, atque inter cætera, vt illum Pontifex Imperatorem Constantinopolitanum renuntiaret, acquirendoque illi Imperio Zelimum Balazeris fratrem, qui Romæ in libera custodia seruabatur, comitem & auspicem belli in Turcas sibi donaret: *circa Idus Ianuar.* inquit Bzouius, *foederis tabula conscripta, in quibus omnia præter diploma regni Neapolitani Carolo concessa:* quamquam Cassano libuerit scribere inuestituram etiam regni Neapolitani fuisse ab Alexandro datam, addit & Bzouius

uius Legatum Ferdinandi Catholici Carolo denun-
ciasse, non ideo percussum cum eo fœdus, vt omnium
Principum in Italia sedes turbaret, Resque publicas
euerteret, ita porro si pergeret, Ferdinandum liberata
fide suis viribus & copijs in eam partem se daturum,
quam æquiores iudicabit: hæc dixit, *ac simul*, inquit
Bzouius, *coram Rege & proceribus, qui in Conuentu
aderant, initi antea fœderis tabulas vtriusque Regis
manu scriptas, & signis signatas laterauit* audax faci-
nus, quod si Carolus vetera non turbasset, sed ad Con-
stantini Magni Sedem tantum aspirasset, inuidente im-
pedienteve nemine, poterat gloriosum bellum suscipe-
re, Imperium amplissimum, triumphos, ac nomen
sempiternum expectare. quid nunc opus manduco no-
stro vetera membranarum Caroli Magni fragmenta
confectari, cibos quærere situ obsitos? facit Cassanus
Ludouicum XIII. hæredem Caroli VIII. cur non vocat
ad cernendam hæreditatem Constantini Magni, ad ci-
bum recentem, cibum symbolum, non controuersi Iu-
ris, adeoque benignæ decoctionis? præterquam quod
Galli gloriari etiam solent, non paucos ex Græcis ori-
ginem olim traxisse, genijs saltem ingenijsque similes
esse, cur illam Imperij Romani in Græcia, Asia, Afri-
taque amplitudinem, non ambit, non deprædicat, non
eo mysterium consilij sui vertit? si toties placet a Caro-
lo Magno, cui minor veteris Romani Imperij ad Occi-
dentem portio obtigit, res gestas laudare? *imitari*, in-
quit ille, *non pigeat, quod celebrare delectat*. cur hære-
dem Ludouicum XIII. a cohæredibus Caroli Magni in-
quietandis non auocat, & ad exemplum Caroli Magni
ad barbaras nationes Imperio subiugandas non prouo-
cat? cur non manu ducit ad Magni Constantini præto-
ria, sceptrâ, Imperia, quæ eo iure maiori que ita nuper
concessa sunt, quo olim Carolo Magno Imperium Oc-
cidentis? de cuius translatione tres libros scripsit Bellar-
minus, boni omnes probarunt, etiam toties Cassanus?

praesertim l. 2. c. 1. veterum Imperatorum Constantinopolitanorum hæredes, ne quidem Balduini Comitis Flandriæ, sacris quondam armis Constantinopolim expugnantis, petitionem illius hæreditatis instituent: boni ergo succerit, alimenti symboli, accretionis immensæ: cur manducus noster Regi suo tantum Iouis incrementum non prædicat? ex quo & fidei Orthodoxæ propagatio, & Rei Christianissimæ extensio sperari poterit; tantaque pomeria terris, ut volunt, Salicis, accrescere, tot diademata Coronæ Franciæ vniri? & Carolus quidem VIII. propositum Imperij Orientis publicè ostentabat, adeo ut Epiro, Macedoniæque tantus terror illatus sit, ut plures oppida desererent, & Græci in spem recuperandæ libertatis erigerentur, ac tum aperte arma, equos, comitatusque expedirent, deque recipiendis Gallis, & Turcis vno edicto trucidandis consilia inirent: tota Ætolia & Peloponeso Græci à Basiæzete descuerint, Caroloque per amicos nunciarint, nihil sibi reliquum ad defectionem exequendam præter occasionem deesse. Hæc Bzouius, *vbi supra*, aliaque. vbi & illud prosequitur, Carolum proceresque indulgisse voluptatibus regni; omnia alia, præter expeditionem in Turcas, molitum Carolum, nec promissa, nec æqua præstitisse: *tum ceteri Principes*, inquit Bzouius, *tum Itali, tum externi aliena detrimenta, propria pericula ducere, atque inter ipsos communicare ceperunt, quam graue esset eius gentis Imperium futurum, si diu in Italia inueterasceret: exinde Principes, & resp. Italia, & Ferdinandus aduersus Carolum conspirant, foedus ineunt Carolo permolestum, Carolus ad finem anni, in Galliam victo quam victori similiôr discessit: Ferdinandus à Neapolitanis receptus est: Legati Caroli vel armis victi, vel obfessi, locis deditis abitum in Galliam pacti sunt. & licet inter foederatos similitates fuerint ortæ, Carolus iterum atque iterum de reditu in Italiam cogitarit; tamen offensorum Principum, rerumque publicarum*

tur.

turbationes impedimento fuerunt, & paulo post secuta Caroli mors, omnem illam famam, expectationemque Græcorum præscidit. quod si is suis contentus, & innoxio transitu per Italiam fuisset, & omissis Christianorum Principum exagitationibus in Græciam descendisset, iam Byzantij hæredes Caroli propitio Numine imperassent: vbi Constantinus veterisque Imperatores ad Tygrim vsque in Oriente, & à meridie vsque ad montem Atlantem iura dixerunt, & latius hodie Turcarum Imperator dominatur, extensiores in Asiam, Africam, Ægyptumque terminos habet, Arabiam etiam felicem petrosamque complexos. an non satis hic manduco alimenti, vnde increseat, impinguetur, dilateretur? cur ergo omne ingenium-absument huiusmodi homines, vt Ludouico XIII. persuadeant, vt cum Christianis illis Principibus, liticulas de tribus capellis exerceat, immensum illud Imperium Carolo VIII. concessum hæres prætermittat, atque contemnat?

Dixi qua hæres est Ludouicus XIII. regnorum Caroli VIII. nunc si manduci-nostri, si consiliarij ipsius cum velint interpellare quâ hæres est pietatis Ludouici IX. Regis sancti, Caroli Magni, aliorumque Francicorum Regum, maiorum suorum, bone Deus quanta series est exemplorum ad pietatem, religionisque Christianæ propagationem inuitantium! quanta orbis spatia, virtuti & gloriæ aperta sunt, quibus feri lilia Francica, diademata, sceptræ, Coronæ meti, & Imperium Francicum in immensum extendi possit! non offenso cognato sanguine, non affinitatis, pactorumve cum illis iure, atque citra inuidiam vllorum Principum Christianorum. Primus Christianorum Regum Francicorum Clodouæus post victoriam aduersus Alamannos ex voto suscipiendi Christianismi acceptam, mouit in Gothos, qui pridem Galliam à Romanis pro sedibus acceperant, edixitque belli causam, pertinaciam illorum in hæresi Ariana: Theudericus filius illius Danos Gallias inuastan-

tes

res Rege per empto reiecit, summa victoria potitus ad Antuerpiam, *ut diximus l. i. c. ultim §. Antuerpia.* Sigebertus Franciæ Rex aduersus Hunnos in Turingiam duxit: quod bellum Clotharius II. etiam est profectus, ut omittamus bella aduersus Wandalos, Saxones, Frisios, aliosque infideles, à maioribus gesta. Carolus Martellus aduersus Saracenos ab Eudone in Franciam vocatos mouit, Regem Abdiramum ingentemque multitudinem trucidauit ad trecenta & octuaginta milia: & iterum ad Byrram fluuium supra Narbonam occiso Rege Amorrhæo totum exercitum deleuit; Rex alter Athymus in Hispanam refugit, Eudonem principatu, vitæque Martellus priuauit, Aquitaniam, Prouinciam, Burgundiam subiugauit: filius Pipinus aduersus Saracenos etiam Longobardos, Aquitanos, Saxones, & Barbaros, bella feliciter suscepit, & Waifarum Ducem Aquitanie armis coegit res Ecclesijs, quas inuaserat, restituere: quid de filio dicemus Carolo Magno, qui Regio nomini, quod pater promeruerat Romani Imperij dignitatem adiecit? Victor triumphauit de Aquitanis, Longobardis; Saxonibus, Saracenis, Brittonibus, Beneuentanis, Bauaribus, Sclauis, Hunnis, Bohemis, Liunionibus, Danis, Nortmannis, Mauris? Caroli in Imperio successores, multa etiam cum infidelibus bella gesserunt, & Carolus Caluus Franciæ Rex aduersus Nortmannos, Carolus Simplex per tutores præsertim aduersus eosdem, atque Saracenos tantis animis atque periculis, ut etiam Regni dignitatem fidei Christianæ seruandæ posthaberent. *Anno 885. ait Sigebertus, Carolo Francorum Rege mortuo, Nortmanni Franciam repetunt, dicentes se cum Rege Francorum tantum, non cum Francis pacem inisse: itaque Franci necessitate compulsi, Carolum Imperatorem in auxilium aduocantes Franciam ei subiiciunt.* quanta pietas, ut regni suprematie, quam Religionis integritate, potius carerent? ubi per transfennam licet interpellare Cassanum, quid si

Ger-

Germania Imperiumque ita Coronæ Franciæ fuisset subiectum, quam altum exclamaret: sed valedicamus nunc istis, ad sacra redeamus. Edo igitur Simplicis tutor etiam aduersus Nortmannos magna bella gessit, cum maxima procerum Galliæ pars, Balduino Flandriæ Comite ac Fulcone Rhemenſi Archiepiſcopo reclamante, eum regnare iuſſerunt: & post paulo anno ſcilicet 891. Arnulphus Imperator Nortmannos ad Louanium ita cecidit, vt duo Reges & centum circiter millia occumberent, ac vix vnus superesset, qui ad classem nuntium ferret, vnus ex nostris non desideraretur. Louanienſes annuam adhuc memoriam Dominica prima Septembris celebrant. inter hæc & domesticas turbas egit, Carolus Simplex vsque ad annum 916, quo cum Imperatore Henrico foedere inito Lotharingiæ Regnum ei reddidit: eo fortè iustius, quod eo veluti præmio clientelam, de qua mox diximus totius Franciæ redemerit. foedus alij referunt ad annum 923. cum paulo ante Henricus votiuæ victoriæ Hungaros Franciam Germaniamque depopulantes apud Meresburch ad internecionem pænè deleuiſſet: qui deinde Sclauos ac Dalmatas subactos vectigales fecit, Reges Normanorum ad Christianiſmum armis, pace, monitis coëgit, multa deinceps fuerunt Franciciſ Regibus pro Religione bella: multis illustrius, quod S. Ludouicus cum ingenti exercitu ad recuperandam Ierosolymorum poſſeſſionem profectus mare traiecerit, Saracenos primum fugarit, sed exercitu à peste nimis imminuto victus ipse captusque est, lytro ingenti redemptus, quinquennio in Oriente moratus multis Christianorum vrbibus ſuo ſumptu reſectis, matre mortua in Galliam reuerſus est, ac rebus domi compoſitis iterum mare traiecit, bellum Saracenis illaturus, & iam in conſpectu hoſtis exercitum inſtruens peste tactus, viſam pro ſiſe Chriſti profudit, qui illum ad ſuperos triumphaturum duxit. Multa ſunt ſilia Franciſ dome-

stica exteraque exempla sacrae huiusmodi militiae: & quia Cassanus etiam Brabantiam nostram ambit, perlegere illum velim Molani *militiam sacram Ducum Brabantia*, vbi continua Principum nostrorum serie eorum labores in debellandis infidelibus, hæreticisque enarrat: vbi Leo Brabanticus quærit, *quæ regio in terris nostris non plena laboris?* sed inter cæteros eminet Godefridus ille Bullonius Lotharingæ Dux, & Marchio Antuerpiensis, cui vt Machabæo dictum videtur 2. *Machab. c. 15. accipe sanctum gladium, munus à Deo in quo deicies aduersarios populi mei:* deiecit sanè, nam expeditionis initio Nicæa expugnata est, & altero mox prælio cæsa numerat Tyrius ducenta millia barbarorum, Wilhelmus Mafmesburienfis trecenta supra sexaginta, exinde obtenta Antiochia, & in illa mox obsessum à trecentis Turcarum millibus, preces, virtus, & Deus erumpentem iterum victorem fecerunt fuso hoste: demum Hierosolyma omnium merces laborum, vi capta est, nec supererant iam illi nisi equitum quinque millia, peditum quindecim, hosti erant equitum millia centum, peditum quadringenta: extra mænia concurratur, cæsa Turcarum vltra centum millia tradit Vespergensis, plures hausit vicinum mare: absumpta narratur quadringenta millia. Balduinus mortuo fratri successit, alijque deinceps Christiani Principes multis victorijs gloriosi, donec domesticis dissidijs Res Christiana in Oriente est euerfa. non defuit Godefrido alijsque vicinus metus, non deërant Principes æmuli, & à propinquo terror, sed præualuit Deus, fides, & Crux, in cuius verba Godefridus iurauerat: & sub Principatum illius dedit Deus magna terrarum spatia. quod si Principibus eadem Religio, & pietas tam altè sederet, idem Deus eadem largiri potest: & vero si regnorum, inquit Scribanus, in *Origin. Antuerpiensi cap. 2. tanta de vicino libido trahit, satis sub Ottomannis Imperiorum est, quod omnium restinguat sitim, expleat famem.* Illud por-

potro obliuisci numquam possum, Godefridum Bullonium primitias belli sacri Antuerpiæ colligentem nobilitate omnique milite ditionis in verba sacra iurante, non redituros sese nisi victores, exemplum reliqua Belgica imitante, Collegio Canonorum instituto, decimisque patrimonialibus ab eo dotato, qui domi oraret, cum foris miles pugnaret, etiam castrum Bullonium, vnde titulus illi & agnomen, vendidisse Episcopo Leodiensi, vt pretio in sumptus belli vteretur, sed retribuit Deus maiora nomina, titulos, decora, famæ æternitatem, Imperia, & triumphos æternos. huiusmodi exemplis stimulari animi Regum deberent: sed adducuntur hodie multi consiliarij *in stultum finem, & iudices in stuporem. Iob cap. 12. de quibus illud Ecclesiastici c. 37. à consiliario serua animam tuam.* quorum adeo Principibus eligendorum, à quibus ex fide consuli, secundum Religionem rectè suaderi possit summa cura esse deberet: iuxta aliud monitum Ecclesiæ. *cap. 6. multo pacifici sint tibi, & consiliarius tibi vnus sit de mille.* Vtinam Ludouico XIII. aduersus malos consiliarios satis cautum foret! vtinam vetere Religione, moribus, institutoque maiorum recta, iusta, sancta suaderent! obtingatque promissum Isaïæ *cap. 1. restituiam iudices tuos, vt fuerunt prius, & consiliarios tuos sicut antiquitus!* Vtinam obtingat toti Galliæ quod addit Isaïas *post hac vocaberis ciuitas Iusti, vrbs fidelis.* Vtinam ea vota toti Rei Christianæ eueniant! qui impedimento sunt, horrescant ad minas Isaïæ *c. 10. Væ qui scribentes iniustitiam scripserunt, Væ illis qui speciosos bellorum prætextus concinnant, qui scribentes de Regnis & Imperijs iniustitiam scribunt, qui Regum auribus furiosa Bellonæ venena insufflant, calorem consanguineæ charitatis extinguunt, frigus aquilonaris inuidiæ aspirant: vnde bulimus insatiabilis, & incircumscripta appetentia: sed potius insusurret illud Esdræ l. 3. c. 8. Non inquireris habere pacem cum alienigenis omni tempore, vt inna-*

lescentes manducetis optima terra, & hereditatem distri-
buat is filiis vestris usque in auum. Hæc mandere satis
 Manducos nostros velim, & Regibus suis exponere,
 quanta cum pietate optima terræ manducari, & securè
 liberis hæredibus ampla quæri possit, si non inquirant
 habere pacem cum alienigenis, si Constantini Magni
 hæreditatem boni succi summo iure competentem vin-
 dicent, consanguineis Christianorum bellis abstineant;
 alienâ minimè controuertant, propria benignis animis
 prosequantur, & nuncupatim Ludouico XIII. quod si
 charitatem Deo proximoque exhibens zelum suum
 accendat aduersus inimicos Crucis Christi, eos profligauerit, terreni cælestisque Regni amplitudinem, famam,
 honorem, nomenque æternum promittant, verbis et-
 iam sacris hæc agenti educant, *in memoria æterna eris*
Iustus.

CAPVT POSTHVMVM

Super Vindicijs Gallicis.

OPeri iam sub præsum misso caput hoc agnatum est
 ex Vindicijs Gallicis: siquidem prodire ille hic nu-
 per aduersus Alexandri Patricij Armacani Martem Gal-
 licum. sed sciet aliquando illarum auctor Armacani
 Cineres loqui posse, Vindiciasque, quæ more styloque
 maiorum interlocutorum tantum iudicium spectant
 suprema causæ definitione omnino euertendas. Id quod
 dum pleno illos apparatu executuros exspectamus, vi-
 sum est nonnihil præludere, velitando circa ea quæ ex
 Vindicijs incurrere videntur in quædam ex his, quæ com-
 mentando feciale edictum Serenissimi Ferdinandi Car-
 dinalis Infantis supra diximus *lib. 3.* nam quæ ad Hia-
 tum Cassani, Arroy, similiumve pertinent, Caroli
 Magni ex asse repetendam hæreditatem, id est Europam
 omnem,

omnem, regalium actionum æternitatem, magneticam Coronæ Francicæ virtutem, qua sibi copulet vniatque æternum omnes ditiones, quas quocumque vniquam Jure Principes, qui Regnum istud adepti sunt, aliquando possederint, quod priori libro examinauimus, & obsoleta pridem vindicandorum aliorum dominatuum munimenta, ac nominatim in ditiones Belgicas, quas ad calcem eiusdem libri asseruimus; denique fœderum contemptum, quem secundo libro profligauimus, ipse Vindiciarû Auctor, ne pertranscunam quidem comprobare voluit. Legem etiam Salicam verècundius tenuit c. 16. ubi agnoscit non literis eam consignatam, sed moribus olim receptam contendit, quod pridem nos admisimus eatenus, vt propriorem formam masculis temotior à Corona excludat. Porro quæ de vñctione Regum Christianissimorum, de Ampulla Rhemenfi, à quo vñctio incæperit, de strumarum curatione, de titulis, prærogatiuis, meritisque Regum Gallicæ, quæque à 2. c. vsque ad 18. declamat, aliaque id genus, nihil ad rem nunc nostram facientia lubens præteribo; quippe quæ ad belli iustitiam nihil conferant, vt lib. 2. c. 2. demonstrauimus. de fœderibus etiam innoxijs cum infidelibus, quo vergere velit quæ dicit c. 20. 21. 22. 27. ea tantum hic quasi per indicem, saltumve, & vt canis è Nilo tangam quæ ipsam belli Austriaco-Gallo-Belgici iustitiam spectant. quam cap. 1. proponit fœdera etiam priori fidei aduersa: Religioni reique publicæ hostiliter inimica, de quibus c. 23. 24. 25. 32. alijsque eo pertinentibus disserat, breuiter delibabo.

Igitur Vindex noster postquam in Præfatione plena conuictorum plaustra in Armacanum, Hispanosque conuexit, vt maledicentiæ suæ litaret, in d. c. 1. eandem, parilesque contumelias congerit, vt inde iustam etiam struat belli causam à Rege Christianissimo inferendi. vtique Hispanos instar fluminis esse perruptis aggeribus vicinam omnem continentem occupantis; instar,

ignis, obuia quæque deuorantis, instar *Æolorum*; quæ omnem ipsi tempestatem commouerint. Illis certatum eapropter obuiam iustis communibusque armis esse eundum. Accusatio, inquit Cicero *pro Cælio crimen desiderat, rem ut definiat, nomine ut notet, argumento probet, teste confirmet*. Hæc eadem Ratiocinator Regius in medium proiecit, ab omnibusque vsurpantur, qui Hispanis maledicunt: sed quo argumento probant? quo teste confirmant? Ratiocinatori amplè respondimus *l. 3. c. 7.* ostendimusque Hispanos, Austriacosve à mortè Ferdinandi Catholici nihil armis quæsitum habere, sed legitima successione, aut inuestitura: Francos ex aduerso intra idem sæculum, & quæ paulo antecedunt, plures omnino ditiones armis suas fecisse: & iam hæreditarios, non Austriacorum tantum, sed & aliorum, atque Anglorum imprimis; etiam illas, quas horum maiores in Gallijs possederint, ante ipsam Angliam, ita ut vitium suis agnatum Ratiocinator Vindexque conentur alijs affricare, vernaculumque crimen alienū facere, Hispanis imponere. Ipsæ igitur vtrorumque possessiones diuersimodè quæsitæ argumenta sunt, testesque vtrius calumnia falsum crimen imponat; vtrius res ipsa atque veritas suffragetur, & Franci à cæde Caroli Audacis hæctenus Burgundiam nullo iure detinent. *ut demonstrauimus sup. l. 1. c. fin. §. Burgund.* ab eò ergo tempore, quo iura Domus Burgundicæ in familiam Hispanicam transierunt, Franci semper Hispanis belli causam dederunt. nec obijciat Vindex fœdere conuentum aliquando ne armis repeteretur Burgundia, sed lege, Arbitrorumque iudicio: quoniam eodem fœdere, alijsque, quamuis ab Hispanis bella cepissent, quod secus res ipsa historiæque testantur; præteritorum omnium est præscripta obliuio: ut nihil adduci posset, nisi quod post Pacem Veruinianam accidit. & de quo satis est dictum *sup. l. 3. c. 2.* & Vindex agnoscit *c. 24. 25.* fœdera cum Batavis, Suecisque, subsidiaque iam olim, & nuper missa

col-

collaudans, Italiae dein Germaniaeque Principes citat Vindex, aliosque foederatos opem implorantes; etiam Praesulem Treuirenses; sed de his omnibus Ratiocinatori Regio abunde respondimus l. 3. c. 8. 9. 10. et rambem illam recoxit Vindex, nec aliud piper dedit, eoque plus satis ei factum sit, dicere hic libet id tantum non iustam esse opem foederatis latam, si eorum causa sit iniqua: iniusta esse subsidia, quae crimini praestantur. Treuiros etiam nondum captos fuisse, cum Franci bellum ex pacto cum Batauis susceperant, Belgium diuiserant, hostilia exercuerant, Praesulem liberè ac dignè habitum fuisse; Treuiros tam Imperatori summo iure, quam Duci Luxemburgi, qui nunc idem Rex Hispan. iure Protectionis per stratagema hosti eripere, atque asserere in libertatem quomodocumque licuisse. *ut diximus satis etiam lib. 3. c. 13. 14. 15. 16. 17. 18. 19.* quomodo autem non Hispani sed Franci in Belgio quietem hospitari prohibuerint, & mox à Pace Veruiniana Batauos potentius iuuerint, diximus *sup. l. 3. c. 2.* in Germania autem quis nescit Palatinum aliena inuadendo omnia turbasse? quod Imperator sua defenderit, Hisp. Rex sociis armis iuuerit, ideone Æoli tempestates illas mouisse dici possunt? ad hoc incendium accessere conspirantes undique alij turbines, quibus depellendis, socijs defendendis Hisp. Rex arma sua commodauit; nihil ipse primis illis in bellis capitauit. Gentium exinde arbitrum Vindex Regem suum facit: vbi Paulus 1. *Corinth. 5. quid mihi de ijs, qui foris sunt, iudicare?* quid ad Regem, quod non ad ipsius Regnum pertinet? quid si Hispani suum Regem Gentium arbitrum dixerint, an non æquo iure? quid si Germani Imperatorem? an non leges illum mundi Dominum vocant? an non Ecclesia Catholica Deum rogat, ut illi subditas faciat omnes barbaras nationes? & vero si ad belli iustitiam sufficiat pro socijs illud suscipi, vbinam extra ditiones suas bella gesserunt Hispani, nisi pro Imperatore, Regibus,

ibus, Principibus, populisve fœderatis?

Post hæc confarcinat Vindex in bellum communem sociorum vtilitatem, & naturæ suffragium, quæ partium proportionem excedi vetat: an fuit ullus tyrannus, regniue inuasor, Turca, aut Scythia, qui in bello vtilitatem suam, suorumque non spectarit? iustumne ergo quodcumque bellum gesserit? porro natura sibi partium moderationem sumpsit, non ipsis partibus iudicium tribuit. Vnde infelix seditio partium aduersus ventrem apud Æsopum. sic enim ergo Deus, aut natura præ altero felices nuptias, plurium hæreditates, regna ac principatus detulit, qua lege permisit Deus aut natura, ut huic a se tributa accretio ferro minuatur? *diximus in Iudice l. 4. c. 7. & super l. 3. c. 7.*

Hispana, inquit, potentia in emineas, & alijs Imperijs timendum perducta est fastigium, vtrique felieibus matrimonijs, & hæreditatibus iure delatis, at hunc metum pro belli causa nullo iure admissum demonstrauimus. *ibidem Mali*, inquit, *semina antequam adolescant, & in perniciem vertantur, stirpis elidenda sunt.* At malum meditari hanc potentiam pridem negatum est sua defendere Deus & natura permisit, cum dedit, certum ac in præcinctu esse malum oportere, tamquam percussuri eleuatam manum, antequam præoccupare liceat, satis *diximus l. 3. c. 7. & seqq.* nec ullam quibuscumque Regibus esse periculosiorem doctrinam, quam si admittant metum impendentis mali sufficere ad rebellionem, vel arma extranea mouenda, aut in caput ipsorum principum attentandum. *sup. l. 3. c. 9.* quod si Franci hæc tam credant quam prætexunt, cur magnitudinem infidi Turcæ non potius metuunt, quam fœderibus colunt? cur eo ad commune incendium non proclamant? quid si fabula de ipsis narretur, non putent esse quod sibi alij metuant, quod Regem suum Arbitrum nunc Gentium faciunt, quod adeo nuperis sæculis increuerit occupata omni per Gallias Anglorum vetusta hære-

hereditate, Normannia, Aquitania, Pictavia, Burgundia, Andegavia, Guienna, deinde Prouincia, Meti, Verduno, Tullo, Britannia, Lotharingia, Alsatia, alijsque, quæ in Germania, Italiaque ex nuperis bellis derentat: præter eos quos Franci ambiunt blandimentis, vt alios armis, vt Leodienses procantur per tot nunc annos, per tantas turbationes, atque miriades anteorum, sub specie oblatae protectionis, quam vertere dein possint in dominatum: sed sapiunt illi exemplo Metensium, Tullensium, Verdunensium docti. quod præter verisimilitudinem argumenti de præterito ad futurum, Cassanus alijque ambitione immensa totam Europam scriptis libris suam facere conentur, & cum huiusmodi præludijs integras etiam prouincias vidimus occupari.

Contendit igitur Vindex Iure Hispanis bellum à Rege Christianissimo indictum pro sociorum libertate, pro capitis salute, pro Imperij incolumitate: idoneas has esse honestasque belli suscipiendi causas, pias, iustas, necessarias, quippe fortitudinem quæ vel bello tueretur patriam, vel defendit infirmos plenam iustitiæ esse, eumque qui non repellit iniuriam à socio tam esse in vitio, quam illum qui facit. *D. Ambros. de off. c. 56.* bella iusta esse, quæ vlciscuntur iniurias, aut quæ iniquitas aduersæ partis ingerit. *D. Augustinus de Ciuit. Dei* bellum actum esse vlticis illius iustitiæ, cuius causa Reges gladium portant: Perbelle, sed audin' vndique vlticem iustitiam, iniurias, iniquitatem? aduersus hæc sui sociorumque iustam esse defensionem? quid si ergo socij non iniuriam passi sint sed fecerint, quid si iniquitas illorum bellum ingesserit? quid si Dominum ipsi aggressi fuerint, thronum eius inuasert, feuda occuparint, clientelam, fidelitatem, homagiumve ipsi præstare recusarint? quid si obaudire, Imperij scita, pacemque publicam seruare noluerint, Remp. turbarint, Ecclesias Orthodoxas prostrauerint, in bona inuolarint, clerum eiecerint, edicta, pacta, conuenta contempserint, manifestè rebellarint,

hostilia fecerint? inter damnatas ab eodem Augustino belli causas *c. quid culpatur 23. q. 1.* refertur feritas rebellandi. porro hæc, quæ mox diximus, ad rebellionem pertinent, & quidquid contra honorem Principis, fidelitatemq; cōmittitur, atque Imperij prosperitatem. *Tit. Constit. Fred. qui sint rebelles.* & verò qui conferet cum his Origines bellorum nuperis annis in Europa ortorum, in omnibus inueniet feritatem rebellandi: quamuis alio passim schemate palliatam. proh! quam peperam atque præposterè hanc iniuriæ licentiam, feritatemque rebellandi, sociorum libertatem Vindex nuncupauit? qua porro fide aut fine dum *c. 1. ad fin.* citat verba D. Augustini omisit feritatem rebellandi? an ne suo ipse pugione foderetur? conscius veræ causæ. huic ergo rebellandi feritati socia arma præstare, cum sit crimini, non iustitiæ opem ferre, quam iniustæ fraudi speciem iustis imposuit.

Securitas porro Capitis, certitudinem quam diximus, imminentis periculi respicit non quacumque imaginaria apprehensione contēta est, vt diximus, alioquin prebandi erunt Turcarū mores, qui ad Imperium prouecti omnes mox fratres interficiunt, ne quid habeant, quod ab ipsis metuant. Regni incolumitas eandem instantis periculi exigit certitudinem. alioquin omnes vicini Principes tollendi erunt. ne qui obesse, ne qui nocere possint: etiam impares. nam & consilio tam bella geruntur non tantum, quam viribus: sed & sine bello industria valet. A cane non magno sæpe tenetur aper. atqui à Pace Veruiniana nihil Hispani aduersus Gallos machinati sunt, donec coacti defenderunt se magis quam moliti sunt quidpiam. vt in fecialibus edictis dicitur, & prosecuti sumus *l. 2. c. 11. l. 3. c. 6.* iisdemque edictis & id à Serenissimo Cardinali Infante declaratum est, propositum ei Regive non esse, vt vindicandis iniurijs (proh quantis tota Germania vastata) Belgica concussa!) bellum gereretur, sed iniuriam faciendi licentia, adi-

adimeretur illis, qui iuxta Regem proximi incendium
quaqua versus protulerunt.

Quod si ergo hæ causæ veræ non sint, audiat Vindex
Tacitum l. 20. *libertas*, inquit, & *speciosa nomina præ-*
texuntur: nec quispiam alienum seruitutem, & domina-
tionem sibi concupivit, ut non eadem ista vocabula u-
surparet.

Indignatur deinde Vindex Armacano, quod à gladio
cinctis Victoriæ rationem exposcat, stricto ferro legem
dari velit, cum de belli causis meritis constat, *iura ipsa*
peccatis, inquit, *consentiunt, & solvuntur legibus crimi-*
na. Itane vero? sed apud homines exleges, diuina, hu-
mana, naturæ gentiumque iura ridentes. nam vt sacro-
rum codicum mentionem non faciamus viris gladio cin-
ctis, scripti non sunt in Pandectis & Codice tituli de re
Militari, & omnino multi qui sequuntur in Codice pæn-
ad fin. l. 12. ferè ex iure gentibus usurpato. *tesigimus qua-*
dam in Notitia iuris Belgici tit. de Re Militari, & tit. de
Re Militar. milit. an vero nec recipit illud Deut. 16.
quod iustum est, iuste persequeris? vt non causa tantum
iusti belli exigatur, sed & iuste geri illud sit necessum.
eoque nomine multis modis peccati demonstraui-
mus in Iudice l. 4. c. 8. 9. 10. 11. 15. 16. 17. 18. 19. An non ei vide-
tur parcendum supplicibus, innoxijs, pueris, fœminis,
agricolis, inermibus, peregrinis? quibus tamen iura par-
cunt. c. 2. X. de treug. ex conc. Oecumenico. Lateranen-
Gentil. lib. 2. de iur. belli ad fin. nihil temperandum circa
captorum interfectionem, vastationem, res captas, ip-
sos captos, aliaque? ubi temperat etiam Grotius l. 3.
de iur. belli c. 11. & seqq. Quis, inquit, *Ducum ferocien-*
tibus militum animis moderabitur? an non fuere Du-
ces, qui à sacris, templis, ministris, stupris, & cum iam
secura est victoria, à cæde etiam abstinendum edixe-
runt? non obtemperare semper milites, fateor, non
semper quibus disciplina militaris ignota est, sed non
obiurgauit Armacanus tantum milites, sed magis ipsos
P 6 Ducēs,

Duces, Principesve qui iusserunt, aut cum possent impedire, noluerunt.

At in bello iusto infantes fontibus permixti iuste perimuntur: ita quidem si sine periculo victoriæ secerni nequeant: sin autem possint, sceleratissimum est parricidium.

Haud nocens est, inquit, *quicumque non sponte nocens est*, qui in ipsis fœderum sanctionibus stipulatione plusquam Aquiliana canit ne quid detrimenti caperet Religio. Prius illud pronunciatum satisne videtur orthodoxum? eo siquidem vel Pontium absolueris a cæde Christi. quippe quam non sponte, sed inuitus à Iudæis coactus fecit, at nullum crimen metus tollit, ne quidem in virum constantissimum cadens: sed sola cui resisti nequit vis maior, seu maius malum. *Bayman Theo. Mor. l. i. c. 2. c. 6. num 4. post plures quos citat.* stipulatio porro à stipulis dicitur, verborumque obligatio est. an vero stipulæ & verba Francis sufficere possint & dici nolint à nostris eiusmodi pactionem dicis causa fœderibus insertam esse? si enim rem præstari velint, cur ex stipulatu non agunt? cur etiam cum Breda postremo occupata est, Ecclesias omnes ab hæreticis occupari, clerum! eijci, hæresim inferri contra pacta huiusmodi, si non tantum verba sint, patiuntur? cur subsidia non subtrahunt? cur vires & pecuniam augent iniquissimo debitori amplius iteram, iterumque, atque perpetuo credunt consultissimi cautissimique Aquilij?

Transeamus ad fœdera, eorum argumento probabitur, testibus illorum tabulis confirmabitur verior quæ fuerit accusatio. Rite concepta sua esse à Christianissimo Rege contendit Vindex c. 19. Aperiantur tabulæ, & primum fœdus, cui vel in speciem seruandæ religioni inserta fuerit aliqua cautio, deprehenderetur esse illud cum Batavis, quod initum est 8. Martij 1635. priora ergo illa defensione deserviuntur. Cum Vindex præscripsit d. c. 19. rite concepta fœdera, apprehendebam formam, cautio.

tionemve pro orthodoxa Religione, parem potiore-
 que Aquiliana stipulatione, quam c. 1. adeo tractaue-
 rat : sed, dum textum perlegi, deprehendi eo tendere, vt
 vtilia defendendis inuicem regionibus prædicet, & per-
 missa iure naturæ, veteris atque nouæ legis. vtilia an
 semper sint omnibus; non est huius dissertationis : sed
 illud demum, quæcumque vtilitatem, quæ abducit à
 Christi charitate, præscindendam esse: vt manum, pedem,
 oculum. *Matth. c. 18.* Innoxia etiam fœdera, per quæ
 consistere tuto magis liceat sub aut iuxta infideles, cum
 iisdem commercari, non reijcimus, nec armorum illa,
 per quæ Ecclesiæ Dei, iustæque causæ nihil proueniat in-
 commodi. *vt diximus in Iudice l. 4. c. 11. & sup. l. 3. c. 3.*
 Post huiusmodi thema de infidelibus indignatur Arma-
 cano, quod criminis esse censeat socia cum hæreticis
 conferre consilia, certis legibus mutua promittere au-
 xilia : quod cum id Rex tutelæ atque securitatis causa
 fecerit, iura fidesque valent. sanè infidelium amicitiam
 communionemque non admodum probari à Christo
 ex ijs *apud Matth. c. 18,* comparatiuis verbis constat, quæ
 de fratre correpto, Ecclesiæ denunciato, nec illi obe-
 dienti fecit, *si Ecclesiam, inquit, non audierit sit tibi sicut
 ethnicus & publicanus.* hæreticorum communionem
 omnino prohibet Ioannes *ep. 2. si quis, inquit, venit ad
 vos, & hanc doctrinam non adfert, nolite recipere eum in
 domum, nec aue ei dixeritis: qui enim dicit ei aue: com-
 municat operibus eius malignis.* Ecclesia Christi in Conc.
 Magno Lateranensi. c. *excommunicamus & moneantur
 X. de hæret.* spiritu sancto dictante non permisit matra
 paciscendo cum hæreticis auxilia: sed sub censuris & pri-
 uatione Dominij iussit Dominos temporales è suis di-
 tionibus exterminare hæreticos bona fide, pro viribus:
 exterminationi obstaculum, aut impediensum oppo-
 ni vetuit. plures alij sunt sacri Ecclesiæ Canones alibi ci-
 tati; & Bulla Cœnæ, & tamen audet Vindex dicere non
 esse legem sub Euangelio, quæ fœdera mutuorum auxi-

liorum cum hæreticis veter. si Ecclesiam non audierit, non videbitur esse deploratæ valetudinis? De fœdere Francisci I. quod cum Turcis inierit, constaret si tabulæ producerentur; agnoscit Vindex c. 23. communem famam esse auxilia Turcica stipularum esse; & ma Solimanicæ in Europam provocasse; ita enim omnes historiæ Annalesque testantur. nec huiusmodi Orbis iudicium euertere literæ Francisci I. de seipso aliter testantis, scriptæ ad Germaniæ Principes, aliosque ad declinandam, quam contraxerat, apud eos inuidiam. nec irascatur Vindex si Regum literæ, & Legati plenam vndique fidem non obtineant. nec ars illa iam arcana est, libris etiam scriptis vulgata est: vt potissimum Legati officium censeatur, aliud dicere, aliud sentire; aliter verba concinnari; aliter rem se habere. De hodiernis legationibus testatur *Legatus chimericus* quam mille vnus Protheus induat figuras. tabulas quidem illorum temporum Mercurij Bisantini satis vulgarunt: sed vacillet illorum fides: vt nec mihi constat de fide tabularum fœderis Henrici II. cum Turca, quarum mentio est *sup. l. 3. c. II.* quas Vindex omnino non tangit, sanè effectus ad causam graue argumentum videtur, dum omnes historiæ consentiunt Nicæam communibus Turcæ Francique viribus oppugnatam esse. breuiter rem enarrat Haræus in Belgij *vniuersi Principis sub Carolo V. ad annum 1543.* etiam aliter quam ipse Vindex. quare visum est illius verba adscribere, nec contentus, inquit, *Rex Franciscus tam diuersis locis eodem tempore tum hoc tum superiori anno Casarem bello lacecessisse, insuper à Solymanno Turcarum tyranno per Legatum Polynum iustam classem, qua duce Hariadeno Barbarossa Casarem quoque oppugnaret, impetrauit, vtque huius anni vere educeretur effecit: habebat Barbarossa centum quinquaginta ætuarias diuersi generis naues; præteruictusque Messana fretum Rhægium cum arce occupat, incenditque, ciuibus in seruitutem abductis. hinc Ostiam Tiberinam præternauigans, ac He-*
struria

sturia Liguriæque oram lambens, in Massilia portum classem infert, exspectans cui loco Rex Franciscus vim inferri velit, tandem Nicaeam Prouincia ciuitatem Sabando parentem expugnare iubetur, admonet Barbarossa classem, exponit militem, producit tormenta, mittit & suam classem Rex Franciscus, qua viginti duarum erat triremium, octodecim onerariarum, uehens octo millia peditum, cum ingenti comæatus copia. huic classi præerat Franciscus Borbonius Anghiani Dominus, viginti annorum adolescens, pedagogum habens Verginium Vrsinum. Nicaeam bis frustra à Turcis ac Francis oppugnatam, ante tertiam oppugnationem, civibus libertatem ac fortunas incolumes promittens Anghianus in deditionem accepit, præsidiarijs cum Præfecto in arcem concedentibus. quam cum aliquamdiu frustra oppugnassent, aduentu Vastij, qui cum iustis copijs in itinere erat, Turca Francique territi, reductis ad naues tormentis, impedimentisque, direpta incensaque contra datam fidem Nicaeam, ciuiumque parte in seruitutem abstracta, cum classe, re infecta discessere. Anghiano Massiliam, Barbarossa in portum oppidi Tollonij, consentiente Rege, ibi hiemare contendente, unde paulo post viginti quinque triremes ad Hispania oram euasandam emisit. Hi, inquam, effectus alijque id genus, qui indubitati sunt; & solem testem habent, orbemque vniuersum, dubitare, me non permittunt quin Franciscus I. amplius, quam commerciorum libertatem, pactus sit.

Transit Vindex ad fœdus cum Hollandis, neque iam ritu prisco illud negat: sed Henricum IV. subsidijs in re angusta ei missis obligatam fuisse ad mutuas vices, ne gratus animus, & beneficium, duæ res sanctissimæ, corrumpantur, pares vices reddita pridem erant, beneficio accepto etiam maiores. & vt non forent, gratus animus, & beneficium porriguntur ad aras tantum, ad subsidia non obligant in bellum iniustum. Denique, quod caput rei est, Henricus IV. fœdere Veruiniano
spo-

spopondit se aduersus illud nihil vñquam facturum, renunciauit fœderibus, ligis, intelligentijs contrarijs: ideoque semper ille negare subsidia à se mitti solitus erat, & pecuniam secretis cambijs traiicere. exinde succenset Vindex Armacano hodierna fœdera accusanti, cum Rex Christianissimus veterem amicitiam maiorum suorum dexteris firmatam, & fidem seruet. sed cur Batauis? quorum fœderi per Verninianam pacem renuntiatum erat, & non Regi Catholico cui firmiter addicta cum diris imprecationibus? Demus parem adhuc esse fidei vtrisque promissæ causam, cur potius causæ rebellium?

At ipse Rex rebellionem non fouit, aut vt libertatem armis vindicarent Batauis consilium dedit: esto. num rebellio in sui ortus principio desijt crimen esse: vt post paulo licita fiant subsidia? At crudelitas Albani Batauos in arma præcipitauit: an ergo credit Vindex, si quem in Francia Rex prouinciæ præsidem statuerit, fastu, truculentia, concussionibus insignem, vt non semel accidit, iustè subditos in Regem arma sumere? id hic vt probat, domi improbat, velim meminisset Vindex eorum quæ dixerat c. 14. à Christianissimis gesta aduersus hæreticos, tot conculcatas impiorum ceruices, tot cominutos cerastras, tot hæreticorum turmas, tum armis, tum edictis concisas, tot prælia commissa, tot cœsa hominum millia, hæreticorum perfidiam vbique vindicibus armis actam, subactam, obrutam, iactatam, Galliam denique plures ab hostibus orthodoxæ fidei triumphos numerare, quam Reges: cur paria meditati, lentiori sanè dextera, quam mox laudarat, Albano succenset? si infelicior ad finem fuit dextera, non tamen iniustior, & Gallia quidem tunc pluries auxilia ab Albano recepit, si non & dederit: causam Albani tunc probauit. vt & Pius V. Sanctus ille maximique iudicij Pontifex: qui strenuè pugnanti gladium deauratum, galerumque pretiosum, solemni ritu consecratum, defensæ fidei insignia, misit. sed mirum non est Vindicem cum

cum Albano non conuenire, qui ab Ecclesiæ iudicio
 dissentit, dum sacram Inquisitionem tot sacris illius
 Canonibus, tot œcumenicis Concilijs probatam, dam-
 nat: *quia fictiones, inquit, inducit & fides suadenda est,*
inquit, non imperanda, oratione quidem, non ferro: do-
cendo non iubendo: monendo non minando. & vero cur
 & ante Albani aduentum rebellatum est, eoque reuocato
 omni que extero milite, neque sub Requescentio, homine
 natura suauissimo, neque sub Ioanæ Austriaco, Regis
 fratre, ad genium Belgicum facto, ad mentem rediere?
 cur Pacificationem Gandauensem, quam & Austriacus
 probarat, & cæteræ prouinciæ seruarunt, promissamque
 per legatos suos fidem contempserunt? quando & aspe-
 ritas poenarum aduersus hæreticos mitigata, rigorque
 remissus erat: vt in Gallia laudat *d. c. 14.* & patriorum
 priuilegiorum facta erat instauratio, adiectaque præte-
 ritorum amnestia. vt merito Henricus III. vt gloriatur
 Vindex, Batauos auxilia postulantes, honorificis quam-
 uis conditionibus, reiecerit: imprudenter eius frater
 Alenzonius infelicitèrque acceptarit, illarumque mox
 pettus, & liberum Imperium ferro occupare conatus,
 ferro eiectus sit. Addit Vindex Henricum IV. non alia
 de causa voluisse Batauos demereri, quam vt belli peri-
 cula à suis arceret: at hoc discedit à fide Veruinianæ pa-
 cis, & causis, quas Vindex initio proposuerat. Pergit ad
 Ludouicum XIII. quem dicit cum illis, non vt rebelli-
 bus, sed tamquam liberis societatem & amicitiam, non
 tam redintegrasse, quam continuasse: cur enim pro
 perduellibus haberet, quos alij Principes pro liberis ag-
 noscunt, quibuscum ipsi Hispani paciscuntur tamquam
 cum liberis, & in quos nullum ius prætendant? indigna-
 turque illam vocolam *tamquam* dici similitudinis esse,
 non veritatis. Quod ad alios Principes attinet Maximilianus
 Cæsar conatus est tumultus Belgicos sedare, sed
 nec ipsi tunc libertatem illam postulabant, nec conditio-
 nes quas ipse proposuit acceptare voluerunt, Mathias
 causæ

causæ nonnihil fauit fraudulenter propositæ, dum nomine regio omnia adhuc tractabantur, doloque in Belgium euocatus, cum iniquam deprehendit, deseruit. Quod alij Principes Legatos Batauorum admittant, quid è re mutat, si ipsi causam illam nolint agitare, aut auxilia fortè aliquando opportuna inde sperent? Hispanos autem & tabulas induciarum quod attinet, satis diximus in Iudice l. 4. c. 21. num. 6. & sup. l. 3. c. 5. nec est quod Vindex fraudes in oculis quæri dicat, quod ex innatiua sua naturalique significatione accipiantur. Tamquam, inquit Spiegel. *in lexico pro quasi similitudinis magis est quam veritatis. vide quæ de hac dictione notantur in l. si pater. §. qui duos de adopt. & in Auth. omnes obediant iudicibus. §. qui vero. Idem in lexico. quasi propriè, inquit, significat improprietatem. Glossa in lege si cum dotem §. fin. solut. matr. & quasi tale non esse tale l. mercis 11. de verb. sig. l. si maritus §. leges Iulia de adult. interdum tamen & similitudinem notat, ac etiam interdum veritatem, & proprietatem vide Gloss. in l. si quis cum à fidei commissario de condit. indeb. eadem dici possunt de voce quasi, vti, veluti, sicut, sicuti, &c. Post hæc Vindex inuertit verba tabularum, & vt arcano mentis sensu voluerint scribere Archiduces, se non scrutari, scripisse tamen: Dominij ius nullum in fœderatas prouincias prætere, easque tamquam liberas agnoscere? at erroneum id est; sed his verbis scripserunt: *traictier avec eulx (les estats) comme libres, & sur lesquels ils ne pretendent rien*; quare illa coniuncta & *sur lesquels ils ne pretendent rien*, simul reguntur à vocola tamquam; id est tamquam cum liberis, & tamquam in quos nihil præteendant. Porro leges iubent voces accipi in innatiua significatione, nisi quid aliter cogat l. non aliter 69. de legat. 3. quale nihil hic allegat Vindex. cauillus est ergo quæri de iure. & porro *intelligentia dictorum assumenda est ex causis dicendi c. 6. X. de verb. sig.* causa porro huius declarationis est, vt ansa malignandi auferretur, qua quidem*

dem negant Principum cum subditis contractus esse ratos, ut obligatio civilis contrahi nequit inter dominum & seruum. *ut diximus d. c. 21.* sed neque arcanus hic est intellectus, sed cum ipsi Bataui dispositiuam declarationem seu concessionem libertatis postularent, & Rex negaret, interruptus est tractatus induciarum; Legati discesserunt Haga: Orationem habuit Legatus Janninus, ut à certamine vocum abstinere, eoque rursus conuentum est Antuerpiæ: ibique tandem induciæ pactæ sub ea vocula *tamquam*, sensuque illius genuino. ut & *docuimus d. c. 21.* hæc ipsa in Bapdij, Harzi, aliorum historias abierant, & adhuc Vindex hæc dici velit secreta, sensusque arcanos.

Batavis non ut hæreticis, inquit Vindex, & à fidei dogmate abhorrentibus, sed ut amicis & vicinis & confederatis auxilia submittimus, sed de hoc egimus in Iudicio l. 4. c. 11. & c. 4. & sup. l. 3. c. 3. absit, ut quis imaginetur à Francis fauorem tribui hæreticis quâ hæreticis: quippe qui fauet & defendit hæreticos, quâ tales, hæreticis est damnabilior c. qui aliorum 24. q. 3. nec ille fauor multorum Canonum damnatione opus habebat, sed plures lati sunt, ut indistinctè, bonaque fide, atque pro viribus non tantum fauor abesset, sed principes vetarentur eos pati in suis ditionibus consistere c. adolendam §. Statuimus X. de hæret. sed & exterminare tenerentur c. excommunicamus §. moneantur X. eodem. atque hoc vocat Lucius III. in d. c. ad abolendam adiuuare Ecclesiam. eodemque sensu œcumenicum concilium in d. §. moneantur, id præstandum iniungit Principibus, comparatiuè sicut, inquit, reputari cupiunt & haberi fideles. qui hæc conueniunt, cum amicitia Vindicis cum hæreticis? Illi Canones non distinguunt hæreticos exterminandos dumtaxat qua tales, retinendos qua amicos, & confederatos. velim sane Vindex speculetur, qui stare possit cum physica exterminatione huiusmodi distinctio. sanè in huiusmodi subtilitate legum Romanarum disciplina cen-

cessit cognato latronis receptatori qua cognato minuendam poenam non auferendam, l. 2. D. de Receptor. in hoc, inquit, *Christiana reip. salus agitur*. id si verum; errasse verum est oecumenicum concilium in materia seruandæ fidei, & morum. In hoc, inquit, *publici status queritur incolumitas*: diximus paulo ante potius stabiliri rebellandi feritatem.

Nec vllus est, inquit, *adeo rerum ignarus, qui nesciat bellum Hollandicum ex sola violatione protritæ libertatis exarsisse, de qua si conuenissent Hispani, nullam religionis curam erant habituri*. Iam etiam mox respondimus omnia per Pacificationem Gandauensem fuisse composita. priuilegia instaurata, licubi per ignorantiam præfectorum forent læsa, mansisse tamen Batavis feritatem rebellandi, Hispaniarum autem Regi semper zelum orthodoxæ Religionis curandæ. qua de re si vel Stradam hominem Italum legeret Vindex, centum locis luculenta testimonia inueniret, lubet vnum adscribere ex l. 4. interea, inquit, *Belgij Gubernatrix ad stabilendam religionem, cuius inclinatio multis locis audiebatur, animum ac vires intendit*. Nam Rex eam imprimis curam per Armenterium imperauerat, aliisque subinde, atque alijs literis idem urgebat. Et sanè non id à Philippo in speciem curari ostendebant littera (qua apud me supra centenas) eiusdem manu, aut arbitrijs notis exarata à d. Margaretam.

Se' neque foedera, inquit Vindex, *qua nobis sunt cum Hollandis, rei Christiana quidquam obstiterunt*. Itane Vindici non officere videtur, quod Francis auxilijs tot captæ sint ciuitates, vnde Catholica Religio, & clerus sit eiectus, hæresis inuicta?

At impetrauit Henricus IV. ut in pagis Hollandica ditionis in Brabantia nihil fieret, quo minus Dei cultus non interrupta religionis auctoritate permaneret: Id ita simpliciter non est verum. sed dum iudiciæ pangerentur Episcopus Antuerpiensis Præsidi Iannino Legato Francis,

ciæ, nisi id saltem fieret, exprobrauit, secularia tantum esse curata, causam Dei esse desertam. vt id fortuito tantum fuerit impetrarum. vnde nec vlla in tabulis induciarum illius mentio.

Addit Vindex multos in Hollandia degere Catholicos: satius autem esse hæreticis prodesse propter Catholicos, quam Catholicis deesse propter hæreticos: verum quid auxilia Gallica Catholicis Batauis profuerunt? vt violentiori iugo hæreticorum premerentur domi, & foris alias vrbes expugnari viderent, in eandemque redigi hæreseos seruitutem?

Arguit ad extremum Vindex, à regibus Hispaniæ quandoque oblata hæreticis subsidia. eius rei si fides fieret, si tabulæ producerentur, cautiones insertæ, circumstantiæue innoxiae responsum fortè adferrent, non designat autem Vindex vrbeculam, aut pagum vnum, vnde incognitis huiusmodi auxilijs profligata sit Catholica Religio, aut hæresis inducta, neque porro bella in Gallijs nuper gesta initio, medio, aut fine religionis fuisse, vt Belgica. quippe d. c. 14. tradidit Vindex iam pridem in Gallijs omissam religionis quæstionem. vt etiam expugnatio Rupellensis pluries declarata fuerit non religionis causa, sed politicæ subiectionis, & secundum edicta pacificatoria fuisse suscepta, vt quamuis fides, vt diximus, fieret huiusmodi auxiliorum; hæreticis oblata fuissent, non quæ hæreticis, sed quæ vicinis illa postulantibus: quod Vindici toties alibi sufficit: sed & quod nos exegimus, eo loco, & tempore, quo iam seruari nequeant, ob infectam multitudinem, & præualidum iam malum, sacri canones, hæreticorum exterminium pro viribus tantum exigentes: atque etiam in Gallijs edicta & fides hæreticis data quæstionem religionis excluderint, quam fidem seruandam, & vires expetendas etiam diximus in Iudice l. 4. c. 11. num. 2. *§* sup. l. 3. c. 22. denique edictum feciale Ferdinandi Cardinalis Infantis rectè ait, post tot foederum inractione,

mirandum non fore, si aliquando ea moderatio seruata non fuisset, quæ non offensis principibus expectari posset: *qua dere egimus sup. l. 3. c. 12.*

Fœdus Germano-Franco-Succicum. Vindex defendit ex Germanorum Francorumque germanitate, tam vetusta quam sunt Cassani tituli, quos à Carolo Magno, & veteribus Franconibus deducit, quasi fraterno quodam iure auxilia ab eis peti, præstarique debeant, & verum quidem est olim Germanos transito Rheno, Mosaque proxima Galliarum occupasse, iam ante Iulium Cæsarem, & per annos circiter quadringentos Francos cum Romanis luctatos: tandè his pulsus Imperium etiam Galliarum obtinuisse. sed immixtos multitudini deuictorum longè abiuisse ab ánimo, genio, atque idiomate Germanorum. &, vt id negligamus, fraternitatem iam deuenisse ad gradum millesimum: de iure consanguinitatem gradu decimo terminari, ac denique, si consanguinitas æstimanda est, præualere proximam. vt Abraham vernaculos suos armavit pro filio fratris sui Loth, ideoque Galliarum Regem duplici affinitate iunctum Regi Hispaniarum (dum illæ huius, hic illius sororem habet uxorem) huic subsidia, non eius hostibus, millesimo germanitates gradu remotis, præstare debere, aut si rectè ille, *amicus Socrates, amicus Plato, ac magis amica veritas*: hic dicendum, bellantes amici, ac magis belli iustitia.

Alteram allegat causam Vindex, quod sæpe aliàs aliqui Principes Imperij rebelles, à Regibus Galliæ postularunt, impetraruntque auxilia: ita nunc Germanici quidam Reguli petierunt: honorarii arbitri personam Rex induit, Ducem Engolismensem conciliandæ paci in Germaniam destinauit, Palatinum monuit, & pax Vlmæ iam pænè exaluerat, eandemque discussit Comes Ognatensis: ne eam Cæsar curæ Regis Christianissimi deberet: *quid ergo, inquit, peccauit, si postquam Hispanorum astus spem omnem pacis eliserunt, federatis principibus*

capibus, quibus etiam Veruiniensi pace consultum est, sub-
uenierit, atque pecunia Suecos inuerit? Itane vero quod
indignissimas iniquissimasque quasdam conditiones
acceptare noller Cæsar, Hispaniarum Legatus dissuade-
ret, ideone arbitrer transire ad partem alteram iure po-
tuit? non perduellem tantum, sed & aliena sceptrâ inua-
dentem, iam enim tunc causa tantum agebatur Palati-
ni, armis Bohemiam inuadentis, quam Rex iam ante
damnauerat, illumq; monuerat, ne fortunæ spectaculum
se præberet: *cum nemo, inquit Vindex, nisi ad casum alienum*
conscenderet fastigia, sic denique affectati Regni ambitum
auerfatus est, ut Regio eum titulo cohonestare numquam
voluerit, & hisce ne ambitiosis etiam Pace Veruiniana
consultum credit Vindex? his auxilia præstanda, ideo
quod Cæsar indignissimas iniquissimasque, iterum di-
co, conditiones quasdam noluerit admittere, cum in
Gallia Cassanus Reges auxisse, maximè Rem Regiam
glorietur, ex rebellium pœnis. *ut diximus supra l. 3. c. 7.*
cum hic Cæsar non tantum compendia fiscalia non
affectaret, sed tantum Imperij dignitatem tuendam
censeret. At hæc Palatini negotia suo Marte processer-
rant, & iam quasi confecta erant, quando Comitiorum
Mulhusiorum quærelis compulsus Imp. edictum pro-
mulgavit 6. Mart. 1629. ut sola in Imperio religio Ca-
tholica, & Confessio Augustana iuxta tractatum Passa-
uiensem publicè exerceretur, exclusis alijs sectis, atque
dogmatibus: deinde ut beneficia quæcumque & bona,
quæ tempore eiusdem tractatus Catholici possidebant,
unde post iniustè exturbati essent, restituerentur: tum
porro illi, quorum alter sanguis hic erat factus, qui pri-
dem harum opum succo vixerant, qui in his spolijs rem
suam fundauerant, conspirare & turbare omnia cepe-
runt: incautos etiam alios in fœdus trahere aduersus
Cæsarem, specie libertatis offensæ per factum Legati
Cæsaris, qui quamuis exinde exauctoratus fuerit, causæ-
que aliæ a Cæsare sublata, adeo ut Bavarus a fœdere re-
celle-

cesserit: persistere tamen alij protestantes Principes, atque Suecus, foederatisque vt conuentum erat Franci subuenerunt, milite, pecuniaque Suecum iuuant. Manet ergo bellum istud ex edicto motum, vt contendit Armacanus l. 2. c. 12. religionis fuisse dum illam cum clero, & bonis restitutum cupit Cæsar in pristinum statum, & loca, vbi fuerat tempore tractatus Passauiensis aduersantur Principes quidam protestantes, iuuant Franci, atque Sueci. Et quid ni liceat dicere non facturos fuisse Francos, si, vt Imperator, ita Rex Christianissimus quosdam ministros exauctorasset: quos arguit edictum feciale Ferdinandi Cardinalis Infantis, quod sup. l. 3. commentati sumus. quos depingit Matthæus Morgues Dominus de Sancto Germano grandi volumine, *De diuerses piéces pour la defensé de la Roynne Mere.*

Neque vero aduersus edictum faciunt literæ; quas citat Vindex: quasi excerptas ex Cancellaria Hispanica, quarum verba sint; *armorum nostrorum finis non est propagatio religionis, stat cuique sua religio inuiolata; &c.* quippe ipse titulus interceptarum non genuinæ fidei eas esse arguit, sed partum supposititium. deinde, si earum fides constaret, inspicienda tempora forent, & quis loquatur, quæ auctoritate, quam fidem mereatur aduersus edictum cæsareum. denique tamen genuinæ essent, ac post edictum scriptæ, iisdemque quæ citat verbis; tamen commodum ex edicto sensum reciperent, vtrique arma suscepta non esse, vt sola in Imperio Religio Catholica exerceretur, sed ita vt compatiatur Confessionem Augustanam: quæ toleranda sit per tractatum Passauiensem: non vero is sensus admittendus est, quo permittenda sit quæuis in Imperio hæresis, atque secta, Arianismus, Mahometismus, Paganismus, Atheismus, & iusta omnium ratio est, quod Imperator ex iuramento, *de quo in Clement. Rom. de iureiur.* religionem orthodoxam defendere teneatur: cæteras profligare, bona fide,

fide, & secundum vires, ab ea porro dispositione generali per tractatum Passauiensem sola sit excepta Confessio Augustana: cæteræ nullius edicti, aut tractatus beneficium habeant, quo aduersus Cæsareum iuramentum, Canones, & leges se tueantur: adeoque omnis locutio restringenda sit ad materiam capacem. & porro quam gloriose Ludouicus Iustus Rupellas expugnauit, Religionem Catholicam, clerum, & bona ibidem restituit, post tot lustrorum tenebras, neque tamen libertatem Gallicam, quam ipsum nomen spirare ait Vindex, neque tot edicta Galliæ pacificatoria offendit; & cur idem Cæsari in Imperio agenti mutatis nominibus circa rem eandem violentia ac iniustitia obiectatur? cur oppressa libertas dicitur? cur Gallicis armis iuari debet? & si Rupellenses adiuti fuissent, potuissetne Gallis satisfieri allegatione libertatis offensæ, atque iuuandæ?

Addit denique Vindex in fœdere Monacensi electoratus Palatini spem factam fuisse Bauaro, etiam antequam Fredericus Elector Bohemiam ingressus esset. huius rei fides sit penes Vindicem: sed demus rem ita se habere, putatne Vindex expectandum Cæsari fuisse ne quid meditaretur, ne quid moliretur, donec Palatinus Bohemiam esset ingressus, donec metropolim arcemque regni occupasset? Iam sciebat pridem rebelles Bohemos sceptrum obtulisse non Duci Saxonie tantum, atque Bauariæ, sed & Gabori Transilvaniæ, ab illorumque fidelitate, huius modestia fuisse reiectos: aspernatos illos fuisse aliena, quæ per iniuriam offerebantur: accessisse exinde Palatinum, ab eius ambitione Regnum acceptatum, vires vndique contractas, ad illud occupandum: & immaturum adhuc credat Vindex si Imperator defensionem meditetur? fideles Imperij principes interpellat? spe etiam præmiorum inuirit? qui toties Gallos laudat tot vndique fœdera contrahentes, quo destineatur Cæsar, & Hispaniarum Rex; ne quam Galliæ vim inferre possint: quam læsa imaginatiua speculatur.

Q

Transit

Transit denique Vindex ad thesim vniuersalem, vt cum infidelibus licitum sit fœdus percutere, Scriptorum testimonijs, & veteribus exemplis, & c. 28. Hispanorum & Austriacorum, nostræ etiam ætatis affirmat: sed semper Vindex omittit, quod testes semper inculcant, vt fœdera sint innoxia: ne quod per illa damnum capiat religio, aut Respublica, sub qua cautione & nos illa recipienda credimus *in Iudice l. 4. c. 10, & sup. l. 3. c. 3*: Idque Austriaci Hispanique curare solent re ipsa, non tantum verborum stipulis. quod minus id faciant Franci queruntur omnes.

Veram enim sedulamque Hispanis Religionis curam esse, quam nullam contendit Vindex *cap. 19*. res vtroque terrarum orbe, atque omnibus seculis gestæ euincunt. de quibus differere, malignitatemque obiectorum *d. c. 29*. refutare longum nimis, atque alienum esset ab hoc instituto: abiretque in prolixas historias, quare neque vacat dicere de vrbiū excidijs, militum insolentia, *de quibus c. 26*. vbi etiam à seculo obsoleta Vindex congerit, etiam Romæ expugnationem à Burbonio factam, iniussu Cæsaris: qui illam non tantum improbauit, sed & pulla veste sinceroque animo diu luxit. Thenæ autem nostræ non tantum militum insolentiam, sed & Ducum imperium, quoad incendia templorum, aliasque crudelitates desseat. & vero neque recriminationes, quamuis veræ forent, iustum Francis fœdus facerent, quod iustitia innocentiaque non tueretur. eademque quam mox dixi ratio dissertare non permittit de afflictione Ecclesiæ, quam semper indirectè passa sit, & sæpius ab ijs, qui in Gallia præfuerunt; vt *l. 2. cap. 23*. ait Armacanus, negat Vindex *cap. 30*. facit; vt abundum non sit in vtriusque historias, dum præsens controuersia est tantum, an quod nunc geritur bellum, pro Religione geratur? & cum sole clarius sit damnum quod capit Religio, an damnum facientibus liceat auxiliari? & porro si quis alicubi næuus appareret, Proculi nobis

nobis suffragium nunciaret, non tam spectandum esse, quid Romæ alias factum sit, quam quid fieri debeat.
l. 12. D. de off. Præsidi.

Quoniam porro nemo dubitat, quin Rex Christianissimus animo sit alieno ab omni Ecclesiæ iniuria, & tamen illa fiat per ea fœdera quæ complectitur, consequenter per Francica auxilia Ecclesiæ lædi dicitur. quoniam qui causam amplectitur videtur in causa effectum semper, aut plerumque simul sequi natum, complecti. nam, ut philosophi dicunt, quidquid est causa causæ, est etiam causa causati: qui causa est fœderum, causa est etiam omnium eorum, quæ ex fœderibus causantur. Indirectam huiusmodi voluntatem excusat Vindex *cap. 31. Armacanus l. 2. c. 13. 14. 15. 16.* latissimè arguit, nec cum eo satis confert pedem Vindex, aut dignum aliquid satis reponit: eique rei immorari alienum est à nostro instituto. satis esse vult Vindex quo iustum sit bellum rectæ voluntatis conscientia illud suscipi, non cupiditate aut crudelitate, sed pacis studio geri, ut mali coërceantur, & boni subleuentur, ex sententia D. Augustini. & hoc posito quod voluntas sit bona, nullum belli euentum eam posse efficere malam: cum bonitas voluntatis ex solo pendeat obiecto, ex doctrina D. Thomæ: si quid in bello gerendo præter votum acciderit, non voluntatis crimen esse, sed necessitatis: cuius amarissimæ sint leges. At vero quod hic est bellicum fœdus contrahentium obiectum? qui mali coërcentur, qui boni subleuantur? an non fœdera, ut contrahuntur, bella, ut ex fœdere geruntur? scio quædam accidere præter votum in bellis etiam iustissimè susceptis, & diligentissimè curatis, ne vel Religio aut Respublica capiat detrimentum: sed fœdera quæ apertè malum promittunt, quæ voluntate bona iniri, aut seruari possunt? aut desit oportet voluntas promissa explendi, aut, si adsit, iniqua sit: perinde atque id ipsum quod promittitur, quid fœdere Germa-

no-Franco-Suecico promissum fuit? verba sunt; fœdus iniri pro defensione omnium amicorum, qui oppressi sunt, pro securitate commercij maritimi, & vt restituantur in status suos omnes Principes atque Ordines Imperij, quemadmodum ante bellum Germanicum fuerant, &c. denique vt omnia restituantur in eundem locum quem ante tumultus Germanicos habuerunt. at *vt diximus*, edicto anni 1629. multæ Ecclesiæ, clerus, & bona religioni Catholicæ fuere restituta; iam ante Palatinus aliena sceptrâ ambiens iure repulsus, alijque rebellionis socij: si id iure factum est, si edictum *an.* 1629. iustum est; bellum contra susceptum iniustum est, iniustè fœdera aduersus illud promittunt auxilia, vt iure restitutæ Ecclesiæ, Clerus, & bona iterum hæresi tradantur, hæretici in iniquam Ecclesiarum bonorumque possessionem restituantur, rebelles aduersus iustam Domini vindicationem foueantur, stabilianturque. iustum esse edictum 1629. suo suffragio probauit Rex, cum apud Rupellenses aliosque in regno suo idem ipse, *vt diximus*, gloriosissimè fecerit. quid enim si Regi magnæ Britanniæ prurirent manus ad bella, & fœdera, & protectionis causam Rupellensium resumeret, ad fœdus inuitaret omnes suæ religionis, aliosque Principes, & Respub. quo omnia per Galliam restituerentur in eum statum, quo fuerunt tempore mortis Henrici IV. quidquid exinde per tumultus Gallicos esset inuersum reponeretur in locum pristinum, an non iniqua hæc in Gallia viderentur? quid ni in Germania? Porro Gallo-Batauica fœdera quod attinet; priora quidem bello ex causa rebellionis ad depellendum Dominum & Fidem suscepto auxilia promittebant: exinde 8. Mart. 1635. ea lex fœderi scripta fuit, vt iunctis viribus Belgicæ ditiones Regi Catholico parentes, omnique iure debitæ, *vt docuimus* l. i. c. ult. occuparentur; occupatæ diuiderentur inter Regem Christianissimum & Batauos; iuxta líneas per
pro-

provincias in tabulis fœderis ductas : cum id infeliciter cessit; vt diuisis exercitibus quisque quantum posset occuparet; an ea voluntas ex hoc obiecto pratico bona Vindici videtur, atque innocens? nihil hic cupiditatis, nihil aliorum, quæ damnat Augustinus iisdem verbis, quæ ipse Vindex citat? studio pacis hæc fœdera iniri, bella geri? quod requirit Augustinus. & quod itidem exigit Augustinus, vt mali coërceantur; an Catholici, Hispani, Austriaci? boni subleuentur; an hæretici, rebellesque?

Ad extremum resumit Vindex quod Armacanus l. 2. c. 16. amplè soluerat, nec aduersus solutionem reponit etiam quidpiam, *nec ex Theologorum sententia*, inquit, *ea tenemur omittere quæ nobis communique bono non minimum profunt, ob damnum quod per accidens alijs infertur.* sed obiectio huiusmodi reuoluitur ad suum principium: vtique damnum hoc non esse per accidens, nec raro sequi, imo non tantum plerumque: sed ipsas fœderum, quas mox diximus, conditiones per se iniquas esse, quæ disertè exprimuntur, & in quæ auxilia spondentur: per se iniustas esse, & damnum Religionis expresse continere. non satis esse quod vtilia socijs videantur fœdera, si religioni & reipublicæ Christianæ sint noxia. porro theorema procedere nequit in illicitis per se: in licitis etiam suas habet restrictiones. de quibus nihil hic opus est verba facere.

Nunc quod ad milites attinet, Armacanus l. 2. cap. 11. docuit in perniciem animarum suarum illos mitti in bellum huiusmodi, neque regum doctorumque conscientia tuto acquiescere posse: quod iniquitas horum bellorum nimium sit perspicuæ veritatis. quando oportet Deo magis obedire, quam hominibus, cui non obest, sed imo adstipulatur sententia quam Vindex citat ex Augustino: *vir iustus*, inquit, *si forè sub Rege etiam sacrilego militet, rectè potest*

illo iubente bellare , si quod illi iubetur ; vel non esse contra Dei præceptum certum est, vel, utrum sit , certum non est : ita ut fortasse reum faciat. Regem iniquitas imperandi, innocentem autem militem ostendat ordo seruiendi. viden' Augustinum, damnare bellantem, cum certum est bellum, quod iubetur , contra Dei præceptum esse? quod hic certum esse docet Armacanus, excusat tantum Augustinus, cum certum non est, propter ordinem seruiendi. adeoque etiam in Iudice docuimus l. 4. c. 9. miles ut iuste bellet, necessarium esse, ut bellum iustum sit, aut iustum esse inculpatè credat, si principi suo militet : sin extero ; notoria sit. belli iustitia, quippe nec tum ordo seruiendi, nec præsumptio, quam de principe suo, qui bellum decreuit, habere potest, in extero locum habet : & arcanorum ignoratio ; quæ in principe suo scrutari non licet, non itidem obtinet in extero : cui antequam quis spontaneam operam addicat, inquirere debet an actio, in quam addicit, iusta sit. Et quidem loquitur Augustinus eo tempore, quo delectus militem inuitum, & ordo seruitutis in militiam trahebat : quæ ratio etiam hodie excusat vasallos atque clientes sacramento obstrictos : sed qui voluntariæ militiæ nomen dederint, stipendiariæque, quæ hodie frequentatur maximè ; excusationem Augustini non habet ab ordine seruiendi. tamen si defensio patriæ minus anxia sit, quam offensio ditionis alienæ, ut omittamus præsumptionem minorem semper cedere maiori : adeoque eam, quam habere quis potest de belli Regis sui iustitia, cedere huic ; religionem Catholicam, & clerum, ex deuictis locis eliminari, hæresim introduci contra præceptum Dei esse : quod ut cessare, aut dubium reddi possit, gigantæa opus sit causa, quæ montes Atlantesque in cælum iaciat ; quibus cælestium notitia obscuretur : non vero sufficiunt athomi istiusmodi Pigmæorum, quibus lux illa

illa diuina, quam natura in cordibus nostris accendit, obumbretur, & conscientiarum remorsus omnimodo tranquilletur.

Quanto securius sine regiæ aut militaris conscientiæ discrimine hæc arma, verterentur in gentes, quæ Deum non nouerunt, & in regna quæ nomen eius non inuocarunt! quanto, vt diximus, maiori præmio his Sedes Constantini, & Imperium peteretur! quanto gloriosius S. Ludouici, aliorumque piorum Principum in Oriente vestigia legerentur! Hæc meditabitur Rex Christianissimus, & molietur aliquando, vt spero, Deo dante: eodemque conatus prosperante, accinetur; *Benedictio Domini super caput IVSTI.*

F. I. N. I. S.



INDEX

INDEX RERVM

MEMORABILIVM.

A.



<i>Ctiones regales an sint aterna.</i>	76
<i>Albanus Dux.</i>	352
<i>Alienari an pari regni possit per pacem.</i>	172
<i>Alienatio Artesia <u>inconsultis</u> ordinibus mil-</i>	
<i>torum bellorum causa.</i>	121
<i>Alenfonius Antuerpia tyrannidem exercere conatur.</i>	149
<i>Allodium seu allodialis hereditas qua.</i>	173
<i>Ambitionis malum quomodo curandum.</i>	328. & seq.
<i>Amicitia quā violetur.</i>	227, 230.
<i>Antinomia Cassani.</i>	12, 13. & seq
<i>In bello quasitis. 13. Successione. 16. Testamento. 18.</i>	
<i>In dotem datione. 21. Adoptione. 22. Donatione. 24.</i>	
<i>Emptione. 24. Cessione. 26. Transactione, pace, fœ-</i>	
<i>dere. 28. Prescriptione. 30. Alienatione. 31. Inue-</i>	
<i>stitura. 32. Miscellanea. 37.</i>	
<i>Antonius Burgundus Dux Brabantia.</i>	90.
<i>Antonius nothus Lusitania.</i>	256
<i>Antuerpiensis collegij Canoniorum origo.</i>	339
<i>Antuerpiensis Marca S. Imperij.</i>	131, 134, 135
<i>Appellatores qui in Flandria <u>cœpta</u>.</i>	109.
<i>Appennagium Francia an Burgundia.</i>	157
<i>Aquisgranum Sedes Imperij.</i>	50
<i>Aquitani an ritè corona Francia competat.</i>	160
<i>Arma sine Caesaris permissu in Imperio mouere <u>nō</u> licet.</i>	275
<i>Arma iniussu regio capientes rei <u>maiestatis</u>. 313.</i>	
<i>Privile-</i>	
<i>gijs excidunt.</i>	313
<i>Armorum societas sine nutu Principis crimen. 310. rectè</i>	
<i>ab ea disceditur.</i>	ibid.
<i>Arnulphus Imp. Nortmannos apud Louanium cecidit.</i>	337
<i>Arnulphus Rex Germania Imperator.</i>	58
<i>Alphonfus Picenum Sedi Romana restituit.</i>	250
<i>Ar-</i>	

Index rerum memorabilium.

<i>Arroyus & Cassanus quanti belluones.</i>	49
<i>Asdrubal Carthaginensis praeclarum responsum.</i>	230
<i>Arthesia in comitatum erecta.</i>	128
<i>in eo foemina successerunt.</i>	ibid.
<i>Arthesia, 119. Comitatus origo à Comite Flandria.</i>	ibid.
<i>an regno Francia unita.</i>	ibid.
<i>Asterij nullitates Pacis Pragensis refutantur.</i>	305. 308
<i>Atrebatum urbs villa Franca appellata.</i>	114
<i>Augustus consulatum inuasit.</i>	4
<i>Aurelianensis & Burgundia Ducum ex metu iniusta ca-</i>	
<i>des.</i>	265
<i>Aurelianensis Ducis filie ad Navarraum regnum ius.</i>	73
<i>Austriaci an rectè tot ex serie Imperatores.</i>	267
<i>Austriaci nihil possident bello partum ab annis 100. eoque</i>	
<i>amplius.</i>	258
<i>Austriaci ditionum quas obtinent iusti possessores.</i>	255. &
<i>seq.</i>	
<i>Austriaci an Monarchiam orbis ambiant.</i>	254
<i>Austriaci Principes Religionis causa bella gesserunt & ge-</i>	
<i>runt.</i>	296
<i>Austriacorum iustitia.</i>	322
<i>Auxilia non amicis sed causa praestanda.</i>	358
<i>Auxilijs Franci rem suam fecerunt.</i>	261. 276. 322

B.

B *Alduinus Ferreus Flandria donatus à Carolo Caluo.*
102

<i>Balduinus Ierosolymorum Rex.</i>	338
<i>Bataui quomodo Cassani argumento possent pratendere</i>	
<i>regnum Gallie.</i>	54
<i>Batavia.</i>	128
<i>Bataui rebelles suo Principi.</i>	245
<i>Batavis Libertas an per V. tamquā in inducijs data sit</i>	353
<i>Belge unionem noluerunt, & cum unione Regem.</i>	78
<i>de Belgicis prouincijs.</i>	85
<i>Belgium iuste Philippus IV. possidet.</i>	86

Q 5

Bella

Index rerum

Bella meditatores caufarum prae textus quafi iuftas vulgare folent.	4
Bella pro facijs eſſe non ſatis eſt.	343. 345
Belli cauſa ad exteros non ſpectat.	304
Belli à rigore qui excuſandi.	347
Belli cauſa inter Imper. & Franc.	248. & ſeqq. 112
Belli ultimi cauſa ex edicto. 1629. aſſumpta. 359. quomodo illud religionis ſit. 360. ſaluâ Auguſtina confessione. & cur. 360. quomodo mature à Caſare geſtum.	361
Belli contra Regem Gallia cauſa.	222
Belli & pacis arbitrium maieltatis nota.	170
Bello capta cuius ſiant.	196
Bello Hiſpanos ab annis 100. nihil quaſiuiſſe.	258
Bellum iuſtum ut ſit, requiſita.	193. & ſeqq.
Bellum iuſtum etiam iuſte gerendum.	347
Belli iuſta cauſa perturbatio reip.	243. 246
Belli iuſta cauſa pax rupta. 230. & compreſſio haretico- rum. 233. & ſeqq. 243	
Bello iniuſto ut milites nequeant illaſa conſcientia mili- tare.	366
de Bello quaſitis.	13
in Bello ut Eccleſia ſe interponat.	196. 216. 122
Bellum Batanicum religionis.	240. 245
Bellum pro Religione ab Hiſpanis geritur.	258. 240
Bellum quomodo à Romanis indici ſolitum.	290. indu- ciaque ad deliberandum dari.
Bellum Suecicum religionis.	240. 245
Belli iniuſti auxilia iniuſta.	241. 244
ad Bellum tardi Hiſpani.	196. & ſeqq.
Bellorum Car. V. cum Franc. I. cauſa iuſta.	139. & ſeqq.
Bellum utrimque iuſtum.	195
Beneficiorum pluralitas non excuſatur per poſſeſſionem.	61
Berengarij oppreſſores Eccleſia.	60
Berengarius Dux Foro-Julienſis Imperator.	57
Bertholdi Mechlinia Domini.	138
Blanca S. Ludowici Mater comitiſſa Namurci.	130
Bo-	

Memorabilium.

<i>Bohemi Imperatori Rebelles.</i>	313
<i>Bona Ecclesiastica omittunt Principes, cum vires non per-</i> <i>mittunt amplius.</i>	308
<i>Brabantia. 86. illius primi Principes.</i>	89
<i>Brabantia Bratuspantium, veteres termini, &c. 136. & seq.</i>	
<i>Brabantia sui Iuris.</i>	93
<i>Brabantia Dux tenetur nomen, insignia, & sigillum parti-</i> <i>culare in Brabantia habere.</i>	78
<i>Brabantia Ducatus an ad coronam Francicam spectet?</i>	91
<i>Bratuspantium pagus quousque se extenderit.</i>	137
<i>Femine in Brabantia succedunt.</i>	92
<i>Brennus Gallorum Dux. 5. ab eius ense Franci sibi adscri-</i> <i>bunt Italiam.</i>	13
<i>Bragantini Ducis ad Lusitania regnum pratenso.</i>	256
<i>Britannia minor.</i>	199
<i>Britannia minor cui competat.</i>	168
<i>Britannia regnū ex unione Anglia, Hibernia & Scotia.</i>	65
<i>S. Brunonis conuersio.</i>	61
<i>Bruxella.</i>	133
<i>Brunsvicensis ad Luxemburgi Ducatum ius.</i>	27
<i>Burgundia Ducatus.</i>	191
<i>Burgundia Ducatus Corona Francica aliquando unitus,</i> <i>dissolutus est.</i>	65. 70
<i>pro Burgundia Ducatu oblata Franc. I.</i>	258
<i>Burgundia Comitatus. 149. sui iuris.</i>	150
<i>Burgundia & Aurelianensis Ducum ex metu iniusta ce-</i> <i>des.</i>	265
<i>Burgundia Ducatus. 151. concessio. 152. diploma dona-</i> <i>tionis Ducatus Burgundia. 152. successionis feminina</i> <i>Duc. Burgund. 152. & seqq.</i>	
<i>Bullonium castrum pro bello sacro venditum.</i>	339

C.

C <i>Ameracensis comitatus.</i>	136
<i>Cameracum. 148. iuris Imperialis.</i>	ibid.
<i>Castellania hereditaria Philippi II. data.</i>	149
	Ca

Index rerum

Capetus Regni Comitibus donationes in perpetuum concessit

55

Carcer an fœdera irritare possit. 186

Cardinalis Ginecius Legatus à latere pro uniuersali pace

Coloniâ missus. 324

Carolus Audax an reus maiestatis Regi Francia. 115

Carolus Andegauensis rex Sicilia. 77

Carolus Magnus. 7

Carolus Magnus beneficio Pontificis Imperium accepit.

59

Caroli Magni iura omnia an Regibus Francia compe-
tant. 49

Carolomannus. 7

Carolus Martellus notus. 7

Caroli Gelri an Testamentum validum. 100

Carolus VIII. Francia rex Imperator Constantinopolita-
nus ab Alexandro VI. renunciatur. 332. & seqq.

Carolus VIII. ab Alexandro VI. PP. Imperator Constans-
tinopolitanus. 14

Carolus IV. Septemuiros iure Electionis donat. 62

Caroli V. pios aduersus Turcam conatus Franciscus I.
impedit. 331

Caroli V. in alieno non appetendo temperantia. 260.
& seq.

Caroli V. Bella cum Francisco I. iusta. 199

Caroli V. ius ad Geldria Ducatum. 100

Caroli V. in bellis iusta intentio. 255

Carolus V. Imp. dictum. Suum cuique. 104

Carolo V. qualiter Groninga cesserit. 147

Carolus V. ab Henrico Bauaro Ultraiectum obtinet. 144

Cassanus & Arroyus quanti belluones. 49

Cassani antinomia. 12. & seqq.

Cassanus manducus Europæus. 3. eius ars ad terricula-
menta composita. 3. 5. 6. eius hiatus. 47. 49. quod
propius propositum. 4. ius unde Franci pratendant ad
regna Catalonia. 14

Ca.

Memorabilium

<i>Castella Arragonia.</i>	14
<i>Catharina Medicae ad Lusitania regnum pratenſio.</i>	256
<i>Catharina Medicae pratenſio ad regnum Luſitania.</i>	63
<i>Catena D. Petri.</i>	60
<i>Charitatis effectus.</i>	327. & ſeq.
<i>Circulus Burgundicus.</i>	150
<i>Clemens VII. obſeſſus.</i>	188
<i>Clemens VII. confirmat ceſſionem ditionis Vltraieſtinae factam per Henricum Bauarum Carolo V.</i>	143
<i>Clerici bello immixti amittunt priuilegium.</i>	286
<i>Clodouaus in Gothos armatus.</i>	335
<i>Clodouaus an unctus unctione regia.</i>	168
<i>Clodouaus à S. Remigio baptizatus.</i>	78
<i>Coactio aut metus quis excuſet.</i>	348
<i>Comitatus in Brabantia IV.</i>	136
<i>Concilium conſcientiae in Hiſp.</i>	194
<i>Confederatio Episcopi Herbipolenſis, Bambergeniſis, & ciuitatis Norica aduerſus Albertum Brandeburgeniſem iuſta.</i>	275
<i>Conſiſcatio an nota ſouueranitatſis.</i>	114
<i>Colonia Agrippina comitia pro pace uniuerſali indicta.</i>	314
<i>Cosmus Mediceus Senatum Florentinum coegit ut illum Ducem perpetuum crearent.</i>	4
<i>Constantini conuerſio.</i>	78
<i>Constantinopolitanum Imperium manduco propoſitum.</i>	332
<i>Constantinus Rom. Imp. hereditarium facere conatus eſt.</i>	9
<i>Conſuetudine regni Francia an Reges per pacis ſœdera limites poſſint imminuere.</i>	210
<i>Conſuetudo in regnorum delatione.</i>	9
<i>Coradinus Sicilia Rex.</i>	77
<i>Corona Imperij.</i>	50
<i>ex Crimine laſa maiestatis bona rei ipſo iure conſiſcantur.</i>	61
<i>Curia Pariſum Francia quæ?</i>	107

Index rerum

D.

- D**idericus Comes Hollandia. 118
 Dionysij Lusitania Regis legitimatio. 236
 de Diffidijs domesticis Aurelianensibus, Anglicis, & Lo-
 tharingicis. 270
 Divisio inter Lot. Imp. & Car. Calvum saepius relata l. i. c.
 ult. specialiter. 87. 92. 93. 136. & seq. 141. 142. 144
 Dominatus insignis pars alienari an possit inconsultis or-
 dinibus. 120
 Dominum ut mutare non liceat. 92
 Dominicalia praescriptionibus subiecta. 82
 Dominus superior an ius habeat praesidium in urbem im-
 mittendi. 284
 Droit d'aubaine. 54
 Duacum. 121. & seq. Flandria restitutum. 123
 De Ecclesia perturbatione per Francos. 239

E.

- E**cclēsia Reges debent defensionem. 239. 243
 Ecclesia vetansur in alterius protectionem transire. 278
 Eduardi Regis Anglia ad Francia regnum praetensio unde?
 108. & seq.
 Eduardo Angl. Regi praelatus Phil. Valesius in regno Fran-
 corum iure consuetudinario. 8
 Egmunda. 139
 de Epistola Germani Illustris. 321
 Electoribus & Principibus Germanis an licitum sit foede-
 ra contrahere. 273
 Electoratus translatus ex delicto. 314
 Electori Treuirensi non licuit se in alterius protectionem
 dedere. 278
 Elector Treuirensis an in Belgio indignè habitus. 285. an à
 Francia Rege suscipi in protectionem potuerit. 287
 Elector Treuirensis an sit Souveranus. 279
 En-

Memorabiliū.

Eudoxia catenam D. Petri Romam detulit.

60

Euangelica denunciatio.

156. 196. 216

F.

Fauor Francorum hareticis impensus. 231

Fautores hareticorum qui. 233

Ferdinandus Rex Neapolitanus. 314

Ferdinandi Hisp. Infantis Card. Manifestum contra Regem Francie. 222

Ferdinandi Card. Infantis Declaratio belli contra Francos. 248. 222

Feciales iudices. 194

Fecialem legatumque se alleganti incumbit probatio. 292

Fecialis an mitti poterit, & quis missus pro bello indicendo. 288

Fœdera contrahentes debent esse in sua potestate. 273

Fœderibus veteres addere soliti diras imprecationes. 223. per Diuos. 229

Fœderum ius soli Principi supremo competit. 173

Fœdera an consuetudo regibus permittat. 208. an Francis. 210

de Fœderum obseruantia. 162

Fœdera priora. 117

Fœdera & amicitia vetustior nouis præferenda. 287

Fœdera & contractus publici arcanus praualent. 123

Fœdera an ad successores transeant. 203. etiam inuitos. 204

Fœdera vetera inter Car. Burg. & Lud. XI. ab hoc infracta. 117

Fœdera si aliter non seruat, alter soluitur. 271

Fœdera nemo contrahere potest aduersus remp. 281

Fœdera utilia esse non satis est. 344. 349.

Fœdera cum infidelibus que licita. 362

Fœdera cum hareticis ubi religionis questio non exercetur. 357

Fœdera cum hareticis non quàm talibus. 355

Fœdera Gallica an rite concepta. 348

Index rerum

An licita cum infidelibus. 349. cum hereticis. ibid. 353.
355. cum Batauis. 351. & seqq.

Fœdera Francica ut Ecclesia noxia, - adeoque illicita quod
illorum obiectum cum Suecis & pacta cum Batauis. 364

Fœdus Franc. I. cum Solimanno. 349. Henrici II. ibid.

Fœderibus pacis Hispano-Gallicis an possit obiici aliqua in-
iustitia. 192

Fœdus Henr. II. cum Turca. 269

Fœdera an vis metus carcer irritare possint. 186. & seq.

Fœdera omnes obligant sine distinctione excellentia. 167

Fœdera à Francis sapius rupta recensentur. 200

Fœdera cum hereticis qualia licita. 236. 357. 238

Fœderum ad obseruantiam præsertim iuratorum cogit.
Papa. 167

Fidei vinculum qui frangit, viam alteri sternit. 271

Fidelitas vassallo personaliter præstanda. 263

Fiscus non retractat quæ semel vendidit. 61. ab eodem non
apprehensa quadriennio præscribuntur. 61

Flandria Balduino F. concessa. 53

Flandria. 101. homagium inuestitura. 105. nota summa
potestatis Comitum Flandria. 101

Flandria vetera iura. ibid. & seq.

Flandria an Salicis legibus subiecta. 105

Nota maiestatis in Comitatu Flãdria. 101. 105. 106. & seq.
de Comitatu Flandria iudicium an ad regem Francia spe-
ctauit. 107

Flandri in quantum resortum Parlamenti Paris. reco-
gnouerint. 110

Flandri veteres comites an souerani. 102

Formosus PP. consecrat Imperatorem Arnulphum Ger-
mania Regem. 58

Forestarij Flandria unde dicti. 102

Francia rex an in Germania seruauit fidem Catholicam.
318

Regibus Francia an omnia Caroli M. iura competant. 49

Francia corona instar ignis omnia sibi coniuncta in suam
naturam transformat. 68

Memorabilium:

<i>Francia damnis illatis ad satisfactionem impar.</i>	250
<i>Franci primi ex Transsalaria prodire.</i>	146
<i>Francis non reges sed Duces initio præsuerunt.</i>	46
<i>quare fœmina eis non imperauerint.</i>	ibid.
<i>Franci cur perpetuo Hispanis belli causa.</i>	342
<i>Iidem non Austriaci nunc belli causa.</i>	343
<i>Francia Rex an gentium arbiter, annon aequè Rex Hiss.</i>	
<i>Et magis Imperator. 343. an ille personam arbitri rectè gesserit. 359.</i>	
<i>Francici Principes unde factum quod non retinuerint prerogativas, ut Itali Et Germani.</i>	281
<i>Francici scriptores omnes gentes legibus salicis volunt obligari.</i>	11
<i>Francorum fraudulenta legationes.</i>	294
<i>Francorum quedam facta detestanda.</i>	286
<i>Francorum Regum præclara gesta.</i>	335
<i>Francorum Reges pactis prædecessorum cur non teneri vult Cassanus.</i>	47
<i>Francos inter Et Anglos causa veteris belli.</i>	166. 109
<i>Franci variarum ditionum Et urbium iniusti possessores.</i>	261
<i>Franci ferendis auxiliis rem suam fecerunt.</i>	261. 276. 322. 342
<i>Franci faciles ad bellum.</i>	197
<i>Francorum Regum socordia in tuenda Ecclesia.</i>	60
<i>Franci regni consuetudine an Reges sine Ordinibus fœdera faciant. 210. exempla.</i>	213
<i>Regum Francorum Maiestas quoad Flandros unde?</i>	103.
<i>& seqq.</i>	
<i>Fœmina Francis cur non imperarunt.</i>	46
<i>Franci cum Turcis qualia fœdera inierint.</i>	269
<i>Francorum cum Batavis, Et Suecis fœdera.</i>	218
<i>Franci an rectè pacem generalem cum omnibus fœderatis proponant.</i>	298
<i>Francia regis privilegium quoad extraneos. Meruit. in comm. de privilegiis alijs regibus commune.</i>	247
<i>Francia Procerum ut depressa potestas,</i>	103
<i>Francica protectio quam periculosa.</i>	276
<i>Fran-</i>	

Index rerum

<i>Franciscus I. pacta non servavit.</i>	<u>189.</u> & seq.
<i>cedit Carolo V. Regnum Neapolitanum.</i>	190.
<i>Francisci I. oblata pro Burgundia Ducatu.</i>	<u>260.</u>
<i>Frederici Neapolitani cum Ludouico XII. pacta.</i>	188.
<i>Fredericus Imp. vetuit fenda grandiora diuidi.</i>	51.
<i>Fredericus III. Imp. Orientalis Frisia comitatum conce-</i> <i>dit Valrico.</i>	<u>142.</u>
<i>Fredericus Imp. quare Imperio priuatus.</i>	246.
<i>Frisia. <u>141.</u> cuius olim iuris.</i>	142.

G.

G <i>Aleacii Mediolani Duces.</i>	238.
<i>Gallia Germanis potius competit, quam Francis, ex</i> <i>argumento Cassani.</i>	50.
<i>Gallicum bellum bonum publicum nuncupatum.</i>	<u>4.56</u>
<i>Gallorum in bello virtus ac defectus.</i>	231.
<i>Gandensis Pacificatio.</i>	353.
<i>Gelria Ducatus. 98. <u>qui spectatis ad Carolum V. 99.</u></i> <i>Egmondani Gelria Duces.</i>	<u>98.</u>
<i>Gelria Franc. <u>renunciat.</u></i>	101.
<i>Philippus Austriacus Maximiliano Imp. de Gelria <u>G</u></i> <i>Zutphania prestat homagium.</i>	<u>99.</u>
<i>Geneua hareticorum nutrix.</i>	<u>294.</u>
<i>Genueses à Francorum protectione recesserunt;</i>	<u>277.</u>
<i>Germani beneficio Pontificum Imperium habent.</i>	<u>59.</u>
<i>Germania deplorabilis status.</i>	<u>242.</u>
<i>Godefridus Dux, & Marchio Lotharingia.</i>	<u>133.</u>
<i>Godefridus Barbatus quare ita dictus.</i>	<u>133.</u>
<i>Godefridi Bullonij praeclara gesta.</i>	<u>338.</u>
<i><u>Gothilo Magnus.</u></i>	<u>135.</u>
<i>Grimberganorum bellum cum Brabantis.</i>	<u>136. 138.</u>
<i>Groninga. <u>147.</u> iuris Imp.</i>	ibid.
<i>Guidus Dampierus Comes Namurci.</i>	130.
<i>Guilielmi Cabilonensis, Principatus Aurasionensis renun-</i> <i>ciatio.</i>	<u>188.</u>

Memorabilium.

H.

H æreditaria regna qua dicantur.	206
Hereditas quid.	47
Hæreticorum fautores qui. 233. excommunicati.	232
Hæresis impedimentum Regum.	299
Hæreticos tenentur eijcere Principes.	233
cum eis contracta fœdera.	236
Hannonia. 124. ad Flandria familiam translata. 126.	
an feudum. 126. an Masculina successionis. 127. sui iuris. 126	
Hannoniam Capetus redhibere nequiuit.	125
Hannoniensis comitatus.	136
Hasbanium.	137
Hassia Lantgrauj ex Brabantia Ducibus.	93
Hiatus Cassani.	2.3.49
Himbercurtius à Gandensibus gladio damnatus.	113
Hispani à Francis indictum gerunt bellum.	303
Hispani & Austriaci an monarchiam orbis ambiant.	
254. 342	
Hispani bello partum nil possident. ab annis amplius 100.	
258. 342.	
Hispani Regis ad Luxemburgum ius.	97
Hispani tardi ad bellum.	196
Hispania Regi ut Salica terra Domino ut regni Francici membra deferenda ex regulis Cassani.	65
Hispanorum protectio quam fidelis.	277
Hispania Regis cum Franco controuersia de precedentia non definita.	73
Hispanorum cum Francis bellum unde.	240
Hispanorum nomen Francis iniquum.	11
Hispanorum regum merita erga Ecclesiam.	169
Hispanos sincere pacem & fœdera offerre, & seruare.	293.
Catholicis sincere fauere. ibid. an itidem Franci.	293
Bella vero zelo aduersus hæreticos gerere.	296. 356. 362
Homagium personaliter præstandum.	263
ad Homagij præstationem per procuratorem Carol. VIII.	
Sfor.	

Index rerum

<i>Sfortia filium pro Ducatu Genuensi reiecit.</i>	263
<i>Hollandia. 127. sui iuris. 128. olim Imperij.</i>	128
<i>Hofles qui censeantur.</i>	229
<i>Hugenetus à Gandensibus gladio damnatus.</i>	113

I.

I <i>Ephre cum Rege Ammon controuersia.</i>	83
<i>Illustris Germani Epistola refutata.</i>	321. & seq.
<i>Imperator an Lotharingi causam deferere potuit.</i>	320
<i>Imperatoriam dignitatem quantum deprimere Franci con- nentur.</i>	282
<i>Imperator Imperij caput.</i>	283
<i>Imperatoris cum Francis belli causa.</i>	248. & seq.
<i>Imperialia iura an ad Ludouicum XIII. pertinere possint.</i>	
56	
<i>Imperij Romani occasus regnorum Europaorum exordiū.</i>	6
<i>Imperij Sedes Aquisgrani.</i>	50
<i>Imperium cur in Germanos transferri potuerit.</i>	40
<i>Imperij translationis causa.</i>	59
<i>Imperium beneficio Pontificum à Germanis habetur.</i>	59
<i>Imperium à populo per Augustum extortum.</i>	4
<i>Imperium in Carolum Magnum quomodo translatum.</i>	56
<i>Imperium Romanum quomodo translatum.</i>	57
<i>Adrianus III. PP. statuit ut Pontifex absque presentia Regis consecrari possit.</i>	57
<i>Idem statuit ut Imperium Principibus Italia traderetur.</i>	
57	
<i>Septemviri Electores Imperij.</i>	62
<i>Imp. Romanum per electionem. 9. illud hereditarium co- nati facere aliqui sunt.</i>	ibid.
<i>de Imperio in domo Austriaca aternando.</i>	267
<i>Innocentij III. Decretalis c. nouit. X. de iudicijs de pacis infractioe reparanda.</i>	162
<i>Innocentius IV. Fredericum Imp. destituit.</i>	246
<i>Indignissima in Gallia commissa.</i>	287
<i>In-</i>	

Memorabilium.

<i>Insula. 121. & seq. perperam cessa. 122. 123. Flandria re-</i>	
<i>uincta.</i>	123
<i>Inuestitura.</i>	10
<i>Inuestituram sanguinis propinquitat non impedit.</i>	258
<i>S. Io. Baptista elogium.</i>	11
<i>Ioannes Fredericus Saxonia Dux electoratu priuatus.</i>	314
<i>Io. Rex donat Philippo Ducatum Burgundia.</i>	151
<i>Ioannis Franc. Regis fides in pactis.</i>	189
<i>Iuramenta quatenus seruanda.</i>	193
<i>Iuramentum Imperatoris.</i>	59, 138
<i>Iuramentum de non alienando an Regibus iusta necessita-</i>	
<i>tis causa coactis refragetur.</i>	183
<i>Iuramentum ad iuris sensum explicandum est.</i>	184
<i>Judices feciales.</i>	194
<i>Juditha cum Balduino matrimonium.</i>	211
<i>Ius qualiter à iustitia differat.</i>	195
<i>Ius Romanum in regnorum delatione. 9. Alias preca-</i>	
<i>rium ubique.</i>	ibid. & 103
<i>Iustitia symbolum palma.</i>	330
<i>Iustinianus diuersas vnuit prouincias.</i>	67
<i>Iusti Asterij pacis Pragensis nullitates refutata. 301. &</i>	
<i>seqq.</i>	
<i>Ius postliminij in quo locum non habeat.</i>	194
<i>Ius regium.</i>	176

L.

L <i>Edo hodie Lira.</i>	136
<i>Leges communes an vetent alienationem partis regni</i>	
<i>per pacem fieri.</i>	176
<i>Leges regni fundamentales an pacem permittant, qua</i>	
<i>partem regni hosti tribuit.</i>	173
<i>Leo VIII. PP. requirit à Gallis opem laboranti Ecclesia.</i>	
58	
<i>Leges Romana in regnorum delatione recepta & non re-</i>	
<i>cepta à Cassano.</i>	9
	Lex

Index rerum

<i>Lex Cincia.</i>	100
<i>Lex regia. 4. Lex salica. 6. 42. 45. examinatur. 47. & seq. 55</i>	4
<i>Lex Valeria.</i>	175
<i>Lex regia.</i>	180
<i>Lex Rhodia.</i>	174
<i>Lex salica.</i>	
<i>Libertas noua religionis Batavos à rebellionem non excusat.</i>	
245	
<i>Ligua sacra bellum in Gallia.</i>	201
<i>Limburgum ad Brabantia Ducem spectat.</i>	84
<i>Lira antiquitus Ledo.</i>	136
<i>Longobardorum usus feudorum.</i>	10
<i>Lotharij Imp. & Car. Calui capitula.</i>	92
<i>Lotharingia feudum Imperij.</i>	319
<i>Lotharingia Mosellana & Ripuaria.</i>	88
<i>Louanium.</i>	333
<i>Louensis seu Louaniensis comitatus.</i>	136
<i>Louanienses memoriam Nortmannorum illic caforum quotannis celebrant.</i>	337
<i>Louanium caput Ducatus Lotharingia.</i>	338
<i>Ludouicus.</i>	7
<i>Ludouici XIII. ad Imp. Constant. ius.</i>	14
<i>Ludouicus à Benedicto coronatus Imperator.</i>	58
<i>Ludouicus XIII. an ex Clodouai masculina, an ex Hugonis Capeti stirpe?</i>	48
<i>Ludouicus Aurelianensis an Luxemburgi Ducatum vendidit aut vendere potuit.</i>	95
<i>Ludouici XIII. Consiliarij an praecepta Dei de honoranda matre satis examinent.</i>	152. & seqq.
<i>Ludouicus Flandr. Comes à VVenceslao Duce Brab. Antuerpiam impetrat.</i>	134
<i>Ludouicus XI. quo iuris praetextu Burgundia Ducatum inuasit. 145. iure in Flandriam excidit.</i>	116
<i>Lusatia Duci Saxonia accessit ex Pragensi pacificatione</i>	313
<i>Lusitania Regi Catholico iure successorio vbiuepit.</i>	256
<i>Lu-</i>	

Memorabilium.

<i>Lusitanici regni ius unde Margareta Valeſia.</i>	64
<i>Luxemburgum ad quem ſpectet.</i>	95

M.

M <i>Anduci deſcriptio.</i>	I. 3
<i>de māduci canina famis remedijs medicopoliticis.</i>	326
<i>Madrilum prope Lutetiam.</i>	214
<i>Magdeburgenſis Archiepiſcopatus Saxonis filio ab Imperatore permiſſus.</i>	320
<i>Magiſtratus hereticis fauentes excommunicati.</i>	232
<i>Maieſtatis nota.</i>	105. & ſeq.
<i>Maieſtatis rei eorumque filij & poſteri bonis excidunt.</i>	
	314. 315
<i>Malina.</i>	136
<i>Mantuanum & Sabaudicum bellum.</i>	262
<i>Marchionatus S. Imperij. 131. limites.</i>	ibid.
<i>Margareta Dania, Suecia, Noruegiaque regna vnire voluit.</i>	65
<i>Margareta Valeſia hereditas cui competat.</i>	199
<i>Marcani an ad Luxemburgi Ducatum ius habuerint.</i>	97
<i>Maria Med. Reg. Mat. cauſa belli inter alias aſſumta.</i>	252
<i>inhonoratur per malos conſiliarios Lud. XIII. 153. 286.</i>	
<i>pacis ergo ad S. Pontificem & Imp. ſcripſit.</i>	220
<i>Maria Luxemburgica ad Ducatum Luxemburgum ius.</i>	97
<i>Matrimonia Principum ſanguinis regij abſque aſſenſu Regis an valida.</i>	211
<i>Maximilianus Imp. Alberto Saxoni concedit Friſiam Occidentalem. 142. inde ceſſa Car. V.</i>	ibid.
<i>Mechlinia comitatus titulo inſignita.</i>	140
<i>Mechlinia. 135. quo iure antiquitus & hodie poſſeſſa.</i>	136. & ſeqq.
<i>Mechlinia ſub Bertholdis, ac deinde quo iure habita.</i>	138.
<i>hodie ſui iuris. 140. donata titulo comitatus.</i>	ibid.
<i>cur eo non utantur Principes.</i>	ibid.
<i>Mediolanum feudum Longobardicum.</i>	258
<i>Mediolanum Hiſpanis quē competat.</i>	256
	Mero-

Index rerum

<i>Meroueus Clodioni suffectus prateritis heredibus.</i>	<u>48</u>
<i>Metus an fœdera irritare possit.</i>	<u>186</u>
<i>Metus vicina potentia non est iusta belli causa.</i>	<u>262.265</u>
<i>Metus potentie Hisp. an iusta causa.</i>	<u>344</u>
<i>Metis à Francis iniuste possidetur.</i>	<u>261</u>
<i>Metenses quo iure à Francis subacti.</i>	<u>277</u>
<i>Metus sua munire, non <u>aliena</u> inuadere permittit.</i>	<u>263</u>
<i>Meum ac tuum omnium malorum fons.</i>	<u>327</u>
<i>Montfortius Tolosam Franco Regi cedit.</i>	<u>234</u>
<i>Morganatica nuptia.</i>	<u>45</u>

N.

N Amurcium. 129. olim sub Imperio.	<u>119</u>
<i>Nauarra Francia annexa.</i>	<u>62</u>
<i>Neapolitanum regnum. 190. & seq. Neapolit. regnum.</i>	<u>332</u>
<i>Neronis prodigalitas à Senatu improbata.</i>	<u>177</u>
<i>Nicaa à Bullonio expugnata.</i>	<u>338</u>
<i>Niuella. 133. C. nouit. X. de Iudicijs. <u>explicitum. 162.</u> applicatum ad Urbanum VIII. Ludonicum XIII. & Philippum IV. ob speciem presentis belli.</i>	<u>215</u>
<i>Normandia an ritè corona Francica accessit.</i>	<u>160</u>
<i>Normandia Normannis concessa.</i>	<u>55</u>
<i>Nort-Hollandia. 142. Orientalis.</i>	<u>ibid.</u>

O.

O Leum calitus allatum non tribuit maiorem potestatis eminentiam, quàm ab Ecclesia sanctificatum.	<u>169</u>
<i>Orciacum. 121. & seq. Flandria restitutum.</i>	<u>123</u>
<i>Ordinum consensus in alienatione an necessarius?</i>	<u>177</u>
<i>Ordinum potestas in regnorum delatione.</i>	<u>10</u>
<i>Ost-Frisia.</i>	<u>148</u>
<i>Otho I. Imperator. 58. Ecclesiam defendit.</i>	<u>60</u>

P.

P Acis fœdus ferire ad regem pertinet. 170 etiam immutata regni parte. 172. nec regnorum leges fundamentales. 173. nec communes id <u>vetant. 175.</u> nec iuramentum de non alienando, si urget necessitas. 183. causa & exempla. 179. & seqq. <u>184.197.</u> & seqq.	
--	--

Pacis

Memorabilium.

<i>Pacis pactio populo Rom. reservata.</i>	178
<i>De pacto pacis. 170. supremi iuris.</i>	ibid.
<i>Pacta an irrita sint ob metum.</i>	192
<i>Pax Antalcida an recte Pragensi comparata.</i>	321
<i>Pax Constantia.</i>	304
<i>Pactum Atrebatense.</i>	113
<i>Pax Sueffionensis.</i>	190
<i>Pax Madriliانا.</i>	190
<i>Pax Madriliانا confirmata.</i>	188
<i>Pax Veruiniana.</i>	191
<i>Pax cum Francis quare non coalescat.</i>	298. & seq.
<i>Pax Pragensis 30. Maij 1635. 301. à calumniis vindicata. 303. & seqq. 323.</i>	
<i>Pacis Veruiniana ruptio per Francos. 225. observatio per Hispanos.</i>	124
<i>De pacis infractione reparanda decretalis Innoc. III. c. nouit. x. de Iud.</i>	162
<i>De pace qua partem regni hosti tribuit.</i>	172
<i>Pax iustitiam requirit, & Dei honorem. 300. utilis esse non sufficit.</i>	305
<i>Pax rupta iusta belli causa. 230. compressio hæreticorum. 233. & seqq. 239. 243.</i>	
<i>Pax quæ violetur.</i>	227. 229
<i>Pax etiam inter duos. 321. socijs æque conditiones per socios panguntur.</i>	322
<i>ad Pacem spectat bellum aduersus hostes Imperij.</i>	324
<i>cur Pax componi inter Carol. Audacem & Lud. XI. nequiverit.</i>	116
<i>Pacem generalem an recte Franci petant.</i>	298
<i>In pace & bello ut Ecclesia se possit interponere. 196. 216. 222.</i>	
<i>Pax optima rerum.</i>	251
<i>Palatinus quare in pace Pragensi non comprehensus. electoratu priuatus.</i>	311 314
<i>Papa unire potest omnes Ecclesias.</i>	66
<i>Parlamenta comitia procerum.</i>	103
<i>ut mutata. 103.</i>	

Index rerum

Parlamentum Parisiense an rectè in causa Lotharingi egerit.	320
Parmensis ad Lusitania regnum. pretenso.	256
Persona principales dedi, aut liberari nequeunt. iniussu Regis.	288
Perturbatores quietis publicæ puniendi.	244
Pictavia an ritè corona Francica accessit.	160
Pictaviensis comitatus causa belli inter Anglum & Gal- lum.	166
Pipinus II. Francorum Rex.	7
Pipinorum patrimonium.	86
Philippus pulcher Austriacus ut malè à Francis habitus arcana protestatione ius servare coactus sit.	112
Philippus. Valesius prælatus Eduardo Angliæ Regi iure consuetudinario.	8
Philippi II. monita data filiis de bellis suscipiendis.	258
Platonis duo præcepta pro iis qui Reip. præsunt.	180
Possessio per multa iustificatur.	84
Pontificis in Reges & Principes auctoritas.	247
Pontificum mandatū quanti roboris in reges Francia.	167
Politicorum fallacia.	4
mala fidei Possessor nullo tempore præscribit de iure Ca- nonico.	82
Possessione sola non censentur bona unita.	68
in dubio melior conditio Possidentis.	85
Potestas <i>omnis</i> à Deo.	245
Potestas <i>omnis</i> à Deo ad adificationem non ad destructio- nem.	68
Præscriptione an tollantur actiones regales.	76. & seqq.
Princeps dominatu iuste exuitur qui pacem Christianam conturbat.	246
Principes expensis viribus quod non possunt contra hare- ticos, tolerant.	308
Principum Germania & Italia metus.	266
Promissiones servanda.	187
Protestantes Imperatori bellum intulerunt.	312
Pro-	

Memorabilium.

<i>Proteſtio vaſallorum an maiestatis nota.</i>	113.
<i>Proteſtio nihil mutat ex iure Domini ſuperioris.</i>	278
<i>Proteſtionem ſi Dominus ſuperior preſtare nequit, vaſallus alio reſpicere an poſſit.</i>	126
<i>Proteſtioni noua aut aduocatia Eccleſiaſtici ſe ſubdere non poſſunt.</i>	278.
<i>Proteſtio Francica quàm periculofa.</i>	276
<i>Prouincia à Carolo Caluo Boſoni data.</i>	55.

Q.

Q <i>Vies publica ab omnibus curanda.</i>	244.
<i>Quietus Belgica perturbatio per Francos.</i>	243.

R.

R <i>Aginerij Comites Hannonia, 125. ut deinde Burgundi. 127</i>	
<i>Raginerij Montenſes Brabantia Ducū progenitores. 93.</i>	
<i>Ratiocinatoris diſta refutata. 258. 261. 264 266. & ſeqq.</i>	
<i>Rebelles omnes criminoſi. 245. & eorum fautores. ibid.</i>	
<i>& 250.</i>	
<i>Rebellio iniuſta: auxiliorum cauſa.</i>	343
<i>Regales actiones an ſint. aterna.</i>	76.
<i>Reges deſenſores Eccleſia ſunt.</i>	243.
<i>Regna Europæa ex occaſu Imperij Rom. 6. quibus legibus deferenda.</i>	ibid.
<i>in Regnis Europæis quod ius vires habet.</i>	75. 81.
<i>Regna hereditaria qua dicantur.</i>	206.
<i>Regna inter proles olim diuidebantur.</i>	51
<i>Regna iure domeſtico deferenda.</i>	6. & ſeq.
<i>Regna præſcriptionibus ſubiecta.</i>	83
<i>ad Regem ſpectat pacis & belli arbitrium. 170. etiam ſi regni partem imminuat. 172. præſertim ubi neceſſitas ſuadet. 178. 180. 181. & ſeq. V. fœdera.</i>	
<i>Reges an poſſunt fœdera contrahere ſine ſcitu Ordinū. 210.</i>	
<i>Reges Eccleſia debent deſenſionem.</i>	243. 239.
<i>Reges ut pacta ſeruare teneantur. 188. etiam qua alioſ non aſſiciunt.</i>	187. & ſeq.

Index rerum

<i>Regnorum institutio populi non regum causa inuenta.</i>	77
<i>Regnum Neapolitanum Carolo V. cedit Franciscus I.</i>	190
<i>Regum non excommunicandorum, &c. privilegium.</i>	247.
<i>subiectio Ecclesie.</i>	ibid.
<i>Rex in ciuilibus habet absolutam potestatem.</i>	66
<i>Resortum Parlamenti in quantum Flandri recognouerint, 110, & seq. pro eo legationes.</i>	ibid.
<i>Robertus Comes Flandria cedit Insulis, Duaco, Orchiaco.</i>	
122. <i>sed irritè.</i>	123
<i>Rohingus Marchio S. Imperij.</i>	132
<i>Romanorum in protegendis amicis sinceritas.</i>	287
<i>Romani ut pacta seruauerunt...</i>	189
<i>Ruardus Flandria.</i>	110

S.

S <i>alica an sit lex de regni delatione.</i>	45. & seq.
<i>Salica lex & terra.</i>	42
<i>Salicam gentem & terram adhuc Galli inquirunt. 7. II.</i>	43
<i>Salica lex, terra, ubi hac sit, an illa fuerit.</i>	42
<i>Salus populi suprema lex.</i>	78
<i>Saxonis cum Imperatore reconciliatio defenditur contra Aferium.</i>	309. & seqq.
<i>Securitas quæ iusta belli causa.</i>	346
<i>Seditio varijs penis castigatur.</i>	246
<i>Senioris nomen unde.</i>	92
<i>ut Seniore aut Dominum mutare non liceat.</i>	92
<i>Sfortij Mediolani Duces.</i>	257
<i>Sicambrorum regio.</i>	130
<i>Sicularum regnorum inuestitura & ademptiones.</i>	32
<i>Sicilia an cum Imperio incompatibilis.</i>	34
<i>Sicilia unde ad sedem Apost. venerit.</i>	36
<i>unde ad Andegauenses.</i>	32
<i>quibus legibus obnoxia.</i>	38
<i>Romane ibi an Longobardica leges praualent.</i>	39
<i>Socij defendendi.</i>	252
	inim.

Memiorabilium.

<i>iniuriam passi non facientes.</i>	343.345
<i>Solimanni ad Romanum Imperium prætensio.</i>	5
<i>Sorbonici cadauer ob pluralitatem beneficiorum se damnatum proclamat.</i>	61
<i>Souuerani qui Principes.</i>	101
<i>Souueranus quis.</i>	279. & seqq.
<i>Souueranitatæ nota.</i>	105. & seqq.
<i>Successor an fœderibus obligari possit inuitus.</i>	204
<i>Suessi an in pace Pragensi comprehendi debuerint.</i>	316
<i>Sueci in Germaniam à Francis euocati.</i>	295
<i>Superior Dominus malè tractans vasallum directo domino priuandus.</i>	116. & seqq.
<i>Suspicio Monarchiæ an iusta belli causa.</i>	254
<i>Sylla dictator in annos LIII.</i>	4

T.

T <i>Aberlanus impiorum flagellum.</i>	5
<i>Taxandria.</i>	137
<i>Teneramunda.</i>	137
<i>Tituli nimium veteres vaniloquentia.</i>	5
<i>Tituli Regnorum acquirendorum legitimi Cassano, illegitimique.</i>	12. tot. c. 4.
<i>Tolosa quomodo in manus Francorum venerit.</i>	234
<i>Tornacum.</i>	149
<i>Tornesium.</i>	149
<i>Traiectensis ad Mosam Ecclesiæ status modernus.</i>	237
<i>Transisalania.</i>	146. ex illa primi Franci, iuris Imp.
<i>ibid.</i>	
<i>Translati Imperij causa.</i>	59
<i>Treveri an ritè sint recepti.</i>	272
<i>Treuirensi Electori non licuit se in alterius protectionem dedere.</i>	278
<i>Treuirensis Elector an sit Souueranus.</i>	279
<i>Treuirensis Episcopus olim Belgij primas.</i>	286
<i>Tullenses quo iure à Francis subacti.</i>	277
<i>Tullum à Francis iniuste possidetur.</i>	261

Index rerum

Turca per Francos in Christianas ditiones sapina euocati.

269

*Turca ex Cassani argumento ut prætendere Imperium,
et regnum Gallia possint.*

54

V.

V Allis Tellina.

264

Valencena.

149

Vasallus amittit feudum cum hoste sui Domini paciscens.

274.

Vasallus personaliter homagium præstare tenetur.

263

Veneti dum Pisanam Remp. euertere conantur sua periculum subeunt.

331

Verdunum à Francis iniuste possidetur.

261

Verdunenses quo iure à Francis subacti.

277

Vespera Sicula.

77

Victoria iustus acquirendi titulus Cassano.

14

de Violatione pacis.

222

Vido Dux Spoletanus Imperator.

58

Vis an fœdera irritare possit.

186

Virilis sexus non continet solum primogenitum.

48

*Vltraiectum. 143. antiquitas, potentia, situs, iuris Imp.
ut ad Car. V. deuenerit.*

144.

*Vnio an prouinciarum, quas petit Cassanus, facta ali-
quando.*

64.

Vnio beneficiorum excusat. vetitam pluralitatem.

61

Vnctio Regum Francia non imprimit characterem.

168

De Vnione.

52

Vnio multis ceremonijs fieri debet.

62

Vnio Latinorum cum Romanis.

71

Vnio Latinorum cum Troianis.

72

in Vnionibus causa cognitio.

69

Vnioni contradicendi iusta causa.

71

Carolus Magnus Regno Francia unire voluit Imperiũ.

71

Vnio ditionum an ipso iure fiat, an facto opus sit.

60

Vnio Salica.

61

Epi-

Memorabilium.

<i>Episcopus Vnire potest duo beneficia.</i>	67
<i>possidens duos Episcopatus non potest illos Vnire.</i>	67
<i>Reges an plures prouincias Vnire possint inuitas.</i>	66
<i>Vnio prouinciarum an per reges fieri posset populo refragante.</i>	66
<i>Vnire unione uniuersali est supremi Domini.</i>	66.
<i>Vniri Imperio cur Franci noluerint.</i>	71. bona non censentur unita ex sola possessione.
<i>Urbani VIII. breue ad Ferdinandum Imp. approbans edictum de bonis Ecclesie restituendis.</i>	308
<i>Urbanus VIII. 215. eius epistola ad Mariam Reginam Francia super pace. 220. fecialis Belgicus.</i>	215
<i>Vsus feudorum à Longobardis.</i>	10.
<i>Vtilo Marchio S. Imperij.</i>	132.

W.

<i>Wesegastus.</i>	53
<i>WVestfrisia.</i>	148
<i>S. WVillebrordus à Rohingo accipit Ecclesiam Castri Antuerpiensis.</i>	132
<i>S. WVillebrordus Vltraiekti Episcopus.</i>	143
<i>WVasda siue WVasia.</i>	139.

Z.

<i>Zelandia.</i>	127.
<i>Zele pagus in Brachbent.</i>	137.
<i>Zelimus Baiazetis frater Roma captiuus.</i>	332. 334.
<i>Zutphania Sicambrorum regio. 130. Salica gentis olim sedibus contigua.</i>	130
<i>Zutphania Austriacis unde.</i>	190.

E I N I S,



مصر

8

